

Binnet

160-Porte





82.A.2

~~81.e.b~~

~~19.e.1.17~~

(A letter 82.d.8.)







ANTVERPIÆ, EX OFFICINA PLANTINIANA BALTHASARIS MORETI. M. DC. XLV.

1645

DUPLICATE
SOLD NOV. 1919.

I M P. C Æ S.
FERDINANDO III.

AVG. PIO, IVSTO, FEL.

GERMANIÆ, HVNGARIÆ,

BOHEMIÆ, ILLYRICI,

DALMATIÆ, CROATIAE, ETC.

R E G I:

ARCHIDVCI AVSTRIÆ, ETC.



IMPERATORVM Roma-
norum I CONES, ab Hub.
Goltzio, Antiquario cele-
berrimo, è priscis Numisma-
tibus delineatas, & breui nar-
ratione Historicâ illustratas, ad SACRÆ
CÆSAREÆ MAIESTATIS TVÆ
pedes adfero. Accessêre & eorum qui ex
Augustâ AVSTRIÆ Tuæ Domo, con-
tinuâ

vj

tinuâ serie feliciter Orbi imperarunt, Ico-
NES & ELOGIA, succincto styli nostri
compendio designata. Quamquam equi-
dem fatear, eam esse Ingenij mei tenui-
tatem, vt incomparabiles maximorum
Heroum Virtutes minimè affecutus sim.

Quis Martem tunicâ tectum adamantinâ

Dignè scripserit? Aut puluere Troico

Nigrum Merionem? Aut ope Palladis

Tydiden Superis parem?

Ait Lyricus.

Imò verò, quis laudatissimos Imperato-
res, DIVOS, inquam, Progenitores
TUOS, RODOLPHOS, ALBERTOS,
FREDERICOS; quis MAXÆMILIA-
NOS, CAROLOS, FERDINANDOS,
Pios, Iustos, Pacificos (vno verbo) AV-
STRIACOS, Victores ac Triumphato-
res Augustissimos, dignè recenseat? Quis
præclara eorundem aduersus Ottoman-
nicam rabiem & Orthodoxæ Religionis
hostes facinora atque in Rempub. Chri-
stianam

vij

stianam merita enumeret? Quis propè
Diuina, quæ in illis effloruere, & in Te
modò, CÆSAR, certatim elucent, Re-
giarum Virtutum decora & ornamenta,
enarret? Ista certè ——— *sparguntur in omnes,*

Clau-
dian.

In Te mixta fluunt. Et qua diuisa beatos

Efficiunt, collecta tenes:

Heroicam, dico, in vtrâque Fortunâ Mo-
derationem, Fortitudinem, Clementiam,
Prouidentiam, IUSTITIAM.

Tantaq; se rudibus PIETAS ostendit in annis,

Sic Ætas Animo celsit; quærentur ut omnes

IMPERIVM Tibi serò datum. VICTORIA *velox*

Auspiciis effecta Tuis.

Idem
de m.
Confu-
lat. He-
norij
Aug.

Nam & Vrbes munitissimæ primis armo-
rum tirociniis à Te expugnatae ac receptae
sunt, Ratisbona, Donauerda, NORLIN-
GA, aliaque: de quæ Suecis ac Romani Im-
perij perduellibus VICTORIA longè clarif-
sima, Tuo & Serenissimi Principis FER-
DINANDI, Hispaniarum Infantis, ductu
est

viii

est relata. Et tum quidem ANTVERPIA, pro perpetuo suo in Augustam AVSTRIÆ Domum cultu, ARCV FERDINANDINO erecto, Epinicia sua & applausus publicos testata est. At tantus fuit eius Victoriæ splendor, vt longè infra eius dignitatem conatus nostros cecidisse fateamur.

Animosè olim Iphicrates, clarus bello Dux, cùm post insignem de Lacedæmoniis, ad Corinthum, partam Victoriæ, Athenienses eius Honori COLUMNAM, rei gestæ monumentis inscriptam, dedicassent, ita eosdem est affatus:

Aristides Oratione 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.
Ἰμεῖς μὲν, Φησὶν, οἶεσθε, ὧ ἄνδρες Ἀθηναῖοι, παρ' ὑμῶν ταῦτά μοι ΓΡΑΜΜΑΤΑ, καὶ τὴν ΣΤΗΛΗΝ εἶναι πνευμένην: ἐμοὶ δὲ ΣΤΗΛΗ ΟΥΡΑΝΟΜΗΚΗΣ ἔστηκεν ἐν τῇ Πελοποννήσῳ, μαρτυροῦσα τὴν Ἀρετὴν. Vos quidem, inquit, arbitramini, ὦ Athenienses, COLUMNAM istam, & INSCRIPTIONES, magnificum quiddam mihi à vobis contigisse: at mihi COLUMNA CÆLVM ATTINGENS in Peloponneso est erecta, Virtutis meæ testis.

Potiori profectò iure Maiestas Tua de se meritò prædicare queat; Trophæum ad Cælum

Cælum vsque pertingens, de Romani Imperij, auitæq; Religionis hostibus, ad NORLINGAM sibi esse erectum, perpetuum Virtutis Pietatisque Tuæ monumentum: nempe iis Armis partum, quibus veri cultus Diuini propugnatio & propagatio, Populi que Salus, non Dominandi libido, scopus ac finis est propositus.

Iam verò, CÆSAR, quis Cælestem Animum Tuum, tot Disciplinarum studiis excultum, omniaque Humana ac Diuina Ingenio complexum, ex merito venerari possit? Illum, inquam, Animum,

ὃ ὑπάρχει Διάνοια μεγαλοπρεπὴς, καὶ Θεωρεῖα παντὸς μὲν Χρόνου, πάντας δ' ἑστίας:
cui adest Mens excelsa, & Conspectus omnis Aevi, omnisq; Natura:

vt cum Platone loquar. Itaque, cum non tantum Maiestatis Tuæ, sed & Ingenij fascibus, qualemcumq; Eloquij felicitis præstantiam procul à Te submoueas; liceat mihi iis verbis quibus TITVM Aug. Orbis

★★

Deli-

Lib. vii.
 de Re-
 pub.

Delicias, olim compellauit Plinius, Maie-
statem Tuam affari: *Te quidem in excelsissimo Humani
Generis fastigio positum, summâ Eloquentiâ, summâ Eruditione pradi-
tum, religiose adiri etiam à saluantibus scio. Et ideò immensa, præter
ceteras, subit Cura, ut quæ Tibi dicantur, Te digna sint.*

Et hoc quidem tantò magis, quòd non
ita pridem à Maiestate Tuâ CÆSAREI
HISTORIOGRAPHI Munus decretum
mihi & collatum sit. Neque enim me la-
tet, ut Alexander olim non nisi ab eximiis
artificibus, Apelle & Lysippo, exprimi
effigiem suam passus est; ita etiam præ-
clarissimas eius expeditiones & Victorias,
non nisi à summis viris, consiliorumque
eius consortibus, memoriæ proditas ef-
se: ab Aristobulo nempe & Ptolemæo,
Lagi Fil. qui deinde Ægyptum Regno
obtinuit.

Quin imò, Munus istud maximis &
grauissimis Imperatoribus tanti visum est,
ut & ipsi illud à Dignitate suâ haud alie-
num

num iudicarent. C. IULII CÆSARIS
 Commentarij etiamnum in manibus om-
 nium versantur. OCTAVIANVM AVG.
 TIBERIVM, CLAVDIVM, HADRIANVM,
 SEPTIMIVM SEVERVM, aliosque Cæsares,
 de Vitâ suâ Libros conscripsisse, Historici
 testantur. MARCVS Imp. Philosophus,
 Lib. I. ΤΩΝ ΕΙΣ ΕΑΥΤΟΝ, T. ANTONINI PII
 Aug. Vitam moresque latè enarrat. Quæ
 exempla deinde & Byzantini Imperato-
 res secuti sunt. Nam & CONSTANTI-
 NVS VII. Porphyrogenitus, LEONIS VI.
 Aug. Philosophi Filius, de Vitâ Rebusque
 BASILII Macedonis Aug. Aui sui, Histo-
 riam, quæ hodieque exstat, edidit: vt de
 Pandectis Historicis, curâ iussuque eius-
 dem concinnatis, nihil dicam. Sic & IOAN.
 CANTACVZENVS Aug. de Rebus à se &
 ANDRONICO PALÆOLOGO Aug. gestis,
 Libros IV. ad Posterios transmisit.

Sed ne tantum Fortunæ Tuæ , CÆ-
 SAR , sed & Augustæ Familiæ Exempla
 adferam; Roius
 Annal.
 Austr.
 Lib. viii.
 Hieron.
 Rufcell.
 Epistolâ
 penult.
 Princip.
 viror. DIVI, MAXÆMILIANVS I.
 & CAROLVS V. Maiores Tui, de Vi-
 tâ Rebusque suis Commentarios reliquē-
 re. Quod & Maiestati Tuæ pronum foret,
 nisi (quæ Tua est de subditis populis cura)
 maior Tibi de rebus porrò fortiter geren-
 dis, quàm de gestis memoriæ mandandis
 sollicitudo incumberet.

Dum enim tot Gentes coniuratae, ac
 velut è Gallo Phrygiæ flumine potassent,
 lymphatae, Augustam Domum Tuam,
 id est, suam aduersus Ottomannicos Fu-
 rores Propugnatricem, bello vndique as-
 sultant,

Claud. — LATIVMQVE alternis istibus anceps
 IMPERIVM dum pulsat Hiems; nil fessa remittit
 Officij, Virtus: contraq; minantia Fata
 Peruigil, euentusq; sibi latura secundos,
 Maior in Aduersis lucet.

Cum

Cùm autem Posteritatis interfit, perpetuos Tuos, Augustæque Domus, pro Re-
pub. Christianâ exantlatos labores, & incomparabilis Virtutis illustria Documenta Litterarum monumentis consignari; illa profectò omnes præclaras Animas Æternitati suæ vectigales habebunt: nec Famam à cuiusquam calamo accipient, sed dabunt.

Interim ipse Diuino Maiestatis Tuæ Iudicio animatus, assumptâ Fiduciâ, cum prisco Oratore dicam: *Cedant priuatorum Studiorum ignobiles cura. Perpetua mihi erit Materia dicendi, qui me probauit IMPERATOR.*

Scribebam ANTVERPIÆ Ambiuaritorum, Anno, post Virginis partum, Millesimo, Sexcentesimo & Quadragesimo quinto, ineunte: qui Annus modò agitur BIS-MILLESIMVS à Natali ALEXANDRI MAGNI, Macedonum Regis.

Eum-
nius,
Pang.
Con-
stantini
Aug.

Natus
est ALE-
XAN-
DER ante
Chri-
stianam
Æram
Anno
CCCLV.

xiv

gis. Quem Principem, vt Augustæ Domus Tuæ Maiestas à RODOLPHI MAGNI Pietate orta, ac felicissimâ propagine per Orbem diffusa, Regiis Virtutibus, Imperiiq̃ue Amplitudine ac Diuturnitate longè supergressa est; ita porro PIETATE & IUSTITIA Tuâ ad Generis Humani commoda procuranda assidue excubantibus, eadem vt perennet voueo,

SACRÆ CÆSARÆ MAIESTATI TVÆ

Æternū Denotus

CASP. GEVARTIVS.

SVMMA PRIVILEGII REGIS CATHOLICI.

PHILIPPVS IV. *Hispaniarum & Indiarum Rex Catholicus, & Potentissimus Belgarum Princeps, Diplomate suo sancit, nequis Icones IMPER. ROMANORVM, ex priscis Numismatibus ad viuum delineatas, & breui Narratione Historicâ illustratas, per Hubertum Goltzium; quibus accessit modò IMPER. ROMANO-AVSTRIACORVM Series, ab ALBERTO II. Aug. ad vsque FERDINANDVM III. Aug. per annos CC. continuos deducta Stylo & Operâ Casperij Geuartij I. C. Archigrammataei Antuerpiani & Historiographi Cæsarei; præter Balthasaris Moreti voluntatem ullo modo intra nouennium imprimat, aut alibi terrarum impressas, in Germania Inferioris ditiones importet, Venalēſſe habeat. Qui secus faxit, confiscatione librorum & aliâ graui penâ mulctabitur; Vti latius patet in litteris datis Bruxella XIV. Nouembris M. DC. XLV.*

Signat.

Steenhuysen.

APPROBATIO CENSORIS.

VITÆ & ELOGIA IMPERATORVM ROMANORVM,
ab Huberto Goltzio pridem descripta, ac Stylo & Operâ
Cl. Viri Casperij Geuartij I. C. Historiographi Cæsarei, ad
hæc vsque Tempora continuata & producta, *nihil continent
Orthodoxa Doctrina aduersum; atque ad usum Antiquitatis Studioso-
rum utiliter in lucem proferentur. Actum Antuerpiæ x. Nouembris
Anno M. DC. XLV.*

P. Coens S. T. Licent. Canonicus
Cathedral. Ecclesiæ D. Virginis,
& Lib. Cens. Antuerp.

TEMPO.

TEMPORE QVO PRIMIS AVSPICIIS IN MVN-
 DANVM FVLGOREM SVRGERET VICTVRA
 DVMERVNT HOMINES ROMA, VT AVGE-
 RETVR SVBLIMIBVS INCREMENTIS FOEDERE PACIS
 ATERNÆ, VIRTVS CONVENIT ATQVE FORTVNA,
 PLERVMQVE DISSIDENTES: QVARVM SI ALTERA
 DEFVISSET, AD PERFECTAM NON VENERAT SVM-
 MITATEM. EIVS POPVLVS AB INCVNABVLIS PRIMIS
 ADVSQUE PVERITIÆ TEMPVS EXTREMVM, QVOD
 ANNIS CIRCVMCLVDITVR FERE TRECENTIS, CIR-
 CVMVRANA PERTVLIT BELLA: DEINDE ATA-
 TEM INGRESSVS ADULTAM, POST MVLTIPLES
 BELLORVM AERVNAS, ALPES TRANSSCENDIT
 ET FRETVM: IN IVVENEM ERECTVS ET VIRVM,
 EX OMNI PLAGA, QVAM ORBIS AMBIT IMMEN-
 SVS, REPORTAVIT LAVREÆ TRIUMPHOS: IAM-
 QUE VERGENS IN SENIVM, ET NOMINE SOLO
 ALIQVOTIES VINCENS, AD TRANQVILLIORA
 VITÆ DISCESSIT. IDEO VRBS VENERABILIS, POST
 SVPERBAS EFFERATARVM GENTIVM CERVICES
 OPPRESSAS, LATASQUE LEGES, FVNDAMENTA
 LIBERTATIS ET RETINACVLA SEMPITERNA, VEL-
 VT FRVGI PARENS, ET PRVDENS, ET DIVES, CÆ-
 SARIBVS TAMQVAM LIBERIS SVIS REGENDA PA-
 TRIMONII IVRA PERMISIT. ET OLIM, LICET
 OTIOSÆ SINT TRIBVS, PACATÆQUE CENTVRIÆ,
 ET NVLLA SVFFRAGIORVM CERTAMINA, SED
 POMPILIANI REDIERIT SECVRITAS TEMPORIS;
 PER OMNES TAMEN QVOTQVOT SVNT PARTES
 TERRARVM VT DOMINA SVSPICITVR ET REGINÆ;
 ET VBIQUE PATRVN REVERENDA CVM AVCTORI-
 TATE CANICIES, POPVLIQUE ROMANI NOMEN
 CIRCVMPECTVM ET VERENDVM. Ammianus Mar-
 cellinus lib. xiv.



CIVILIS CÆSAR non immerito inter fortissimos numeratus est Heroas, qui præ aliis hominibus maximis ornatu virtutibus Imperia administraverunt: nam huius prudentiâ atque consilio Deus ultimam Monarchiam exordium sumere, totumque Terrarum Orbem in optatum rerum statum redigi voluit. Hic igitur Iulius cum totam Galliam (quam nunc partim Franciam, partim etiam Germaniam Inferiorem appellamus) gravissimis præliis vicisset, cum Germanos bello vexasset, eorumque civitates plurimas Romano Imperio adiecisset, ingenti gloriâ Romam rediit, sibi Triumphum ac Consulatum in annum sequentem postulavit. Et quamvis ea petitio Populo Romano pleretur, multique Cæsarem seu virum strenuum suspicerent, adeo ut ei Consulatus dignitas à Tribunis plebis promitteretur, non potuit tamen vni Cn. Pompeio persuaderi, quin is Iulio oppressionem intentare, apertoque prælio resistere cœperit. Hos tumultus ut sedaret M. T. Cicero, utrique parti æquissimas ac tolerabiles condiciones adducebat, adeo ut etiam Iulium in suam sententiam traheret: ceterum Pompeius omnes rationes improbè recusans, se non prius pacis leges recepturum respondit, quam amputatum Iulij caput sibi adferri videret. Hinc mox civile bellum adeo cruentum exortum est, ut Iulius, ex necessitate consilium sumens, ex Pompeij militibus supra quater centena millia occidisse feratur. Pompeius tandem in Ægyptum fugit, ubi à Ptolemæo Ægypti Rege iuniore per insidias occisus, eiusque caput ad Iulium delatum fuit: quod simul atque vidisset Cæsar, fleuisse admodum dicitur. Iuxta Larissam qui è prælio superfuerant, in gratiam recepit; ac eis, quidquid in eum admiserant, libentissimè remisit. Nec unquam habuit Orbis perinde potentem Principem, qui post victoriâ maiori sit clementiâ erga suos hostes vñs, qui se vltro dediderunt. Sæpenuerò eum dixisse ferunt, se ex bello civili non alium fructum percepisse, quam quod multos servarat, quos prælio superatos trucidare potuerat. Quinquagesies signis collatis pugnavit, neque unquam quisquam feliciori Marte, bis vno die, cum centies mille hostibus dimicavit. Europam gravissimis præliis, Africam consilio, Asiam verò non minori ingenij dexteritate vicit, quam prudentiâ servavit. Quamobrem frequenter dicere solebat, se non suæ vitæ timere, sed casum suum Reipub. Imperioque Romano exitialem fore. Nec eum omen fefellit: nam stabilitâ iam in omnibus regionibus pace, postquam ei Senatores in gratitudinis argumentum Templum Clementiæ extruxissent, eumque Dictatorem perpetuum patriæque Patrem appellassent, eodem die quarta, & ut quidam volunt, vltima Monarchia, sub hoc Principe initium sumpsit: tandem à Bruto, Cassio & Metello, in Capitolio quatuor & viginti vulneribus confossus est: eamque hi speciem prætexebant, quod inhonestum esset Senatui Romano superiorem se in Imperio dominum ferre. Patrata fuit hæc cædes ab Vrbe conditâ anno septingentesimo decimo; quam hæc prodigia secuta sunt: Stella crinita per septem dies continuos fulsit: Bos aranti dixit, Citius deficient homines quam iumenta: Tres Soles visi, statimque in vinum corpus redacti sunt. At facinus tam immane non diu inultum reliquit Deus: nam quotquot conspirauerant in mortem Iulij (fuerant autem illi ex Pompeij militibus, quos Cæsar non modò in gratiam receperat, verum & ad maximos honores prouexerat) non diu post & ipsi trucidati sunt. Diu admodum multumque deliberatum est, num percussores simul cum Capitolio igne consumere expediret: at illi mox strictis gladiis in publicum se proruerunt; ac sic tandem, Vrbe relicta, fugâ vitæ consuluerunt. Hos continuo maximo cum exercitu secutus est M. Antonius Cos. qui & regnum affectabat: ac mox alterum est bellum civile subsecutum.

*Romana
& Monar-
chia ini-
tium.*

*Bos aran-
ti locutus.
Tres So-
les.*

SATIVS EST SEMEL MORI,
QVAM ASSIDVA SPE ET EXSPECTATIONE
VITAM PERDERE.



Anno Imperij v. ætatis verò LVI. inopinatâ cæde
oppressus periit.



CÆSAR OCTAVIANVS ex testamento Iulij in eius familiam adscitus, atque ex adoptione heres factus, ex Academiâ, cui iam annos aliquot, ad meliorem parandam animi culturam, in Græciâ operam nauarat, adolefcentis annorum circiter nouemdecim Romam reuersus est. Quò sanè cùm rediisset, ciuili bello etiamnum grassante, minimeque extincto, atque adèd in ipsâ flammâ, ope Ciceronis sese aduersus seditiosos coniuratosque nihil tale quidpiam opinantes confestim præbuit, sedemque patris Iulij auream in forum apportari fecit, in eaque sedens Tribunatum petiit. Postea verò ab Senatu pro Prætorè comparato exercitui præesse iussus, vt cum A. Hircio ac C. Vibio Pansâ C o s s. bellum contra Antonium conficeret, vimque eius armis comprimeret, ne qua noua de integro in Rempub. seditio exsurgeret, expeditionem quàm mox parauit. Sapienter quippe Senatores rati, amplissimum Imperium multo sanguine partum, aduersus Romanos suam iniuriam posse haud difficulter vindicare. Neque enim satis erat, percussores Iulij fuisse occisos, cùm ex eorumdem stirpe nonnulli etiamnum superstites velut pullularent, quos iteâm multo sanguine multoque labore præcisos prius oportebat. Cùm ergo hi ad istum modum vrbe exiissent, Pansâ ex insidiis ab Antonio fuit interceptus, multiq; ex militibus eius occisi. Mox etiam Hircio itidem contigit. Victus tamen fugatusque fuit Antonius. At Cæsar vt Antonium post fugam ab Emilio Lepido receptum cognouit, societatem cum Antonio & Lepido iniit: ac nouum Magistratum instituentes, Regnumque in tria partiti, sese Triumuiros Reipub. constituendâ appellarunt. Deinde permutatione detestabili inimicos suos alter alteri necandos tradidit. Ex quâ quidem re ita ad eorum, quos odio prosequerantur, vindictam succensi erant, itaque eorumdem plenis (quod aiunt) buccis mortem sitiebant, vt ne amicissimis quidem parcere potuerint. Aded in iis amor, fides, iussu sanguinis planè extinctum fuit. Præterea proscriptionum librum inter sese composuere, in quo Ciceronem Cæsar, Paulum Lepidum fratrem suum germanum Lepidus, ac L. Cæsarem auunculum suum vnâ cum matre Antonius, proscripserunt. Fuere etiam in eodem illo libro proscripti Senatores centum & triginta duo, ex Equestri ordine triginta, ciues ex Optimatibus centum & triginta octo. Huiusmodi libro composito, in Vrbem cum omni exercitu redierunt: quodque antè animo conceperant, re perfecerunt, atque ipsos proscriptos partim laqueo, partim nece, partim incendio & spoliis, aliisque modis vitâ priuarunt. Cicero, posteaquam de proscriptionum libello audierat, nihil fugâ tutius fore ratus, in ipsâ fugâ abreptus, dextraque præcisâ, capite obruncatur. Eius verò caput pro rostris, impositum hastæ, erectum fuit. His tandem ita perpetratis, in Græciam aduersus Iulij percussores profecti sunt: qui vbi se victos, infirmioresque quàm vt hostibus resisterent, cognouissent, semet interemerunt. Postea quisque in Regnum, quod ex superiori diuisione sibi obuenerat, profectus est: Lepidus in Africam, Antonius in Asiam; atque in Europam, Romam nempe, Octauius. Hic Perusiam, eo die, quo Iulius interfectus est, trecentos Optimates interemit, atque in arâ Iulij combussit. Post deinde Lepidum, leui atque exiguâ occasione motus, perpetuum Romani Imperij exsulem iudicauit. Tandem etiam se Antonio inimicum apertè professus est, quodd, repudiatâ sorore suâ Octauiâ, Cleopatram Ægyptiæ Reginam in vxorem duxisset. Quare Antonium acerrimo bello deuicit, & ad mortem etiam adegit. Atque vbi iam quinque illa ciuilia bella gessisset, Mutinensè nimirum, Philippense, Perusinum, Siculum atque Actiacum; vtque Dalmatiam, Pannoniam, Cantabriam, Aquitaniam, Germanosque vltra Albim fluiuium submouisset, Sueuos, Sicambros, ac Danos coercuisset, domuissetque; cumque item & alias nationes malè quietas ad obsequium redegerisset, pax terrâ mariq; illicò subsecuta est. In cuius profectò perpetuam memoriam militum sex millia in crucem egit. Atque ita tandem triumphans Romam rediit, templumque Iani pro more clausit: perpetuusque Tribunus, Pater patriæ, & Augustus, à populo salutatatus ac nominatus; templumque Pacis illi decretum est, anno ab Vrbe conditâ DCCCXXVI. ante natiuitatem verò CHRISTI anno XXV. qui quidem natus est, postquam hic Imperium annis propè XLII. administrasset.

ROMAM LATERICIAM ACCEPI,
MARMOREAM RELINQVO.



Cùm annos LXXVI. vixisset, Regni sui LVI anno
veneno extinctus est.



TIBERIVS Augusti priuignus fuit, filius Ti. Claudij Neronis & Liuiæ Drusillæ, qui vnâ cum fratre N. Claudio Druso ab Augusto (cui tamen nepos ex filiâ erat) adoptatus fuit; idque impulsu atque hortatu Drusillæ, quam grauidam marito rapuerat. De Tiberio infante Mathematicus Scribonius præclara spondit, etiam regnaturum quandoque, sed sine regio insigni. Huic Augustus filiam Iuliam, Druso verò fratri Antoniam M. Antonij filiam vxorem dedit. Strenuus vterque fuit, ac in re militari optimè instructus: verùm Drusus in Germaniâ bello periit; cuius filium Germanicum Tiberius postea adoptauit, quamuis & ipse filium haberet, qui Drusus appellatus fuit. Tiberius pro Augusto in Oriente præclare multa gessit: Armeniis Tigranem Regem constituit, signaque militaria M. Licinio Crasso à Parthis adempta recuperauit. Deinde grauissimis præliis Germanos adortus, quadraginta millia captiuorum secum in triumphum duxit. Posthæc rursus Illyriam, Thraciam, Macedoniam & Mysiam, Romano iunxit Imperio, quæ antea per ingentem M. Quintilij Vari stragem (hic in Germaniâ cum tribus Romanorum legionibus perierat) Regno deficiuerant. Postea iterum in Germanos bellum mouit, tametsi dubio ferè animo, quòd animosos admodum illos videret: ac post biennium maximo cum triumpho, gloriâ & victoriâ, Romam rediit. Hic cum Augustus, ceu virum strenuum & in re militari peritissimum, coram laudare cœpit, vnicumque Pop. Rom. refugium ac præsidium appellauit. Tum demum Liuiæ filium (cuius scelestissimum fucatumque ingenium perspectum habebat) ad Regnum promouere omnibus modis tentauit. Inerat enim ei ingenium pessimum, truculentum, avarum, insidiosum, simulans ea se velle quæ noller: his quasi insensu, quibus consultum cupiebat, his verò quos dederat, quasi beneuolus apparens. Postquam igitur Liuiæ Augustum veneno necasset, Tiberius verò M. Agrippam, ne propter heroicam faciem Regno præficeretur, occidi iussisset delatum à Patribus Principatum prolixa fictaque oratione recusauit; Imperialis molestiæ magnitudinem declinauit: adeo vt eum omnes ex animo dixisse credentes, suffragia in Germanicum conuerterent, qui & post multas victorias signa militaria Varo à Germanis erepta restituerat, maximoque cum triumpho Romam redierat. Hic protinus Tiberius fucum detegens, quasi coactus recepit Imperium: nec tamen aliter, quàm vt depositurum se quandoque spern faceret. Hæc anno ab Vrbe conditâ septingentesimo sexagesimo nono, post natum CHRISTVM anno decimo sexto gesta sunt: eius verò Imperij anno octauo decimo CHRISTVS Ierosolymis cruci affixus, mortuus, sepultus, tertiaque deinde die è mortuis surrexit. Quod cum Tiberius Pilati sui Præfecti litteris intellexisset, etiam præter Senatus voluntatem CHRISTVM inter Deos adnumerari voluit. Postquam per aliquot annos Romæ vixisset, nulli non voluptatis generi addictus, tandem in insulam Capreas secessit, vbi & luxuriæ, immanissimisque cædibus vacauit: nulli affinium vsque adeo non pepercit, vt vel proprias proles veneno extinxerit. Indies multos è Senatoribus, Nobilibus, ciuibusque, crudelissimis necauit tormentis; quorum filios ac vxores in Gemonias pertractos ex alto præcipitari iussit: virgines, immaturasque puellas, quas more tradito strangulare nefas erat, primum à carnifice vitari, ac deinde strangulari iussit. Exterarum quoque nationum Legatos, ne eius sæuitia aliis innotesceret regionibus, atrocissimis suppliciis interfici iussit. Tum ab Imperio Romano deficiuerunt Parthi, Armenij, Mæssij, Bulgari, Daci, Poloni; & Germani quoque, post defectionem, totam depopulati sunt Galliam: ac vt semel dicam, nulla vix toto orbe regio erat, quæ non multis scateret seditionibus.

III.

7

ME MORTVO TERRA IGNI
MISCEATVR.



Ætatis anno LXXVIII. Regni verò XXIII.
veneno necatus est.



GERMANICUS Germanici & Agrippinæ filius fuit, cuius patrem vnâ cum duobus fratribus Nerone & Druso occiderat Tiberius, eiusque matrem formosissimam post charissimi mariti mortem nefando stupro commaculare studuerat: verum illa assidue flendo mori potius inedia destinauit, quam Tiberij scelestissimæ libidini satisfacere. Hunc C. Germanicus lento veneno, quemadmodum ille patrem Germanicum, extinxit: ac deinde sicut antea fratres, ita & illum inedia fameque consumi voluit. Posthæc Regnum adeptus est anno à Christo nato trigessimotertio. De eo tamen antea affirmauerat insignis Mathematicus Thrasillus, non magis Caium imperaturum, quam per Baianum sinum equis discursurum. Quare Cæsar, non sine magnâ omnium admiratione, Baiaarum medium interuallum & Puteolanæ molis, trium millium & sexcentorum fere passuum ponte iunxit; per quem nunc equo, nunc curru vltro citro commeauit. Huius pontis & in hunc vsque diem nonnulla adhuc visuntur monumenta: Hic Tiberium atroci crudelitate longè superauit. Ex homine princeps versus est in monitum: seuitiæ atque adeo luxuriæ tam addictus fuit, vt cum omnibus sororibus suis, Agrippinâ, Drusillâ ac Iuliâ, stupri consuetudinem fecerit. Tandem nec propriæ filiz, quam ex lasciuâ vxore Cæsoniâ susceperat, pepercit, quin iam etati nondum integræ vim intulerit. Multorum ciuium formosissimas vxores à maritis perdoctas sibi coniunxit, breuique easdem repudiavit. Primus omnium apud Romanos purpurâ indutus, geminique ornatus est. Pium, castrorum Filium, Patrem exercituum optimum maximum, maxime strenuum Principem, Principum patrem, Deum denique Deorum se appellari iussit. Deorum simulacris caput demi, suumque imponi caput iussit, seipsum Latiælem Iovem appellans. In templo ipsius simulacrum stabat aureum iconicum, quod amiciebatur quotidie veste quali ipse vteretur, eidemque summos honores & sacrificia exhiberi imperabat. Sui præterea simulacrum per omnes regiones adorandum circumferri voluit. Quod cum Iudæi deū legis diuinæ obseruantiores facere non vellent, in eos maxime iratus Cæsar, omnes eorum scholas ac synagogas euerti iussit: ac in Templo Ierosolymitano sui imaginem erigi, eidem honores ac sacrificia exhiberi, totumque templum diis statuisque Romanis impleri mandauit. Tyrannidem quoque maximam Romæ exercuit: nam horreis præclusis populo famem indixit, quod diutius cruciarentur. Romano Imperio casum, famem, pestilentiam, incendium, vastationem excidiumque imprecabatur, vt eius Imperij diuturna apud posterum esset memoria. Quem etiam palam de conditione temporum morum solebat, quod nullis calamitantibus publicis insignirentur. Cum ad saginam ferarum muneri preparatarum carius pecudes compararentur, ex noxiis laniandos adnotant. Multos honesti ordinis aut ad bestias condemnauit, aut medios ferrâ dissecuit, quod male de munere suo opinarentur. Parentes supplicio filiorum interesse cogebat, quorum vii vicietudinem excusanti læticam misit; alijnt e spectaculo penæ epulis statim adhibuit, atque omni comitate ad hilaritatem & iocos prouocauit. Hunc in modum gallantem atque sauientem C. Germanicum non defuit plenisque armis adorns: sed vni & alterâ conspiratione detectâ, nemo amplius ne misse ausus fuit. Postremo Cor. Sabinus, submotâ per confcios Centuriones turbâ, Cæsari maxillam discidit; ceteri vulneribus triginta consecerunt. Quod simulatque intellexissent Germani corporis custodes, nonnullos ex percussoribus, quosdam etiam innoxios Senatores interemerunt. Verum ciuibz ilic armatâ manu accurrentibus, eius quoque vxor Cæsonia gladio à Centurione confossa est, & filia parieti illisa. Tum Senatus in afferendâ libertate adeo consensit, vt quidam sententiæ loco abolendam Cæsarum memoriam, ac diruenda templa censerint.

NIHIL MAGIS IN MEA NATVRA PROBO
QVAM INVERECVNDIAM.



Ætatis anno XXVIII. Imperij III. mense x.
clanculùm extinctus.



I. CLAVDIUS Drusi filius, & dicti C. Germanici (qui ob animi simplicitatem ac stoliditatem tempore Tiberij vitâ donatus est) patruus, Imperator à militibus contra Senatus Populique Romani voluntatem eligitur post natiuitatem CHRISTI anno quadagesimo quarto. Ex quo quidem factum est, vt multum diuque in Capitolio (quod iam suis militibus inuaserat) consilio habito Senatus tandem decreuerit, violentâ manu Claudio resistendum fore, atque ex Optimatibus aliquem eligendum potius ad Imperium, iuxta eam consuetudinem, quæ à maioribus semper obseruata esset. Hoc eodem tempore Romæ erat Iudæorum Rex Agrippa, qui inter Senatum & Claudium multum laborabat. Senatus volebat vt Claudius modis omnibus à militibus discederet: hic verò per Agrippam contrâ respondebat, minimè sibi mirum videri, Senatum inuitò in nouam Cæsaris electionem consentire, ob immanem superiorum Cæsarum crudelitatem: verum si suâ vti fuissent clementiâ, non vt tyrannum se experirentur, sed vt bonum ac benignum Principem. Præterea cum initio ab exercitu vel inuitus electus fuisset, indignum esse aiebat, minimeque decere, vt quos sibi fidos ac gnauos semper habuisset, modò desereret. Respondebat autem Senatus, haudquaquam se subiici velle, posteaquam essent liberi. Quibus rursus per Agrippam respondebat Claudius, cum iis ergo se etiam inuitum dimicaturum, aduersus quos arma sumere numquam decreuisset: & vt sibi extra urbem locum designarent vbi conflictus pararetur. Indignum enim fore, addebat, si propter illorum vanitatem patria ciuium sanguine & latrocinii inficeretur. Mox cum Claudius istiusmodi responsum remisisset, à Senatu discedunt milites, omnesque sese Claudio adiungunt. Senatus igitur vbi ad istum modum se omni vi ac præsidio destitutum videbat, tandem Claudio inaugurationem præstitit, qui sese ad omnem ciuitatem, vitæque humanitatem, formauit. Sed in ferendis ac pronuntiandis sententiis se varij rarique ingenij fuisse satis declarauit. Nonnumquam perspicax, prudens, atque acutus erat: nonnumquam verò ita propter itaque insulse sententias tulit, vt quæ ad rem nihil interdum pertinerent. Cum namque tempore quodam aduulter quispiam ad eum productus fuisset, vt quid huic faciendum foret pronuntiaret, tantum hoc adulterum admonuit, vt deinceps grandæuo suo corpori parceret, nec ita se fatigaret, disceretque olim cautiùs & occultius suum celare dedecus. Quid enim meâ refert, dicebat, tuam scire infamiam? Vno eodemque die interdum plusquam viginti promulgauit edicta, ex quibus illud præcipuum ac præstantissimum fuit, vt, cum vix maturæ in vite penderent, tum vnusquisque dolia sua diligenter compicari curaret. Quod autem ad militare ipsius studium attinet, voluit aliquando virtutis suæ velut specimen quoddam edere, seq; Principem strenuum patriæ suæ exhibere. Quam ob causam quarto Imperij sui anno cum magnâ militum multitudine in Angliam profectus est, quam cum quibusdam insulis aliis suo facili subiecit Imperio, victorq; Romam inde triumphali curru reuersus est. Deinde verò ad magnifica altaque ædificia animum appulit. Per montes & valles aquam longitudine ter mille passuum duxit vsque in Urbem, quam de se Aquam Claudiam appellauit. Quod quidem opus, mille & triginta hominibus continuè laborantibus, vndecimo incepti operis anno absoluit. Portum Hostiensem vtrinq; alto atq; honorifico ædificio muniit. Anno Imperij sui septimo accidit principium vastationis Iudæorum ex seditione quadam Ierosolymis circiter dies Azymorum coortâ, in quâ plusquam tricies mille Iudæi occisi ac sub portâ velut suffocati sunt. Causa Romanus fuit miles impius, qui pudenda ante introitum templi omnibus visenda, obscenè denudabat. Vnde & postea Claudius Româ omnes exegit Iudæos. Hunc item naturâ fuisse tyrannum, ex eo facili constare potuit, quod plerosque paruâ de causâ bestis dilaniandos subiecerit. Eo ipso die quo Agrippinæ nuptias celebrabat (postquam Messalinam concubinam suam strangulari curauerat) trigintaquinque Senatores, & Nobiles ultra trecentos, vario suppliciorum genere interemit; idque tantum, vt ex eâ cæde animum suum oblectaret. Filie suæ maritum interfici quoque insinuâ Agrippinæ curauit, vt hæc ita suum filium Neronem ad Imperium perduceret. Nam vbi eum Claudius adoptasset, ac filiam suam Octauiam in vxorem dedisset, Agrippina Claudium veneno sustulit, ac mortem eius tantisper celauit, donec filium ad Imperium perduxisset; Britannicum, verum Claudij filium, ipsa occultum seruauit, vti nemo eius amplius recordaretur.

*Iudæorum
vastationis
origo.*

NON EODEM MODO A PVLICE ET FERA
BELVA CAVERI OPORTET.



Anno ætatis LX. Imperij XIII. toxico sublatus est.



NERO CLAVDIVS ope atque astutiâ matris suæ Imperium adeptus est à CHRISTI natiuitate anno quinquagesimo sexto, ætatis suæ anno decimo septimo. Fuit autem hic coniux prædicti Claudij filia, ac verus filius Cn. Domitij Enobarbi atque Agrippinæ, quæ Germanici Claudij fratris erat filia. Initio quidem se Principem satis benignum præbuit, verum postea temporis successu ita in homine omnis crudelitas, omnis scuitia cum ætate accreuit simul, vt C. Germanicum auunculum suum non solum in quacumque crudelitate imitatus sit atque expresserit, sed etiam improbitate longè superauerit. Ab ineunte suâ ætate ita penitus omni tyrannidi atque improbitati sese implicuit, vt ne à matre quidem suâ abstinere potuerit, quin sapenum merò cum eâ rem habuisse, si quando lecticâ pariter veherentur, putaretur. Nec sacris virginibus Diisquæ perpetuò consecratis, quas Vestales dicimus, pepercit. Inimania illa ac indigna flagitia quæ cum Sporo eunucho perpetravit, hoc tempore recensere non libet. Postquam verò omnem medullam libidine penitus exhausisset, corpusquæ planè enervasset, vt iam Veneri amplius operam dare non posset, omni crudelitati ac tyrannidi se totum tradidit. Quàm plurimos ex cognatis suis, atque optimos Romanæ vrbs patricios viros infinitos, veneno, latrocinio, ac miris cruciatibus interemit. Senecam præceptorem suum, quem non nihil verebatur, coëgit, vt quo mortis genere mori vellet, eligeret, quamquam sapenum merò ab ipso discedere relictis bonis optasset. Sed cum animaduerneret se mortem effugere haudquaquam posse, elegit vt sibi in tepidâ aquâ constituto omnes aperirentur venæ, vt itaquæ sanguine paulatim animam emitteret. Eodem hoc ferè tempore amica ipsius Poppæa, quam plurimum amabat, Neroni ceu conuiuium crebrò obiecit, quòd sui iuris non esset, ac matris stare imperio, ad cuius præscriptum ipse viueret. Quod illi frequenter nunc ioco, nunc etiam seriò, exprobrauit. Nam quamdiu Agrippina superstes erat, non ausa fuit Octauiam Neronis coniugem ita aperte lædere aut suppressimè, vt cum eius marito matrimonium posset contrahere. Ab eo tempore coëpit Nero matri suæ inuidere ac molestus esse: quam cum omni præsidio denudasset, palatio suo expulit, vndecumquæ sedulò quæritans, quâ viâ quâue ratione eam necare posset. Quod ubi iam ter quaterque veneno, aliisque modis nequidquam tentasset, postremò per vim strangulâri curauit. Pòst deinde ad demortuum matris cadaver accessit, intima eius scrutaturus: quoruin, omnia nimis quàm accuratè suis contrectans manibus, quædam laudauit, quædam verò vituperauit. Tum itidem & vxoris suæ Octaviæ iugulum frangi curauit, duxitque in vxorem Poppæam. Sed non multò pòst verberibus etiam hanc occidit, atquæ eius puerum in mari submergi fecit. Deinde & Romam incendi iussit: cuius incendij flammam adeò miserabilem, adeoque deplorandam, vt quæ sex diebus continuis ardere conspiceretur, ex altissimâ quadam turri, Mæcenatiana nominatâ, ouans exsultansquæ, ac subinde etiam Troianæ vrbs euerfionem atque incendium cantillans, prospectabat. Posthæc Christianos multis variisque suppliciorum generibus persecutus est: quorum aliquos ferarum pellibus insui iussit, vt sic quatuor cursitantes pedibus, venatici canes aliæque animalia insequerentur ac dilaniarent. Aliquos præterea igne absumi, aliquos lanceis transfigi, aliquos denique in crucem agi præcepit: inter quos etiam Apostolus Petrus numeratur. Paulum item gladio obruncari fecit: edixitque eadem vbique terrarum obseruari. Marcum præterea Euangelistam, vtrumque Iacobum, Bartholomæum, & Philippum interfici curauit. Non ita multò pòst vrbi Romæ (quæ iam panè tota penierat) magna accidit calamitas. Peste enim insensissimâ eneata sunt ciuium circiter triginta millia. Anglia atque omnes aliæ Prouinciæ Orientales ab Imperio Romano discesserunt, & vbique magna Romanorum multitudo cædebatur, vt iam nusquam tuti esse possent. Ex quâ quidem re Senatus Populusquæ Romanus Neronem Romani Imperij hostem declarauit. Proinde hic cum ab omnibus suis centurionibus ac militibus se desertum videret, nocte intempestâ Româ effugit. In quâ fugâ clam ipsi nuntiatum fuit, se ab Senatu militibusquæ diligenter inuestigari, vt sub cruce virgis ac loris ad mortem flagellaretur. Quamobrem sibi manum inferre conatus est; fecissetque, si non horrore manus nimium trepidassent. Orabat igitur Sporum, vt semet prius laqueo strangulare vellet, haberetque ad cuius exemplum seipsum deinde audaciùs interficere posset. Epaphroditum præterea scribam suum, qui cum alio solus fugæ comes relictus erat, obsecrabat, vt suo eum gladio transfodere vellet. Qui cum recusasset; Age, inquit Nero ad se, posteaquam neque amicum neque hostem in hac re tibi inuenias, tu te ipsum admone; quod alius non vult, ipse perforce. Epaphroditus eius misertus, trepidantem manum iunxit; ac sibi ipsi iugulum præcidit. Atque ita sanè cum ipso tota Cæsarum profapia funditus deleta fuit atque extincta.

PRIAMVS MIRVM IN MODVM BEATVS FVIT,
QVOD PATRIAM SIMVL CVM REGNO
PERDITAM VIDIT.



Postquam annos XXXII. vixisset, XLIII. verò Imperium
administasset, sibi ipsi manum intulit.

SER. SVLPITIUS GALBA ex vetustissimo & nobilissimo adeoque Romano genere oriundus, miles fuit sanè fortunatissimus, ac Romani exercitus in Hispaniâ Imperator peritissimus. Hic cùm in nouâ Carthagine ius diceret, atque ipsi nuntiaretur, Galliam, Britanniam, aliasque regiones à Romanis descivisse, & iam certum Romanæ vibi interitum imminere timeret, miserabilem præsentium temporum fortunam verbis conquestus est. Eadem illà tempestate per litteras admonitus fuit, vt se totum, tamquam humani generis assertorem, præsentī huic negotio daret. Quà in re non diu admodum cunctatus est: extemplò enim, conuocatis legionibus, de Rebuspub. Prouincialibus huiusmodi promulgauit edictum, Vt quisque omni diligentia communi salutī veniret auxilio, vt Respub. semel ab omni tyrannide vindicari queat. Ex quo quidem factò à militibus salutabatur Imperator: verùm hic respondebat, se non Imperatorem, sed dumtaxat Populi Romani Legatum esse. Interea dum hæc agebantur, nuntiatum fuit Seruio Nerone obisse, Populumq; Rom. ipsi iurasse, atque inaugurationem vtrò promississe: tum demum hic Imperatorium nomen libens etiam assumpsit, & cum magnâ militum copiâ Romam profectus est. Hæc ita gesta sunt anno post CHRISTI natalem septuagesimo primo. In ipso itinere passim vndecumq; Seruio offerebantur munera. Cumque iam Romæ in palatium ingressus esset, ingens accidit terræmotus, & sonus maximè terribilis auditus est. Præterea visum est, cùm ipsis Kalendis Ianuariis Dis sacrificaret, Imperatorium diadema de capite eius in terram decidisse; quod ipse pro certo imminētis infortunij præsagio habuit. Inprimis debuit Sabinum armis compefcere, qui ad Imperium peruenire plurimùm nitebatur. Atque vbi iam omnia tranquilla & benè constituta videret, animaduertens Vrbem etiamnum militibus præter consuetudinem grauari, missiōnem Germanis dedit militibus, eosque indotatos ad proprios lares remisit. Qui, cùm vt fortes stipatores suas virtutes probè satis hucusque spectatas ipsi fuisse putarent, Cæsarem ad Senatū detulere, grauitèrque de illo conquesti sunt; illud in medium adferentes, quòd in multis & magnis tempestatibus, in bellis maximè periculosis aduersus Gallos & Vindicem sese fortes fidosque cognouisset. Postremò, cùm iam nihil spei sibi reliquū animaduertent, omne Imperatori seruitium renuntiarent, nec nisi Senatui iurare voluerunt. Miserunt præterea ad Prætorianos milites nuntios, sibi Galbam minimè placere, se alium facillè Imperatorem scire, qui omnibus probè placeret. Mox vt Galba hæc intellexisset, suspicabatur se non ob senectutem solum contempni, verùm etiam quòd nullas haberet proles. Adoptauit igitur sibi in filium Pisōnem Frugi Licinianum, adolescentem nobilem admodum ac prudentem. Cùm verò M. Siluius Orho spe adoptionis sese frustratum vidisset, aliumque impetrasse quod ipse peteret, cum seditiosis militibus fœdus iniit. Quod vbi audiuisset Galba, atque Othonem iam inuasisse Prætorium exercitum, aliqui consuluerunt, vt eò statim se conferret; suâ præsentia facillè effecturum; ne quid mali oriretur, aut si quid ortum esset, operam daturum ne quòd latius sepeperet. Ceterùm istud consiliū Galbæ ad eò non placuit, vt se domi continendum consultius arbitraretur, asseruandumque se legionibus Illyrici exercitus, qui in diuersis locis castra posuisset, linteo inuolutum daret; certò tamen cognoscens, frustraneum esse aduersus tot militum gladios istud conari. Postea Orho istiusmodi finxit commentum, rem inconsultò fuisse tentatam, & seditiosos milites ad vnum omnes esse occisos. Cui & illud paulò post accessit, aduenisse militem qui iactaret se suâ manu Othonem interemisse. Quibus verbis factum est, vt vel hoc modo Galba in forum prodiret: quòd cùm peruenisset, vnâ cum Pisone filio suo adoptiuo, milites quibus istud negotium Orho mandauerat, vtrumque inuadunt: quibus Galba iugulum libens porrexit, inquires, vt ipsum haud cunctanter peterent, posteaquàm ita illis placeret. Ad hunc modum ambo fuerunt interempti, qui ob patriæ salutem ac libertatem potissimùm venerant. Et quod magis mireris, ciues Imperatorem ad eò fortem, ad eò nobilem, ad eò strenuum non solum in isto periculo deseruerunt, sed & cadaver eius ita ingloriū in publico foro reliquerunt, vt extra vnum militem veteranum, qui istud nocte intempestâ in suo horto sepeliuit, ne semel quidem attigerint. Sed caput eius præcisum, hastæque impositum, Othoni fuit præsentatum.

VII.

DISCE MILES MILITARE, ADEST
GALBA NON GETVLICVS.



Cum vixisset LXXIII. annis, regnasset VII. mensibus,
ex insidiis occisus est.

MSILVIUS OTHO, postquam vi Imperium adeptus esset, Romani omnes perterriti, animoque perculsi ob turpem ac miserabilem dicti Galbæ cædem fuere. Nec verò ideo tantum, sed etiam propter improbos mores præsentis huiusce Othonis, qui (vt iam satis nouerant) Neroni in omnibus suis execrandis flagitiis tamquam comes ac fidus socius perpetuò adfuerat. Verum hic cum iam dies ad vespem vergere cœpisset, Senatum adiit, oratione eleganti luculentaque persuasit, vt quicquid factum esset, id omne ad Reipub. vtilitatem & commodum factum esse crederent. Atque ita tandem cum consensu vniuersi populi in Palatium venit, vbi omnem Imperij administrationem in se suscepit. Mox deinde omnes Neronis statuas atque imagines deiectas restaurauit, quæque à Galbâ fuerant ordinata atque instituta, vniuersa penitus abrogauit. Non multo tempore post nouus rumor ex illo exercitu, qui in inferiori Germaniâ castra fixerat, exortus est: nempe apud Coloniam prope Rhenum Senatus Populique Rom. nomine Vitellio iuratum fuisse, ipsumque iam cum magnâ legionum copiâ in itinere esse, ac Romam venire. Hic rumor longè perfectò alios præcedentes superauit: ita permota ciuitas hoc rumore fuit, itaque repente omnes timor inuasit, vt non modò Senatores, sed vniuersus etiam populus sollicitus, anxius, ac inæstus esse cœperit. Verebantur enim ne duo hi scelestissimi, impudicissimi, atque omnium improbissimi vniuersum Imperium Romanum subuerterent. Re itaque omni in eo statu iam constitutâ, Otho præter omnium opinionem omnem dementiam ac libidinem postposuit, seque & cuncta ad Reipublicæ commodum conuertit. Ob quam sanè causam illi præsidia suppeditanda fore decretum fuit; quamquam istud Senatores contra voluntatem plebis, quæ etiamnum erat discors ac seditiosa, ob superiores tumultus & mutationes, fecerant. Ad istum ergo modum suscepto bello, Otho quatuordecim legionibus probè instructus, suos milites Româ vno itinere in Liguriam vsque eduxit; vbi ita Vitellianos adortus cinxit, vt nec procedere, nec recedere omnino potuerint: sed Othonianis Vitelliani nimisquam fortiter restiterunt. Maximâ vi vtrunque certatum est, fuitque pugna multo acerrima. In eâ enim cecidere multa Vitellianorum millia, tametsi nec Othoniana acies manserit incruenta. Mox denuò sese mutuò aggressi, atque vtrunque acriter pugnando Othoniani milites iam tertio circumsepti fuere. Cumque alio tempore vtrasque copias ad Padum fluuium iterum deduxissent, vtrunque dubitarunt, num omisso bello, omniq; discordiâ, pacem componerent, remque inter sese decernerent, aut ad Senatum potius deferrent. Interea, dum colloquium hoc inter vtrumque exercitum continuaretur, Vitelliani centuriones fraude vsi, paullatim suas cohortes ordine instructas in Othonianos imprefferunt, aciemque diuiserunt ac perturbarunt. Attamen illi fortiter restiterunt, ita vt hinc prælium longè cruentissimum subsecutum sit. Ad postremum Othoniani cum fugam coacti cepissent, multo sanguine fusi sunt. Quod audiens Otho sibi manum inferre voluit, non quidem metui aliquo, sed quòd Imperium possidere cum tanto Reipublicæ incommodo & periculo nollet. Familiares suos adhortatus est, vt quàm ocyssimè possint, sibi quisque prospiceret, atque in tutum reciperet. Et cum quæ necessaria erant, perfecisset, omni se angustia & dolore exemit, ac seipsum confodit. Tum properè eius cadauer (vt iusserat) combusserunt, ne quâ etiam post obitum ignominia afficeretur. Cumque iam rogi accenderetur, multi fuere milites, qui sese præ nimio dolore confoderunt. Alij tandem suis gladiis atque armis concurrentes, alter alterum, occiderunt.

VIII.

MVLTO MELIUS IVSTIVSQUE EST,
 VNVM PRO MVLTIS,
 QVAM PRO VNO MVLTOS INTERIRE.



Pro Republicâ seipsum vitâ priuauit IIII. mensē Imperij,
 ætatis XXXVIII. anno.



VITELLIVS ob felicem rerum suarum successum sese post mortem Othonis magnificè extulit; animoque ferox cum ingenti, militum manu ipse paludatus, ferroque accinctus, Romam profectus est. Et quidem cum iam in itinere per illos campos, in quibus pugnatum erat, ac fusa Othonianorum corpora passim iacebant, profektionem pararet, fuere quibus teter ille cadauerum odor molestus erat, quique olidam caesorum tabem abhorrebant. Sed hos ille voce nimis quam exsecrandâ corripuit, optimè, inquires, olere hostem occisum, ac melius ciuem. Quâ quidem voce, quidam Romæ acturus esset, satis apertè innuit. Fuere item, qui ob subitam fortunæ commutationem, considerantes etiam caesorum copiam, collacrymarint. At Vitellius non modò ad tot cadauerum millia immotus permanfit, sed & magnam inde cepit delectationem, Diisq̃ue eo in loco sacrificauit, ac festum totâ nocte peregit. Inde verò profectus, nuntios accepit, qui Vespasianum à militibus in Iudæâ in Imperatorem electum aiebant. Quæ res illi metum atque horrorem quemdam incussit. Perrexit tamen, urbemque cum signis ac tubis paludatus (vt dictum est) gladioque succinctus introiit, comitatus sexagesies mille sagulatis militibus, ac stipatoribus, ad corporis custodiam olim institutis, pænè infinitis, detectis omnium armis. Post pedites eleganti ordine sequebantur equites; deinde centuriæ triginta quatuor extraneorum militum, ipsi postea missæ. Tali honore atque apparatu per pontem Miluium in Capitolium triumphans venit: vbi primò Vitellius Germanicus Augustus appellatus, maximum Pontificatum, Consulatum, Tribunatumque perpetuum cepit. Non multo tempore post Vitellio nuntiatum est, Vespasianum in Italiam ingentem misisse exercitum cum ipso dimicaturum, cui fratrem cum classe ac tironibus & magnâ gladiatorum copiâ opposuit, vt hosti resisteret. Interea, quos interficere decreuisset, clam variis modis passim interemit. Nam publicè istiusmodi quidquam, præsertim tempore adeò importuno, tentare minimè audebat. Octauo igitur Imperij mense, postquam omnem, quam potuit, crudelitatem & sæuitiam, omnem tyrannidem, omnem amentiam & vecordiam, omnem denique superbiam Populo Romano exhibuisset, Mœsimum atque Pannoniæ exercitus ab eo descierunt, & in absentis Vespasiani verba iurarunt. Vtque iam singula ad certum exitum tendere, ac Flauiani milites velut in limine adesse videbantur, Vitellius Imperio cedere sese vltro professus est, reclamantibus ac planè dissuadentibus militibus, qui vitam animamque profundere atque amittere potiùs se paratos esse clamabant, quàm ipsum in aliquo desererent; saltem ne ipse deficeret, aut animum desponderet. Resumpsit itaque animum, Sabinumque Vespasiani fratrem & reliquos Flauianos nihil iam metuentes, vi subitâ in Capitolium compulit, succensoque templo Iouis optimi maximi oppressit. Incendium hoc è Tiberiano palatio inter epulas prospexit; ac tum demum facti poenitens, culpamque in alios conferens, Senatoribus orans persuasit, vt legatos cum virginibus Vestalibus mitterent, pacem, aut certè tempus ad consultandum, à Flauianis petituros. Interim sese in Aventino monte coqui veste indutum abdidit. Verùm mox, vbi pacem quasi impetratam esse, leui incertoque rumore audiuisset, se in palatium referri passus est. Vbi cum deserta omnia repperisset, seque ab omnibus planè desertum animaduertisset, rursum in ianitoris cellulam confugit. Postquam verò Flauiani extra muros Vitellianos multo sanguine fudissent, in urbem eruperunt, cunctaque abdita sedulò rimantes, tandem Vitellium inuentum è latebrâ traxerunt; & iniecto ceruici laqueo, religatis post tergum manibus, descissâ veste seminudum in forum, maximis verborum ludibriis, mentoque mucrone gladij subiecto, ne faciem submitteret, minusque se visendum præberet, quibusdam insuper stercore & cœno incessentibus protraxerunt. Nec defuerunt, qui corporis vitia exprobrarent. Erat enim in eo enormis proceritas, venter obesus, ac facies rubicunda ex vinolentiâ. Atque ita tandem, cum per vicos huc illucque raptus fuisset, apud Gemonias minutissimis ictibus excarnificatus atque confectus est, & inde vinctus in Tiberim.

I X.

OPTIME OLET OCCISVS HOSTIS,
SED MELIVS CIVIS.



Postquam VIII. menses Imperio præfuisset, ætatis LVII.
horribili morte occisus.



VESPASIANO absenti tantus Romæ ab Senatu Populoque honos exhibitus fuit, quantus Cæsaribus exhiberi solet aliis, idque anno post natum **C H R I S T V M** septuagesimo secundo, & à cunctis mortalibus Princeps habitus fuit cum bonus tum fortis, ut qui damna publica, bellaque, quæ tum passim ubique ferè terrarum oriebantur, facillè arceret, ac componeret. Nam præter ciuilia bella, exteræ quoque nationes aliquot (ut erant Bataui, Britanni, Daci, VValachi, & plures aliæ) sese Imperio Rom. rebelles opposuerunt, bellumque deintegro renouarunt. Præter hos verò motus, etiam Gallia atque Hispania intestinum bellum nimis quàm infelicitè agitare ob eadem Galbæ cœperunt. Similiter fecere Germani Vitellij nomine. Post hæc item Mysia, Pannonia, ac tota denique Vindelicia, nomine Vespasiani arma sumpserunt. Ut igitur Senatus animaduertit, Vespasianum hunc prudenter & concorditer vnà cum filio Imperium administrare, ambo Consules creati sunt, iussique ut Iudaicum bellum pericerent. Alter filius Domitianus Tribunus in Germaniam missus est. Sub hæc tempora Vespasianus Alexandriæ in Ægypto agebat: ubi cum per nuntios Senatus decretum accepisset, ad intermissa bella sese probè expeditum denuò contulit. Cumque hic triginta & vnum propè millia Iudæorum fudisset, ac multas præterea eorumdem vrbes pagosque funditus euerteret, quàm plurimi ex pagis & oppidulis Ierosolymam Pascha celebraturi simul confluxerunt, ubi circa maximas rerum discordias ac dissensiones occupatos multo tempore obsedit Titus Vespasiani filius. Interea temporis tanta in vrbe calamitas fuit præ fame, seditionibus & intestinis cædibus, quanta ab Orbe condito in ciuitate vllà numquam fuisse legitur. Erant autem eà tempestate in vrbe Ierosolymitanà quidam exteræ nationis, Zelotes appellati, qui leges ac præcepta Dei maximo honore censentes, detestabilem Romanorum idololatriam ferro ab vrbe propellere conabantur. Hi in præsidium vrbs populum alienigenam, Idumæum nuncupatum, intra portas admiserunt: qui quidem tor & tantas in vrbe cædes prædasque perpetravit, ut octo millia ac quingenti Iudæi laqueo fuerint strangulati. Deinde ex eadem gente percussa sunt Nobilium duodecim millia. Sub hæc eadem tempora mulier quædam erat genere & facultatibus nobilis, quæ Ierosolymis reperta, communem cum omnibus obsidionis casum ferebat. Hæc impatiens inedia, ac multà fame ad quoduis facinus etiam contra naturæ leges armata, filium suum vnicum, qui etiamnum paruulus ab vberibus matris pendebat, in hunc modum aggressa est: Cui, inquit, te, mi fili, infelici matre longè infelicior, in bello, fame & direptione prædonum, referuabo? Nam si quâ ratione vita sperari possit, Romanæ seruitutis iugo miserrimè vrgemur: atqui hanc ipsam seruitutem præuenit fames, atque his duobus malis prædones, in quorum manus alioqui incidendum est, multò sunt grauiores: agè itaque nate mi, esto matri cibis, prædonibus furor, ac postera fabula. His dictis filium iugulat, flammisque tostum in frustra disceperit, ac dimidium eius comedit, parte alterà clàm seposità. Paullò post prædones odore carnis excitati ad matrem irruerunt, certam mortem minitantes, ni absque morâ cibos, quos coctos penes se habebat, proferret. Tum illa; Partem equidem, inquit, optimam vobis referuauim. ac confestim quæ superfuerant membra retexit infantis, inquiens: Meus hic filius est, meus parvus, ac facinus meum: edite, nam & ego prior, quem genui, comedi. Nolim profectò vos fieri aut matre religiores, aut feminâ molliores. Quòd si pietate quadam ducti cibos ac dona aspernamini aut execramini, mihi hæc residua relicta sint, ut iis vel denuò pascar. Hoc facinus tantum crudelibus istis prædonibus horrorem incussit, ut terribi trementesque abire, & miseræ matri residuum cibi partem relinquere debuerint. Repleta autem mox vniuersa ciuitas tam nefarii sceleris nuntio fuit: atque ingens hominum multitudo fame interiit. Quod quidem ut ad aures Titi peruenit, illorum misertus, finem miseræ ac tantæ calamitati fecit. Vrbem namque continuò, quamquam non sine magnâ suorum clade, inuasit; ubi in ipsâ templi direptione, quod à Sacerdotibus & Primatibus tenebatur, ingentem suorum multitudinem amisit. Post multas tandem cædes tota ciuitas vnà cum templo incenditur, ac moenia funditus deuasantur. In hac vrbs deuastatione vndecies centena millia Iudæorum fame & ferro perierunt, nonaginta millia capti, ac per vniuersum Orbem diffusi fuerunt. Duo item millia Vespasianus secum in triumphum auxit, quos postea etiam bestijs subiecit. Ob hanc victoriam Vespasianus ac Titus eius filius Romæ triumpharunt. Neque vniquam sanè talis triumphus visus fuit. Nam inter trecentos & viginti triumphos, qui olim celebrati fuerant, numquam visum fuit patrem & filium in vno curru ob partem victoriam triumphasse. Vespasianus hic amicos sibi ex omnibus regionibus parauit, ac iam sextò templum Iani clausit. Vrbem Romam, ex maximâ parte incendio absumptam, vnà cum Capitolio integritati suæ restituit; ac Reipub. collapsæ plurima emendauit. Tandem, alio repente ad defectionem vsque solutâ, occubuit.

BONVS ODOR LVCRI EX RE QVALIBET.



Ætatis LXXVIII. Regni x. anno, primus Augustorum,
omnium admiratione, siccâ morte occubuit.



ITVS cognomine paterno Vespasianus, qui superſtite patre præſagio quodam, tamquam futurus Princeps, Cæſar appellabatur, & poſt ſumptum Imperium Auguſtus, præſſe cœpit Imperio poſt mortem patris, anno à C H R I S T I natiuitate octuageſimo ſecundo. Bella ac ſeditiones, quæ iam aliquantiſper vbique ferè conquieuerant, ruſum hoc tempore renouari, ob Regni ac Principum mutationes, cœperunt. Titi enim huius frater Domitianus quàm potuit citiſſimè ad milites ſeſe recepit, Imperiumque plurimùm affectauit, militum animos miris ſollicitans modis. Vtriuſque autem pater Vespasianus militum tyrannidem, quam ſub quinque Cæſaribus nimium exercuerant, legibus planè iam aliquantò coërcuerat, humanitateque & modèſtià multà lenierat. Nam Ordines ampliſſimos variâ cæde exhaustos, ac veteri negligentia contaminatos, purgauit; numerumque eorumdem, reſenſo Senatu & Equite, ſuppleuit; ſummotis nimirum indigniſſimis, & honeſtiſſimo quoque in Ordinem alleſto, omnem ſeuitiam exſtirpans; vti notum eſſet, vtrumque Ordinem non tam libertate inter ſe quàm dignitate diſſerre. Ob quam rem præterea pronuntiauit, ius ſasque eſſe, vt Senatores Equitibus præſent, & electio quidem Imperatoris penes Senatum foret, cenſerentur tamen nihilominus pares libertate. Hos articulos equites peditesque Domitiano propoſuerunt, aſſerentes nullà ſe ratione eos tranſgredi velle. Ab illo igitur tempore ex Vrbe Domitianus egredi, quamprimùm poſſet, decreuit: atque iſtic nōui quidpiam conari. Sed conſeſtim equites, ipſum proſecuti, ex itinere retraxerunt, captumque ad fratrem ſuum Titum adduxerunt: qui vt ipſum interſici curaret tantum abſuit, vt ne exſilio quidem multarit, quin & præter omnium opinionem ipſum velut Imperij collegam ſibi aſſumpſerit; vt quorum animos ſubita ſeditio perculerat, ac totos pænè occuparat, omni metu liberaret. Eodem die maximum Pontificatum ideò ſe accipere profeſſus eſt, vt à Romanorum ſanguine puras ſeruaret manus. Quibus verbis res ipſa fidem præſtitit. Nullius enim poſtea cædis vel auctor vel conſcius fuit, quamquam plerique Nobilium ad Imperium peruenire aduerſus hunc plurimùm conati fuiſſent, ita vt interdum vlcifcendi cauſſa minimè deeſſet: adiurauit tamen, periturum ſe potiùs quàm puniſſum. Proinde duos certò in Imperij affectatione conuiſtos, nihil ampliùs, quàm vt deſiſſent, amicè monuit: Principatum enim non indiſtrià, ſed fato dari; & illi contingere, cui Deus largiatur. Si quod tamen præterea deſiderarent, ſe tributurum ſpontè promittebat. Et conſeſtim quidem ad alterius matrem, quæ procul aberat, curſores ſuos miſit, qui anxie filium ſaluum nuntiarent. Anno autem Imperij ſui primo miſerabile incendium Romæ per triduum totidemque noctes accidit, quo multa ac præclara ædificia abſumpta fuèr. Non multo tempore poſt in Campanià, haud longè ab Neapoli, mons Veſuuius conflagrauit: cuius incendiij flamma ita à ſummitate montis auolabat, vt ex eà multa cùm oppida tum homines proſus interierint. In his aduerſis non Principis modò ſollicitudinem, ſed vnicum etiam parentis affectum præſtitit, nunc per ediſta conſolando, nunc opitulando quatenus ſuppeteret facultas. Neminem ſine ſpe aut conſolatione à ſe diſcedere paſſus eſt, nec petenti quidquam vniquam recuſauit. Quare cùm ex domeſticis quidam, quaſi plura polliceretur quàm præſtare poſſet, admonuiſſet; Non oportere quemquam ait à conſpectu Principis tristem diſcedere. Atque etiam vt quondam in cœnà recordatus eſſet, ſe nihil cuiquam toto die præſtiſſe; *Amici*, inquit, *diem peridi*. Vox ſanè memorabilis, meritoque laudanda, vt qui nihil ſe beneficiorum in quemquam contuliſſe doleret. Eà clementià & manſuetudine ſemper in plebeios vſus eſt, vt ab omnibus meritò nominari meruerit, Amor & delicia humani generis. Reſtituendæ Campaniæ è numero Conſularium curatores forte duxit, qui bona oppreſſorum in Veſuuium, quorum heredes non exſtabant, reſtitutioni afflictarum ciuitatum attribuerent. Ceterùm in Vrbiſ incendio nihil niſi ſibi periſſe publicè teſtatus eſt. Cuncta etenim Prætoriorum ſuorum ornamenta operibus ac templis deſtinauit, officioque Cenſoris optimi perfunctus eſt. Toto denique Imperij ſui tempore nihil prius aut antiquius habuit, quàm vt collapſam Remp. in aliquo vel reſtauraret, vel etiam exornaret. Inter hæc morte præuentus cum maximo vniuiuiſque detrimento fuit. Quod vt palàm factum eſt, non ſecus atque in domeſtico luſu, aut paterno funere, cuncti publicè morſti fuerunt.

X I.

NEMO ME INIVRIA AFFICERE AVT CON-
TVMELIA POTES: QVIA NIHIL AGO
QVOD ALIOS LÆDERE POSSET.



Non sine suspitione veneni extinctus, cùm vixisset XLII. annos,
& imperasset II. annis, II. mensibus & XX. diebus.

DOMITIANVS Imperium vsurpare cœpit anno post natum CHRISTVM octuagesimo quarto: quod adeo studiosè affectauit, vt fratrem graui valitudine correptum, priusquàm planè efflaret animam, pro mortuo deferri iusserit, nulloq; defunctum præterquàm consecrationis honore dignatus sit. Inter initia Principatus quotidie secretum sibi horarium sumere solebat, nec quidquam amplius quàm muscas captare, ac stilo præcuto configere; assuescens interim cædes ac tyrannidem exercere; ita vt hinc vulgare prouerbium natum sit: nam cuiquam interroganti, essetne quis intus cum Cæsare, vulgò respondebatur: Ne musca quidem. Quod sanè factum omnibus ideò magnæ fuit admirationi, quòd olim tantæ fuisset virtutis, vt Germanos bello domuerit; & modò sese ad tam otiosa exercitia demitteret, ac penè nihil ageret. Sæpenumerò autem omnem vim dominationis tam licenter exercuit, vt iam tum qualis Princeps futurus esset, facillè ostenderet. Quidquid libuit, ius fasque sibi esse ratus est: ac breui tempore istud ex prauâ administratione omnino effectum fuit, vt iam patris fratrisque nomen odio esse & aboleri cœperit. Quod cum astutiâ quadam considerasset, voluit sese paullulum corrigere; plurimaque & amplissima opera incendio absumpta, à patre quidem ac fratre denuò inchoata, sed minùs absoluta, prorsus restituit. In quibus & Capitolium erat, vnà cum nouis ædificiis duobus aliis; templo videlicet Pacis, quod tempore pacis pater inceperat, atque Amphitheatro, quod in medio Vrbis Augustus proposuerat, tandemque Vespasianus ædificare cœperat. Similiter ædem Claudij in monte Cælio, ab Agrippâ inchoatam, absoluit. Ita quoque quàm plurima alia templa, palatiaque, operaque præclarissima suæ integritati restituit; sed omnia sub titulo tantum suo, ac sine vllâ pristini auctoris memoriâ. In Capitolio autem Custodi Ioui nouam excitauit ædem, templumque gentis Flauiz. Fecit item stadium, in quo sese cursores exercebant, odèum, & naumachiam. In his omnibus ædificiis victorias Iudaicas, ac Germanicas, artificiosè depingi curauit. Ceterum modis omnibus spectacula iucunda, viliâq; & ludos qui populo placerent, sedulò excogitauit. Quare inter alia & quinquennale certamen Capitolino Ioui instituit; atque vnumquodque triplex, Musicum videlicet, Equestre, & Gymnicum: quo fiebat, vt aliquantò esset plurimum quàm olim coronatorum. Certabatur etiam & prosâ oratione Græcè, Latineque. Inter hæc & Comœdiæ agebantur. Tandem in Albano quoque montè quotannis Quinquatria Mineræ celebrabat. Breuiter, non in Theatro modò huiusmodi sumptuosa ac magnifica spectacula populo exhibuit, verum etiam in Circo, Congiarium præterea populo nummorum trecentorum ter dedit, aliâq; non indigna Principe munera subinde publicè largitus est. Expeditiones dein de quasdam sponte ac non necessarias contra Dacos & Catts, quos hodie Heffos appellamus, suscepit: postque adeptam victoriam duplicem triumphum egit, ac Germanici nomen sibi assumpsit. Contra Sarmatas verò necessariam suscepit expeditionem: in quâ legione cum Legato simul cæsâ, maxime laudauit occisos, plurimumque triumphauit, perinde atque hostes cæsi fusi que fuissent. Postea edicta promulgauit, vt Christiani variis atque atrocibus passim suppliciis afficerentur, bonaque eorum confiscarentur: Ioannem Apostolum in dolium feruentis olei plenum coniecit; vidensque inde illæsum exiisse, in Patmos Insulam eum ablegauit. Posteritatem quoque Davidis inquiri ac trucidari iussit, metuens ne fortasse quispian ex eâ stirpe supereffet, qui regnum Iudaicum in se restitueret. Eò tandem arrogantiz & dementiz peruenit, vt se Deum appellari atque honorari vulerit. Inter alia facinororum quàm in libidinem pronus fuerit, ita vt matronas virginesque sanè multas constuprarit. Tam interim callidæ inopinatzque sæuitiz fuit, vt Senatores, Consulares, ac Doctos quosque inuestigato nouo quæstionis genere clam interemerit. Nonnullis manus pedesque amputauit; atque immisso per obscena igne aliquos miserè distortit: alios cruci suffixit, alios canibus bestisque laniandos obiecit. Philosophos & Poëtas quò maiori studio olim dilexerat, eò grauius persecutus est, atque ex vrbe Româ omnes expulit. Per hæc terribilis cunctis & inuisus, tandem oppressus est, amicorum libertorumque intimorum, simul & vxoris conspiratione, acceptis vulneribus septem, ignominiosèque sepultus.

X I I.

PAVCIS NOTVM EST, QVAM MISERA SIT PRINCIPVM
 CONDITIO: QVI A TYRANNIDIS FALSA SVSPICIONE
 TVM DEMVM LIBERANTVR CVM AGVNT ANIMAM.



Ab anno fui Imperij xv. vitæ xxxv. clàm occifus.



NERVA, vir grauis ac virtute clarus, ab Domitiani occisoriis Imperator
 eligitur anno CHRISTI nonagesimo nono. Cùm verò iam Domitianus
 paullo ante quàm periret facile suspicaretur, esse qui vitæ suæ insidias fa-
 cerent, cumq; suspicio hæc eius quò diuturnior eò grauior & anxia magis
 ellet, grauissimis eos supplicis enecabat, quos Imperio forsitan potituros suspicaba-
 tur. Quà de causâ Nobilium quorumcumq; natiuitates conscribi, & in horoscopum
 referri studiosissimè curauit: inter quos Nerua, tamquam qui certissimè ad Impe-
 rium adspiraret, Domitiano delatus fuit. Proinde Nerua ab Astrologo quodam
 amico suo præmonitus, qui periculum ipsi imminere, multosq; clam occisos enun-
 tiarat, confestim fugit, vixq; effugit. Attamen hac ratione Imperium adeptus est.
 Circa Principatus sui initium seditio planè detestabilis inter Prætorianos milites ex-
 orta est, qui sub Domitiano omni sauitiâ ac tyrannide corrupti, sese ad rapinas fur-
 taq; rursus applicarant, statuerantq; ipsum Domitianum iam Diuum appellare,
 & mortem eius vlcisci, nisi duces defuissent. Nihilominus tamen & paullo post idem
 perfecerunt, grauiterq; eos vindicarunt, qui Domitiano occasionem necis præstitis-
 sent. In istiusmodi tumultu Nerua Imperium assumpsit, & cum auctoritate Senatus
 publicè ad populum orationem habuit prolixam, quâ mortuum Domitianum con-
 tumeliosissimè atque acerbissimè lacerauit. In Vrbe Româ omnes eius imagines &
 clypeos publicè detrahi, nomina & titulos eradi curauit, vetuitq; ne quis eundem
 deinceps Cæsarem appellaret, sperans hoc pacto omnem eius memoriam abolitum
 iri. Deinde etiam abrogauit, quidquid Domitianus per edictum promulgauerat.
 Christianos, Iudæos, & quotquot ab Domitiano in exilium pulsi fuerant, in Vr-
 bem reuocauit; iisq; bona, quibus antè adempta constabat, restituit; atque Chri-
 stianos pridem condemnatos omnino absoluit. Annuos Iudæorum census dimi-
 nuit, ac capitali poenâ interdixit, ne quis Christianos aut Iudæos in posterum accu-
 saret, lætaretq;. Atque hinc quidem factum est, quòd Apostolus Ioannes Ephefum
 ex Insulâ Patmos redierit, numerusq; Christianorum sub id tempus plurimum in
 toto Orbe fuerit auctus. Vt verò Domitiani interfectores à militibus anxie inuesti-
 garentur, operam dedit, quò amicitia atque humanitate omnem è medio tolleretur
 discordiam, grauiterq; sanguinarios militum animos reprimere, mori satius esse in-
 quiens, quàm Imperium sanguine conspurcari. Milites tamen horum quidquam
 nihil pensi habentes, multos ex his interfecerunt, qui in Domitiani necem conspi-
 rarant, Neruamq; insuper coegerunt, vt de sceleratis caëoribus interfectis coram
 Populo Romano militibus gratias ageret. Deinde Calpurnius Crassus milites maxi-
 mis muneribus ad se pellexit, ac cum his federe contracto Imperium plurimum af-
 fectauit. Quod vbi Nerua percepisset, hominem cum vxore & liberis dumtaxat
 Tarentum misit: ob quam clementiam ab Senatu grauius fuit obiurgatus. Post
 hæc animaduertens sibi magis magisque insidias fieri, seque ad extremam ferè se-
 nectutem modò peruenisse, Traianum ad Reipublicæ commodum adoptauit; vt
 quem non inidoneum Imperio fore sperabat ob immensas eiusdem virtutes; nihil
 interessè inquiens, quamlibet extraneus atque adeò Hispanus foret: in istiusmodi
 rebus non oportere genus aut nationem cuiusquam inspicere, verum potius virtutes ac
 prudentiam. Tanta eo tempore per vniuersam Italiam annonæ caritas fuit, vt sua
 hic ornamenta tam aurea quàm argentea diuendi curauerit, iussitq; egentes pe-
 cuniâ pasci publicâ. Misit præterea passim in oppida Italiæ commercium satis vbe-
 rem. Nullis exactionibus, nullis vectigalibus aut aggrauationibus populum onera-
 uit, nihilq; planè voluit tentare absque consilio prudentum. Ita denique omni
 virtute ornatus fuit, itaq; ad omnem probitatem formatus, vt cùm de Regulo,
 omnium quos terra sustinet nequissimo, narrare audiisset, exanimis ceciderit atque
 illico obierit.

XIII

NIHIL ME FECISSE SCIO, QVO MINVS
 POSSEM, DEPOSITO IMPERIO,
 PRIVATVS TVTO VIVERE.



Exacto Imperij anno II. ætatis LXXVII. extinctus est.



TRAIANVS Italicâ vrbe Hispaniæ ortus, mortuo Neruâ post CHRIST I nata-
 lem anno centesimo in castris prope Agrippinam ad Rhenum Imperium suscep-
 tit, iussu ac voluntate Senatus Populiq̃ue Romani: per quos olim, Neruâ etiam-
 num superstitē, cum magnâ militum copiâ in Germaniam missus fuerat. Eâ enim
 tempestate Romanis aduersus Germanos perinde pugnandum fuit, atque olim aduersus Iu-
 dæos: nec id quidem iniuriâ. Vt enim Iudæi nullâ ratione ab suis legibus & cærimoniis recede-
 dere voluerunt; sic profectò Germanis quoque libertatem pristinam retinere & defendere vi-
 sum fuit, extremaq̃; potiùs subire, quàm vt se iugo subiici paterentur. Adeò hi semper liberta-
 tis cupidi fuere. Proinde vbi Traianus neque edictis, neq; iniuris, neque etiam bellis quidquam
 efficere poterat, vicit tandem hos mansuetudine, clementiâ atque humanitate, totamq̃ue Ger-
 maniam Romano Imperio ceu Prouinciâ adiecit: sic tamen vt eam deinceps neque exactio-
 nibus neque aliquibus aggrauationibus onerauerit. Quamobrem præter ceteros Romanorum
 Principes, vel hic præcipuè apud Germanos etiam dilectus summopere fidusq̃ue habitus fuit.
 Probitate tantum Imperium Rom. ampliavit, quantum vmquam alius. Germaniam cis Rhe-
 num, Daciam, gentesq̃; vltra Danubium alias ditioni Romanæ subiecit. Parthos rursum coër-
 cuit. Albaniam superauit, in eâque Regem instituit. Qui Euphrati & Tigri accolunt, provincia-
 les Imperij Rom. fecit. Profectus etiam tandem fuit ad Indiæ fines ac Mare rubrum. Sed in
 omnibus hisce expeditionibus tantâ in hostes tum grauitate vsus est amicitia, vt sæpenumerò
 ex amore potiùs quàm vi sese subactos dederint. Numquam sese à quoquam ad iram prouo-
 cari facillè passus est: verùm eâ in omnes animi fuit modestiâ & temperantiâ, vt omnium qui
 antè imperarant, vbique terrarum habitus sit Princeps optimus. Cùm in omnibus Prouinciis
 Præsides designaret, gladium eis in manus porrexit, huiusmodi verba ad vnumquemque subit-
 ciens: *Vtere hoc gladio aduersus hostes meos in causis iustis: sin ego minùs iuste egero, tum in
 me ipsum stringito gladium.* Similiter, cùm à suis consiliariis argueretur, quasi præter decorum
 omnibus nimium esset familiaris: talem se velle Imperatorem populo exhibere respondit,
 qualem ipse optaret si ex plebe esset. Posteaquam verò regnum Romanum latissimè amplias-
 set, multaq̃; passim boni Principis vestigia reliquisset, Roman insigniter triumphans reuersus
 est: ac plurimis persuasum fuit, ipsi diuinâ providentiâ collapsæ Reip. Principem datum
 fuisse, vt qui Senatui collabenti ac iam propemodum extincto subsidio foret. Romæ ita cum
 populo egit, vt omnes facillè Principes, qui ad eius vsq̃ue tempora fuerant, longè superaret.
 Magnopere vtrumque Ius, Diuinum atque humanum, coluit: neque ex se solum leges nouas
 tulit, sed & veteres diligentissimè obseruauit. Vnicuique ita charus, itaq̃ue familiaris fuit, vt à
 quibusdam id ipsum illi vitio datum sit. Bonis moribus ita fuit exornatus, ita in omni vitæ
 modestiâ alios superauit, vt ad Reip. vtilitatem natum fuisse dixisset, nihilq̃ue aliud in vitâ egisse
 quàm quod publicum spectaret commodum. Senatum appellauit patrem suum, seq̃ue huius
 vicissim filium: per quem tantopere seductus fuit, vt persecutiopem etiam in Christianos med-
 ditarètur, timens (vt illi aiebant) ne Christianorum multitudo Imperio vim faceret. Ob quam
 rem equidem passus est Christianos vi apertâ affligi. Et tanta quidem Christianorum multitu-
 do passim occidebatur, vt Plinius Secundus, qui tum etiam Prouinciâ aliquam administra-
 bat, multitudine interemptorum haud dubiè commotus, Traiano rescripserit, innumera ho-
 minum millia quotidie oberuncari, à quibus nihil omnino sceleris deprehenderetur admis-
 sum, neu quidquam Romanis legibus contrarium, nisi quòd antelucanos hymnos CHRISTO
 cuidam canerent Deo, Diisque aliis minimè sacrificarent. Hac ratione motus Traianus edi-
 ctum promulgauit, vt Christiani ob fidem nihil quidquam paterentur: si qui tamen iniuste
 agerent, punirentur. Deinde in Babyloniam exercitum eduxit: vtq̃ue reditum post partam
 victoriam domum pararet, Seleuciæ Isauriæ ventris profluvio periit. Eius autem busta aureo
 inclusa vasculo, expressa eiusdem imagine, perinde atque in triumphis fieri solet, Romam de-
 lata sunt. Memoria demum eius tanti pretij apud posteros multis annis fuit, vt postea semper,
 quoties Romæ in Senatu Imperator designaretur, publicis votis optari consuetum sit, vti felici-
 tate Augustum, & probitate Traianum adæquaret.

XIIII.

FISCVS LIEN: QVIA EO CRESCENTE
RELIQVI ARTVS OMNES TABESCUNT.



Romano Imperio præfuit XIX. annis, VI. mensibus,
v. diebus, vixit LXIII. annos.



HADRIANVS, Traiani consobrinus, ab eodemq; adoptatus, Imperator eligitur ab Senatu Populoq; Rom. anno post CHRISTVM natum centesimo decimonono. Vir fuit hic magnæ eruditionis, atque aded Romanus; qui id semper operam dedit, vt modis omnibus Athenienses imitaretur. Ornamentum sese præbuit vtriusque linguæ, Græcæ ac Latinæ; & Poëtam eiusmodi, qui scripta sua ac Comædias venustis grauiusq; sententiis, verbisq; elegantibus plurimum ornarit; atque id quidem Græcè præcipue, aded vt Græculus vulgò appellatus sit. In respondendo atq; interrogando aded fuit promptus, aded acutus, vt ad grauius interrogata, grauius etiam responderit; ad iocosè, item iocosè: ac breuiter, sic sua responsa temperarit, vt vel ex tempore ad quæuis interrogata promptissime responderit, non aliter atque si singula diligenter præmeditatus fuisset. In omni disciplinarum genere plurimum fuit exercitatus, Mathematicus insignis, Astrologus & Geometra acutissimus, Musicus, ac Medicinæ minimè ignarus. Tantum denique à picturâ & sculpturâ valuit, vt ipse plurimas imagines suâ manu depinxerit, & quasdam etiam in ære ac lapide artificiosè cælauit. Rarum quiddam profectò fuit, & quod nemo non alienum ab huiusmodi homine putaret. Suprà quàm credibile cuiquam est, laboris patiens fuit, vt qui regiones ac ciuitates ipse frequentissimè peragrarit. Memorix aded fuit tenacis, vt quo quid loco & tempore gestum fuisset, nominaque singulorum absentium militū, facile meminisset. Circa initium Principatus, auctoritate Senatus Populiq; columnam altitudine pedum centum & quadraginta exstruxit, quæ etiamnum hodie superest. Hanc extrinsecus præclarè Traiani gestis exornauit, cuius etiam busta sub eadem recondidit, referens ipsum inter Diuos: locumque in quo columnam istam statuerat, forum appellauit Diui Traiani. Sub id temporis incommodissima in Africâ seditione passim inter Iudæos pullulabat, qui tantam multitudinem in Libyâ, Ægypto & Alexandria interemerunt, vt nisi Hadrianus aliunde secum qui agros colerent ed aduexisset, terra inculta ac planè deserta permanisset. Postquam verò miserabilem istam seditionem composuisset, ac penitus extinxisset, Athenas in Græciam profectus est, ibique leges suas & statuta renouauit, Atheniensibus leges Solonis ac Draconis, vt petierant, confirmauit. Cumque isthic hiemaret, obtulerunt ipsi Quadratus atque Aristides (qui Apostolorum fuerant discipuli) libros Apologeticos in Christianæ fidei ac religionis defensionem à sese conscriptos. His autem commotus, ac iam aliquantulum in fide Christianâ eruditus, probèq; in iisdem per Serenum Granium legatum suum instructus, rescripsit, indignum esse Christianos religionis causâ passim occidi, effectusq; est eâ instructione mirus fautor Christianorum. Scripsit ad Asiæ Proconsulem Minutium Fundanum litteras, quibus ne deinceps Christiani comprehenderentur, nisi aliorum scelerum rei testibus conuicti, mandauit. Cum verò Cothebas, Iudaicæ factionis princeps, patriam suam cædibus contaminaret, ac Christianos variis multisq; cruciatibus insequeretur, ed quod arma aduersus Romanos mouere volebant, Hadrianus omnes passim Iudæos interfici curauit, iussitq; ne Iudæorum cuiquam aditus ad Ierosolimam pateret: donauitq; ciuitatem mœnibus probè munitam Christianis, eam de suo prænomine Æliam appellans. Deinde necessitate compulsus, in Sarmatas, qui iam ab Imperio descuerant, expeditionem parauit: quibus post multa bella deuictis, profectus est in Germaniam & Galliam, vbi illud summoperè conatus est, vt paci potius quàm bello consulere; studuitque milites in eâ expeditione magis in officio continere, quàm vt armis quidquam tentarent. Posteaquam iam regiones & prouincias omnes pacatas tranquillassq; fecisset, maximo sanè triumpho Romam reuersus, à Senatu Populoq; Pater patriæ salutus est, vxorq; eius Sabina Augusta nominata. Atque ita quidem pace terrâ mariq; partâ, Romam magnificis multisq; ædificiis deinceps ornare aggressus est: quorum etiamnum hodie quædam supersunt, Castrum videlicet Angelicū, quod Moles Hadriani dicitur, & pons quidam, quem etiam nunc Pontem Ælium appellamus. Hac tempestate res Romanæ in summo loco fuerunt constitutæ. Reges enim magno pacem ab Hadriano redimebant; ita vt hinc ille sæpenumerò dicere solitus sit, plura se in otio fuisse consecutum, quàm armis & cædibus potuerant alij. Hic ergo vbi Orbem vniuersum, urbemq; Romam legibus ac constitutionibus latè exornasset, in diuturnum morbum incidit, tandemque hydropicus vitâ decessit. Et quia Imperio Rom. ab omnibus Princeps facilè vtilissimus eorum qui ab Augusti temporibus vsque fuerant, habitus erat, inter optimos Cæsares relatus est.

SIC GESTVRVS SVM PRINCIPATVM,
VT SCIAM REM POPVLI ESSE,
NON MEAM PRIVATAM.



Cùm regnasset annis XXI. & vixisset LXII. interiijt.



ANTONINVS. gener & filius adoptiuus Hadriani, Imperium suscepit à CHRISTO nato anno centesimo & quadagesimo. Princeps fuit aded probus, aded clemens acpius, vt auctoritate Senatus cognomento Pius sit appellatus. Nullius planè inuidiæ aut fraudis conscius erat, quem subditi magis amabant quàm timebant. Nulla bella penitus aggredi voluit: verùm id operam dedit, quò regiones suas ac prouincias tueretur magis quàm propagaret. Omni ratione paci consulendum ratus, exemplum cepit ab Hadriano, qui plus otiosus quàm in armis profecerat. Vnde & sæpè dixisse fertur: Honestius esse à Cæsare vnum ciuem seruari, quàm mille hostes occidi. Oportet etiam, dicebat, pastorem fidum probumque apud suas continuè adesse ouiculas, easque solas pascere, nec ad alias deuiare. Cùm ergo ad istum modum Orbi propè vniuerso non armis, sed solâ virtute, auctoritate, & famâ quæ de eo ferebatur honestâ imperaret; Reges cuncti, prouinciæ, populiq; arma deposuere, eoque erga ipsum animo fuere, vt ex amore non Cæsarem ipsum, sed velut Patrem vniuersi cognouerint, vno ore fauorem & gratiam eius exoptantes. Inter hos etiam populi fuerunt Orientales, vt erant Bactri, Hircani atque Indi, quos nemo Cæsarem ditioni Romanæ, quamlibet copiis instructissimus, subiicere vmquam potuit. Hi ad Antoninum Legatos suos miserunt, solùm gratiam eius (quasi Deus quispiam è cælo fuisset) implorantes, sese vedigales Populo Rom. vtrò constituentes. Vir item hic fuit tantæ iustitiæ, vt exteri Reges & populi, si quid controuersiæ inter se habebant, id omne ad hunc tamquam iudicem incorruptissimum detulerint, iudiciũque de eo implorant, ac neutra pars ab eius sententiâ vmquam fore recedendum fuerit arbitrata. Ita sæpenumerò maximas lites diremit, vt qui vtriq; parti æquè erat addictus, non asper aut durus, sed omnibus ex æquo benignus, mitis, ac liberalis. Non suum quærebat commodum, non vanam ambibat gloriam: adulatoribus nullas præbebat aures; tamen quidem Cerdo & Valentinus plurimùm quotidianis suggestionibus & cauillationibus ipsum anno Imperij sui tertio aduersus Christianos, quòd apertam eorumdem hæresim deriderent, instigabant. Hi asserbant duos esse Deos, alterum bonum, alterum malum, & vtrumq; potentem iuxta ac æternum. Probabilis doctrina hæc Gentibus rationiq; humanæ visa est. Sub hæc autem tempora librum de fide Christianâ conscripsit Iustinus Philosophus, quem biennio post Antonino nuncupauit. Quâ re ita Imperatorem in Christianos beneuolum reddidit, vt quietos ipsos in suâ religione perseverare admiserit vsq; in Principatus sui annum decimumquintum. Tum enim Crescentis hæresis longè detestabilis pullulare cœpit. Erat autem hic Philosophus, docebatque CHRISTVM nihil penitus ex carne MARIÆ assumpsisse, ac per eam quasi per colum quoddam in terram exiuisse. Quam ille hæresim à prædicto Valentino sumpserat. Et quia Iustinus hunc veluti gulæ, luxui ac Veneri deditum, præuicatorẽq; philosophiæ insimulasset, modis omnibus Crescens eiusce rei vindictam in Christianos excogitauit. Plurima igitur falsâ ac indigna flagitia commentus, Christianos nocturnas inter sese coitiones agitare ad cœnam dicebat, vbi inter cetera occultas cædes in sua sacrificia perpetrarent, filios proprios necarent, eosq; Diis sacrificarent, atque ipsi postea comederent; denique & post cœnam nefanda supra ceu canes admitterent, rem cum matribus & fororibus in tenebris haberent. Dicebat præterea, eos indies consultare, vires augere, præsidia confirmare, vt ita tandem ex suâ congregatione conscripto exercitu cædes, latrocinia, ac prædas in vulgus Imperiũque Rom. palàm exercerent. Hisce mendaciis in tantum odium apud omnes deuenere, vt Antoninus cunctis Asiæ Præsidibus edicto præceperit, vt Christianos omnes euertent, occiderent, ac penitus extirparent. In hac persecutione etiam Iustinus Philosophus vitam pro Christi nomine martyrio libens promptusq; finiit. Eâ tempestate Antoninus propriis expensis plurimum adiuuenti tulit in locis quibusdam muniendis, ad quæ Tiberinus fluctus albens Romæ infinita damna indies dedit: à quâ tamen restauratione semper Senatus Populusq; Rom. abhorrebat. In hac re sanè opus memoratu dignissimum absoluit, Vrberemq; & comoda publica plurimùm auxit. Ad postremum febri naturæ legibus satisfecit, cum maximo luctu & dolore vniuersi ferè Orbis; ac miro quodam sepeliendi genere, multò aliter atque fuerunt alij, sepultus est.

XVI.

VELLEM ME SINE SENATORIO SANGVINE
IMPERIVM TRANSIGERE.



Vixit LXXVII. annis, regnavit XLII.
naturali morte occubuit.

E



AVRELIVS VERVS, & M. AVRELIVS ANTONINVS, Imperium administrare simul æquo iure cœperunt à CHRISTO nato centesimo sexagesimo secundo anno, fueruntque ambo in filios ab Antonino Pio adoptati: quorum alteri, M. Aurelio, filiam Faustina in matrimonium dedit, ipsum suo cognomine Antoninum nominans: verus hic erat Annij Veri filius. Ceterum L. Aurelio vxorem dedit Lucillam, M. Aurelij filiam, indito cognomento Veri, quod antea proprium fuerat dicti M. Aurelij. Atque illud quidem ideo fecit, uti amicè & concorditer ceu fratres Imperium simul administrarent. L. hic Aurelius naturalis erat filius L. Ceionij Commodi, quem adoptauerat Hadrianus, quemque suo prænomine donauerat, appellas eundem L. Elium Cæsarem. Quoniam verò hic ante Hadrianum moriebatur, in eius locum adoptatus est Antoninus Pius; idque eâ lege, ut defuncti filium (qui etiamnum infans erat) adoptaret, atque ad Imperium surrogaret. Verum Antoninus ita publici commodi rationem semper habuit, ut Imperij gubernacula soli L. Vero committere noluerit, (eò quod aliquantò durior, astutior, ac voluptuosior sibi videbatur) sed huic tradiderit veluti collegam M. Antoninum, qui contra initis, placidus, ac clemens in omni probitate sanè quàm honestissimè versabatur, quique ob egregiam suam virtutem, in omni honestâ actione enutritus, panè à puero aduersa iuxta ac prospera perferre solebat, eiusdem semper vultus atque animi. Præter hæc naturæ bona etiam non vulgari præditus erat scientiâ, quam ab Oratore Cornelio Frontone acceperat, ita ut meritò sanè abs quolibet Philosophus habitus sit haud indoctus. Habebat item frequenter in ore sententiâ hanc Platonis: Tum demum cum ciuitatibus benè beateque agi, si aut eas Philosophi administrarent, aut earum Principes philosophentur. Ob hanc igitur causam sic Antonino Pio placuit, ut uterque eiusdem potestatis Imperio præesset: duoque hi primum simul Imperatores fuerunt. Hi Antoninum Pium, eiusque coniugem Faustina, inter diuos Senatus Populi que Rom. consensu annumerarunt. Mox ut Vologesus Parthorum Rex mortem Antonini accepisset, conscripto exercitu Armeniam, Cappadociam, ac Syriam inuadit: quæ res Romanis summx tristitiæ ac dolori fuit. Verebantur enim, ne ex illo tumultu grauior insuper oriretur, quemadmodum iam sæpè contigerat. Omnis tamen spes in duobus hisce Principibus posita erat, quos pariter præsentibus obieciabant infortunio. L. Verus dux exercitus statuitur, ut qui erat durus fortisque, quemadmodum diximus. At quoniam M. Antoninus philosophiæ magis deditus videbatur, publicè ratum fuit, hunc magis aptum, magisque necessarium fore, qui ciues Romanos in officio contineret, omnem seditionem faciliè præcaueret, iusque ipsum administraret. Ac postquam cum ingenti exercitu L. Verus Athenas Diis sacrificaturus peruenisset, ingens ac terribilis flamma in aëre apparuit, quæ ab ortu Solis ad occasum usque ardere conspiciebatur. Quod quidem signum hominibus horribile visu fuit, & plerisque præsagium mutationis futuræ. Deinde Parthiam ingressus, bellum non minus fortiter quàm fortunatè mouit, res graues ac difficiles expediuit: nec nisi domitis Parthis, repetitâ Armeniâ, in eaque Rege constituto, qui populum in Imperio Romano contineret, & à cunctis malis defenderet, cessauit. Hinc deinde in Syriam profectus est, vrbenque munitissimam Seleuciam ad Hydaspem fluuium sitam, militum quater centenis millibus deuicit. Atque ita hostibus superatis, singulisque in pace & tranquillitate in intimam usque Iudæam constitutis, in Italiam rediit, Romæque honorificè triumphans in curru aureo ad Antonini latus assidens exceptus est: ubi cum ad Capitolium hoc pacto simul peruenissent, utriusque cognomen inditum est Parthici, Maximi, atque Armeniaci. Verum Antoninus, nec Armeniaci, nec Maximi titulum agnoscere voluit, uti eo honore vel solus victor potiretur. Non multò post L. Verus numine ictus obiit.

XVII.

VXOR DIGNITATIS NOMEN EST,
NON VOLVPTATIS.



Æquali imperio cum Aurelio illi in fratrem dato,
XI. annis regnavit, apoplexiâ ictus interiijt.



AVRELIVS ANTONINVS, post obitum L. Veri, solus Imperij gubernaculis potitus est, defunctumque (vt optimis Cæsaribus fieri consuevit) Diis connumeravit: deinde multis passim Prouinciis grauamina ac vectigalia vltro ademit, vti cuncta tranquilla perseverarent, regeatque absque cædibus: quare & seueriores leges nouis constitutionibus relaxauit, atque omnino mitigauit. Postea item monumenta fiscalium titulorum in foro publico combussit. Quibus sane gestis populo adeo gratus fuit, vt à plurimis totius Orbis defensor, & ob singularem iustitiam Verissimus, speculumque Virtutis appellatus sit. Plurimum deinceps honore, regnis, bonisque comparandis profecit, animumque ad scribendum appulit; adeo vt eius libri etiamnum exstent, & in magno apud eruditos habeantur pretio. Persecutio autem Christianorum, quæ à temporibus Antonini Pij necdum cessauerat, sub hoc plurimum aucta fuit. Quo quidem factum est, vt hac motus occasione Melito, insignis Christianorum patronus ac defensor, ad Imperatorem litteras scripserit huiusmodi: *Quod antehac, inquit, factum est numquam, modo vsuvenire videmus, nempe pios persecutionem pati, profligari vndeque, nouis decretis per totam Asiam promulgatis. Impudentes namque, homines & calumnioli, qui rapere aliena desiderant, occasione accepta Imperialium præceptorum, more prædonum die nocturne grassantur & diripiunt innocentes. Atque hac quidem si iubente te faciunt, en prompti libentesque, quosuis cruciatus, imò & mortem ipsam perferimus, quam ex iussi Principis editto irrogari verò cognoscimus. Maxime tamen te oratum volumus, vt rem iusto examine perpendas, diligenterque discutias, num ad istum modum homines necari ministris tuis mandatum sit. Si enim inscio te immane istud ac plane tyrannicum editum exierit, oramus, ne nos despectui habeas, nec patiaris nos pios religiososque tuos tam publico latrocinio iugulari. Quoniam verò sub eam tempestatem fatale ac prorsus detestabile malum passim pullulabat, ita vt hinc quàm plurimæ ciuitates terramonibus atque inundationibus misere vastarentur; peste multâ hominum millia absumerentur, quæ vsque adeo in vniuersâ grassata Italiâ est, vt terras atque homines funditus subuerterit; cumque ad hæc mala etiam ingens copia locustarum accederet cum maximo ægorum detrimento, omnis infortunij culpa in Christianos conicitur, idque ob splendida Crescentis mendacia, quemadmodum in Antonio Pio diximus. Quare hic inter cetera Rescripti verba ita ad Asiæ Præfides scripsit: *Non equidem dubito, quin Dijs ipsis cura sit, ne quis noxius lateat, conueniensque his multo acerbius eos punire qui immolare nolunt, quàm nobis. Quemadmodum igitur vos intelligo communes hosce casus in Christianis ex mera inuidiâ transferre, eosque vel ad necem vsque persequentes: ita paternam secutus sententiam, deinceps volo, vt si quis Christianum quempiam, eo nomine saltem quod sit Christianus, accusauerit, reus quidem absoluator, aliusque eam penam subeat, quam Christiano intentabar.* Editum hoc Ephesi in Comitibus publicè propositum fuit. Cum verò diu multamque passim omnia quieta tranquillaque fuissent, nouus de improviso in vniuersâ Europâ tumultus exortus est. Germaniam enim, Sarmatiam, Illyriam, ac Galliam, vti Romanorum seruitute soluerentur, iam bella parare certus rumor ferebatur. Quæ re Romani magis fuere percussi, quàm si regio descivisset alia. Porro hic Antonino philosophia suâ adeo non nocuit, vt potuerit etiam sese promptissime ad bellum accommodare, quamquam philosophiæ maximè cupidus fuerit, vt qui Apollonium philosophum, ac Sextum Plutarchi successorem audiisset. Vt igitur ad resistendum expeditionem parare debebat, ciuitatesque ob decennale bellum plurimum depauperatæ erant, ita vt exactionibus Imperium amplius grauari noluisset, omnia sua Imperialia adeoque vxoris ornamenta in foro Traiani diuendidit, exercitumque conscripsit, atque ita in Germaniam cum filio suo M. Commodo probe expeditus contra Venedos, Quados, & Sclauios profectus est: tandemque post multas cædes cum suo exercitu in Quadorum regionem, nunc Austriam appellatâ, peruenit; vbi ab hostibus circumseptus, magnâ laborauit aquæ penuriâ. Cum verò iam in Germanico & Sarmatico exercitu horribile tonitru auditum fuisset, fulmenque ingens apparuisset, ac grandis imber cecidisset, eâ re attonitos profugosque Romani aggrediuntur, cæduntque. Deinde exercitum in Pannoniam atque Illyriam duxit, ac post magnam victoriam morte naturali obiit. Nemo fuit qui non mortem huius cum lacrymis exceperit.*

XVIII.

ÆQVIVS EST ME TOT TALIVM AMICORVM
 CONSILIVM, QVAM TOT TALES MEAM
 VNIVS VOLVNTATEM SEQVI.



Cum genero suo L. Vero Imperio præfuit XI. annis,
 solus I X. obiit ætatis L X. anno.



MELIVS AVRELIVS COMMODVS, cognomento paterno ANTONI-
 NVS, anno post natum CHRISTVM centesimo octuagesimo secundo, sta-
 tim atque pater obiisset, in publicum prodijt, sedemq; inter milites collocatam
 conscendens, Orationem habuit huiusmodi: *Nunc me vobis, fortissimi mi-
 lites, defuncto patre, fortuna Principem, non quidem electum vti antehac fuere ceteri, sed in
 palatio Imperiali natum atq; educatum dedit, quib; nec in plebeis aut obscuris vagari cuna-
 bulis. Simulatq; enim me mater in lucem edidit, vestibus ornamentisq; sanè Imperialibus ami-
 ctus fui. Eodem momento me Sol hic Principem hominemq; aspexit. Igitur his ita probe con-
 sideratis, Principem vestrum honorate vti Casarem. Idem enim pater hinc ad Superos com-
 migravit, vti nobis, ad quos totius Orbis administratio veluti inire spectaret, humanarum
 rerum cura deinceps incumberet. Ac si gnauiter praelium captum perfeceritis, finesq; Roma-
 ni Imperij ad magnum vsq; Oceanum propagaueritis, ingentem certe gloriam vobis, nomenq;
 atati mea amplissimum parabis; & omnino illud quoque efficietur, vt barbaris Germanis
 initio Principatus nostri depressis, nullus sese aduersus atatem nostram erigere meq; contem-
 nere auit, sed praecedentis iactura metu domiti omnes facile permaneant. Hæc cum di-
 xisset, in milites magnam pecuniae vim sparsit, vt ita equites peditesq; sibi beneuolos redde-
 ret; decreuerat enim voluptuosè vitam transigere. Ad istum igitur modum Germanicum
 bellum sibi à patre relictum, cum iam res ad victoriam inclinaret, turpiter deferens, con-
 tempto amicorum equitumq; consilio, Romam properauit. Cum verò non longè Romà
 abesset, Senatus Populusq; vniuersus venienti obuiam processerunt, fausta ac læta precan-
 tes: sparsis insuper flosculis festsq; odoriferis, vt Casarem, spe tamen illà, tamquam qui pa-
 terna vestigia in omnibus secuturus foret, exceperunt. At contra omnium opinionem ve-
 rustissimos quosque patris sui amicos Senatu mouit, etiam illos qui aut nobilitate, aut pro-
 bitate, aut etiam prudentià præstabant ceteris. Quàm plurimos doctos, quibuscum magna
 patri intercesserat familiaritas, quos nonnihil verebatur, ac qui libidini eius velut obstaculo
 erant, in exilium misit & relegauit. Deinde ad tantam crudelitatem, superbiam, ac libidinem
 lapsus est, vt Vestales omnes constuprarit, ac ne à forore quidem proprià Fadillà sese cohi-
 bere potuerit. Ob quas quidem res ipsi varias struxerunt insidias, atque inprimis eius soror
 Lucilla, quæ operà cuiusdam Quadrati adolescentis nobilis ac venusti conata est eum in
 angulo quodam Theatri obscuro confodere. Is autem occultum gladium propèrè edu-
 cens, altà voce exclamat: Hoc te Senatus donat. atque in pungendo errantem Commodi
 stipatores inuadunt. Quæ res non modò adolescenti & Lucillæ, sed & vniuerso Senatui
 pernicies fuit sanè maxima. Nam certò iam cognoscens sese multis odio esse, magis magisq;
 sæuiit. Ac postquam Senatores omnes, & optimos quosq; vrbis Romæ è medio tulisset, pluri-
 mum Perennius eius oconomus Imperium affectauit. Deinde & Maternus miles oppidò
 quàm fortis, ac Cleander stipator, vitæ eius insidias fecerunt. Verùm quemadmodum rem
 propositam perficere non potuerunt, ita ipsi contrà fuere enecati. Commodus vitæ suæ peri-
 culum apertè considerans, fortè se & magnà custodià muniit, pluraq; indies crudelia perpe-
 trauit: atque eò tandem dementia venit, vt paternum nomen contemnens, abiectis orna-
 mentis Imperialibus, se Herculem Romanum Iouis filium appellaret. Exuvias leonis induit,
 manumq; clauā armauit; atq; sic Romæ quotidie incedebat: cum bestiis pugnavit, statuasq;
 fieri iussit velut Hérculis, intenso arcu, vultu seuerò innuens fortitudinem suam, ac iaculandi
 peritiam. Urbem Romam, Senatum, Populumq; de se Commodianos appellauit. Paulò
 pòst noluit Hercules, sed pugil nobilissimus salutari. Nudus frequentabat ludos omnes ac
 gymnasia, miscuitq; sese omni hominum generi in diuersis concertationibus. Quàm qui-
 dem rem vti Romani ægrè tulere, sic & indignam tanto Principe fuisse manifestum est.
 Hinc ab omnibus humani generis hostis iudicatus est, etiam qui ad omnem malitiam, im-
 pudicitiam, impuritatem, ac crudelitatem natus esset. Deinde paulò pòst,
 operà Marcie concubinæ suæ (necatà vxore suâ Crispinâ) nocte in somno laqueo strangu-
 latus est.*

XIX.

AB INCOLVMI, QVAMVIS PAVLATIM,
NEGOTIA PERFICI POSSVNT;
A MORTVO NIHIL.



Imperavit X I I I. annis; laqueo vitam finiuit,
cùm vixisset X X X I I. annis.



PELVIUS PERTINAX Imperator, eâ ipsâ nocte quâ Commodus inter-
 fecerat, eligitur, anno CHRISTI centesimo nonagesimo quinto; idque hac
 viâ: Lætus Tribunus militum atque Electus Commodi cubicularius, perem-
 pro domino suo, rati sunt neminem profectò Pertinace magis probum aut
 idoneum esse, qui populo in Cæsarem offeratur, quo item cuncti in pace perseuerare, ac iam
 multâ diuturnaque oppressi tyrannide, animum tandem resumere queant. Nam hic Pertinax
 domi militiæque iuxta promptus erat. In omnibus istis præliis, quæ aduersus Germanos,
 aliasque nationes, Romani absoluerant, mirum quàm fortem, quàm strenuum sese gesserat;
 ita ut haud dubiè ex fortissimis atque amicissimis, quos Commodus interfecerat, solus hic
 superstes relictus fuerit. Nulli item Commodus tantam vim & potentiam reliquerat at-
 que huic, siue ob fortitudinem & strenuitatem eius, siue etiam ob eiusdem inopiam
 ac tenuitatem. Cum ergo Lætus Electusque cum suis adherentibus nocte intempestâ ad
 Pertinacis ædes properassent, ostiarium mox excitauit: qui ut eos vidisset, properè ad he-
 rum suum accurrit, atque istiusmodi adesse viros nuntiat. Pertinax ostium aperiri absque
 morâ iubet, hoc modo inquires: Nunc mihi malum istud præ oculis est, quod antehac sæ-
 pius adfuturum metui. Nihilominus eâ fuit fortitudine animique constantiâ, ut lecto non
 exierit, nec aliqua mutatio vultus in eo deprehendi potuerit. Mox ut Lætus atque Electus in-
 gressi fuissent, ita iis locutus est: Hunc vitæ meæ exitum iam multis noctibus semper exspe-
 ctavi, eò quòd solus ex amicis paternis superstes relictus sim, adeoque miror, quamobrem
 hucusque rem distulerit. Quid hic statis? quin perficitis quod vobis mandatum est? Quin,
 inquam, hoc agitis, ut me omni curâ ac sollicitudine exemptum videam? Respondit Lætus:
 Missa isthæc fac: neque enim venimus ut te occidamus, sed potius ut tibi Imperium tra-
 damus, cum tyrannus ille perierit, dignasque potestas suæ tyrannidi dederit. Tum Pertinax:
 Vobis, inquit, ita lubitum est me deridere, antequam moriar, & mihi vitam adimatis? At
 istiusmodi signa ei ostenderunt ut iis crediderit, totumque se in illorum manus tradiderit.
 Hac re ita inceptâ ad milites sese contulerunt, quibus rem omnem aperuerunt. Cum iam
 propè lucefceret, populusque rumorem hunc intellexisset, tota vrbs gaudio perstrebat,
 cunctique Pertinacem patrem appellabant. Deinde pro more illi iuratum est. Et cum et-
 iam non dubitaret num Imperium susciperet, coegerunt ne recusaret, rogaruntque ut ob
 senectutem filium suum sibi collegam adiungeret. Verùm hoc ille recusauit, inquires: Suf-
 ficit me vel inuitum imperare. Post palatium ingressus, omnia honestè atque vtiliter resta-
 uauit. Atque ut eius probitas latè se diffundeat, cunctæ nationes promptæ fuerunt ad om-
 nem eidem deferendum honorem & obsequium. Eodem modo & barbaræ nationes, quæ
 ob vectigalia à Commodò imposita Imperio descuerant, iam vltro sese in nouitij Imperatoris
 potestatem dederunt, idque ob fortitudinem quam in bellis iam pridem exercuerat. Sed his
 ille omnia vectigalia sustulit, legesque duras aut asperas aliquantulum relaxauit, exhibens le-
 gatis vultum mitem, placibilem atque amicam. Hoc autem iniquitatis militibus pati durum
 fuit: verebantur enim ne liberale hoc ac ciuile Imperium sibi pudori & damno foret, quòd
 hinc facillè considerabant sibi liberum arbitrium in omnibus sublatum fore. Quare con-
 cluserunt, ne vllâ ratione talem ferrent Imperatorem, seque inprimis rebelles exhibuerunt.
 Deinde verò inter sese egerunt, ut interficeretur, aliusque facillè inueniretur, qui tantæ pro-
 bitatis, concordiæ, aut vrbauitatis non esset. Hinc ergo deiectis hastis gladiisque eductis ad
 palatium contenderunt. Pertinax autem eâ seditione intellectâ, quamquam ei fuga consu-
 labatur, populi que subsidium inclamare, respondit, vtile quidem fore, minimè verò honestum,
 nec Imperatore dignum. His ille prodit, sperans feroces militum animos se verbis lenitum.
 Nihilominus fuerunt aliqui qui ob venerabilem eius senectutem Imperialemque dignitatem
 retroibant: sed alij verba eius adulatoria esse rati, ipsum inuasert, ac multis vulneribus oc-
 ciderunt. Huius nefandæ cædis Populum Rom. plurimùm pœnituit, eò quòd inuitus Impe-
 rium suscepisset. Tandem ut Pater Patriæ inter Diuos relatus est. Et cum iam nullus esset
 qui mortem eius vici sciret, præsertim quòd fortissimi quique Româ aufugerant; mi-
 lites ex prætorij muris proclamauerunt, Imperium esse venale, eius fore, qui maiori id præ-
 tio emerit.

SANCTIVS EST INOPEM REMPVB. OBTINERE,
QVAM AD DIVITIARVM CVMVLVM
PER DISCRIMINVM ATQVE DEDECORVM
VESTIGIA PERVENIRE.



Septuagenarius per v l. menses regnavit,
miserabili modo occifus.



MDIDIUS SEVERVS IVLIANVS clarissimus Iureconsultus, litterarumque peritissimus, cum iam nemo ex Senatoribus aut Nobilibus ad muros Prætorios accedere auderet, nec tam turpiter atque ignominiosè Imperium emere affectaret, solus accessit, cœpitque altâ voce exclamare, paratum sese esse tantum numerare quantum peterent, se auri argentique vim habere maximam. Illi scalis demissis Iulianum ad se receperunt: verebantur enim portas aperire, antequam de pecuniâ conuentum esset. Confestim autem ut in medio esset exercitu, pollicitus est Commodi statuas per Senatum Populumque destructas sese restauraturum; illisque omnia, quæ libuisset facere, permissurum, sicuti Commodi temporibus consueverant: præterea unicuique equiti ac militi tantum se pecuniæ numeraturum, quantum neque sperare neque optare possent, atque id quidem propediem. His moti milites, Iulianum in Cæsarem suscipiunt, illique pro more inamentum præstant, attributo cognomento Commodi. Deinde signa atque arma cuncta prorsus auferunt, ac Iuliani imaginem insigniaque in eorum locum substituunt: atque ita ipsum circum Prætorium vehere cœperunt. Postquam verò iuxta veterem consuetudinem Diis in exercitu sacrificasset, solito maiori equitum militumque multitudine euehebatur in Urbem. Et quidem, quoniam per vim, Senatu Populoque Romano inuito, electus esset; præterea quod non minùs ignominiosè quam turpiter Imperium pretio emisset, populum nonnihil metuit. Ob quam item causam equites iuxta ac milites sese quam potuerunt maximè obarmarunt, suumque Imperatorem in medio constituerunt, ut ita fortiter circumcinctus facilè ab omni vi, siqua forsan exoriretur, foret tutus. Ad hunc sanè modum ipsum in palatium usque deduxerunt; & Populus, qui consueverat Imperatoribus fausta omnia lataque precari, infausta atque infelicia huic ominatus est. Circa hæc tempora Equitum laudatissimi mores in vitia ruere, atque auri cupiditas apud quosque cum Cæsare Maiestatis contemptu passim cœpit exoriri. Cum enim nemo esset qui Pertinacis mortem vindicaret, cumque milites Imperium tam turpiter emptum viderent, nec esse qui contradiceret, ad omne sese flagitium atque inobedientiam dederunt; usque adeo, uti auaritia contemptusque Maiestatis Imperatoris magis magisque indies augmentarentur. Vbi iam Iulianus Imperium velut plenò iure sese possidere arbitraretur, ad omnem libidinem ac luxum se totum transtulit, adeo ut in publici commodi administratione inutilis planè fuerit. Præterea militibus spem ademit omnem, eò quod opes eius tantæ & tam amplæ non essent atque iactitasset, ita ut promissam pecuniam militibus numerare minimè potuerit. Erat autem & publicum ærarium magnis atque inutilibus sumptibus, quos fecerat Commodus, planè exhaustum. Hinc Iulianus militibus cœpit esse odio, atque cuncta eius opera ipsis displicebant: adeo ut in prætereundo sæpè verbis iniuriam ipsi intulerint, atque indignam eius libidinem acerbissimè exprobarint; idque non priuatim modò, sed & publicè in foro, in maximo populi conuentu; dixerintque hominem ipsum esse omnium quos terra alat nequissimum, atque impudicissimum, & id genus alia plura, quæ obiciebant. Ut verò Senatus Populusque Romanus considerabat, Iulianum minoris indies apud milites equitesque fieri, & plerisque odio esse ac contemni; neque item esse qui mortem Pertinacis aut Imperij ignominiam vindicaret; elegerunt C. Pescennium Nigerium tamquam Romani Imperij totiusque mali vindicem: ipsum obsecrarunt, ut quam ocyssimè cum omni exercitu Romam veniret, ac Romanos à tantis contumeliis assereret. Hæc ubi Iuliano nuntiata essent, audieratque etiam L. Seuerum in Pannoniâ aduersus se moliri, non quidem ut Cæsarem, sed uti necis Pertinacis vindicem, à quo in Pannoniam cum exercitu missus erat, facile suspicatur secum penitus actum foro.

ETSI ALTERVM PEDEM IN SEPVLCHRO
HABEREM, ADHVC ADDISCERE VELLEM.



Imperio mortem licitatus est, cui vix VII. mensibus praefuit.



PESCENNIVS NIGERIVS Senator fuerat Romanus, ac deinde vniuersæ Syriæ Præses. Hunc Romani honestissimum fortissimumq; æstimarunt, vt qui vniuersæ Phœnicia & totius regionis ad Euphratem vsque dominator esset. Erat præterea eius ætatis, vt facile pro honesto ac pacis studiosissimo coli potuisset. Ferebatur & in rebus magnis atque arduis clemens, mitisq; ac tamquam iustitiæ cultor celeberrimus passim laudabatur; adeo, vt nihil dubitarent quin Pertinacis vestigia sequeretur: quibus ille Romani Populi fauorem sibi facile promeruit. Quæ cum in se ita esse intelligeret, spem sanè habuit amplam ad Imperium perueniendi: passim in vulgus spargi curauit, non fraude se Imperium velle adipisci, sed iis venire subsidio qui id à se tantopere flagitassent. Hinc ad ipsum vniuersi, qui in Asiâ Populi Romani amicissimi erant, venerunt, obsecraruntq; vt quàm primum Rempublicam capefferet. Cum iam videret cuncta ex animi sui sententiâ succedere, conuocatis equitibus ac militibus orationem habuit huiusmodi: *Quàm mite ingenium nostrum sit, quantaq; nobis in rebus gerendis arduis prudentia, equidem vos satis scire arbitror: neque enim buc ad vos processit de istiusmodi verba facturus, sed vti vobis indicarem, quemadmodum Romani me assidue fatigent, eò quòd, vt sibi manum salutarem porrigam, flagitare non desinant. Præterea equo animo ferre nequeo, tam excellens tamq; gloriosum à maioribus relictum Imperium, ita turpiter iacere abiectum. Et quemadmodum quidem facinus audax temerariumq; foret, rem tantam absque occasione aliquâ aggredi: ita profecto nec timiditatis aut proditiōis notam effugas, si opem implorantibus deneges. Ob hanc ego causam nunc ad vos prodij, vt quid vestrum in hac re consilium sit, scirem. Ad hunc igitur modum, vbi quid Romæ cum Senatu Populoque ac Iuliano ageretur, ordine recitasset, vniuscuiusq; sententiam hac in re scire laborans, continuo à militibus vulgoq; Imperator atq; Augustus salutat⁹ est. Deinde amictum purpurâ, reliquisq; ornamentis Imperialibus, præcedente etiam igni, in Antiochiæ templum deduxerūt. Qui quidem rumor vbi passim increbuit, vniuersæ Europæ nationes pro se quæque festinare, vt Nigero obsequium præstarent. Reges item & Satrapæ ad Euphratem Tigrimq; habitantes, legatos suos Antiochiam gratulatum misere, operamq; omnem illi polliciti fuere. Interea dum hæc à Nigero in Asiâ agebantur, Seuerus etiam in Pannoniâ extemplo sese Romam parauit, qui in rebus gerendis homo erat admodum vehemens, ferox, vitæ duræ atque asperæ nimium, promptus in rebus excogitandis, acerrq; ad miraculum vsque in perficiendis. Hic vt Imperij Principatum velut suspensum, ac quasi direptui expositum vidit, Iulianum quidem vt desidem, Nigero verò vt parum efficacem ad Imperium administrandum, contemptui habuit. Quare non modò tamquam vindex Pertinacis, verum etiam tamquam Imperator Romam proficisci decreuit. Atque vbi equitum suorum militumq; animos sibi probe conciliatos animaduertit, oratione blandâ eò cunctos pellexit, vt se faustis acclamationibus cuncti Augustum Pertinacemq; appellarint, iurauerintq; omnem opem vel in extremum euentum sese præstituros. Atque ita tandem properè Romam profectus est. Quod vbi Iuliano nuntiatum esset, pecunias è templis Romæ vndique directas in milites diuisit, vt vel eo pacto rursus eorum benevolentiam redimeret. Quare multis etiam precibus tantum apud ipsos egit, vt ad resistendum sese armarint. Præterea & elephantes omni apparatu bellico onerauit. Verum cum iam fama erat Seuerum non longè ab Vrbe abesse, conuenerunt Senatores ac ciues vniuersi, quemadmodum fieri consuetum erat, siquando de Imperio aliqua oriebatur controuersia; atque Iulianum quidem morri adiudicarunt, Seuerum verò Imperatorem elegerunt.*

XXII.

VIVVS PLACERE VOLO, MORTVVS
ETIAM LAVDARI.



Simul cum Seuero, eo tamen inuito, rerum habenas
tenuit III. annis: tandem occisus est.



SEPTIMIUS SEVERUS PERTINAX in exercitu non longè agebat ab Vrbe Româ, anno à CHRISTO nato nonagesimo sexto; vbi audito Senatusconsulto, magis ac magis de vlciscendis Pertinacis interfectoribus propositum confirmauit auxitque. Quare tantum egit apud Tribunos Plebis, vt interfectores illos modis omnibus ad præstandum sibi obsequium & obedientiam inducerent, atque insuper edictum promulgauit, vt vniuersa arma deponerent, in habitu pacis exirent, ac sibi tamquam Cæsari inaugurationem iuramentumque præstarent. Qui quidem per Tribunos, Plebis persuasi Iulianum deseruere: qui suum deplorans infortunium, permisit vt Imperium sibi abiurarent, omniaque ornamenta Imperialia omni vi in nouitium Imperatorem Seuerum transferrent. Ad hunc illi modum, laureis redimiti fertis, ad Seuerum supplices venerunt; vbi armis ac viris circumuenti illicò fuere. Mox Seuerus irato animo huiusmodi ad ipsos orationem habuit: *Posteaquàm modò nostrâ virtute ac prudentiâ victi sitis, certè haud indigni hic adstatis, qui Imperio iure optimo litemini, viroq; illi magnificentissimo, quem cùm defendere merito debebatis, turpiter interemistis. Præterea illustre hoc Imperium, quod à maioribus nostris perpetuâ gloriâ ac virtute summâ, maximâq; nobilitatis nomine partum fuit, illud (inquam) Imperium longè clarissimum vos sceleratissimi seneratores tam turpiter tamq; ignominiosè vendidistis: quasi verò res nibili ac nullius planè momenti aut pretij fuisset. Ob quâ sanè indignissima flagitia, etiam atque etiam considerate & perpendite, quidnam sitis meriti. Nihilominus nullius sanguinem fundam: nec tamen decet, vt deinceps vestris manibus Imperiali sanguine infectis cuiquam Cæsarum inseruiatis. Mando igitur meis Equitibus, vt omnem habitum equestrem vobis auferant, nudosq; abire permittant. Iubeo item, vti vos procul hinc cedatis, nec vestrum quisquam ad centesimum miliare prope Romam deprehendatur, alioqui capite puniendus.* Hi verò vbi sese ad istum modum nudos conspiciebant, mœsti ac lacrymabundi abierunt. Interea, dum hæc in castris ante Vrbem aguntur, Iulianus bonâ spe fretus in palatio Imperiali mansit. Proinde Tribunus Plebis quispiam, cui istud negotium ab Senatu Populoque Romano commissum erat, Iulianum obruncat, rostrisque miseri Imperatoris caput præfixit. Deinde Seuerus eleganti militum ordine Vrbem ingressus est, multisque magnum timorem atque horrorem suâ præsentia incussit: facile enim apud sese eius fortitudinem ac seueritatem perpendebant. Senatus atque vniuersi ciues ipsi obuiam fertis ornati laureis processerunt, & à cunctis Pertinax salutatus est, eò quòd primus necem Pertinacis, grauissimamque Imperij ignominiam absque vllâ sanguinis effusione vindicarat. Et postquam Ioui Capitolino sacrificasset, in palatium Imperiale profectus est. Postero autem die orationem habuit coram Senatu sanè luculentam amicamque, & quæ spei prudentiæque multum polliceri videbatur. Ex optimis tamen quibusque plerique erant, qui sese mentem eius optimè scire aiebant, quique inter se mutuo clanculum discitabant, ipsum inconstantem esse, callidum, aliud ore loqui, atque aliud sub pectore reconditum seruare: præterea susque deque ferre fidem, iuramentumque frangere, dummodò ex eâ re quid lucri expectaret: quod etiam postea satis manifestum fuit. Nam vbi iam dies aliquot Romæ imperasset, populumque, Equites ac milites magnificè donasset, euestigiò suo exercitu ciuile bellum aduersus Nigerium in Oriente parauit, vt ipsum planè perderet: facile enim considerabat multas esse nationes, quæ Nigero concorditer adharebant. Britannicos præterea nonnihil metuit, qui omnes viri erant sanè robusti fortesque, ac Tribunum habebant D. Clodium Albinum, claro nobilique Romano genere ortum, opibus potentem, fortem, victoriosum, atque omni virtute ac probitate ornatum. Quibus rebus motus callidè Seuerus, hunc tamquam Imperij collegam sibi adiungere cogitabat; ne interim dum in Oriente bellaret, hic sibi Imperium affectaret. Atque hac quidem ratione viro optimo atque amicissimo spem magnam præbuit ad Imperium olim perueniendi, eò quòd in suâ epistolâ ipsum Cæsarem nuncupasset.

TVRBATAM REM P. VBIQVE ACCĒPI,
PACATAM ETIAM BRITANNIS
RELINQVO.



Romanos sub iugo habuit per annos XVI-II. vixit LXV.
non sine suspitione dati veneni occubuit.



D **CLODIUS ALBINVS** sub id temporis cum toto exercitu Pop. Romani nomine agebat in Angliā; atque vti Seuerus inter se Albinumque æqualem Imperij administrationem redderet certiorē, idipsum Senatui Populoque Rom. indicauit, sine quorum consensu Imperium diuidere noluit. Iussit insuper Albini nomine atque effigie nummos percuti, Albinumque Septimij cognomento appellauit, vti ceu fratres Imperium æquo iure defenderent, administrarentque. Statuit item Albino imagines, secumque vnā Consulem creati curauit; breuiter, in omni honore Imperiali Albinum sibi adæquauit. His ita peractis, ad Albinum litteras scripsit oppidò quā humanas; in quibus, vti Imperij curam boni consuleret, obsecrauit: eò enim virum nobilem, fortem ac strenuum, vti is esset, requiri. Præterea, quoniam ob senectutem articulari morbo, chiragrā podagraque supra modum laborabat, ac filio ea ætas nondum esset vti Imperio commodè præesse possit, orabat, vti ipse quā accuratissimè fidelissimèque regnum administrare veller. Albinus, istiusmodi nuntio accepto, libens istam in se prouinciam suscepit, gauisus summopere quòd absque conflictu aliquo aut detrimento ad optata peruenisset. Cum iam omnia à Seuero ita sapienter essent peracta, nec quidquam mali ex Angliā amplius timeret, mox ingenti ac parè incredibili militum copiā Orientem versus terrā marique profectus est. Proinde vbi Nigerius Seuerum Romā positum, atque à Senatu Populoque Romano in Cæsarem electum, & iam in itinere esse, ac ingentem expeditionem aduersus se instruxisse, accepisset; confestim sese ad resistendum parauit, iussitque Prouinciarum Præsides aditus præcludere, portus viasque arctas diligenter obseruare: deinde collectis suis copiis Seuero obuiam profectus. Pugnam vtrunque acerrimè adorti sunt; at victoria post magnam cruentamque dimicationem penes Seuerum fuit. Ac postquam Nigerij milites fugati caesi que fuissent, Nicæni in Bithyniā equites militesque profugos exceperunt. Deinde iterum Nigerianis cum ingenti rusticorum manu (qui omnes Nigero adhærebant) eduçtis, postquam acerbè vtrunque pugnatum esset, etiam secundo Seuerus victoriā potitus est. Nigeriani in extremas summitates montis Tauri fugā elapsi sunt, ac Nigerius ipse profugit in oppidum Antiochiam. Interea Seuerus exercitum suum è Bithyniā ac Galatiā in Cappadociam duxit, vbi propugnacula ac robustissima quæque munimenta cœpit oppugnare. Sed ita Nigerius mœniis modisque aliis singula accuratè præmunierat, vti istinc Seuerus facillè repulsus sit. Interim rursus magnam vim militum colligebat Nigerias. Cum verò intellexisset Taurum montem à Seuero fuisse expugnatum, diu vix posset, quantus repente timor dolorque hominem occuparit. Attamen tertio suos properè eduxit, itaque fors tulit, vti vtraque acies sub vesperem sese mutuo contigerint, ac postero die orto sole pugna vtrunque visu planè horribilis fuerit. Cæsarum autem tanta fuit multitudo, vt campus cruore inundaret. Superantur Orientales, atque ipse Nigerius in fugā occiditur: cuius sanè propinqui ac familiares à Seuero miris postea cruciatibus etiam trucidantur. Vt igitur cuncta in Oriente pro animi sui sententiā Seuerus perfecisset, restabat etiamnum Albinus, quicum pari ratione se acturum sperabat. Verum indignum fore arbitrabatur, rem tam aperto Marte aggredi, eò quòd nullam habebat causam. Quamobrem aliquos potius subornabat, qui hominem aut veneno, aut re qualibet alā è medio tollerent. Ceterum Albinus, cum ex iis ipsis, quibus istud à Seuero demandatum erat, rem certò cognouisset, decreuit hosti manifesto armis resistere. Quod vbi Seuerus, irā velut cæstro percitus, excandescens intellexisset, statuit nihil amplius celare, quin odium in apertum potius esse proferendum: atque ita tandem cum ingenti exercitu contra Albinum profectus est, qui item cum suis confestim ratibus traiecit ex Angliā, castraque in Galliā fixit ad littora maris, atque inde mox Lugdunum petiit. Denique Seuerus cum suo item victorioso exercitu Galliam ingressus, varias circa principia excursionēs fecit, tulitque. Postremò autem infensissimè prope Lugdunum pugnatum est, in quo certamine victoria diu multumque anceps, tandem penes Seuerum fuit, atque eo in loco Albinus cum ingenti hominum multitudine suffus occubuit.

XXIV.

EGO CÆSAREVM NOMEN NOLO:
DII FAXINT VT NE ALII QVIDEM VELINT:
SENATVS IMPERET.



Imperio vt Cæsar admissus à Seuerò per III. annos,
tandem ab illo occisus.



AVRELIUS ANTONINVS, qui etiam Caracalla dicebatur, Imperator anno post natum CHRISTVM centesimo nonagesimo octavo à patre suo Seuerò in Albini Cæsaris interfecti locum subrogatur, vt æquali iure Imperium secum administraret. Hi simul post superiorem confictum ciuitatem Lugdunensem extemplo spoliarunt, deuastarunt, atque incendio funditus euerterunt. Mortuum item Albinum miserè detruncarunt, caputq; Romam missum, in commune suspendi patibulum, ac reliquam corporis partem in minutula frustra concisam in Rhodanum fluium proici curarunt. Deinde traieci in Angliam, omnia pro arbitrio instituerunt; regniq; administrationem in duo partiti, sumpto etiam de Albini propinquis ac familiaribus supplicio, restà petierunt Romam, secumq; vniuersum exercitum adduxerunt, vt vel eo pacto magis essent formidabiles: plurimum enim adhuc Iuliani, Nigerij atque Albini familiaribus, qui etiamnum supererant, succensebant. Ad istum modum Romam ingressi, à Senatu Populoq; Rom. (animo quamlibet mæsto) vt Cæsares inuictissimi salutati fuere. Attamen istud facilè Romani suspicabantur, idem ius sibi cum ceteris apud hos fore, vt qui naturà truces, crudeles, ac humani sanguinis auidissimi essent: quodq; iamprimum occasio quærebatur, quibusdam per fas & nefas iniuriam inferendi, eò quod iam euidentem propemodum odij causam facilè habere poterant. Posteaquam ergo palatium ingressi fuissent, ambo in Imperiali solio sederunt, omnesq; Iuliani, Nigerij & Albini familiares detestabili irâ laqueo strangulare cœperunt. Primum omnium vxores ac liberi trium prædictorum in exilium detrudebantur. Deinde incredibilis hominum multitudo, quod ex eorumdem prosapia essent, miserè occidebatur: inter quos sanè complures erant ex optimis quibusque potentissimisq; dominis, ciuib; ac feminis Vrbs Romæ. Ita ad omnem tyrannidem incendebantur, vt ne vni quidem, cui familiaritatem cum tribus prædictis fuisse vel admodum leuicula prodebat suspicio, pepercerint. Præterea tanta illis insedit auaritia, vt eos nihil planè puduerit, multos Senatores vnà cum vxoribus ac liberis suis enecare, & bona ipsorum velut confiscanda pronuntiare, quamquam nulla iis cum tribus suprà dictis intercefferat familiaritas, ac ne notitia quidem aliqua. Cumq; iam ad istum modum vnumquemque necando & strangulando suæ libidini satisfacissent, non ignari ex ciuili hac victoriâ nullam gloriam nullumq; triumphum sese posse expectare, eò quod in eâ re ne alicuius quidem gloriæ causa lateret, decreuerunt aliunde sibi gloriam de barbaris exterisq; nationibus potitâ victoriâ comparare. Ob hanc causam Seuerus & alterum suum filium Septimium Getam ad Imperium adsciuit; cui, vt Romam in obsequio fideliter contineret, præcepit. Deinde magno cum exercitu, vnaque cum Antonino filio Orientem versus profectus est: vbi aduersus Barsiemum Atreniensium Regem, qui etiam à Nigero antea steterat, primum bellum instituit. Inprimis sese Armeniæ Osthoënorumq; Reges, Romanis sponte dederunt. Post verò per Armeniam Albaniamq; profecti, in Felicem peruenere Arabiam. Hic vbi oppida locaque vniuersa expugnassent, ac regnum prorsus spoliassent, deinceps in Atreniense regnum profecti sunt: vbi tam fortiter his resistebatur, vt grauissimâ clade acceptâ milites abiecto animo terga vertere coacti fuerint; idq; adeo, vt vel ipse Seuerus, qui antea vincere solitus erat, iam pænè animum desponderet. Deinde ex improviso obruere Parthos, atque omnes, qui resistere conabantur, illicò fudere. Post plurima oppidorum incendia ac detrimenta, tandem Ctēsiphonta eius regni caput, in quo & potentissimi Regis Artabani aula erat, armis inuaserunt, feminasq; omnes & pueros vnà cum thesauris ac vniuersâ suppellectile secum istinc eduxerunt. Vt verò iam cuncta passim suis armis subegerant, rursum Occidentem versus profecti, Romam insigniter triumphantes reuerſi sunt; vbi populi acclamationibus multa sibi ab nationibus, quas vicerant, agnomina compararunt. Permisit præterea Senatus, vt vtriusque effigie numismata cum istiusmodi circumscriptione, IMP. INVICTISS. cuderentur. Postquam autem Romæ multum diuq; egissent, Urbemq; multis ac magnificis ædificiis exornassent; Anglos à Romanis discessionem parare, certus interim rumor perlatus est.

QVIA OB RES A ME GESTAS VOS MIHI
INVIDERE SCIO, IN ARMIS SVM,
STIPATVS MILITVM AGMINE.



Cum patre Romanos molestavit XIII. annis, solus VI.
ætatis suæ XLIII. anno trucidatus.



SEPTIMIUS GETA eum patrē Seuero, ac fratre Antonino, anno post CHRISTVM natum ducentesimo octauo, cum omni copiā militari Oceanum traiecit; Britanniamque magnis grauissimisque bellis aggressus, victoriā haud incruentā inuasit. Interea in Seuero morbus ille articularis, quo miserē laborabat, magis magisque inualuit. Quare Antoninus filius sub prætextu salutaris remedij patri sæpē venenum porrigere conatus est: sed pater rem longē aliter ratus, nempe vitam suam diuturniorem anxium habere adolescentem, sumere quidquam recusauit. Nam & paternis Medicis ac ministris subinde persuadere conabatur, vt senem ē medio vel quoquo modo tollerent, vitamque breuiorem redderent; atque id toties cum iis egit, vt mœrore magis pater quā morbo aliquo consumptus interierit. Post obitum autem patris, Medicos multosque ex ministris comprehendit, postque infinitos pænē cruciatus vltimo supplicio vniuersos affecit, eò quod sibi minūs obtemperauerant. Præterea etiam illos omni crudelitate torquere haud cessabat, qui patrem ipsius fidelissimē obseruarant. Atque hæc quidem omnia idē fecit, quod interitum patris perniciemque fratris affectabat, vt vel eo pacto solus Imperij administrationem, ac victoriā Britannicā obtineret. Vt iam cum fratre concordiam iniisset, quicum odium plusquam detestabile exercuisset, omne bellum penitus absoluerunt; atque ex Britannia soluentes cum patris reliquiis Romam contenderunt, victoremque exercitum secum adduxerunt. In hunc modum ceu victores Urbem ingressi, à Senatu Populoque Romano Britannici primū salutati fuere. Cum verò diuisis pro suo vterque arbitratu Regiis seorsim habitarent, magisque commendaretur Geta, quod prohibitatis quādam ostenderet opinionem, atque humanum se mansuetumque in congressibus præberet, magna hinc rursū exorta est in Antonino æmulatio, ac suspicio iniqua in Getā. Quamobrem vtrique visum fuit Imperium diuidere, hæc quidem lege & conditione, vt Europam atque Africā Antoninus, reliquam verò mundi partem nimirum Asiam Geta possideret, tum enim sibi latissimo maximoque diuisis Oceano iniquam omnem facili suspitionem fore perituram. Concludebatur etiam, vt Antoninus castra prope Constantinopolim haberet, Geta autem ad Chalcedonem Bithyniæ oppidum, vt vterque ita commodē suum tuerentur Imperium, alterque alterius traiectionem inhiheret. His super rebus consultum fuit coram optimis quibusque Urbis Romæ, qui quidem tacentes mœsto vultu terram intuebantur. Tum Iulia vtriusque mater exurgens, his ita locuta est: *Terram quidem & mare, o filij, quemadmodum diuidatis sanē iam probē inuenistis, matrem verò quonam quæso modo diuidetis? Quā obsecro ratione ego mater inter vtrumque vestrum misera dissecabor? Itaque me primū occidite, ac dimidiam vterque apud se partem sepeliat, vt & ego unā cum mari terraque ipsa inter vos diuidar.* Hæc multis cum lacrymis locuta, vtrumque complexa est. Tum illic tumultu vniuerso in populo exorto, vtriusque consilium planē displicere cœpit. Quare vterque in sua se palatia recepere. Deinde verò Antoninus vsqueadē totius Imperij cupiditate accendebatur, vt apud se iam certō deliberatum haberet, insigne quiddam aut facere aut pati. Ob quam rem magno sanē tumultu fratris palatium irrumpit, ipsumque in matris gremio multo vndantem sanguine obtruncat. Quo quidem facto, cum suis stipatoribus euestigō ad milites in Prætorium effugit: quā de causā ingens populi tumultus exortus est, quod ita propter mediam per urbem in castra aufugisset. Tum ita ipsum fideliter milites armis defenderunt, vt iam nemo in illum quidquam moliri auderet. Cuius rei occasione eò crudelitatis atque insanix lapsus est, vt ne ab vllō quidem scelere manus abstinuerit. Ad omnem planē scuitiam ac tyrannidem incendebatur. Coniugem suam Plautillam, fratris, Pertinacisque filium, Fadillam Commodi sororem, multosque alios variis cruciatibus interfecit; idque tantū ex eā re, quod fratris Getæ necem apud matrem deplorabant. Præterea Senatorij ordinis quicumque vel leuem aliquam cum Getā noticiam habuissent, vniuersi interimebantur. Postremò quidquid ex cognatione Imperatoriā, aut in Senatu ex Patriciā nobilitate supererat, planē quasi ab stirpe abscondebat, misereque trucidabat. Ac tandem vt Parthis bellum inferebat, vtrique apud Edissam ciuitatem ad naturæ requisita solus secedebat, ab aliquo ē corporis sui custodibus pugione traiectus interiit.

TV QVI NVLLI PARCES, POTES
ETIAM FRATREM OCCIDERE.



Romanis cum patre & fratre præfuit XIII. annis,
insidiosè à fratre occisus.

MOPELIVS SEVERVS MACRINVS, anno à CHRISTI natiuitate ducentefimo decimo nono Imperium hac ratione adeptus est: Post interitum Antonini, vbi Artabanus Parthorum Rex magnis copiis aduentare, exercitumq; Romanum apertè vi petere nuntiabatur, Imperatorem sibi Macrinum, qui secundus ab Antonino iam antè in castris fuerat, elegerunt, iuramentumq; atque inaugurationem ipsi Senatus Populusq; Rom. præstiterunt. Hic Antonini corpusculum confectum igni tradidit, reliquiasq; in urnam coniectas matri ad sepulturam transmisit. ea tum agebat Antiochiæ. Verùm vt tristem miserabilemq; liberorum suorum calamitatem misera accepisset, sibi ipsa mortem consciiuit. Interea dum hæc aguntur, Artabanus in Mesopotamiam eò vsque venit, vt iam non longè multis copiis ac viribus ab exercitu Romano abesset. Tum Macrinus orationem ad milites habuit huiuscemodi: *Iam tempus monet, commilitones fortissimi, imminenti periculo quàm ocysimè occurrere. Videtis enim Parthorum Regem cum maximâ totius Orientis multitudine iam iam nobis instare, instasq; belli causas pretendere, adeoq; in vindictam nos vocare: siquidem priores nos illum rupto pacis federe ad bellum prouocauimus. Iam, inquam, vniuersum Imperium Romanum in vestram recumbit virtutem fidemq;: est enim nobis bellum cum Rege potentissimo sanè difficilissimum; non quidem de finibus Imperij propagandis, sed de omnibus simul vniuersi Rom. Imperij fortune, vt qui liberos suos consanguineosq; contra nos ultum veniat. Igitur arma capiamus, atque (vti Romanis consuetum est) ordinem in bello seruemus, quo Barbaros facile superabimus.* Hæc postquam locutus est, postero die Sole oriente Romani Artabanum plurimas secum copias adducentem eminus conspiciunt. Vtq; Solem de more Parthi adorant, ingenti clamore edito in Romanos extemplo concurrunt. Ceterum Romani postquam equitatu multitudineq; camelorum premebantur, simulatâ fugâ murices proiciebant, qui sub arenâ adeò delitescabant, vt facile conspici nequirent. Et tamen quidem murices isti equitibus Maurisq; camelorum infessoribus perniciem adferebant, pugnatum tamen vtrimque est vno alteroq; die à manè in vesperem vsque acerbissimè, ita vt nox ipsa prælium dirimere debuerit. Tertio rursus die vtrimque copias in campum educunt: in quo confictu tanta virorum iumentorumq; cecidit multitudo, vt omnis propè campus iis compleretur. Postquam vtrique in sua sese castra receperunt, itinera aditusq; obiectis cadauerum cumulis velut aggere propugnaculoq; alter alteri præcluserunt. Ac cum iam Parthi quarto die sese rursus ad certamen pararent, cognouit Macrinus Artabanum non aliâ de causâ tam acriter ac pertinaciter pugnare, nisi quòd aduersus Antoninum configere se arbitraretur. Quare Artabano mittit legatos cum litteris, indicauitq; Antoninum iam pridem occisum, debitasq; luisse pœnas: sibi à Romanis Imperium esse concessum, ac summam rerum traditam, & ob id se cupere illum ex inimico amicum facere, pacemq; fœdere, iureiurando ac libaminibus sancire. Quibus lectis Artabanus, edoctusq; iam à legatis Macrinum Antonini necem curasse, fœdus cum ipso ferit; ac Macrinus cum suo exercitu Antiochiam reuertitur, vbi ipse quidem in oppido agebat, exercitus verò foris. Hinc item litteras tam amicas tamq; humanas ad Senatum Populumq; Rom. dedit, vt iis lectis ipsum vniuersi illico non Imperatorem modò salutarint, verùm & iam iam præsentem optarint, vt Imperialem ipsi honorem & obsequium præstare queant. Facile enim nouerant, huius operâ sese ab Antonino clam liberatos. Neque etiam Senatus tantoperè lætabatur ob pacem Parthicam, quàm quòd Antoninus esset interfectus. Nam vt auctoritate quisque aut dignitate ac potentiâ præcellerat, ita maximè imminenti suis ceruicibus gladium Macrinum depulisse arbitrabatur. Verùm milites vbi intellexissent Antonini percussorem à Macrino fuisse subrogatum, alieni iam Imperatorem contemnebant ceu æquo mitiorem, occasionemq; saltem leuem dari optabant, vt necem Antonini in ipso vindicarent. Hæc vbi percepit Macrinus, filium Diadumenum in castra ex oppido adduxit; ac militibus conuocatis, sellam, quæ in medio erat exercitus, conscenderunt, filiumq; Macrinus, vti secum pari iure imperaret, instituit, ac mutato nomine ipsum Diadumenianum appellauit, vt militum animos aliquantulum sedaret.

DII FAXINT VT FILIVS ANTONINI MERITVM
EFFINGAT: ET EGO QVI SVM PATER AN-
TONINI, DIGNVS OMNIBVS VIDEAR.



Anno regni primo, mense II. decrepitus immeritò
misereque vitâ priuatus.



MOPELIVS ANTONINVS DIADYMENIANVS, cū iam breui tempore cum patre Macrino Imperium æquali iure administrasset, exitium vtrique præsentaneum subito imminuit. Nam milites, qui vel leuissimam vndecumque captabant occasionem, facilem miramque inueniēre ad ea, quæ animo conceperant, perpetranda; idque in hunc modum: Antiochiæ habitabat anus quædam Iulia Mæsa nomine, cui soror erat Iulia Domna L. Septimij Seueri coniunx, ac mater Imperatorum Antonini & Getæ: ea, viuente etiamnum sorore, multos annos inter Cæsares in aulâ vixerat Imperatoriâ; sed Getâ à fratre Antonino interfecto, simul cum sorore Antiochiam in patriam profecta est. Erant item huic filiz duæ, quarum altera Iulia Sozæmias, altera Iulia Mammæa appellabatur. Prior filium habebat nomine Bassianum, posterior Alexianum; amboque sub matribus auiaque educabantur. Ac Bassianus quidem eâ tempestate annos natus erat circiter quatuordecim, Alexianus verò iam annum attigerat decimum. Sacerdotes ambo Solis erant, qui tum à Phœniciz incolis Heliogabalus dicebatur, colebaturque maximè. Huic templum exstruxerant sanè operosum, auro argentoque plurimo, ac lapidum eleganti magnificentiâ exornatum. Proinde Bassianus sacerdotio maximèungebatur, vestes serico purpuraque indutus variis, auro intextas: item capite coronam gestabat pretiosis gemmis vndique onustam, omnium interim quos terra ferat formâ pulcherrimus. Hunc itaque cū sacra celebrantem, chorumque circa altaria ad tibias, fistulasque, & omnis generis organa instaurantem, mortales cū alij, tum Romani etiam milites admirabundi inspectarent; cūque religionis nomine Romani equites templum hoc crebrius frequentarent, eò quoddam formam ætatisque florem in eo adolescente nimis quàm libenter intuebantur; his clam auia ipsius tandem suggestit, istum profectò esse Antonini filium, quamquam alterius putaretur: nam Antoninus (aiebat) rem cum filiabus meis eo tempore habuit, quo Romæ ego vnâ cum sorore in palatio agitabam, hosque duos liberos ex iis interim suscepit. His ab equitibus intellectis, rem in omnem spargere exercitum. Ad quod etiam porrò Mæsa acervos nummorum habere maximos ferebatur, quos militibus faciliè esset elargitura, si modò liberi eius Imperium adipisci queant. Tum vniuersi, iam, inqueiebant, occasio data est optima Macrinum semel vindicandi, quod Antoninum horum liberorum patrem interemerit: atque eadem illâ nocte anum cum filiabus ac nepotibus è ciuitate milites in castra clam admiserunt, vbi Bassianum & iuramento Imperatorem & nomine paterno Antoninum declararunt, Macrinumque ac filium Diadumenianum hostes proclamarunt. Quæ vbi Macrino sunt nuntiata, credere haud potuit, remque omnem ceu puerilem contempsit. Verùm cū nuntiatum esset, milites incluso exercitu paullatim discessum parare, misit Iulianum duce cum stipatoribus ac Prætorianis aliquot equitibus, qui rem cautiùs explorarent. Qui quidem vt ad castra iam perueniēre, statim inclusi milites Imperatorem suum, sacculosque nummorum plenos de turribus ac pinnis ostentarunt: quibus equites stipatoresque moti, Iulianum obruncarunt, caputque ad Macrinum ac filium eius remiserunt. Quo animaduerso, Macrinus omnem Imperatorum cultum detrahit, vestes alias assumit, barbâ demit, atque vnâ cum filio ac paucis comitibus ocysimè dies noctesque Romam profectus est, vt Romani Populi fauore ac beneuolentiâ tutaretur. Ceterùm cū Propontidis fretum traicerent, vento aduerso in Chalcedonem repulsi sunt. Hic vbi in suburbano quodam latitarent, grauissimè cœpit Macrinus laborare, perpetuo itinere fatigatus attritusque. Quod simulatque Antoninus accepisset, occisores eò misit illic, qui senem miserè laborantem vnâ cum filio interemerunt, atque vtriusque capita ad Antoninum retulerunt. Hic miserabilis Macrini Diadumeniani que exitus fuit: hoc crudelitatis Antonini initium. Deinde sese parabat exercitus, vt Imperatorem Romam deducerent, atque ita ipsum omni vi in Imperium ære mercatum restituerent: quod vt Romani intellexissent, animo vniuersi fuere perculsi.

XXVIII.

PATER QUIDEM CVRABIT NE DESIT
IMPERIO: EGO AVTEM ELABORABO NE
DESIM NOMINI ANTONINORVM.



Vt Cæsar cum patre imperauit annum vnum,
adolescens miserè interfectus.

H



AVRELIUS ANTONINVS, qui Heliogabalus appellabatur, à CHRISTO nato anno ducentesimo vigesimo primo, cum fratre Alexiano, cumq; suis ac vniuerso exercitu, ex Oriente Romam profectus est. Hi Vrbem ingressi plerisq; admirationi fuere, quòd duos Antonini filios etiamnum supereffe haudquam putarant. Vt autem cum matre auiaq; Mæsa in palatium venere, Antoninus in Imperiale solum sese deposuit. Vtq; indomitum hoc animal die postero in Capitolium venisset, matrem suam Soæmiam in Senatu ante omnes Senatores semper praesidere & voluit & iussit: atque illicò feminis insignem construxit Senatum, in quo mater, ac Mamma huius soror, fratris parens, Consules essent, haberentq; facultatē cum ceteris matronis Consulibus condendarum legum, edictorumq; promulgandorum, quā ratione sese viri circa naturæ exercitia haberent: item quæ mulieres quo vestitu incederent, quæ cui cederet, quæq; alteri surgeret. Exstruxit etiam templum Heliogabalo, quem velut Iouem ac summum Deum vti colerent vniuersi edicebat. Omnes sanè Deos sui Dei ministros esse aiebat, alios nempe eius cubicularios, alios æconomos, alios qui ei essent à poculis, ab epulis, rebusq; aliis. Litabat etiam huic in hostias pueros per vniuersam Italiam nobiles ac decoros, patrimonios & matrimos: nec verò volebat vsquam gentium alicui Deo sacrificari aut coli, nisi in memoriam veri Dei Heliogabali. Cùm iam mater eius tantæ Romæ esset auctoritatis, nihil penitus egit absq; illius consilio & voluntate, tametsi quidem mulier adedò erat probrosa, adedò in omni viuens turpitudine, vt dici nequeat. Et quemadmodum ipse ex patre crudeli ac meretricæ probrosissimā prognatus erat, ita in omni turpitudine, in omni nefariā illicitaq; libidine secundum habebat neminem. Quare fatius esse existimo (nisi series Imperatorum cogeret) eius memoriā penitus exstirpare, quàm vitam impurissimam litteris prodere. Conuocabat Romæ omnes meretrices ac lenones, atq; in concione publicā coram iis orationē pulchram & prolixam habebat de laude artis meretriciæ. Nominabat eas cum magnā reuerentiā populum sanè honestissimum ac piissimum, iactabatq; se omnes matronas artem docturum meretriciam, eas ad istiusmodi honestum ac pium exercitiū instigans admonensq;. Nihil enim aiebat feminis nobilibus ac formosis melius esse, quàm si se publicè prostituant, atque in meretricum publicarum catalogo inscribantur, vti viris quibusq; promptæ paratæq; sint. Mirabatur etiam plurimum, quamobrem tam bonum ac pium exercitium perficere recusarent, cùm omnes ex æquo meretrices essent: quamquā eius nominis illas puderet, cùm pudor nullus esset, sed ingens potius honos. Honestius enim meretricari publicè, quàm priuatim. Decreuerat autem edictum promulgare, vt femina quibuscumq; viris publicæ ac paratæ forent. Istā oratione absolutā, his qui suam libidinem profitebantur, ternos aureos donatium pronuntiabat: dicebatq; eos optimos sibi esse amicos, proximos, & quos in summo haberet pretio. In omnibus honestis ac publicis Urbis & Prouinciariū officiis lenones exoletosq; instituebat, qui etiam in aulā primi erant. Tum ex homine bestia tam impudica efficiebatur, vt omni turpitudine cōtaminatus, nullam probitatis rationem penitus haberet. Virgines Vestales viuas terrā obruebat. Sæpius ipse nudus aut in curru aut lecticā insigniter excultā infidebat, vehebaturq; per totam ciuitatem à formosissimis mulieribus, quæ & ipse nudæ ac sine pudore erant. Cùmq; iam planè eneruatus rem cum feminis amplius habere nequiret, sese subagitandū ineundumq; dedit exfectis virilibus, vestitu mulieri virum sibi adiungens. Seuerissimè item edicebat, vt deinceps Bassiana tamquam femina appellaretur; dabatq; vniuersum Imperium Alexiano fratri, Alexandri nomine indito, quòd pater olim Antoninus ipsum Alexandro magno comparasset. Addidit & eidem Seueri cognomen auitum. Verum vt id gratum esse Populo Ro. cognouit, atque ideo summo perè letari, neq; esse qui non omnem Alexandro deferret honorē, facti pœnituit, quòd ita se omni potestate ac vi nudasset: sed consilio astutiāq; matris Imperium recuperauit, atq; id quidem hoc modo, vt ipse pater, Alexander verò filius haberetur. Tum sese à turpissimā libidine ad tyrannidem longè immatissimam transtulit, ita vt optimas horas trucidando, feriendo, iugulando ac strangulando traduxerit. Ex cruentis spectaculis magnam capiebat voluptatem. Ingratum erat, quidquid ex se nullum præbebat sanguinem. Denique iuuabat maximè, si quid crudele, sæuum, horrendum ac tyrannicum planè, in eos præcipuè excogitasset, quibus ipse displicebat. Proinde vbi etiam simili ratione milites aggredi conabatur, subitò ipsi omniū malorum vindicta imminuit.

QVID MELIVS, QVAM VT IPSE MIHI
HERES SIM, ET VXORI MEÆ.



Pro arbitrio Romanos insolenter vexauit IIII. annis,
vixit XVIII. dedecorosè periit.

MAVRELIVS SEVERVS ALEXANDER, postquam anno CHRISTI ducentesimo vigesimo quinto Imperium vnâ cum fratre Antonino administrasset, fraternâq; ipsum crudelitatis, suprà quàm credi possit, traxisset, ita vt in nullo scelere voluerit germano suo participari; ferre profectò debuit se quotidie continuis insidiis ac veneno peti, nec se solum, sed & optimos illos equites, qui in suscipiendo Imperio faustis acclamationibus ipsum consalutarant. Verùm enimuerò eius tandem odiosa tyrannus finem cepit huiuscemodi: Vt enim equites plerisque arripere conabatur, magna extemplò nata est militum seditio, quibus item vulgus sese permiscuit. Hi igitur hoc ipsum viciscendi tempus fore commodissimum rati, Antoninum, matremq; , vt sceleratissimos interfecerunt, cadaueraq; per totam urbem ceu canes traxerunt dilaniantque, voce altâ istiusmodi inclamantes: Hi sunt canes isti, quos nulla libido potuit satiare. Et cum ad istum modum satis diuq; per vicos raptata fuissent, in communes abiecta fuere cloacas, nomenq; Antonini Alexander ex publicis monumentis permisso Senatus omnino erasit, atq; inter infelices deinceps numerauit. Tum populus vniuersus incredibili perfusus lætitiâ, felicitiora sperabat tempora. Quantò enim ille erat scruior, atque humano generi magis infestus, tantò hic probior mitiorque habebatur; adeò vt vel vnicum omnis virtutis ac probitatis exemplar dici potuisset: qui sese ad instaurationem Reip. iam superioris Imperatoris administratione propemodum collapsâ, quàm mox totum dedit. Huc item laborarunt Consiliarij eius, Iulius Frontinus, Vlpianus, & Paulus Iuris ciuilis peritissimi. Mater eius Mammæa Antiochiam profecta est, vbi ab Origene presbytero in sacrosanctâ Christianâ fidei religione probè instructa, Christiana item effecta est. Deinde etiam Alexander per matrem eruditus, CHRISTVM atque Abrahamum Diis ipsis annumerauit: nec solum Christianos haud est persecutus, verùm & templum iis ædificauit. Interea dum in omni se officio humano exercebat, tantâ sapientiâ ac prudentiâ ceteros antecelluit, vt iam nullâ ratione à quoquam falli posset. Ad omnes sese artes liberales totum dabat. Picior erat sanè egregius: multarum linguarum peritissimus, Poëta Oratorque adeò insignis, vt dici haud queat. Neminem à suo latere mœstum submouebat, sed omnibus æquè blandum se affabilemque præbebat. Atque vt mater auiaque nimiam ei ciuitatem obiiicientes sæpè dicerent, nimium familiarem, mollioremq; ipsum sibi Imperij potestatem fecisse, quàm decebat: respondit, Sed & securiorem atque diuturniorem. Quin & illa è sacris Litteris petita auditaque à Christianis sententia ei frequens erat in ore: Quod tibi nolis, id in alterum facere caueas. Quam sententiam vsque adeò dilexit, vt & in palatio & in publicis operibus perscribi iusserit: ac tandem etiam re ipsâ perfecit, cum Q. Camillus Imperium clam seduloque affectaret, eiq; nuntiatum esset, tum enim Camillo gratias egit, quòd curam Reip. quæ recusantibus bonis imponeretur, spontè ac libens reciperet: deinde ipsum ad Senatum secum eduxit, timentemque etiamnum mali quidpiam in palatium recepit, conuiuio adhibuit, ornamentis Imperialibus affecit, & participem Imperij appellauit. Simile & in rebus alijs egregiè perfecit, ita vt tredecim annis imperauerit absque cæde aliquâ, adeoq; quòd nemini in quoquam culpandus existeret. Postea verò ipsi haud opinato litteræ è Syriâ Mesopotamiâq; redditz à Præsidibus fuere, in quibus, Artaxarem Persarum regem, Parthis iam deuictis, atque Artabano eorum Rege interfecto, in Romani fines Imperij excurrere, vicinosq; Barbaros subigere, scriptum fuit. Alexander, his intellectis, summo perit perturbatus fuit. Et postquam verbis blandis minisque ad pacem Persas reducere conabatur, etiam illarum victoriarum eos admonuit, quas Augustus, Traianus, L. Verus, ac auus Seuerus contra eos adepti fuissent. Proinde vbi considerabat minimè eos armis desistere velle, ingentem aduersus illos exercitum eduxit. Ac in primis quidem magnum passus est detrimentum: deinde verò insigni victoriâ Persas deuicit. Diripuit iis septingentos elephantos, currus falcatos mille, equitum centum millia, & cataphractorum millia decem. Interea temporis Germani ab Imperio desciuere: quæ res Alexandro magno fuit timori. Sed contra hos tandem etiam cum suis militibus profectus est, iterque quàm ocysimè absoluit. In eius exercitu dux erat Maurorum ac tyronum Maximinus quidam nomine, cuius deinceps historiam in sequentibus ordine describemus.

XXX.

EGO NON PATIAR MERCATORES
POTESTATVM.



Imperium administrait egregiè magnaqué laude
XIII. annis, XXVI. ætatis interemptus.

H 3

MAXIMINVS ex ignobili quodam Thraciæ vico oriundus, parentibus Germanis, altero nimirum ex Alanis, alteroq; è Gotthiâ, prognatus est: homo planè barbarus, qui iam inde à pueritiâ pastor fuerat ouium, eaque demum corporis magnitudine, vt plurimi è longinquis sedibus conspiciendi gratiâ ad ipsum aduolarint. Tantæ præterea ferebatur edacitatis, vt vel vno prandio carnis libras absumpserit quadraginta aut quinquaginta, biberitq; nouem aut decem vini sextarios. Hunc Alexander Imperator, quocumq; iret, ceu spectaculum quoddam secum duxit. Et quamquam vastitas illa longitudoque corporis mores homini adderet inkompositos, post tamen aliquantò elatiori animo effectus, miles aded fuit strenuus, aded fortis, vt in certamine quodam vno sudore milites fortissimos sedecim facillè deuicerit. Hinc plurimum Alexandro acceptus, quatuor legionum Tribunus constituitur: iussus item, vti tyrones ad vniuersa equitum munera exerceret, atque ad bellandum idoneos redderet. Qui sanè dum horum nihil prætermittit, sedulò apud quosque suo perfungens officio, magnam ab omni exercitu inuit gratiam. Appellabant ipsum alij Antæum, alij Milonem, alij denique Herculem. Tandem etiam Alexander suo maximo incommodo Maximinum vniuersi exercitui præfecit. Hic complureis Mauros, ac ingentem vim sagittariorum aduersus Germanos instruebat, quòd hi Germanos maximè infestarent, cum & longius iacula intorqueant, & faciles sint ad cursus recursusque inferendos. Nonnumquam tamen aduersus Germanos pugnam commiserunt, ex quâ Germani haud impares sæpè Romanis abierunt. Quod quidem animaduertens Alexander, decreuit ad illos, vt olim ad Persas, mittere, qui de pace cum iis agerent: præcipuè verò nuntiarent, Imperatorem illis omnia, quorum foret opus, præbiturum polliceri, daturumque pecuniæ vim maximam. Nouerat enim eos in primis pecuniæ esse auidos, & quòd pacem Romanis autò sæpè vendidissent. Quamobrem istiusmodi Alexander illis proponebat, vt cui charius esset pacem fœderaqué pretio emergari, quàm bello vindictam sumere. Interea exercitum quàm fidelissimè recensuit: Imperator enim tam erat insignis, tam ad Principis munia obeunda diligens, vt interdum vel integras cohortes exauctorauerit, ac nobilitate ipsâ priuauerit. In his atque in rebus alijs Vlpiani consilio vsus est, qui eius, vt suprà dictum est, præcipuus erat consiliarius. Hunc milites aded indignè tulère, vt in eum simul irruentes gladiis hominem perfodissent, ni Alexander confestim proflisisset, corpusque suum Vlpiani periculis interposuisset, ipsum suo tegens pallio: vt intelligerent, Cæsarem corpore vitæque Iusticiam tutari debere, atque huic iniuriam fieri, si quam consiliariis infligerint. Cum iam verò milites, suapte naturâ ad res nouandas oppidò quàm procliuës, longum eius Imperium diutiùs ferre pigeret, aspernari Cæsarem cœperunt, quòd sub matris atque Vlpiani auctoritate etiamnum viuere putabatur, sine quorum consiliis quidquam in Repub. agere noluit. Præterea & verbis nonnumquam facillè indicarunt, sese sperare alium Imperatorem electuros, qui inopinatò, ac præter expectationem Principatum adipisceretur, & ad quem maiorem vtilitatem, studium atque honorem deferrent. Hinc decreuère Alexandrum obtruncare, ac Maximinum Tribunum suum vocare Augustum, vt qui rei militaris peritiâ præfenti bello finem facillè imponeret. Huc etiam accedebat, quòd Germanis ob corporis vastitatem animique magnitudinem futurus esset formidini. Cum igitur frequentes in campum conuenissent, & Maximinus, vt solitus erat, tyrones exerceret instrueretque, etiam hi in eius electionem proni fuere: quamquam incertum, ignarúsne horum fuerit, an re priùs compositâ. Mox purpurâ indutum Imperatorem salutarunt. Ille primò repiti, & abiicere purpuram. Vt autem nudos intentari gladios à militibus vidit, futurum quàm præfens periculum præoptauit, Imperatoriâq; induit ornamenta, inquiens, quæ vellent, perficerent. Tum statuerunt Alexandrum incautum, ac rei totius ignarum, armis obruere. Quod vbi Alexandro nuntiatum esset, pulueremq; venientis populi eminus ipse vidisset, ac magnæ multitudinis voces exaudiisset, magnoperè timuit: cumq; ad eos processisset, iugulum aduenientibus porrexit, atque vnâ cum matre & amicis illicò interfectus est. Cædes autem hæc indignissima ad Rhenum contigit prope Moguntiam.

XXXI

QVO MAIOR FVERO,
HOC MAGIS LABORABO.



Romanis vel inuitis per totos tres annos imperauit,
tandemque vt ceteri gladio periit.



VLIVS VERVVS MAXIMVS ad Imperium, tamquam qui cum patre Maximino æquali iure simul administraret, assumebatur anno à CHRISTO natiuitate ducentesimo trigesimo octauo. Ab his duobus Populus Romanus coepit plurimum abhorreere, ita vt inter eos iam publicus esset luctus, non aliter atque si patrem quisque amississet, quòd indies è Germanià homines ad còdè cruedes, adeoque barbaros, in patres expectarent, deberentque moribus optimis priuari. Hi autem vt se Populo Romano inuisos, ac Senatoribus, Nobilibus, opulentisque contempui esse cognoscerent, puduit eos tantoperè sui generis, vt quoscumque nossent, occiderent, saltem ne cuiquam quidquam de eorum prosapia constaret. Amicos suos, quorum subsidium abundè, cum tenuior iis esset fortuna, pridem senserant, omnes interfici curabant. Deinde rati Imperium multò sibi fauistià stabilius fore, amicos Consiliariosque Alexandri omnes è Senatù exigebant, omniisque priuabant honore, vt soli essent in exercitiu, neminemque prope se haberent nobilitate potiorem, atque ita tyrannidi suæ liberè vacare possent. Nam quoscumque legatos Romani ad ipsos mittebant, eos variis affectos cruciatibus interemerunt. Cuius quidem rei causam huiusmodi fuisse ferunt: Pontem super Rhenum fluuium construxerat Maximinus, quà aduersus Germanos transiret: atque iis, quibus custodia pontis curaque fuerat demandata, persuasum dicebatur, vt simul ac Maximinus in alteram ripam peruassisset, ponte abscisso, redituque intercluso, Germanis eum proderent. Quod ubi intellexissent, variis in eos modis animaduertunt. Alios enim viuos equorum bouumque cadaueribus insui curabant, vt eo pacto à vermibus corroderentur, absumerenturque: alios autem leonibus ac rabidis canibus laniandos obiciebant. Postquam hæc ita crudeliter patraissent, pontem transgressi sunt, secutaque eos est magna Maurorum sagittariorumque Barbarorum multitudo. Cuncta in hostili terrâ depopulabantur incendebant diripiebantque. Percurrebant vniuersam Germaniam ad Cheruscos vsque, & inde Francos. Deuastatâ igitur ad istum modum Germaniâ, deflexerunt in Hungariam, vbi pugnam istam, aliaque fortia facinora per litteras Senatui Populoque Rom. significarunt, indeque tabulas pingi & ante Capitolium dependi curarunt, vt non tam audire quæ gesta forent, quàm etiam oculis subijcere Romani possent. Eas tabulâs, vnâ cum reliquis ipsorum honoribus, deinde sustulerunt Romani. Proinde cum iam nuntiatum esset, Imperatores haud longè ab Italiâ esse, magnus illicò timor Populum Romanum inuasit. Consultabant diligenter, quemadmodum in præsentì periculo se tuerentur: nusquam non sacra Diis victimasque offerebant, precabanturque ne quo tempore Imperatores viui Romam reuerterentur. Nec verò Romani solum hoc curabant, vt ab ipsis multi passim discederent, verum & milites contra eos emittebant. Hinc sanè qui in Africâ erant, M. Antonium Gordianum, nobilem illum Principem Romanum, Præsidentem suum, Imperatorem fecerunt; idque hac ratione: Postquam Carthaginenses Procuratorem suum, cui, vt Maximini filijque fauorem aucuparetur, nihil ad extremam vel sæuitiam vel asperitatem planè deerat, occidissent, nocte intempestâ ad ædes venère Gordiani, qui multarum antè Prouinciarum rector fuerat, & in maximis, quæ feliciter absoluerat, spectatus negotiis. Quamobrem etiam statuebant, vt ipsum ad Imperium suscipiendum faciliè admonerent, excitarentque. Cum verò ipsum eduçtis gladiis supra grabatum quiescentem offendissent, senem purpurâ induebant, honoribusque Imperialibus consalutabant. Gordianus re subitâ exterritus, insidiasque & dolum in se compositum ratus, humi se ex grabato deiiciebat, obsecrans seni parcerent, à quo iniuriarum nihil accepissent. Tum vnus ex intersectoribus Procuratoris fisci, E duobus, inquebat, periculis, quorum alterum præsens manifestumque, alterum futurum incertumque, eligendum tibi hodie alterutrum est, vt aut nos tecum vnâ serues, aut iam iam nostris manibus intereas. Gordianus, his auditis, in illorum sese manus prorsum tradidit.

XXXII.

EX PESSIMO GENERE NE CATVLVS
EDVCANDVS.



Romanorum Cæsar à patre factus, illis biennio præfuit,
proque eorum more gladio interemptus est.

MANTONIUS GORDIANVS postquam Imperium suscepisset, vniuersa Africa summopere gauisa fuit, sublatiſque Maximini & filij Maximi honoribus, pleraque ciuitates in eorum locum Gordiani imagines ac statuas posuere, ipsum à patriâ Africanum nominantes. Praeferebantur etiam ei virgulta laurea, atque ignis, quo Cæsares ab aliis Principibus dignoscebantur. Sequebatur deinde ipsum Imperatoria pompa, milites omnes, iuuenesque vrbis Carthaginensis bello idonei: qui quidem haud aliter Gordianum cuncti circumfluebant, atque hi facere consueuerunt, qui Romæ Imperatoribus à corporis dicebantur esse custodiâ. Extemplò litteras ad Senatum Populumque Romanum dedit, in quibus magnam libertatem, beneficia innumera, humanitatemque cum maximo Reipublicæ commodo pollicebatur. Curabat item Vitellianum præfectum Prætorij, hominem ob animi crudelitatem Maximino charissimum, interimendum; quod per adolescentem audaculum callidumque effectum est. Dein Gordiani epistola coram Senatu Populoque recitari: vniuersus illico populus passim furenti similis discurrere; statuas imaginesque Maximini, eiusque filij, titulis suis atque ornamentis priuare, deicere: & odio, quod hucusque clausum fuerat, modò patefacto, omnes delatores vnâ cum amicis ac procuratoribus occidere, atque in cloacas protrudere. Mox Senatus ad omnes scripsit Prouincias, quemadmodum Gordianum, nobilem illum Romanum, ad Imperium adoptassent, Maximinumque ac eius filium Romani Imperij hostes declarassent, ideoque se præsidium vndique flagitare, vti duos hosce canes semel è medio tollant. Quæ postquam Maximino nuntiata sunt, ita irâ accendebatur, vt non hominem sed belluam putares. Caput parieti illidebat, exclamabat inconditè, terram furentis instar pedibus conculcabat, atque educto sæpè gladio Romanis minitabatur, quasi verò omnes occideret. Vt autem ad se redijt, omnes conuocabat milites, tribunal inscendebat, atque è libello orationem ab amicis compositam iis recitabat. Et quidem cum iam illis questus esset, quomodo Imperium Romanum ab omni vi Germanorum defendisset, ac modò hanc ab ipsis referri gratiam, vt à se filioque suo Imperium transferant in alium; cumque vrbis Romæ ac Senatus atrocitas quæque minitatus fuisset, profectionem edixit in Italiam. Interea autem dum in itinere est, res illis Carthagini præter spem optime successerunt. Capellianus enim Mauritanix Præs magnam contra Gordianum eduxit exercitum, in quo sanè viros habebat cum ætate florescentes, tum omni armorum genere instructissimos. Quod vt Gordiano nuntiatum est, extremâ ipse affectus formidine est cum vniuersis Carthaginensibus, eò quòd nullas esse in Africâ copias videbat. Filium igitur ducem sibi, relicto in oppido ob senectutem patre, instituerunt, atque ita aduersus hostes profecti sunt. Proinde vbi ad manus ventum est, Gordianenses magnis copiis in fugam versi arma omnes abiecere, quòd iaculatoribus Numidis resistere non poterant. Præterea ipsi se ita mutuo trudebant ac proculcabant, vt à seipsis maius detrimentum paterentur quàm ab hostibus. In hac pugna & Gordiani filius cecidit, ac pauci admodum Carthaginem reuersi sunt. Vt verò Gordianus intellexisset hostes ita repente in urbem peruenisse, ac feminarum eiulatus, quarum amici ante magnam tam misere occidebantur, audiisset, deploratâ salute intra cubiculum se quasi dormiturus recepit; colloque zonæ, quâ præinctus fuerat, inserto, laqueo vitam finijt. Eo die tanta Gordianensium cecidit multitudo, vt Gordiani filij corpus inter occisorum cadauera inueniri haud potuerit. Verùm hostes urbem ingressi, omnes qui à Maximino descuerant, ac Gordiano adhæserant, magnis multisque cruciatibus neci dederunt. Hinc in omnes ciuitates Africæ profecti, quæ Maximini honores sustulissent, eas cædibus, direptionibus atque incendiis penitus euerterunt. Hæc autem vbi Romæ nuntiata sunt, confestim Senatus in templum Iouis (quod in Capitolio erat) confugit.

XXXIII.

OSTENDENT TERRIS HVNC TANTVM
FATA, NEC VLTRA ESSE SINENT.



Octuagenarius Imperio coactus præfuit vno anno,
v i. mensibus, laqueo sibi vitam finiuit.



LODIVS PVPPIENVS MAXIMVS, fabri ferrarij filius, &
 D. CAELIVS BALBINVS ex nobili Senatorum prosapia oriun-
 dus, post mortem Gordiani Imperium hoc modo adepti sunt: Cùm
 Senatus clausis foribus coram Ioue summo Deo, quem omnium,
 quæ agerent, velut inspectorem testemque implorabat, de electione Imperato-
 ris multum diuque consultaret, visum fuit, vti, qui ceteros ætate ac dignitate an-
 teirent, paulisper secederent, quò suffragia de iis colligerentur. Facile enim con-
 siderabant, præsens periculum postulare virum herclè fortem ac prudentem,
 quòd iam minimè dubitarent, quin Maximinus nemini foret parsurus, postea-
 quam belli causam haberet iustam aduersus Romanos. Creati igitur Impera-
 tores plurimis fuere suffragiis duo suprà dicti, vt æquali iure Imperium admini-
 strarent, ne rursus Principatus in nouam faberetur tyrannidem. Pupienus mi-
 les erat sanè strenuus, prudens atque ingeniosus, & qui Romanis exercitibus
 persapè præfuerat, ac deinde Vrbis præfectus: in quibus omnibus ita honestè
 itaque sapienter vitam instituit, vt magnam de se spem Romanis præberet, vt-
 pote qui eos ab omni duorum præsentium tyrannorum fauitiâ facilè vindica-
 ret. Balbinus verò bis Consul multas Prouinciâs sine vllâ querelâ administra-
 uerat. His de causis ambo ad Imperium electi, Augustique appellati fuere.
 Præterea conludebatur, vti Balbinus Romæ sese contineret, ac Rempubicam
 domi administraret: Pupienus autem foris hostium iniuriam in castris & in
 acie propulsaret. Dum hæc aguntur in Capitolio, vulgus interea rumoribus
 excitum ad portas Capitoliij concurrere, vicos omnes confertâ multitudine oc-
 cupare, lapides fustesque in Capitolium mittere, displicere quæ istic ab Senatu
 agebantur, Pupienum reiicere, quòd esset seuerior: postremo dicere, nullum
 se Imperatorem poscere quàm ex genere Gordiani. Verùm Pupienus & Bal-
 binus Equestris ordinis auctoritate freri, militibusque vrbanis cum gladiis
 vndique stipati, omni Imperiali dignitate è Capitolio ad Imperatorium pa-
 latium egredi conabantur, sed lapidibus ac fustibus fuere repulsi. Quod vbi
 Senatus animaduertit, puerum quemdam euestigiò etiam Gordianum nomi-
 ne, ex Gordiani Cæsaris filiâ natum, ad sese adferri iussit. Hunc cum domi
 cum ceteris pueris ludentem offendissent, humeris impositum per mediam
 pertulerunt multitudinem in Capitolium, vsque populo subinde acclamante,
 & puerum conspergente frondibus: Cùm itaque Senatus Cæsarem illum
 declataffet, quando adhuc per ætatem Rempubicam gerere non poterat, iræ
 multitudinis resederant; passi videlicet sunt in aulam palatinam fenestras Impe-
 ratores commigrare. Interea dum hæc Romæ aguntur, venit Maximinus in
 Italiam, quem multitudo Germanorum sequebatur haud contemnenda,
 quam partim armis partim amicitia sibi comparauerat. Assumebat item
 secum omne genus armorum, quibus Italicas ciuitates oppugnare posset, ea-
 que trans Alpes magnis sudoribus transuexit; quod suum etiam iter aliquan-
 tulum remoratum est. Exercitus Hungaricus qui præcesserat, portas vrbis
 Aquileiæ offendeat clausas; quam fortiter oppugnarunt, donec Maximinus
 cum potentissimâ iaculatorum Orientalium ac Maurorum copia adueniret.
 Tum bellica ista instrumenta quæ secum adduxerat, parantur sedulò, & quid-
 quid ad bellum idoneum esse posset. Sed fortiter vrbani resistebant, cuncta
 occludebant templa, ædesque vniuersas; ita vt nec femina nec puer quispiam
 esset, qui non pro patriâ animosè dimicaret. Interea res Romana pessimè sese
 habuerunt inter ciues ac milites Prætorianos, eò quòd milites aliqui fuerant
 interfecti, qui Maximino inferuierant.

MVLTO S TIMEAT NECESSE EST,
QVEM MVLTI TIMENT.



Regnavit cum Balbino & puero Gordiano II. annis;
iniuste occisus perit.



D CÆLIUS BALBINVS postquam Vrbis custodiam ac tutelam sibi commissam haberet, videretq; quotidie infinitos pænè ciues trucidari, ac ciuitatem ipsam humano passim cruore contaminari; populo per edictum obnixè supplicabat, monebatq; vti cum equitibus & militibus in gratiam rediret, ac potius præsentis casus, communisq; patriæ detrimenti, velleret meminisse. Pollicebatur etiam equitibus, omnium, quæ hucusque patrauerant, obliuionem atque impunitatem. Sed id neutris persuadere potuit, gliscente indies malo. Ac tamen quidem Romæ ob intestina hæc bella pessimè agebatur, res tamen tempusq; acriorem ciuium pugnam contra Maximinum absque morâ aliquâ aggrediendam admonebat. Pupienus igitur collecto exercitu Româ probè expeditus discessit, vti Maximino resisteret. Vt autem milites, qui in Prætorio agebant, penuriâ conficiebantur, vniuersi patentibus portis eruperunt, congressiq; multitudinem fugientem in Vrbem vsque persecuti fuerunt, ignemq; domibus passim admouerunt, vt iam bona pars Vrbis conflagrarit, pluresq; ædes ex eo perierint incendio, quàm in plerisque ciuitatibus essent. Interea dum hæc Romæ aguntur, res ad finem paulatim deducta est. Nam cum Aquilenses Maximinienfibus insignia atque imagines Imp. Pupienî, Balbini ac Gordiani, coronis lauroq; redimitas ostendissent, ita grauius Maximinus suis militibus succensuit, vt plurimos extremo supplicio affecerit: quasi verò per eorum steteret inertiam, quò minus ciuitas capta fuisset. Hinc milites seditionem aduersus ipsum excitabant, obrutumq; tandem vnâ cum filio Maximo obruncabant. Neque enim iis clam erat, quàm duo hi vniuerso orbi essent odiosi, quamq; nemo foret, qui non in horum necem iurasset. Capita igitur amborum præcisa, hastisque imposita Aquilensibus ciuibus ostendebant, ex quâ re pax illicò vtrumque conciliata est. Cadauera verò canibus dilanianda proiiciebant, ac capita tantum Romam Imperatoribus perferri curabant. Equites qui capita hæc ferebant, in itinere Pupienum in vrbe Rauennâ inueniunt, ei victoriam ac successus rerum prosperos nuntiantes. Pupienus capita dimittebat Romam, vbi ea Balbinus contis infixæ ante rostra populo conspicienda ostendebat. Deinde vbi Balbinus victimam hecatomben appellatam (hoc est, in quo sacrificio ex quocumque animalium genere centena immolabantur, vt centum boues, centum sues, &c.) immolasset, capita in Campo Floro magnâ cum lætitiâ populi combussit. Hæc subitâ rerum mutatione omnis tristitia vrbis Romæ sedata est. Interea Pupienus Rauennâ profectus Aquileiam peruenit, vbi omnes Maximini milites parato habitu laureati obuiam ipsi procedebant: quos vbi Pupienus oratione amicâ benignè in gratiam receperat, cum omni militari copiâ Romam reuersus est, venientemq; Balbinus, ac Gordianus, Senatus Populusq; Romanus lætis acclamationibus veluti triumphantem exceperunt. Confestim Parthi cornua aduersus Imperium erigere, itemq; Germani cœperunt; ita vt Pupienus ex decreto contra Parthos, & Balbinus contra Germanos, cum totâ militum multitudine proficisci debuerint. Inter hos duos discordiæ quædam nascebantur tacitæ. Balbinus Pupienum quasi ignobilem ac fabri dumtaxat filium contemnebat, atque hic illum contra ceu hominem effeminatum, debilem, luxuriosum ac socordem. Quare alter alterius vitæ insidiabatur; sed quia vterque fidissimis stipatoribus, adeoque Germanis, probè munitus erat, res perfici non poterat. Interim nqua deintegrò coorta inter Prætorianos milites seditio est, qui Germanis militibus quotidie dira minitabantur, ac pigebat modò quòd Pupienum tantâ fide ac reuerentiâ in Vrbem deduxissent. Quamobrem iratis animis ex Prætorio strictis ensibus ad Palatium vnanimiter concurrunt, ac turbatis ianuarum custodibus, impetuq; facto in aulam irruerunt, ac senes Imperatores ambos detractis laceratisq; vestibus nudos ex aulâ abstraxerunt. Deinde, euulsis etiam barbis & superciliis, ignominiosè ipsos, nullo non ludibrio affectos; per medium Vrbem ad castra deduxerunt. Decreuerant enim eos non in Palatio, sed in Prætorio interficere; ac lento prius mortis genere excarnificare, quò dolorem diutius paterentur. At verò vt compererunt, Germanos raptis armis in auxilium concurrere, statim vtrumque Imperatorem in viâ trucidarunt, corporaq; dilaniata sparsim reliquerunt.

BONIS NOCET, QVISQVIS
PEPERCERIT MALIS.



Imperium vnà cum Pupieno & Gordiano iuniori
per 11. administrauit annos: ignominiosè periit.



ANTONIUS GORDIANVS Imperium solus, cūm annum ageret decimum tertium, adeptus est anno CHRISTI ducentesimo quadagesimo primo. Amabatur autem plurimū à Romanis ob pulchritudinem ac bonos mores. Nec istud sanè infimā laude dignum, quōd in suā adolescentiā sapientiæ amator fuerit tam eximius, vt bibliothecam librorum haberet circiter sexaginta duorum millium. Admodum adhuc adolefcens bellum contra Persas (qui in Romanas prouincias passim incurrebant) aggredi demortuo Pupieno debuit. Verūm ei Senatus dedit in subsidium ac ducem exercitus Philippum ex Arabiā oriundum, militem fatis laudatum. Atque ita quidem Gordianus, cūm Tranquilliam, Misithei viri honestissimi filiam, vxorem duxisset, multis copiis omniq̃ue vi militari instructus, Orientem versus profectus est. Postquam verō in Asiam traieisset, ita se cuncta pessimè habere offendit, vt ad socerum suum Misitheum, qui adhuc domi relictus erat, litteras scripserit huiusmodi: *Nisi Diſ omnipotentes Romanum tuerentur Imperium, imperitiū certè, socordiā ac perfidiā hominum diu stare non posset.* Scribebat etiam, quosdam sibi in aulā displicere: querebaturq̃; Imperatorem sanè miserum esse, apud quem vera recitentur, qui cūm ipse publicè ambulare non possit, necesse est vt delatores tantū audiat, & audita ab is confirmet. Vt autem frequentibus præliis Artaxerxem Parthorum Regem deuicisset, Saporem Persarum Regem aggressus est: quem edo redegit, vt regnum suū etiam libens in Prouinciam Romanis tradiderit. Inde per Syriam in Antiochiam venit: quam à Persis possessam recuperauit. Hinc rursum iter in Thraciam ac Mœsiā fecit: in quibus breui tempore tantum vicit, tantum deleuit, fugauit, expulit atque submouit, vt plurimas inde sibi victorias compararit. Namque omnes istas regiones Imperio Romano iterū recuperauit; ita vt hinc ad Senatum scripserit, obsecrans, vt se suo nomine Diis commendare vellent: omnemq̃; honorem focero adscribebat, illi soli gratias agens, quōd eius ductu, vt aiebat, & dispositione cuncta transegisset; ac quæ deinceps esset peracturus, eius item fierent operā & consiliū. Philippus, quoniam propter Misitheum voti compos fieri haudquaquam poterat, clam veneno hominem interemit. Deinde ipsum Gordianus fecit præfectum Prætorij. Hic autem vbi secūm cogitaret, quā ex humili genere fortunāque tenui ad eam dignitatis sublimitatem subuectus fuisset, cœpit superbire, cornuāque sumere, vt pauperes solent dum è sordibus paullo nitidiores emerferint; atque id sedulo indies operam dare, quā ratione Imperium adipisci posset. Nunc hoc, nunc verō istud studiosè excogitabat: postremò rem ita aggressus est. Naues frumentariæ, quæ commeatum ex Ægypto atque Italiā ad exercitum conueherent, auersæ aliò deflecebant, vbi exonerari haud poterant, ita vt hinc seditio inter milites coorta sit. Ea res Philippo ex sententiā optimè succedebat, studebatq̃ue inde etiam vultum fingere, tristitiam simulare, quali militibus condoleret. Præterea inter milites passim spargebat, Gordianum esse adolefcentem imperitūq̃ue, ac melius fore si aliū eligerent, qui in periculis suā prudentiā gubernare posset. Atque ita extemplō illi Imperium demandabat, vti iuxta Gordianum imperaret. Verūm hoc ei satis non erat. Gordianum prope esse æquò iure ferre non poterat: studebatq̃ue diligenter, quā viā Gordianum Imperio prorsum expelleret. Semper ipse apud milites esse, facere quō iam naues frumentariæ aduenirent: denique ipsum milites ceu vnicam exercitus salutem colere. Quod quidem Gordianus molestè tandem ferre occipiebat, ac militibus querebatur, ipsum beneficiorum, quæ in eum contulisset, planè esse immemorem: at nihil penitus impetrabat, quin magis aduersus ipsum incendebantur. Petebar vt saltem Cæsaris loco se haberi paterentur; quod minimè potuit obtinere. Dein petebat, vt vel præfectus Prætorij, quod antè Philippo concesserat, esse posset: sed nec id quidem impetrauit. Tandem cūm ab omnibus sese derelictum animaduerteter, petebat vt saltem posset viuere: quod quidem ei Philippus annuit, sed falso prorsus animo. nam simul atque potuit Gordianum clam in secessu aliquo deprehendere, laqueo ipsum strangulauit; idq̃ue ided, ne successu temporis Gordiano Imperium restitui posset.

MISER IMPERATOR APVD QVEM
VERA RETICENTVR.



Vnà cum Pupieno & Balbino duobus annis Imperio præfuit,
folus VI. anno XX. ætatis laqueo extinctus.

ROMÆ ab Senatu, statim atq; scelus Philippi in Principe suo Gordiano (qui Urbem à multis periculis grauissimisq; hostibus vindicarat) commissum populo innotuerat, Marcus quidam nomine Imperator eligebatur. Hic vbi morte subitâ decessit, SEVERVS HOSTILIANVS Imperium tamquam successor adeptus est. Volebant enim Romani Philippum, profugi cuiusdâ latronis ex Arabia filiû, pro Imperatore haud quaquâ agnoscere. Quamquam verò & Hostilianus non multò post ex incisione venæ interierit, tamen tamdiu imperasse, iudicio Æneæ Vici Parmensis dicitur, vt & nummos suâ effigie ac titulo percuti iusserit. Nam in libro suo secundo, cui titulus, *Discorsi sopra le medaglie*, taxat notatq; grauter Iacobum de Strada Mantuanum in sua Epitome Thesauri Antiquitatû, quod Hostilianum hunc rarâ barbâ depinxerat nomine M. Seuerum Ostilianum. Nec sanè huius tantum nomine ita in illum Æneas inuehitur, sed & multorum aliorum, quasi sit figurarum, titulorum, partiumq; auersarum fictor. Quare & huic placuit hoc in loco eiusmodi ponendû numisma, cuiusmodi ipse atque alij duo in Italiâ habet, quale & mihi vnum est facie iuuenili, imberbe, ac sine ferto laureo, cum inscriptione huiusmodi: C. VALENS HOSTIL. MES. Q. VINTVS N.C. in dorso: PRINCIPI IVENTVTIS. Princeps dextrâ Signa tenet, sinistrâ lanceam. Æneas hic & Iacobus multos errores ac controuersias inter Antiquarios concitarunt. Ac dubiû quidē mihi sit, num vterque erret. Nummum siquidem habeo, quem hic expressi, cui est in parte auersâ femina vestita stans columnę innixa, dextrâ supra caput leuans, cum circumscriptione, SECVKITAS AVGG. Ex quo sane liquido constat, duos fuisse æquali iure Imperatores, quodq; Senatus hunc, iuxta Æneæ Vici sententiâ, Cæsarem Marco etiamnum in viuis agente fecerit, ac postea Augustum. Atqui id cum omnibus pugnat Historicis. Iam verò Valentia in Hispaniâ inter antiquas descriptiones reperiuntur & hæ tres: Q. HERENNIO ETRVSCO MESIO DECIO NOBILISSIMO CÆS. PRINCIPI IVENTVTIS VALENT. VETERAN. ET VETERES. C. VALENTI HOSTILIANO MESIO NOBILISSIMO CÆSARI PRINCIPI IVENT. VALENT. VETERAN. ET VETERES.

CNÆÆ SEIÆ HERENNIAE SALLYSTIÆ BARBIE ORBIANÆ AVG. CONIVGI DOMINI NOSTRI AVG. VALENTINI VETERANI ET VETERES. Cum igitur iam certò cõstet, Q. Herennium Decij Imperatoris ac Cneæ Seiæ Herennia filium fuisse, ac C. huius Valentis Hostiliani, cognomēto Mesij, (quod & Decij cognomen fuit) hic mentionem fieri, dubito equidem an & Decij filius fuerit. Multa mihi hinc inde cum peritis Antiquariis, ac viris grauissimis, Marco Laurino D. in VVatervliet, & Antonio Morillonio Secretario Episcopi Atrebatenfis, disputatio huiusce causâ numismatis (quod apud me non sine admiratione viderunt) fuit. Verum haud dubiè Hostilianum hunc Decij fuisse filium arbitrantur. Quapropter equidè præclarissimos viros, prudentissimos peritissimosq; Antiquarios, tamquam eius rei minime ignaros, in testes duorum istorum numismatû adduco, nominoq; D. Antonium Perenotû Atrebatensem Episc. D. Maximilianum Morillonium Antonij Morillonij fratrem, Valerium Schortum Mediolanensem, Iulium Calistanum Parmensem, Stephanum Pighium, Melchiorum Schettum, Antonium de Taxis, Maximilianum VVaelscaple, Abrahamum Ortelum, & tandè eruditissimum virum Cornelium Scribonium Grapheum vrbi Antuerpiensi à Secretis, atq; eius filium Alexandrum. Iam nec apud aliquem Historiographum, quâni apud Eusebium in historiâ Ecclesiasticâ libro septimo capite primo, legitur Decius duos habuisse filios. sic enim ait: *Postquam Decius nondum integrè annos imperasset duos, celsusq; fuisset vnâ cum filiis, ac successisset ei Gallus*, Sec. Refert item Aurelius Victor, temporibus Decij Imperatorem creatum Hostilianum Perpennam, & mox pestilentia consumptum. Quoniam ergo pauca de Decio eiusq; filius memoriæ prodita existât, multaq; in nummis deprehendas, quorum apud Historicos ne mentio quidem fiat, rem certè exactius diligentiusq; dispiciendam opinor. Proinde Iacobum de Strada fictorem esse figurarum, titulorum, partiumq; auersarum, doctus peritusq; omnibus satis manifestû est. Nam numismata ex historicis aut fingere aut corrigere ausus est, vt in Nigero patet, quem perinde atque historie, Nigrum vocat: quod si negat, fateatur necesse est, nullum se huius Nigrij numisma habuisse: quo quid turpius esse potest? Alterutrum itaq; & in Q. Herennio Etrusco, Decio, Herachio, ac multis aliis commisit. Mihi verò placet historias cum numismatis consêre, atq; hinc eas potius restituere: siquidem historiâ numismata sequantur necesse est, dummodò verè sint antiqua, nec contrâ. Antiquiora enim ac veriora numismata sunt historicis. Sic & Guilhelmus de Choul in lib. de Pricâ Romanorû religione, numismata ex historicis corrigi, vocatq; M. Æliû Aurelium Commodum cum Dione Cassio atque Eutropio L. Ælium Aurelium Commodum. Si sic numismata tradenda forent, satius profectò esset tacere, atque à scribendo abstinere. Ita enim si gloria nulla parabitur, certè nec dedecus. Nolo equidè veteres Historicos vituperare aut contemnere, sed illud ausim dicere, exiguum eos nominum habuisse rationem, ideoq; plurimum in his errasse. Ausim illud quoq; affirmare, quâ plurimos nempe errores ex translatione de Græco in Latinum, ac descriptione veterum librorum in nouos irreptisse. Si quis me in his culpâre ac cõtrarius esse velit, nã ille doctis peritisq; scriptoribus haud parû ridiculus videbitur.



Ita eum scruissima pestis abstulit, ut vix eius memoria, nomenque,
nedum dictum aliquod posteritati relictum sit.



MIVLIVS PHILIPPVS cum toto exercitu (quem Gordianus ex Oriente in Italiam reduxerat) non longè agebat ab Vrbe Româ, iam certus fieri haud posse, vt Imperium, nisi multo sanguine, queat obtinere. Verùm simulatque Hostilianum Imperatorem obuisse audierat, recepit animum, cogitauitque vel inuito Senatu Populoque Romano se Imperium reseruaturnum. Consilium inuenit huiusmodi: Gordianus ab Romanis plurimùm fuerat adamarus, ideoque priusquam alius in Hostiliani locum succederet, conatus est suspicionem cædis à se falsò remouere, se plurimùm inquiring dolere, & sine consensu suo rem indignam patratam fuisse: cepitque passim omnes Gordiani cædis confcios interficere. Intercè, ad Senatum Populumque Rom. scripsit quàm fieri potuit humanissimè, culpam reiciens in nebulones aliquos improbos, excusans etiam totum exercitum, vt fauorem beneuolentiamque militum sibi integram retineret. Quare item cupiebat, vt se Imperatorem (creatum quidem à militibus) & eligere & confirmare vellent. Istiusmodi adulationibus ita populi aures obturabat, vt fidem ipsi adhiberent. Necdum enim probè hominem nouerant. Nam Philippus insignis erat veterator, callidus, qui verba colorare, ac vultum simulare optimè calluerat; animo ita planè peruerso, improbo atque astuto, vt innatam sibi ambitionem fuco quodam tegere callidè potuerit. Cùm igitur Senatus Populusque arbitrabatur eum ista ex animo velle ac sentire, vt qui ab intestinis bellis plurimùm abhorrebant, hos Arabes ac ferocissimos Mauros Imperatores elegerunt. Tum ingenti pompâ ac triumpho Romam ingressus, secum aduehebat magnam vim Orientalium animantium cuiuscumque generis, vt erant elephanti, rhinocerotès, leopardi, onagri, camelopardi, leones, &c. quæ omnia Gordianus collegerat, & in Festum Sæcularium ludorum reseruauit. Hos instituisse fertur exactis Regibus P. Valerius Publicola; itaque à sæculo appellasse, quòd humanæ vitæ terminus sit, ac centesimo quoque anno celebrari consueuerunt. Hos item celebrare cogitabat Gordianus istis animantibus anno ab Vrbe conditâ millesimo, qui iam tum instabat. Sed hoc ei Philippus ademuit. Postquam ergo hic anno CHRISTI ducentesimo quadagesimo septimo Imperium adeptus fuerat, mox eâ tempestate Gothi limites transgressi, factâ irruptione in Boreales partes ac Romani Imperij Prouincias, vrbes & agros vastare, prædas abducere, cædes vndique facere, incendia suscitare, domos, villas, tuguria euertere, denique ita cuncta armis peruertere cœperunt, vt vniuerso Orbi metum intulerint haud inanem. Præterea & prodigium, quod iam antè tum apparuerat, magis singulos deterrebat. Solis enim eclipsis visa fuerat adeò tenebrosa, vt interdiu vbiuis gentium candelis passim vti debuerint quasi fuisset nox. Similiter & ingens contigerat terræmotus, quo multa cùm oppida tum homines interierant. quæ quidem omnia interpretabantur in perniciem Populi Romani. Cùm mihi plurima deinceps Gothorum facienda erit mentio, operæpretium fore duxi, paucis eorundem referre originem. Gothi sunt Germani ex insulâ Gothiâ oriundi, ac semper vsi fuere linguâ Germanicâ. Regio hæc adeò fuit populosa, vt patriæ angustiam sæpenuerò quæsti incolæ, in alias regiones coloniam ducere debuerint. Primùm Boreales plagas omnino opplerunt: cumque in iis plurimùm essent augmentati, multis copiis inde in varias mundi partes eruperunt. Mirabantur passim vnde id genus hominum prodiret. Erant enim Gothi turpes, staturâ admodum proceri, fortessque, moribus adeò incompósitos, vt eos expectare nationes ceteræ non ausæ, relictis sedibus aufugerint. Quamobrem deinde in Thraciam, atque Hungariam, tum Pannoniam appellatam, profecti sunt; inuasertuntque paruas illas regiones circa Constantinopolim. Quo quidem tempore Romanis visum fuit sese ad resistendum expellendumque parare. Sed iam aliud cogitabat Philippus, quod maioris sibi fore momenti putabat, præsertim quòd ad fidem Christianam iam aures accommodarat. Facile item sciebat Gordianum fuisse conatum Gothos istos expellere, sed nihil profecisse. Nihilominus simulabat se exercitum aduersus eos parare, vt ita filium suum Cæsarem vnâ crearet.

XXXVIII.

SI VIOLANDVM EST IVS, REGNANDI
GRATIA VIOLANDVM EST.



Imperium Romanum dolo sibi adsciuit, illique prae-
fuit
VIII. annis, tandemque occisus.



MILIVS PHILIPPVS ad Imperium à patre Philippo Principatus sui anno primo in Cæsarem, regniq̃ue collegam, assumebatur. Hi inter omnes Cæsares primi fuere, qui fidem Christianam publicè professi sunt. Postquam enim Christiani effecti fuissent, prædie Paschæ cō venerunt ubi eius diei sc̃ra peragebantur, volueruntq̃ue participes sacrosanctæ Eucharistiæ cum ceteris fieri: verùm iis recusavit summus Christianorum Pontifex Fabianus, nisi prius crimina confessi inter pœnitentes sese collocassent; quod etiam libentissimè fecerunt. Pater fidem Christianam re verâ, licet verbis dumtaxat, attigit: filius autem cū verbis, tum opere, eam ipsam satis expressit; Deum quippe plurimū metuebat. Iam verò Germani illi Gothi quantumvis longius proficisci facillè potuissent, dum iam eos ceteri mortales verebantur, partaq̃ue iis sæpenuerò esset victoria; mansere tamen in Thraciâ ac Pannoniâ, sedesque in eâ fixere, nec ulterius procedere volvere ob eiusce terræ fertilitatem. Romæ itaque sese Imperatores quietos continebant, erantq̃ue toti in apparandis iis quæ ad sæculares ludos pertinerent. Cū iam triennio imperasset, rediit Urbis conditæ annus millesimus: qui dum ab vniuerso populo ingenti pompâ magnoq̃ue sumptu & apparatu celebraretur, varia animantium genera in Amphitheatrum inducta fuere, vti magnâ cum lætitiâ stragulanda spectarentur. Amphitheatrum hoc Circus erat sanè ingens ac rotundus, circumquaque gradibus pulchrè adificatus, in quibus vniuersi comimodè sedere ac ludos spectare poterant. Huc enim Populus Romanus atque etiam exteri confluebant, ludosq̃ue absque vllō impedimento facillè omnes spectabant. Vt igitur Amphitheatri patimentum arenâ vndique esset conuersum, ne pugiles interfectorum sanguine inficerentur, nève cruor spectatores forsitan deterreret, foribus Amphitheatri apertis populus intromissus est, Cæsaresq̃ue item inter Senatores assederunt. Cūq̃ue pugiles (quorum pars morti adiudicata, pars in bello capta, in hos ludos fuerat reseruata, coactaq̃ue vt cum bestiis vel ad necem vsque concertaret) parati essent, armisq̃ue instructi; intra in quibus bestię illæ detinebantur, fuere reclusa, atque item in Amphitheatrum admissa. Interim dum cruentus hic ludus, qui cum ingenti, horribili ac miserabili luctu celebrabatur, perageretur, cœpit Philippus pater paulò petulantius cachinnari: quamobrem à filio suo auerso vultu notatus est. Hic enim adolescens aded fuit seueri ac tristis animi, vt à quinquenni ætate nullò prorsus cuiusquam commento ad ridendum solui potuerit. Ob quam etiam causam tantò herelè magis ipsum puduit videre patrem aded dissolutè ridentem. Hoc die plurimi cū homines tum bestię interierunt. Deinde in Campo Martio varij ludi populo exhibiti fuerunt, quos tribus diebus totidemq̃ue noctibus peruigil spectabat. Sic & diuersæ Comediæ ac Tragediæ actæ fuerunt. Breuiter, nihil, quod ad tristitiam & triumphum possit attingere, omissum fuit. Non multo tempore post Imperatores rem insperatè tristem accipiebant, quæque animos eorum magis percelleret quàm Romanum Imperium; nempe Marinum ducem ab ipsis descivisse, qui Populi Romani nomine, cum exercitu Illyricorum, in Sarmatiæ finibus ad repellendos coercendosq̃ue Scythas castra habebat: qui postquam ab Imperio discesserant, nusquam non in Romanas Prouincias irrumpebant. Vt enim Marinus hic audiisset, atque ipsemet etiam considerasset, Imperatores socordię sese dedisse, cū nihilominus causam haberent legitimam aduersus Gothos bellandi, se facillè cogitabat Imperium adepturum. Quod cū Imperatores minimè ferre possent, contra ipsum miserunt Decium, militem sanè fortissimum ac clarissimum. Hic ubi ad conflictum peruenit, cecidit Marinus. Interim thesauros suos Imperatores dono dedere Fabiano summo Christianorum Pontifici: quâ de re iratus Decius, vt qui idolis seruiebat, Romanam properè rediit: cui Philippus pater obuiam profectus est. Conuenerunt vnâ Veronæ; ubi Philippus medio capite supra ordines dentium præciso interijt.

XXXIX.

NON EST EIVSDEM ET MVLTA
ET OPPORTVNA DICERE.



A patre Cæsar factus, eo officio functus septem annis,
XII. ætatis religionis ergô vitam amisit.



MESSIVS QVINTVS DECIVS TRAIANVS , canis ille humani sanguinis sitientissimus, Imperium adeptus à CHRISTI natiuitate ducentesimo quinquagesimo. Hic irâ excandescens cum omni militari expeditione Romam ingressus, Philippum filium Christianissimum Imperatorem, vt Christianis esset formidini, interfecit. Deinde & Fabianum summum Pontificem martyrio sustulit è vitâ. neque id quidem illi sufficere potuit. Odium istud quod in Philippos Christianorum nomine suscep erat, multo sanguine extingui debebat. In Christianos igitur eâ tempestate ob odium Principum multò magis sæuitum est quam Maximini temporibus, propter odium quod inter ipsum atque Alexandrum, eiusque matrem Mammæam item Christianam, coaluerat. Nam in hoc Decius etiam cunctis rem gratam præstare voluit, inquiens se singulari quodam esse amore in Deos ac Romanos propensum. Vtque Christianos hosce duos enecasset, sperabat se & integram deinceps religionis Christianæ sectam extirpaturum ac planè deleturum, vti nulla eius in posterum memoria reliqua esset. Huius igitur edicto multa millia Christianorum passim nouis atque inauditis cruciatibus interierunt; inter quos fuere Serapion, Meniacus, Abdon, Sennes, Olympiades, Hippolytus cum suis sociis, Maximus, Polychronius, Apollonia, ac Victoria. Ante eius oculos Romæ diris cruciatibus enecabantur, summus Pontifex Cornelius Fabiani successor, deinde & huius successor Sixtus cum Archidiacono suo Laurentio, & complures alij. Breuiter, tanta hac tempestate in Christianos excitata est persecutio, vt paucae ciuitates, atque adeò paucae domus huius calamitatis expertes fuerint. In quâ temporis anxietate Cyprianus Carthaginensium Pontifex miserabiles infelicesque Ecclesias litteris passim consolabatur, atque ad constantiam hortabatur. Plurimi tamen à fide Christianâ descuerunt. Cùm iam Decius sanguinis humani satur ac plenus esset, expeditionem parauit aduersus Germanos & Gothos, vt Barbaros istos Romano Imperio rursum vi subigeret. Ac tametsi quidem in Christianos se tyrannum præbuisset, summo opere tamén laudatus fuit, quòd absque Senatus auctoritate nihil quidquam inceptabat. Vir sanè erat artibus probis, vitaque honestâ excultus, modestus, acutus in negotiis gerendis, & qui grauissimas etiam seditiones in Galliâ sedabat, vt Imperium per Gothos amissum Romanis restitueret. Verùm antequam Gothicum bellum aggrediretur, voluit, vti eius filius Q. Herennius Decius Imperator ac successor patris crearetur: quod à Senatu, ordine Equestri, Populoque Romano, facillè impetrauit. Nonnulli volunt hunc fuisse à Senatu coactum, vt filium sibi Imperij collegam de more assumeret. Alij autem, huc à militibus atque equitibus impulsus.

X L.

AVCTORITAS RERVM
GERENDARVM TELVM.



Annis III. Imperio praefuit, primus Augustorum
qui hostili gladio periit, aetatis L.

L



HERENNIVS ETRVSCVS MESSIVS (siue ME-
SIVS) DECIVS postquam ad Imperij administra-
tionem à patre ceu collega assumebatur, in Pan-
noniam aduersus Gothos omni militari expeditione vnà
cum patre profectus est. Ex quā quidem regione Imperato-
erant oriundi, nati videlicet in ciuitate Bubaliā. Cū iam
res se Gothi ad resistendum Romanis fortiter parassent,
Danubiumque traiecissent, de improviso ab Imperatoribus
opprimuntur, ita vt eorum ceciderint circiter triginta mil-
lia, non tamen absque clade Romanorum. Verū quo-
niam Gothi numero erant trecenties mille, virique omnes
strenui, parui stragem istam fecerunt, vt qui plus spei in
multitudine quā in acie ordinatā collocabant. Rursum
igitur cum Romanis in pugnam descenderunt: quos ita cin-
xere, quasi laqueo capti fuissent. Romani autem conside-
rantes se tantæ multitudini difficulter posse resistere, tan-
tū corpora ab imminentibus sagittis tutati, cogitarunt
se honestè satis pugnatos, si absque cædibus euadere
queant. Verū cū iam multū diūque, clypeis instar
muri coniunctis oppositisque, acriter vtrinque pugnas-
sent, tandem seiuncti cessare, armaque abijcere, ac ter-
gum vertere debuerunt. Hac fugā ita se mutuò oppresse-
runt, vt maius detrimentum à seipsis quā ab hostibus
paterentur. In eo conflictu Decius filius iaculo transfi-
xus, cum maximā parte sui exercitus interiit; quā re mœ-
stus iratusque Decius summopere est: nihilominus ita
fortiter se in fugā defendit, vt suā manu triginta occide-
rit. Sed cū ea regio ob Danubium lutosa ac palustris
sit, Decius ab hostibus fugatus, seque victum cognoscens,
equo in voraginem paludis desiliit, nec vñquam eius ca-
daver postea repertum. Hinc tanta Romanis tristitia lu-
ctusque fuit, vt dici haud possit; vtpote quod ad istum
modum Imperatores suos exercitumque amisissent; qui
tamen fide, constantiā ac fortitudine priscis Ducibus es-
sent merito annumerandi. Omnes, qui fugā elapsi erant,
ad fines Moesiæ profugerunt. Ex hoc rerum successu
Gothi multo plura conati, nunc demum Romanis irasci
coeperunt: quamobrem se in expeditione continentes,
suis sedibus contenti esse noluerunt.

XLI.

TIMIDI NUMQUAM STATVERUNT
TROPHÆVM.



A patre Romanis in Cæsarem datus, primusque Cæsarum
omnium hostili gladio percussus.



VIBIVS TREBONIANVS GALLVS, Patritiorum familiâ ortus, Dux ac Præses Mœsiæ iam olim à Decio institutus, agebat eâ tempestate in eius Prouinciæ finibus, quò profugerant quotquot fugâ è suprâ dicto conflictu euadere poterant. Cum iam disperfus ille exercitus se aliquantulum collegisset, milites inito in agris consilio, Gallum vnanimi voce Imperatorem fecerunt, idque à CHRISTO nato anno ducentesimo quinquagesimo septimo. Romæ item aliis Imperio præficiēbatur: verum vbi Gallum à militibus electum audierant, horum electionem Senatus Populusq; Romanus confirmarunt, Gallumque pro more Augustum appellarunt: quâ in re plus ei fortunæ quàm fidei fuit. Interea dum hæc Romæ aguntur, foedus cum Gothis (quorum aliqui Scythæ nominabantur) turpissimè percussit, pacemque ab iis mercatus est drachmis aureis ducentis, non sine maximâ Romani nominis ignominia. Præterea se totum seruitio Gothorum addixit, ne saltem, quia etiamnum debilis & inermis esset, ab iis opprimeretur. Gothi autem vbi se formidini esse intellexerant, insolentiores facti suprâ dicto auro contenti esse noluerunt, atque in circumiacentes terras incursiones facere, prædas abigere, ingentiq; agmine terrâ marique facere cædes atque incendia cœperunt. Depopulabantur Dardaniam, Thraciam, Thessaliam, Macedoniam & Helladâ. Deinde mare traiecti Hellepontiacum, venere in Asiam, ita vt vel nulla propè regio ab eorum incursionibus potuerit esse libera; atque adeo ne Italia quidem, cui rursus dira minitabantur. Vt verò Gallus Imperator nihil spei amplius vidisset, properè Romam rediit. Quo quidem audito, Senatus Populusque Rom. plurimum doluit, certum Imperij exitium metuens. Deinde præter omnium spem atque opinionem fors veteranum peritumque Cæsarem Æmilianum dabat, qui interfecti Marini loco dux limitum Sarmatico in Mœsiâ à Decio ad resistendum Scythis præpositus, sæpenumerò furentes Gothos repulerat. Quod sanè ob facinus Imperator ab exercitu suo eligebatur. Quo audito Gallus, qui tum Romæ agebat, confestim Volusianum filium suum Imperij consortem fecit.

XLII.

PRÆSTAT HABERE ACERBOS
QVAM SVAVES AMICOS.



Imperium gubernavit II. annis, mensibus VIII.
& occisus XLVIII. ætatis anno.



VIRIVS VOLVSIANVS, postquam ad Imperium à patre Gallo assumptus fuisset, vt id simul administraret, ambo ad ciuile bellum aduersus Æmilianum sese pararunt. Res enim dignitatem eorum concernebat Imperatoriam, minime verò Reipublicæ commodum. Atque in hoc quidem cum Philippo superiori optimè comparandi sunt, qui simili ratione Imperij iacturam, perniciem atque exitium per Gothos æquiori ferebat animo, quàm si quidquam à dignitate titulove perdidisset. Ita profectò & hi patiebantur Gothos Imperium paullatim arrodere, atque (vt ferrum rubigo) exedere, idque adedò, vt posteris difficile fuerit, idipsum repurgatis sordibus in integrum restaurare. Gallus itaque & Volusianus ad opprimendum interficiendumque Æmilianum profecti sunt: qui item cum ingenti Illyricorum exercitus multitudine properè in Italiam contrà processit, primusque conflictus habitus est prope Interamnâ in Vmbriâ. Cùm autem eò res vtrunque deductæ essent, vt iam acerbissima pugna immineret, vterque Gallus ac Volusianus à suis militibus sunt interfecti. Deinde milites Æmiliano hæserunt, Imperatoremque statim appellarunt. Erat enim vir prudens, sagax, atque in re militari probè expertus. Verùm Gallus & filius Volusianus maiorem capiebant voluptatem in ciuilibus negotiis, & dum Romæ agitabant, studiosius Christianorum persecutionem curabant, quàm quæ ad Imperium maximè spectabant. Dionysius Alexandriæ Pontifex in hunc modum de eo scribit: Nec Gallus quidem ab Decij impietate potuit abstinere, quin & ipse eidem se illisit lapidi, virosque pios ac sanctos persecutus est. Tanta sub id temporis pestis passim sæuit, vt ne mentio quidem Christianorum tandem fuerit. Hac præterea tempestate Christianus ille Philosophus ac Presbyter Origenes, annum agens circiter septuagesimum, obiit mortem; cuius item sanguine Gallus se libens contaminasset, nisi diuina prouidentia hunc ab eius sanguinolentis manibus præseruasset. Posteaquam igitur Gallus ac filius Volusianus essent interempti, Æmilianus cum toto exercitu Interamnâ Spoletum profectus est, eo animo vt hinc Romam peteret. Ceterùm & litteras ad Senatum Populumque Romanum dabat oppidò quàm amicas, quas ex itinere præmittebat, promittens se Thraciam, Mesopotamiam & Armeniam recuperaturum, neque liberaturum dumtaxat patriam, sed Gothos etiam depulsurum, populumque in omnem libertatem restitutum, & ab omni seruitute, in quam eos Gallus asseruisset, vindicaturum. Quamobrem se electum quidem ab equitibus militibusque Imperatorem, etiam ab Senatu cupiebat confirmari.

XLIII.

NON OMNINO TEMERE EST
QVOD VVLGO DICTITANT.



A patre Cæsar factus, vnà cum patre interfectus est.



EMILIANVS natione Maurus, erat ex Libyâ Africâ humi-
 li genere, ortus; quamobrem & Romanis minùs profectò
 acceptus, vt qui genus ac familiam pluris quàm egregia
 claraque gesta faciebant. Ac tàmetsi quidem illos ex mi-
 serâ anxietate atque ingenti crudelium Gothorum periculo tam fi-
 deliter præter omnium opinionem liberasset, dici tamen vix potest,
 quàm parui eius petitionem æstimarint. Intereâ dum iam multum
 diuque Romæ consultabatur, milites in Germaniâ Valerianum alium
 Imperatorem fecerunt, Augustumque nominarunt. Quæ quidem
 res vbi Romæ nuntiata est, etiam Gallienum eius filium Imperato-
 rem elegerunt. Erant enim nobilissimo genere Romanorum proгна-
 ti, Liciniorum videlicet, Corneliorum & Valeriorum. Vt autem
 milites Æmiliani istiusmodi acceperint, etiam scelerati infidique ef-
 fecti, suum Imperatorem absque occasione aliquâ interfecerunt; id-
 que sub specie quadam boni, quasi Barbarus esset, atque idè time-
 rent, ne olim sauior crudeliôrque effectus, in nobiles Romanos de-
 scenderet. Quâ re magnam apud Valerianum, Gallienum ac Senatû
 Populûque Romanum gratiam inire volebant. Ad hunc ferè mo-
 dum propè omnes Romani Imperatores à suorum militum gladiis
 fuere interempti. Si quando enim Imperatorem quempiam fecissent,
 qui per omnia illorum votis minimè respondebat; eum illicò, non
 aliter atque si canis fuisset, occidebant: & quò probior erat, eò mi-
 nus apud illos potuit impetrare. Rarò etiam inuenitur occisores
 fuisse punitos: idque, vt plerique existimant, idè, quòd cum miles
 aliquis audierat Imperatorem militibus parum fuisse beneuolum,
 huic extemplò visum fuit rem gratam exercitui præstare, atque Im-
 peratorem è medio tollere. Atque hinc quidem factum est, vt ab
 Iulio ad hunc vsque Æmilianum dumtaxat nouem naturali morte
 obierint. Quatuor fuere extincti veneno, duo ab hostibus cæsi, tres
 qui sibi mortem conscuerunt, ac viginti sex suorum aut militum
 aut domesticorum gladiis in ciuilibus bellis interfecti. Pari modo
 & cum sequentibus alijs actum est, vsque ad Carolum primum Im-
 peratorem Germanum. Tum enim religio esse cœperat, Cæsares ita
 apertè circumuenire ac trucidare: obquam causam eos clàm veneno
 tollere quasi deinceps successit. Huius Æmiliani temporibus mores
 equitum militumque adèd ex Imperatoriæ Maiestatis contemptu de-
 generarunt, vt hinc nationes Barbaræ originem cœperint in suâ quæ-
 que regione creandorum Principum. Imò & vnaquæque natio om-
 nem adhibuit operam, yti Romanos sibi subijceret; atque ipsum etiam
 Imperium ludibrio habuit, variis id incessans dictis, quasi nullam
 deinceps auctoritatem, potentiam aut vim haberet. Atque ita quidem
 strenuus ille Imperator Æmilianus indignè occisus est, qui paullò antè
 Romanos ab omni periculo ac perniciè vindicarat.

XLIIII.

GENEROSITAS VIRTVS,
NON SANGVIS.



Regnavit, & fideliter patriam Romanam 1111. mensibus
tutatus est: at quia Barbarus, à militibus occisus.

M



LICINIUS VALERIANVS, anno à CHRISTO nato ducentesimo quinquagesimo nono, ex Germaniâ Romam profectus, Imperium adeptus est. Erat quidem hic nobili genere ortus, sed stolidus, & multum iners, neque ad aliquem Reipublicæ usum aut re aut consilio accommodatus. Iam antè & Censor fuerat Romanorum, quod illi Decius demandauerat. Romanis item leges tulit, atque eius mira passim ferebatur sanctimonia. In Principatus sui initio pios ac Dei cultores summo colebat opere, ita ut domus eius templum Dei sit appellatum. Verum hinc tandem discessit, atque ab istiusmodi moribus plurimum mutatus, Ecclesiam persecutus est. Quod quidem plurimi admirabantur, nec intelligebant quâ ratione hic fautor amicusque Christianorum tam subito in hostem insecutoremque mutaretur. Eius crudelitas eò serpsit, ut Christiani omnes per vniuersas Romani Imperij Prouincias, qui idola aut honorare aut colere recusabant, variis cruciatibus sint interempti. Præcipui autem, qui sub hoc Imperatore passi fuere, sunt hi: Cyprianus Carthagenensium Pontifex Christianorum doctor eximius, Valentinus, Quirinus, Romanus, & Concordia. Cum iam Barbari rerum passim potirentur, fecit Valerianus filium suum Gallienum Augustum, ac Saloninum Valerianum Gallieni filium Cæsarem. Deinde ad bellum expeditus, cum suo exercitu Orientem versus profectus est, ut inprimis Sapor Persarum Regi bellum inferret. Primus igitur conflictus habitus est in Mesopotamiâ, ex quo captus atque oculis cassus, à Sapore in perpetuum carcerem abductus est: & quamdiu vixit, Rex Persarum incuruati eius ceruici pedem imponens, equum ascendeat. Hanc ignominiam, atque hoc turpe seruitium, in innoxij sanguinis vindictam, vel ad necem usque perferre debuit. Proinde capto ad istum modum Valeriano, fusoque in Oriente exercitu, tota Asia Gothorum armis obruitur. Nihil non cædibus, incendiis, ac direptionibus prorsum absumebant. Tum item vniuersa Macedonia ac Pontus euertebantur, adeo ut iam nulla propè esset natio, quæ non aduersus Romanos insurgeret. Germani magnis copiis veniebant in Italiam, cunctaque miserè depopulabantur Rauennam usque: sed hinc reuersi, Galliam cædibus, direptionibus atque incendiis opprimebant. Ad hunc sanè modum vniuersum Imperium Romanum exinguebatur. Ut enim Persæ ac Scythæ Orientem, ita Occidentem deuastabant Germani. In his tumultibus etiam Africa sese vndique Imperio opponere cœpit, atque vnaquæque natio iam vlciendi tempus esse cogitabat.

AMICVM INIMICVM FVGITO.



Postquam regnasset VI. annis, captus ab hostibus, in ignominiosâ
seruitute LXX. ætatis anno diem supremum clausit.

PLICINIVS GALLIENVS agebat Romæ luxui ac popinis deditus, nec Imperij quidquam pensi habebat. Hic compertâ patris captiuitate gaudebat, vt solus Imperio potiretur, atque inultum patrem apud Barbaros relinquebat, excusans subinde se dicto istiusmodi philosophico, Non mirum sibi videri patrem aut mortuum aut captum esse, quod eum mortalem sciret. Verùm cum animaduerneret Romanos vndique à diuersis nationibus opprimi, adeò fuit patris captiuitate motus, vt iam tum Christianis mitior paullo esse cœperit, persecutionisquæ suæ finem fecerit. Tantum enim negotij illi cetera faceiebant, vt Christianorum planè obliuisceretur; aut certè iudicio Dei permotus, istorum meminisse nolebat. Nam facilè considerabat, patrem suum meritis dedisse pœnas, eò quod incantationibus erat deditus, Christianosque, qui iis resistebant, persequebatur. Siquidem infantes sæpius perimi fecerat: cumque è teneris istis artibus vitam sustulisset, etiam in venis sua incantamenta perficere conatus erat. Igitur Gallienus exemplum cepit à patre suo, passus nihilominus maxima ac varia detrimenta, ob immensam suam detestabilemq; libidinem. Nam præter seditiones ac turbas quas barbari dederant, etiam vniuersus Orbis Imperio Romano fuit incommodo. Hinc inde varij exciti fuere tyranni, ita vt multis indies ciuilibus bellis ortis infinitum passim Romani fuderint sanguinem. Primus enim, qui ex tyrannis Imperium affectabat, erat Cyriades, atque occidebatur prope Myrsam. Item Postumus etiam in inferiori Germaniâ (quæ tum Gallia Belgica dicebatur, atque vbi tum Franci habitabant) tyrannidem affectauit, cum maximo Reipublicæ commodo. Siquidem fortiter probeque Imperium decennio administrauit; repulsis insigniter hostibus, amissas terras rursum suæ integritati restituit. Victorinus vnà cum filio suo Colonia, cum iam noui quidpiam molirentur, fuere occisi. Victoria autem cum suo filio ad Imperium à Germanis eligebatur. Deinde & Tetricus Aquitaniæ Præses subsecutus est. In Oriente Odonatus ingenti collectâ multitudine, Persas & Gothos è Syriâ expulit, ac Mesopotamiam rursum recuperauit. Trebellianus in Isauriâ Imperium plurimum affectabat, sed breui tempore occisus est.

OMNIA DECRESCUNT, VBI QVO
CRESCANT, NON HABENT.



Postquam cum patre atque filio v. l. annis Imperium diuexasset,
surrexere triginta tyranni; & ix. annis post occisus, l. ætatis anno.

SALONINVS VALERIANVS cum patre Gallieno habitabat Romæ: sed cum nullum Reipublicæ remedium amplius sperabant, ac iam facile considerabant eò cuncta fieri deteriora, quò diuturniora; Mediolanum profecti, Imperium planè deseruerunt. Proinde horum nihil Salonino imputandum est, vt qui necdum decimum annum excefferat. Cum verò indies Gallieno nuntiabatur, vniuersum Imperium terrasque Romanis per vim eripi, fertur respondisse: Equidem mihi abundè satis seruabo. Atque ita omnem vitam, luxui, libidini, popinis, meretricibus ac turpibus voluptatibus deditus, traduxit. Hinc complures exorti tyranni, illorum quisque Imperium affectabat, ita vt eà tempestate tyranni simul fuerint triginta. Quantum miseræ & calamitatis tum temporis vniuersus Orbis perpassus sit, haud difficilè perpendi potest. Ad vnum quippe omnes multo sanguine fusi sunt. Mæonius in Oriente Imperium sumpsit, atq; Odenatum interemit, qui & ipse postea occisus fuit. Ingenuus Pannoniæ Præfès à suis militibus Imperator dictus est: ac deinde ab iis, qui ab Gallieno stabant, interfectus. Regillianus Illyrici dux à suis item Imperator factus, postea in conflictu à Moscouitis occisus est. Confestim in huius locum subrogabatur Aureolus, quem itidem Claudius habito cōflictu interfecit. Macrianus vir probus ac senex defendere Imperium vblebat, quare cum militibus suis profectus contra Gallienum, ab Aureolo cum filio in acie interemptus est. Quietus alter Macriani filius, post mortem patris ac fratris, à residuis militibus Imperator consalutatus, ab eodem Aureolo interfectus est. Piso Frugi, quem Macrianus in Thessaliam aduersus Valentem miserat, etiam à suis militibus factus est Imperator, sed ab Valente paullò post occisus. Æmilianus in Ægypto coactus Imperium sumpsit: at deinde à Theodoro captus, ac Gallieno viuis transmissus, laqueo in carcere strangulatus est. Celsus volens noui quidpiam in Africâ moliri, die Principatus sui septimo à suis peremptus est. Herodes, Herennianus, & Timolaus fratres atque Odenati filij, vnà cum matre Zenobiâ, per vim Imperium susceperunt, diuque in Oriente vixerunt: sed eos tandem superauit Aurelianus. Saturninus vir prudentiæ singularis, grauitatisque insignis, à suis militibus ad Imperium coactus est. Hic multis aduersus Barbaros Populi Romani nomine victoriis potitus, tandem à suis militibus interemptus est. Balista vir insignis, & ad gerendam Rempublicam oppidò eruditus, cum inter ceteros etiam tyrannidem affectaret, in tentorio suo à milite quodam gregario occisus est. Titus à Mauris Imperator salutatus est, atque à suis quoque militibus trucidatus. Extemplò vxor eius Calphurnia Imperium suscepit. Vsqueadeò se Gallienus in Imperatoriâ dignitate deiecit, vt ne feminas quidem puduerit Imperium affectare.

XLVII.

MAGNUM SATELLITIVM AMOR.



Cum patre tamquam Cæsar regnavit, & post IX. annos
vnà cum patre interiijt.



CASSIVS LATIENVS POSTVMVS, quotquot suo tempore tyranni Impèrium affectabant, facillè omnes virtute superabat. Vniuersas hæc inferiores ditones fortiter defendebat, quæ ætatem vt ceteræ pænè suerant perditæ. Et quidem dùm Populi Romani nomine apud Francos Præses esset constitutus, gesta meherclè insignia fortiaque Francorum fide ac præsidio perpetrabat. Verùm vt pauldò dilucidius de Francorum dignitate differamus, præsertim quòd eorum in toto hoc libro nobis faciendâ sit mentio, operæpretium fore arbitramur, si ab origine primâ eos pauldò altius repetamus. Ob quam equidem causam Postumum primo loco præ ceteris tyrannis ponere cum suâ imagine visum fuit, quamquam cum reliquis inter Cæsares haudquaquam numeretur. Expresse igitur litteris proditum habemus, captâ Troiâ Priami nepotes ex Asiâ in Europam profugisse, partemque in Italiâ Romam deuenisse, & partem sedes in iis fixisse terris vbi Danubius mari immergitur, atque hinc ortos Sicambros. Id autem contigit anno ante natum CHRISTVM millesimo centesimo octuagesimo tertio. Ceterùm cum à Gothis, qui ingenti multitudine ex insulâ Gothiâ erumpebant, plurimum infestarentur, ita vt in istis locis quietos esse non liceret, educti à Rege suo Marcomiro alias quæsierunt sedes. Hic vbi Diis de more sacrificasset, in fomis clam accipit, vt istuc cum suis proficisceretur, vbi Rhenus mari illabitur, se istic pacatum fore. Et quidem vt aliquantò certior redderetur, item nocte huic prodigiosa quædam visio apparuit. Erat autem monstrum triceps, cuius alterum caput Aquilæ, alterum Bufonis, ac tertium Leonis. Caput itaque Aquilæ Marcomirum ita allocutum est: Tui, ô Marcomire, nepotes olim me Leonemq; oppriment, & Bufonem enetabunt. Quo quidem significabatur, eius posteros in Romanos, Germanos, & Gallos, olim fore dominaturos. Aquila enim Romanum denotat Imperium, Germaniam Leo, ac Bufo Galliam, quæ ab hoc populo Francia appellata est. Hic posteaquam istam visionem satis edidicisset, cunctis ad professionem paratis eò suos confestim educebat, vbi mare insluit Rhenus: eaque regio ab his Sicambria nominata est. Contigit autem id anno ante natum CHRISTVM trecentesimo trigésimo quarto. Proinde vt à Saxonibus amicè exciperentur, eorumque proximi vicini, amici ac cognati dicerentur, oppidum construxerunt, quod suo idiomate *Neuvmagen*, Latine autem Nouiomagum appellarunt. Item Rhenum circa ea loca, in quibus ciuitatem illam ædificabant, nominabant *VVal*, terramq; circumiacentem *VVelou* & *Bath*, quasi per electionem (quam illi *Ervelung* vocant) aquæ ac nouæ regionis commodum vtilitatemq; iam percepissent. Exstruxerunt præterea ciuitatem, quam Arlemiam & Germanicè vocarunt *Adlerheym*. Siquidem is locus erat, quem demonstrat Aquila. Multa in iis locis oppida considerunt, quibus & nomina indiderunt ab occasione quâ in ista loca deueniant: cuiusmodi etiamnum hodie quædam existant, vt sunt *VVeick*, *Groll*, *Haderuueick*, &c. Hi ipsi populi, quos Geldrenses nominamus, etiamnum eo modo regionem, fluium, oppidaque vocitant. Neque enim verè Teutonicè loquuntur. Vbiq; pro h proferunt k: & pro s, t. Temporibus Iulij Cæsaris Regem habuerunt nomine Francum, qui in præliis tot tantisque victoris potius est, vt ab eo Franci, nec Sicambri amplius dici maluerint. Iulius vocat eos Menapios ac Batauos. Bataui autem sic dicti sunt à *Bath*: ac versus Occidentem sese extendunt ad mare vsque Septentrionale. Drusus regionem hanc temporibus Augusti ac natalis CHRISTI Prouincialem fecit, atque etiamnum pars illa, quæ inter *Venlo*, *Neuvmagen*, *Calcar*, & *Santem* sita est, non Geldria, sed Prouincialis, atque illorum idiomate *Vogtey* appellata est, eò quòd Romani in eâ parte Prouinciam constituerunt. Hos Francos sibi Postumus comparauit, Imperiumque apud hos decennio possedit, atque ex eâ occasione primùm Franci ad bellum exciti fuerunt. Cum enim Postumus rebellionem quadam ab equitibus Romanis vnâ cum filio suo esset interfectus, Franci in expeditione militari perseuerantes, Lollianum in Postumi locum Imperatorem subrogarunt.

XLVIII.

FORTES FORTVNA FORMIDAT.



Horum triginta affligerunt orbem terrarum, qui non Cæsares, sed
 Tyranni dicti sunt. Hic x. Imperij sui anno confossus est.

N



CLAVDIVS, dux ille sub Gallieno ac Salonino perquam fidus fortisq̃ue, vt Tyrannum Aureolum, qui Imperatorem Mediolani obsidebat, vi repulisset, morientis Gallieni sententiâ Imperator designatus est, ab eodemq̃ Imperialia ornamenta suscepit. Cum namque Censorinus, Marius, Cécropius, & complures Tyranni alij cum Aureolo conspirassent, quasi Reipublicæ prodesse voluissent, istorum tandem industriâ Gallienus interemptus est: ceterum priusquam moreretur, cum Claudio ita egerat, vti paullo antè dictum est. Mox Lollianus cum exercitu Francorum è Galliâ petebat Italiam, vbi tantum hoc Francorum effecit præsidio, vt Germani, quorum copię istic passim agebant, Romam viâ aliquâ inuadere haudquaquam potuerint. Deinde reuersus in Galliam, collapsas destructasq̃ue à Germanis arces vel in Hispaniam vsque restituit. Interea verò, cum ab Senatu Populoq̃ue Romano Claudius Imperator susceptus, Augustusq̃ue appellatus esset, etiam Lollianus occultâ proditione occisus est. Atque hinc primùm quidem Franci sese Romanis opposuere, eaq̃ue ex re in Germaniâ & Galliâ deinceps potentissimi facti fuere, vt qui in isto bello victoriâ fortunaq̃ue amplissimâ fuerant potiti. Claudius igitur, educto Româ exercitu, contra Aureolum ceterosq̃ Tyrannos profectus est: quos vt à Reipublicæ gubernaculis depulisset, ipse Imperium, nomine tenus sectum raptumq̃ue in partes, sibi arripuit. Id autem accidit anno post CHRISTVM natum ducentesimo septuagesimo quarto. Proinde cum iam equites Aureoli exercitus communesq̃ue militares legiones Claudio sese adiungebant, ac pro Imperatore ipsum venerantur, grauissimum in Italiâ conflictum aduersus Germanos habuit. Germanorum erant circiter ducenta millia, quorum pars dimidia vix superfuerat. Quamobrem illi à Senatu constituta est aurea galea ac statua, atque in Capitolio clypeus aureus, itemq̃ue aurea imago. Præterea & Gothos bello sanè acerrimo adortus est; qui iam annis quindecim Illyricum, Macedoniam, Salonicam, Thessaliam, Lacedæmoniam, itemq̃ue Orientem versus in Asiâ Pontum, Chalcedona, Mœsiam, Pamphiliam, Mesopotamiam, Syriam, & ceteras regiones deuastarant, funditusq̃ue euerterant; atq̃ue etiamnum in suâ potestate obtinebant Sarmatiam, Daciam, Thraciam, Dardaniam, Bulgariam, Transsiluaniam, ac partem præcipuam Pannoniæ. Horum tantam multitudinem Claudius bello apud Danubium fudit, vt victoriâ potitus litteras scripserit huiusmodi: *Deleuimus trecenta viginti millia Gothorum, duo millia nauium submersimus. Tecta sunt flumina scutis; spatis & lanceolis littora omnia operiuntur. Campi oñibus latent tecti, nullum iter purum ex fœtore cadauerum. Omnes provincia seruis captiuisq̃, Gothorum scatent.* Cumq̃ue Romam triumphans ingressus esset, cognomento Gothicus appellatus est, atque incredibili lætitiâ à cunctis exceptus.

QVOD, DVM PRIVATVS ERAM, NEC LEGES
CVRABAM; ABSTVLI; HOC FACTVS
IMPERATOR RESTITVO.



Postquam Imperio præfuisset I. anno & IX.
mensibus, mortuus est.



QVINTILLVS à fratre suo Claudio Praefectus atque Italici praefecti Dux instituebatur, vt ab omni tyrannorum rebellione securus Barbaros posset oppugnare. Erat autem Quintillus hic homo planè ciuilis ac modestus; quâ virtute solâ fratrem Claudium anteibat. Verùm Claudius tamen & ipse multâ probitate ac virtute praeditus esset, vir tamen erat insuper strenuus fortisque, ac iuris obseruantissimus, & qui ad Rempublicam maximè natus videri possit. Traiectus igitur cum omni exercitu in Africam Claudius, Libyam, Numantiam atque Ægyptum recuperauit, Imperiumque ex parte aliquâ paullatim instaurauit. Cum iam vniuersum ferè orbem peragrasset, plurimaque & fortia bella victor perfecisset, repentè in morbum incidit; ac Sirmij, priusquam expeditionem absoluisset, vitâ decessit. Senatus, Equitesque, atque vniuersus exercitus, nuntiâtâ Romæ morte Claudij, Quintillum Cæsarem fecerunt, Augustumque appellarunt. Tantus Romæ Claudio post obitum ab Senatu honos exhibitus fuit, vt Diuum ipsum appellaret, atque inter Deos etiam connumerauerit. Complures tituli sanè magnifici, inscriptionesque in perpetuam eius memoriam marmori insculptæ consecrabantur, quæ insignes ac præclaras eius victorias aduersus Germanos & Gothos testabantur; cuiusmodi etiam nunc Romæ liquidò conspici queunt. Quintillus verò eâ tempestate cum suo exercitu agebat Aquileiæ; & cum iam rumor esset, Aurelianum alibi à militibus Imperatorem lectum fuisse, ita ab ciuili bello planè abhorrebat, vt manum sibi ipse intulerit. Narrant aliqui, ipsum se, cum suos milites Aureliano fauere animaduertisset, paullò seueriorem aduersus eos præbuisse, ideoque ab iis decimo septimo die Imperij fuisse occisum. Habebat & alium fratrem Crispum nomine, vnde genus suum sequens Constantini familia sumpsit. Nonnulli volunt & hunc Crispum in catalogum Imperatorum ingerere, idque ex numismate Crispi cuiusdam sequentis, qui Constantini Maximi erat filius. Mille equidem vidi numismata, sed Crispos duos facie diuersos numquam offendere potui: nec vnumquam ab iis, quibus antiqua numismata curæ sunt, audiui, se aliquod in iis deprehendisse discrimen. Præterea quod in nummi dorso est *ALEMANIA CAPTA*, facilitè indicat illum non hunc esse Crispum. Nam Constantij primò temporibus Germania nomine tenus partita fuit. Franci inferiùs ad Rhenum siti, à Germanis ac Sueuis nomen *Garman* linguâ Suevicâ adepti sunt: atque hi contrâ suo idiomate Germanos ac Sueuos vocarunt *Aleman*: quæ duæ dictiones *Gar* & *Al* Teutonicæ sunt. Ceterum Romani & hos & illos vno nomine Germanos appellarunt; habito tamen discrimine nomenclaturæ Inferioris, quâ Germani inferiores denotantur. Atque ita sanè Franci, qui in Galliâ Celticâ modò agitant, dictionem illam *Aleman* retinuerunt; quemadmodum & Geldrenses etiamnum hodie *Al* pro *Gar* vsurpant. Verùm Franci qui inter Danubium ac Mœnum siti sunt, successu temporum, eò quòd prope Germanos habitabant, etiam Germanicè loqui assueuerunt.

HONESTA TURPITUDO,
MORI PRO BONA CAUSSA.



Decimo Imperij sui die seipsum occidit.



AURELIANVS natione Germanus, ex ignobili quodam rustico in Vindeliâ oriundus, cum superstite etiamnum Quintillo à militibus Imperator lectus esset, mortuo iam illo etiam ab Senatu Populoque Romano susceptus, Augustusque appellatus est, anno CHRISTI ducentesimo septuagesimo sexto. Fuit autem hic Princeps staturâ procerus, neruis validissimis, atque in bello fortissimus, sed seueritatis immensæ, sanguinarius, & ad tyrannidem nimium procliuus: in castigandis commilitonibus ac prauis moribus admodum diligens. Primus apud Romanos diadema capiti innexuit; gemmisque, & auratâ omni veste, quod adhuc ferè incognitum Romanis moribus videbatur, usus est. Præterea & porcinae carnis usum populo instituit. Interea verò dum hæc Romæ agebat, Prouinciæ Septentrionales aduersus Romanos conspirarunt, Italiamque maximo cum detrimento, cuncta loca passim cædibus, incendiis, ac direptionibus deuastantes, inuaserunt. His sese Franci adiunxerant, qui Romanis longè erant infestissimi. Nam præter ceteros Germanos hi maxime semper studebant opere & Prouincias obruere, & Romanum nomen prorsus extinguere. Hos contra profectus est Aurelianus: sed magnâ clade affectus, atque in fugam pulsus, cum exiguâ multitudine vix saluus euadere potuit. Quo quidem infortunio Romani adeò grauiter fuere percussi, ut potentissimi quique fugam ex Vrbe iam iamque adornarent. Verum enimuerò Aurelianus collecto rursum ingenti exercitu, & secundo hostes aggressus est, victorque tribus præliis exstitit; apud Placentiam nempe, iuxta amnem Metaurum, ac postremo in campis Ticinensibus. Tot eo tempore Barbaros fudit, ut iam nullus esset qui auderet resistere. Ab sexcentis millibus virum superfuert vix centum millia. Francos non longè à Moguntia ad Rhenum ita grauiter adortus est, ut ferè omnes istic interierint. Refert Theodius, Aurelianum ducem fuisse in bello adeò fortem, adeò strenuum, ut manu suâ vno die viros quadraginta & octo interfecerit, pluribusque diebus & diuersis ultra nongentos quinquaginta. Cum iam Aurelianus multis copiis à Germania in Galliam proficisceretur, Tetricus (cuius paulò antè mentionem fecimus) vniuersum Gallicum prodidit exercitum, atque Aureliano in manus tradidit: quâ quidem re tota Gallia pacata fuit. Exstruebat autem ciuitatem ad Ligerim, quam de suo nomine appellabat Aureliam. Deinde hinc versus Orientem proficiscebatur, atque Imperatricem Zenobiam vnâ cum filio, de quibus in præcedentibus dictum est, suo Imperio subiciebat. Atque ita rursum ab Oriente cum Septentrionalibus ad Occidentem usque cum Australibus cuncta recuperauit. His itaque ad istum modum gestis, deinde Gothi ultra Danubium nouam pararunt rebellionem, eoque profectus est Aurelianus cum toto exercitu, & præcipuè cum Germanorum ac Francorum præsidio: atque ingentem hominum multitudinem, simulque regem illorum Canabam interemit: inter quos & mulieres decem habitu virili, quæ fortiter dimicauerant, captæ fuerunt. Iam ergo Gothis domitis, incredibili triumpho Romam reuersus est. Ante currum Tetricus ac Zenobia cum filio suo catenis ferreis ornati incedebant. Milites qui currum præcedebant, quique sequebantur, prædas titulosque ingentes præferebant, cum viginti elephantis, ac ducentis feris cuiuscumque generis Orientalibus atque Africis. Præcedebat item magna multitudo captiuorum Barbarorum; cuiusmodi erant Persæ, Arabes, Gothi, Alani, Sarmatæ, Franci, Germani, &c. atque omnes manibus ibant in tergo reuinctis. Non multo tempore post à militibus Aurelianus interceptus est: Imperiumque septem mensibus sine Imperatore aliquo fuit.

L I.

SVBLIMIVS EST REGERE ALIQVAM ITALIÆ
PARTEM QVAM TRANS ALPES REGNARE.



Cùm Imperium v. annis & vi. mensibus gubernasset, atque
ab omnibus Tyrannis vindicasset, occisus est.



ANNO à CHRISTO nato ducentesimo octuagesimo primo, ab Urbe autem conditâ millesimo trigesimo secundo, milites Imperatorem creare nolebant, omnemque electionem ad Senatum referebant. Indignum quippe rati, ex iis, qui Principem adeò insignem trucidassent, Imperatorem facere. Sed nec Senatus volebat, sciens lectos à se Principes militibus non placere, remque ideò ad milites referebant: atque hi rursus ad illos; qui item, cum recusabant, ad milites rursus referebant. Tum tertio milites rescribebant, nolle se ex eorum numero qui tam indignè cum Principe suo Dominoque egerunt, Imperatorem pati, nedum legere, obsecrantes vt ex suo Ordine Senatus eâ prudentiâ ac sapientiâ, quâ semper præditus fuit, Augustum legeret: eam nempe suam esse sententiam ac voluntatem. Tandem inter Senatores quispiam exsurgens ita inquit: *Exercitus sine Imperatore aut Principe, rectè diutius stare non potest: quare deligendum aliquem esse ipsa cogit necessitas. Germani enim, Franci ac Gothi, limitem trans Rhenum rupisse dicuntur, Urbes validas ac potentes occupasse, Romanos nobiles interfecisse, Prouincias cadibus, direptionibus atque incendiis euertisse.* Atque ita Senatus communibus suffragiis deligebat M. CLAVDIUM TACITUM, virum ex Senatorio ordine ob virtutem Reipublicæ planè idoneum. Erat item homo magnâ vitæ temperantiâ, ætate prouectâ, atque in consiliis sanè prudentissimus. Et cum iam senectutem suam excusaret, Senatus respondit, ipsum se Imperatorem, non militem facere; eius animum, non corpus eligere, vt saltem iubeat, ac milites pugnent. Deinde ad Senatum versus, auream statuum Aureliano ponendam petiit; vtrique Aureliani omnes pictum in ædibus haberent, inter Deos connumerarent, legesque ac statuta eius confirmarent atque approbarent. Cum ergo omnia ista faciliè impetrasset, Imperium, quod iam septem totis mensibus Principem non habuerat, auctoritate Senatus, Equestris ordinis Populi que Romani, suscepit. Vniuersum patrimonium in milites erogauit, petens, vt Aureliani leges militares etiam approbarent, quæ erant huiusmodi: *Vs tribunus esse? unde vis viuere? manus militum contine. Alter alterum ne opprimat, confodiat, interficiat aut capiat. Vnam nullus auferat, segetemve conterat. Oleum, sal, lignum alterius nemo exigat. Quisque stipendio suo contentus viuatur. De prædâ hostiis, non de lacrymis prouincialium milites dutescant. Arma tersa sint, ferramenta sarniata, calceamenta fortia. Vestis noua vestem excludat veterem. Stipendium in baltheo quisque, non in popinâ habeat. Torquem brachialem et annulum seponat. Equum saginarium aut grauem nullus habeat. Alter alteri quasi seruus obsequatur. A medicis quisque gratis curetur. Aruspicius nihil dent. In hostiis castè se habeant. Qui litem fecerit, vapulet, &c.* Deinde illos diligentissimè inquisiuit, qui Aureliani mortis aut re aut consilio forent conscij. Inuentus igitur Mnestheus quidam Principis demortui Cancellarius, qui dictitasset, Aureliani quosdam totius exercitus nobilissimos occisurum; quo tantum quidem effecerat, vt Aureliani interfecerint. Atque ob hanc causam postea Mnestheus hic ad stipitem surrectus, bestiis obiectus est. Interfectis igitur Aureliani percussoribus, Tacitus sese ad Imperium deinceps propagandum tuendumque parans, etiam à suis militibus, quemadmodum eius præcessores, tandem interemptus est.

MALVS QVI SVA CAVSSA BONVS.



Postquam Imperium v. l. mensibus administasset,
immerito à militibus interfectus est.



ANNIVS FLORIANVS statim post mortem fratris sui Taciti Imperium arripuit, quasi hereditarium fuisset: quamquam sciret Tacitum fratrem in Senatu adiuratum, cùm in extremis ageret, vt nec fratrem nec liberos, sed optimum aliquem Principem faceret, qui Reipublicæ Romanæ utilis esset, ac Senatui placeret. Suscipiebant autem hunc milites, volebantque experiri, si quid secus ac rati essent ageret, viam facile scire quâ vti ceteros è medio ipsum tollant; sin probus, utilis atque idoneus foret ac placeret, non alium petere. Verùm vbi considerassent, in multis ipsum fratri esse haud dissimilem, nisi quòd Imperium paullo auidius affectasset, nimis quàm strenuus iis videbatur, cogitabantque iam quâ ratione hominem interficerent. Florianus autem sese semper in medio corporis sui custodum continebat, qui vt plurimum Germani erant. Igitur cùm milites se frustrâ in eo necandi occasionem quærere animaduertebant, sublatâ conclamatione Probum è Sirmio Pannoniæ oriundum Imperatorem properè legebant, vt electionem Senatus citò præuerterent, quòd Senatui ac Tacito eam tradidissent. Acclamatum erat ab omnibus militibus: Probe Auguste, dij te seruent. Probus facile nouerat militum mores ac tyrannidem: quamobrem se excusare exemplo cœpit, ac dicere sæpius, non bene eos secum agere, se militibus haudquaquam expedire; idque idè, quòd iis blandiri non nouerat. Sed nequidquam hæc omnia: ipsum solum cupiebant, ac miris laudibus efferebant. Quod vt Floriano nuntiatum esset, tantus ipsum metus extemplò inuasit, tantumque crudelitatem militum metuit, vt solutis sibi venis animam simul cum sanguine effuderit. Gestum autem id est in Ponto, eo in loco vbi Tacitus necem fratris viderat. Eò enim Tacitus exercitum suum duxerat eo animo, vt interim Gothos profligaret, dum eorum milites optimi quique cum Germanis ac Francis in Galliâ essent. Tradunt aliqui, milites Florianum adhuc viuum offendisse, ipsumque suis gladiis interfecisse. Probus confestim ad Senatum Populumque Romanum istiusmodi litteras dedit, vt iis in Concordiæ Templo lectis, ab omnibus acclamatum sit: Probus Augustus semper viuat, feliciter imperet. multosque ei titulos, nomina & honores attribuerint. Quæ quidem omnia & Senatus confirmauit; tantumque lætitiæ Romæ quantum in exercitu fuit. Hinc omnis tristitia in gaudium versa est: luxerant enim iam antea Aurelianus, ac deinde Tacitum & Florianum.

LIII.

QVI VNI FACIT INIVRIAM,
MVLTIS MINATVR.



In Imperio vixit II. mensibus & XX. diebus: cùm autem dubitaret
quòd regno deponeretur, sibi ipse manum intulit.

PROBUS pollicebatur Romanis sæculum planè aureum absque bel-
lis aliquibus, nec milites ampliùs fore necessarios dicebat, quòd bre-
uè vniuersum orbem Imperio Romano subiicere decreuisset: nul-
lus deinceps mereret stipendia; quin aratro potiùs posthac vtend-
um toret, pascenda pecora, equi, boues, aliaque id genus armenta; agri colendi
ferendique: mortales haud immeritò exultare inquebat, ob felicia illa tempo-
ra, quæ iam adfore promittebat. Atque hoc quidem pacto Probus Imperium
adeptus est anno CHRISTI ducentesimo octuagesimo secundo. Iam verò
Germani, Franci & Gothi, post mortem Aureliani occupabant Galliam: aduer-
sus quos Romanus Imperator Probus cum omni exercitu proficiscebatur, vt
eam recuperaret; atque ex Barbaris istis fudit propè quadringenta millia, ciui-
tates recepit sexaginta: Reges nouem ad pedes eius supplices stratiq; iacebant,
seruitium perpetuum offerebant, atque illi vectigal pendere obsequiumq; præ-
stare pollicebantur. Hinc in Germaniam inferiorem profectus, ad Francos ve-
nit, eosque multo sanguine expugnauit. Hinc rursus in superiorem iter flexit
Germaniam, ac Cheruscos sibi armis subegit. Post hæc verò Illyricum petijt,
vbi tantum Sarmatas ceterasque gentes, quæ sese hostes illi præbebant, in Thra-
ciam vsque contudit, vt ne hiscerè quidem auderent. Domuit item Gothos; ac
Saturninum, qui Orientis Imperium Byzantijs arripuerat, Marte aperto occidit.
Interea sese Proculus ac Bonosus Imperatores prope Agrippinam fecerant, om-
nemque sibi Hispaniam, Galliam Braccatam ac Britanniam subegerant. Ve-
rùm cum Germanos ad auxilium rogassent, nec ab iis impetrare, quod pete-
rent, potuissent, à Probo vterque interfectus est. Atque vt rem paucis comple-
ctar, sic Probus hic pacem vniuerso terrarum Orbi restituit, vt iam nemo ad-
uersus Imperium Romanum vel mutire auderet: ac passim vulgò ferebatur,
Mures rebelles nullum audire. Tum & exercitus palàm dictitabat, etiamsi illi Pro-
bi nomen non fuisset, saltem cognomen adipisci potuisse; vtpote qui verè erat
probus, nec frustra illi nomen Probi inditum esset. Hoc illud erat sæculum,
quod Romanis Probus promiserat. Cum iam inuictissimum hunc Imperato-
rem Romam reuersurum vbique nuntiaretur, tantà vniuersus populus per Ita-
liam lætitiâ perfundebatur, vti omnes ouantem triumphantemque passim ho-
notificè exceperint, fueritque sanè singulis perquam gratus. Vt ergo non lon-
gè ab Vrbe Româ abesset, obuiam ipsi Senatus Populusque Romanus laureis
fertiis ac palmiferis ramis processit, aliisque vocibus à cunctis acclamatum
est: Probus viuat, Probus imperet iugiter. Ante curtum suum triumphalem
captos ducebat Germanos partim superiores, partim inferiores quingentos.
Ponè sequebatur inuictus ille exercitus, infinitis spoliis onustus. Ducebat
etiam secum ingentem ferarum cuiuscumque generis multitudinem, vt in
Amphitheatro cum captiuis de vitâ concertarent. Et ad istum quidem mo-
dum Probus Romam ingressus est. Cumque spolia diuiderentur, turpis illi e-
quus indecorusque sorte tantum obtrigit. At verò iam pace terrâ marique par-
tâ, dicebat, minimè profectò conuenire, otiosum esse quemquam; nec dece-
re, vt cuiquam gratis alimenta suppeditentur: iam tempus esse, quo mi-
lites in campis nulli futuri sint necessarij. Varias militibus permittebat re-
giones, easque in suâ cuique patriâ, vti vineas deinceps colerent. Adduce-
bat item secum in patriam multa militum millia; quos circa oppidum na-
tale Sirmium fodere, aggeretnque conficere, iubebat. Cuius rei cum iam
radium illos cepisset, Probum interemerunt. Debebant etenim Imperatorem
habere sanguinarium, & qui præter bella ac cruorem nihil propemodum
sciret.

LIV.

ANNONAM GRATVITAM MILES
COMEDERE NON DEBET.



Cùm Imperio magnâ cum laude VI. annis & IIII. mensibus
præfuisset, indignè strangulatus est.



ARVS natione Gallus, Narbonæ genitus, statim vt Probi mors Romæ esset nuntiata, à militibus in Prætorio Imperator Rom. creatus est, vt sic in electione Senatum præuenirent ac præuerterent. Et tamen quidem miles hic fuerat sanè perquam strenuus fortisque, (vt cui ob virtutem fortitudinemque insignem Probus missis ad Senatum litteris statutam collocandam iam antè censuerat) haud libens eum tamen Senatus suscepit; idque ob Carinum eius filium, adolescentem omnium perditissimum, scelestissimum, nequissimum, ac patri in omnibus planè contrarium. verebatur enim ne quasi iure hereditario sibi olim Imperium arriperet. Id autem ita gestum est anno ab CHRISTI natiuitate ducentesimo octuagesimo octauo. Vbi igitur primùm Carus hic Imperium accepisset, Romæ nuntiatum fuit, Persas iam expeditionem parasse: quare liberis Cæsaribus nuncupatis, Carinum in Galliam cum viris lectissimis destinabat, ne Germani, Franci, Gothi, ac Barbaræ gentes aliæ, interim dum in Oriente abest, patriam opprimerent suam: proficiscebaturque, ducto secum Numeriano altero filio, omni cum exercitu atque expeditione militari Orientem versus, vt rebelles Persas expugnaret. In itinere offendeat Sarmatas, qui morte Probi audità Imperio Romano descuerant, passimque Prouincias Romanas inuaserant, ac miserè deuastarent. Horum Carus vnico conflictu fudit propè quadraginta millia, cepitque immensam multitudinem, quam secum duxit in Persiam. Cum iam Carus Persas vi deuicisset, eorumque ciuitates præcipuas funditus euertisset, Mesopotamiam recuperasset, Parthos expulisset, atque omnes Orientales regiones Imperio Romano subiecisset, castra prope Tigridem fluuium collocauit, vbi tanta illic tonitrus ac fulminis tempestas exorta est, vt ipsa terra concuti planè videretur. Tandem Carus fulmine ictus interiit. Ita fieri solet, siquando regnum aliquod sit interiturum: ita, inquam, primùm Duces, Principesque laudatissimi, qui istud tarentur, vel manu diuinâ, vel ense, vel fulmine è medio sustolluntur. Imperium enim post mortem Probi, qui illud restaurat, paullatim indies deficiebat: ac contrà Barbaræ nationes magis magisque efficiebantur potentiores, maximè verò Germani, Franci & Gothi; quemadmodum ex sequentibus constabit.

LV.

III

BONVS DVX BONVM REDDIT
COMITEM.



Sæuâ morte absumptus 11. Regni sui anno.



NUMERIANVS ab militibus Pop. Rom. Imperator Augustus-
 que mortuo patre salutabatur. Quamquam enim Carinus
 natus maior esset, nimis tamen longè à militibus aberat. Id
 ita actum est anno post CHRISTVM natum ducentesimo
 nonagesimo. Hic autem Numerianus vir fuit admodum doctus,
 Poëta haud vulgaris, & Orator adeò potens, adeò eloquens, vt om-
 nes sui temporis facillè superauerit. Adeò, inquam, quocumque di-
 cendi genere disertus, vt Senatus illi statuam in bibliothecâ Vlpianâ
 ponendam decreuerit, cum inscriptione huiusmodi: NUMERIA-
 NO CÆSARI ORATORI TEMPORIBVS SVIS POTENTISSIMO.
 Hic Antiochiæ Christianorum templum ingredi volebat, vt eorum
 officia mysteriaque oculis notaret. Sed cum id fieri Cyrillus Chri-
 stianorum Pontifex vetabat, dicebatque indignum esse, vt arcana
 cognosceret diuina, posteaquam sacrificiis idolorum contaminatus es-
 set; ita his accendebatur, vt ense educto Cyrillum confoderit. Et qui-
 dem cum iam exercitum victorem ex Asiâ in Italiam Romam redu-
 ceret, oculis cœpit adeò laborare, vt oclusâ læticâ ferri (sic aut aër,
 aut sol, aut etiam puluis obesset) in itinere debuerit. Tum autem
 foceri sui Apri industriâ clàm est interfectus, vt sic ipse Imperium in-
 uaderet. Longè lateque per plurimos dies mortuum Numerianum
 vehibat, cumque à militibus de salute Imperatoris quæreretur, re-
 spondebat, optimè valere. Tandem detestabilis Apri factio (qui mor-
 tem Imperatoris tantisper celare, donec Imperium adeptus foret, de-
 creuerat) diutius latere non potuit, resque cadaueris foetore prodita
 est: tum hic à militibus raptus comprehensusque, Diocletis manibus
 interfectus est: quem confestim milites ad Imperium subrogarunt, ac
 Diocletianum Latine appellarunt. Iam verò Carinus in Galliâ etiam-
 num erat superstes: agebat istic securè omnia pro animi sui libitu,
 omnemque sollicitudinem in Carausij Tribuni sui humeros impone-
 bat. Hic cum suis copiis Bononiâ per Galliam Belgicam proficisce-
 batur ad Mare Britannicum, vt illud à Francorum & Saxonum op-
 pressionem ac direptionem tutum redderet. Et quantumvis Carausius
 plurima sæpè Francos ac Saxonibus abstulisset, opesque pænè infinitas
 à captiuis corrasisset; nulla tamen spolia vel Romanis Imperatoribus
 vel Galliæ Præsidibus numerabat, sed sibi omnia retinebat. Ob quam
 equidem causam in eam vulgi incidit suspicionem, quasi prudens
 sciensque Francos & Saxones Gallicam regionem inuadere permitte-
 ret, vt spoliis iis toties auferre, seque ita ditare possit, ac tandem
 Imperium adipisci; quemadmodum res ipsa etiam postea compro-
 bavit.

LVI.

QVOD VIDERI VIS, ESTO.



In Imperio 11. annis patri auxiliatus, peremptus est.

P

CARINVS post patris ac fratris obitum^e Cæsare factus est Augustus; quod iampridem Senatus summopere timuerat. Sceleſtus enim hic bonis omnibus erat inuiſus. Quamobrem illi pater, dum viueret, ſæpius cogitauit Cæſaris nomen abrogare; feciſſetq; vtique (vt Pomponius Lætus exiſtimat) ſi non morte præuentus per fata minùs potuiſſet. Negabat item hunc aliquoties ſuum eſſe filium, ſtatuebatq; ipſum occidere. Omnibus enim ſeſe ſcleribus nimis quàm turpiter inquinabat. Pater ipſum Galliæ, Hiſpaniæ, Britanniæ, Africæ, Illyriæ atq; Italiæ deſenſorem decreuerat; ſed eà lege, vt nihil faceret, niſi quod Senatus Romanus iuberet. Luſoribus, mimis, nebulonibus ac lenonibus ſuum implebat palatium, vt qui ſtuprator erat contaminatiſſimus, omniſq; probiſſatis corruptor flagitioliſſimus. Plurimos ex optimis quibuſque, quos nonnihil verebatur, fictis criminibus partim occidit, partim in exiliũ miſit: & qui illi maximè fauebant, optimeq; conſulebant, eos turpiter aulà exegit, & in eorundem locum nebulones atq; improbos quoſque ſubſtituit. Litteras ad Senatum dabat ſuperbas: omnes matronas nobiles vitiabat; & ſi qui hinc toruè ipſum intuebantur, his minitabatur mortem. Vxo- res ſimul ducebat nouem; atque ex his ſi quæ prægnans eſſet, à ſe repellebat. Denique beſtia erat adeò crudelis, adeò ferox, adeoque vitiis enormibus infecta, vt cunctis paſſim horrore eſſet mortalibus. Nec Prouincias verò indeſenſas ſolùm relinquebat, ſed Carauſium etiam conſtituebat, qui Francos, Saxones, aliaſq; nationes Barbaras ad ſe quaſi in prædam alliceret. Ceterum vt Sabinus Iulianus Imperium inuadere conabatur, hunc contra Carinus omni vi in Italiam proficiſcebatur, atque in campis Veronenſibus occidebat. Non multo tempore poſt Tribuni ſui cuiuſdam dexterà (cuius coniugem dicebatur polliſſe) trucidatus eſt. Interea dum res in Galliâ atque Italiâ agebantur, milites Orientales poſt Numeriani obitum multum diuq; in campis conſultabant, atque ad extremum (quamquam Carinus adhuc in Galliâ viueret, vt ſuprà dictum eſt) Diocletem Imperatorem faciebant, Auguſtumq; appellabant. Qui quidem ſimul ac Imperium ſuſcepſiſſet, nomen ſuum Græcum in Latinum mutauit, atque ex Dioclete fecit Diocletianum. Operæpretium autem eſt, adeoque neceſſarium ob mutationem Principum, & quòd Auguſtorum & Cæſarum nomina inter ſe commiſceantur, annorum ſeriem hoc in loco recensere, vt alterum ab altero faciliùs dignoſcamus. Anno CHRISTI CCXC. DIOCLETIANVS Imperator factus eſt. Anno CCXCI. Diocletianus MAXIMIANVM Cæſarem nuncupauit. Anno CCXCV. Diocletianus MAXIMIANVM fecit Auguſtum. CONSTANTIVM verò hi ac GALERIVM MAXIMIANVM Cæſares nuncuparunt. Anno CCCIX. Diocletianus & Maximianus Imperij ſceptra depoſuerunt, CONSTANTINVMq; & GALERIVM MAXIMIANVM crearunt Auguſtos. Tum Conſtantiuſ filium ſuum CONSTANTINVM Cæſarem appellauit: itemq; & Galeriuſ Maximianuſ MAXIMIANVM ac SEVERVM Cæſares nominauit. Anno CCCXI. CONSTANTINVS poſt mortem patris Auguſtus in eiùs locum ſucceſſit. Anno CCCXII. MAXENTIVS ſeſe Auguſtum Romæ nuncupauit. Tum Maximianuſ, qui Imperium paullo ante deſeruierat, ruſus regni ſceptrum ſuſcepit, ac Galeriuſ LICINIVM Cæſarem fecit. Anno CCCXVI. fuère ſimul Auguſti quatuor, MAXIMINVS, CONSTANTINVS, & LICINIVS. Anno denique CCCXXII. Liciniuſ M. MARTINIANVM Cæſarem nuncupauit. Atque ita tandem Conſtantiuſ vniciuſ Monarcha effectus eſt.

LVII.

POPVLO CEDE, NE PARE.



Cum patre & fratre 11. annis in Imperio sedit, postea
Augustus factus, gladio concidit.

DIOCLETIANVS Romanæ Monarchiæ Imperium suscepit anno post CHRISTVM natum ducentesimo nonagesimo. Ortus autem erat Salonis Dalmatiæ, vir diligens, probus, subtilis, acutus, modestus, in rebus civilibus ac militaribus iuxta peritus, & qui consideratè omnia cum iudicio aggrediebatur. Cæsar quidem, vt dictum est, in castris post mortem Numeriani lectus erat à militibus, verùm Senatus ipsum post Carini obitum primò Augustum nuncupauit. Circa Principatus sui initia passim variæ oriabantur in vniuerso Orbe seditiones ac tumultus. Nam dum Carinus omni vi è Galliâ aduersus Sabinum Iulianum in Italiam proficiscebatur, noui in Galliâ deintegro inter rusticos, quos Bagaudas vocabant, motus exorti sunt, qui Amandum sibi atque Æmilianum Duces ac Tribunos constituerant. Tum Diocletianus sibi Maximianum militem fortissimum Cæsarem creabat, ablegabatque confestim cum omni copiâ in Galliam contra seditiosos factiososque rusticos. Interea Carinus in Italiâ confoditur. Tum in Imperio Romano cuncta perturbari, ob multitudinem Tyrannorum qui passim exoriebantur. Carausius (qui Galliam Belgicam ab incurfionibus Francorum & Saxonum tueretur) purpurâ indutus Britanniam inuadebat, Achilleus Ægyptum, Quinquegentiani Africam, Narseus Persarum Rex Orientales passim regiones quatiebat. Eâdem hac tempestate Maximianus in Galliâ factiosos illos Bagaudas fudit deleuitque; atque inde insigniter triumphans reuersus est. Tum illum sibi Diocletianus faciebat Augustum. Facile enim animaduertebat, istiusmodi motus per vnum aut alterum sedari vix posse. Ob quam rationem legebat Maximianum, vt pari iure se iuxta impèraret. Duo hi æquali potestate imperantes, appellabantur Augusti. Hi autem Augusti & alios duos sibi legebant, non quidem vt eiusdem secum essent potestatis, sed tamquam Imperij successores, quos non Augustos, sed Cæsares appellabant. Diocletianus Galerium Maximianum Cæsarem faciebat, Maximianus verò Constantium. Confestim inter sese Regna ac Prouincias partiebantur, quò quisque pugnaturus proficisceretur. Diocletianus Ægyptum sibi capiebat, seque cum omni exercitu rati-bus committebat, atque in Ægyptum per mare Mediterraneum traieciat. Hic Achilleum Alexandriæ, quam octauo mense expugnabat, obsessum trucidabat, ciuitatemque (quæ ceteras Africæ vrbes opibus facile superabat) militibus spoliandam dabat. Denique breuî vniuersam Ægyptum in pristinum statum restituit, magnâque potitus victoriâ in Italiam redijt; ac mira deinceps Romæ perficere occœpit, vt in sequentibus dicetur latiùs.

NIHIL DIFFICILIVS QVAM
BENE IMPERARE.



Post XIX. annos Imperio cessit, multosque Regno præfecit.
LXXIII. ætatis anno seipsum interfecit.

MAXIMIANVS Hungarus erat, naturâ ferus, incompofitus, ftolidus, ardens libidine, parentibus operariis atque agreftibus ortus. Haud enim longè à Sirmio pater eius in campis opera exercuit mercenaria. Huic Africa obtigerat, vti Quingentianos domaret. Atque ita quidem hic (quemadmodum in Ægyptum Diocletianus) cum omnibus copiis traiecit in Africam. In hoc autem bello Maximianus incredibili victoriâ Reges quinque deuicit, qui inter feſe appellabantur Germani. Hic tantam Quingentianorum fudit multitudinem, vti nullus ei reſiſtere ampliùs potuerit; redijtq; item (vt Diocletianus) Romam inſigniter triumphans; vbi pari iure Imperium pacificè adminiſtrarunt. Diocletianus ſe Iouium, ac Maximianus Herculeum, tamquam Iouis filium, ſeſe appellabat. Interea dum ambo Cæſares circa exteras regiones erant occupati; nempe Conſtantius circa Occidentem aduerſus Gallos & Francos, Galerius verò Maximianus circa Orientè contra Perſas; cœperunt Auguſti inter ſeſe conſultare, quemadmodum cum Chriſtianis ageretur. Nam de religione diſſentientes opiniones diutiùs ferre minimè volebât. Huic rei non leuem occaſionem præbebat hæreticus ille Manes temporibus Felicis ſummi Chriſtianorû Pontificis. Hic Manes ſe Chriſtum aſſerebat verumq; Meſſiam, atq; eò planè efferebatur, vti duodecim etiam Apoſtolos ſelegerit, quos in vniuerſum orbè ablegabat, vti cunctos mortales ad ſuam fidem raperent. Varias, peruerſas, impias, ineptas inſuſasq; diuerſorum hæreticorum collegerat opiniones, quibus venenum ſuum ita latè effundebat, vt hinc Manicheorum ſecta originem ſuam duxerit. Rerum omnium duos ſtatuēbat principia, alterum quidem bonum, omnis videlicet boni ac lucis; alterum verò malum, totius nimirum mali ac tenebrarum: & quidquid ſub aſpectum noſtrû cadere poſſit, id omne à malo Deo fuiſſe conditum; à bono autem Deo quod oculis cernere non poſſumus. Statuebat item Deum lumen eſſe amoris corporeum: diabolum à ſe principium ſumpſiſſe, atque à Deo minimè fuiſſe creatum, ſed naturam & *auſam* eſſe mali; vt Deus eſt natura atque eſſentia boni. Præterea mundum diaboli eſſe opificium, quemadmodum etiam ad eundem humani generis creationem referebat. Hinc enim matrimonium ex diabolo proueniſſe aiebat, infantesq; ab eodem in matribus procreari, nec coniugatos fore reſurrecturos. His ille rationibus matrimonia prorsus contemnebat. Tandem etiam ignominioſè impieq; in Deiparam virginem MARIAM bacchatus eſt, vanum eſſe phantaſma inquiens, aſſerere CHRISTVM ex MARIA natum: haud enim credi poſſe tantam Maiestatem eò ſe humiliāſſe, vt in hominis corpus deſcenderet. Affirmabat item CHRISTVM non verum fuiſſe hominem, ſed corpus quoddam imaginarium humanis oculis apparuiſſe. Huiusmodi articulos collegerat aduerſus Chriſtianos quinquaginta, qui Auguſtino atq; Hieronymo plurimùm fecerunt negotij. In quantam calamitatem miſeriamq; hæreticus hic Chriſtianos protraxerit, mox audies.

SATIVS EST MORI, QVAM
PRIVATVS VIVERE.



Hunc Diocletianus Cæsarem, pòst anno 1111. Augustum
secum constituit; anno xv. vterque Imperio cessit.
ætatis anno Lx. suspendio periit.



CONSTANTIVS Cæsar in Galliâ cum exercitu suo agebat in castris apud Lingones, vbi primùm quidem ab Francis Germanisque tanto impetu opprimebatur, vt sese in fugam cum suis vertere debuerit. Ad propinquam urbem fessus se properè conferebat, cuius portæ hostili metu occlusæ fuerant: & nisi ab incolis agnitus demisso fune per muros sublatus fuisset, eum haud dubiè insequentes hostes captiuum abduxissent. In vrbe hortabatur suos, qui eò antè confugerant, ne talem ignominiam paterentur, suum honorem defenderent, ac se à Francorum Germanorumque iniuriâ vindicarent. Concionabatur etiam ciuibus, qui sumptis armis victis Romanis auxilium præstabant. Itaque apertis portis irati in hostes irruperunt. Mox fortunâ ad Constantium versâ, Germani ac Franci superabantur, in fugam vertebantur, & propè sexaginta millia cædebantur. Atque ita Constantius vno die aduersam & secundam fortunam expertus est, adeò vt hac insigni victoriâ tota Gallia pacata fuerit, potentiaque Francorum plurimùm arctata. Sic & Carausius, qui aduersus Constantium fuerat destinatus, ab Alecô socio suo clam interficiebatur, cum iam septennio tyrannidem exercuisset. Hinc tandem Constantius in Britanniam delatus, totam insulam suo Imperio recuperauit. Vxorem duxit Helenam captiui Regis filiam, repudiatâ priore coniuge Theodorâ Maximiani nouercâ, ex quâ tamen nonnullos susceperat liberos. Tantæ erat clementiæ ac modestiæ, vt à Britannis & Gallis plurimùm fuerit adamat. Sub hæc tempora Franci à Sueuis Mœno fluuio, qui prope Moguntiam Rhenum influit, diuisi fuere: nomenque Alemanni tum primò coeptum est, Sueuisque propriè attributum. Ita enim ab inferioribus Germanis vt plurimùm sunt appellati; atque hi contrâ ab illis Germani, exceptâ Francorum Regione, cuius capitalis ciuitas Herbiopolis est. Hac etiam tempestate Alemanni cum Saxonibus vicinis suis fœdus concordiamque inibant, ac Diocletianus simulque Maximianus Romæ in summo habebantur honore. Diocletianus gladium suum, vestes calceamentaque gemmis exornabat, seque vt Deum adorari iubebat. Sed eam gratiam apud Romanos haudquaquam promeruerat. Nam præterquam quod inciuilis planè erat ingenij, naturâ etiam erat ferus, crudelis, asperitatem suam etiam vultus horrore significans, inuidus, libidine ardens, ambitiosus atque in consilijs stolidus. Coniugem duxerat Eutropiam è Syriâ oriundam, ex quâ Maxentium filium ac Faustam filiam suam suscepit, quæ Constantino huius Constantij filio postea nupsit.

VIRTVS EXERCETVR, NON PERIT.



In Cæsarem à duobus Augustis creatus, ac XIII. anno
 post vbi Imperio cedunt, Augustus factus,
 11. postea anno naturæ concessit.

Q



ALERIVM VALERIVM MAXIMIANVM alterum Cæsarem Dacia nobis parentibus agrariis genitum dabit, vt qui cum patre inter rusticos armentorum fuerat pastor. Hic autem ad bellum se etiam quàm instructissimè parabat. Erat siquidem corpore pulcher, bellatorque tanè felix atque eximius. Commissum igitur huic erat bellum (vt dictum est) Orientale contra Persarum Regem Narseum. Ac duobus quidem præliis feliciter habitis, tandem inter Gallicinum, Carrasque congressus, superatus est. Eà fortè tempestate Diocletianus Augustus in Orientem Mesopotamiam concesserat, ad quem victi Galerij milites confugerunt. Tantaque ab ipso Galerius insolentiâ exceptus est, vt ad Principis vehiculum aliquoties pedes cucurrisse tradatur. Quæ quidem ignominia Galerium ad alteram expeditionem adeò excitauit, vti arma rursus contra Persas cepit, nouisque contractis copiis eos tandem deuicerit. Cùm iam cuncta tranquilla pacataque forent, Diocletianus Maximianusque Christianorum persecutione, hic in Occidente, ille in Oriente, adeò procurarunt, vt persecutiones alias superiores faciliè superauerint. Dicitur enim vix potest, quanta quotidie hominum multitudo in diuersis Prouinciis fuerit interempta, idque annis decem continuis. Numquam Christiana respublica adeò fuit contristata, adeoque patè radicitus extirpata. Constat vno mense variis inauditisque cruciatibus fuisse interfecta circiter septemdecim millia. Cuncta passim Christianorum templa funditus eueriebantur. Præterea & libri Novi ac Veteris Instrumenti cum aliis Christianorum libellis variis comburebantur. Oppidum quoddam Phrygiæ cum vniuersis mortalibus incendio prorsum absumebatur, quod idolis sacrificare ciues recusabant. Sub id autem temporis Nicomediæ regium exurebatur palatium; & cùm falsâ suspitione captus Diocletianus, fraude Christianorum incendium paratū fuisse putaret, infinitos Christianos in flammam viuos conijci iubebat. In Palæstinâ multi bestiis obiecti fuere; nec vllum tormenti genus potuit excogitari, quo non Christiani afficiebantur. Nonnullis sub vnguibus asperas infixere spinas; atque id quidem cùm feminis, tum puellis etiam teneris. Quin & eadem in occultis pudendisque corporis partibus horrendè perpetrarunt. Alijs item candenti ferro oculi effodiebantur. Hæc persecutio etiam trans Oceanum in Angliam serpsit, multosque istuc trucidauit. Pari ratione & in Africâ atque Ægypto gestum est. Ita enim inquit Eusebius: *Equidem ipse meis vidi oculis innumeros in Ægypto mortales supplicio affectos fuisse; quorum alter alterum præcedere optabat; erantque omnes non aliter affecti, atque si ducerentur ad quoddam tripudium.* Diocletianus itaque humani cruoris satur ita ad Maximianum scripsit: Sibi visum fuisse istiusmodi opus committere alteri; ac quia iam ingrauescente æuo parum ambo deinceps Imperio forent vsui, placere, commodiorem vitam agerent, stationemque tuendæ Reipublicæ viridioribus iunioribusque mandarent. Cui ægrè quidem primò Maximianus obtemperauit: postea tamen naturæ suæ indulgens vterque, vno die Imperij insignia, vestes potestatemque vniuersam deposuit; ac Diocletianus quidem Nicomediæ, Maximianus verò Mediolani, Imperium Constantio ac Galerio committens, Augustosque creans.

SPONDE, NOXA PRÆSTO EST.



Duo Augusti hunc in Cæsarem elegerunt, XIII. annis pòst, cùm illi regnare desierant, Augustus factus, sexto deinde anno crudelissimâ morte animam egit.

MAXIMINVS, qui & ipse persecutionem contra Christianos perquam sedulò procurabat, Cæsar ab Galerio creatus est, Constantinusque à patre Constantio. Proinde ita tum Imperium diuisum fuit, vti Constantius Italiam, Britanniam atque Africam possideret; Galerius verò Illyrico, Asiæ atque vniuerso Orienti imperaret. Sed Constantius nomine ac dignitate Augusti contentus, administrationem Africæ atque Italicæ recusauit, præfuitque tantum Gallicæ ac Britannicæ, quam non ita pridem è Francorum & Germanorum manibus vindicauerat. Ad extremum etiam filio suo Galliam reliquit, atque ipse concessit in Britanniam. Galerius igitur animaduertens Constantium reliquisse Italiam & Africam, duos sibi adoptauit Cæsares, Seuerum & Maximinum: illum Italicæ & Africæ præfecit, hunc Orienti, vt & hinc Christianos expelleret: atque ipse Illyrico solus imperauit. Hic Maximinus tam truculentè Christianos infecutus est, vt iam propè nulli in plateis conspicerentur mortales. Certè templa cuncta, carceres, domus, penaria, ædiumque abdita Christianis onerabantur. Cumque iam nullus locus vacuus reperiebatur, nec in quem eos ampliùs detruderent ac seruarent, ingens sanè multitudo educta est ac bestiis obiecta. Sacerdotes in spectaculum Orbis atque Angelorum diuersis cruciatibus trucidabantur. Nullus herclè cædendi, laniandi ac fodiendi finis. Tortores iussit pro ferreis dentibus ollarum ac vitrorum frustis carnem cutemque Christianorum ita laniare, ita lacerare ac rapere, vt integri nihil in iis remanserit. Feminas penitus denudabant, vt pudenda facilè conspicerentur. Præterea & gladiis suis atque hastis eas, altero pede circumiecto, alteroque capiti subiecto, alligabant, ac totis ita diebus suspendebant. Nonnullas item eò pertrahebant, vbi arbores duæ prope se coniunctim excreuerant, quarum summitatibus depressis alterum pedem huic arbori, alterum alteri alligabant; vt cum se arbores in altum reciperent, eas medias discerperent. Atque vbi Christiani lubentes plenâ fiduciâ morti sese manciparent, paululùm tyrannorum animi fuere commoti, nec minùs tamen seuerè cum iis egerunt. Magna item in Ægypto Christianis adhibebantur tormenta. Nonnulli enim postquam virgis cæsi fuissent, aut comburebantur, aut capite obtruncabantur, aut submergebantur, aut etiam fame enecabantur. Alexandria actum sanè est turpissimè: quibusdam enim aures, nares, manus membraque cetera præcidebantur, atque ita dimittebantur. Antiochiæ craticulis impositi viui carbonibus assabantur. Duo erant adolescentes nobiles, quos, vti Diis sacrificarent, cogeant. Illi autem respondebant: Ducite nos ad aram. quò cum duxissent, manum vterque suam in ardentem flammam extendebant, atque inqueiebant: Tum nos sacrificasse credite, cum hinc manus extraxerimus. Atque ita manus in igne continentes immoti perstiterunt. Ad istum igitur modum Maximinus in Oriente sæuij. Sed huius rabies multum boni Christianis præstitit; tantum adest, vt detrimenti quidpiam adtulerit. Nam virtute ac constantiâ, quâ in perferendis cruciatibus præditi erant, magis magisque celebres ac gloriosi reddebantur.

MISERA FORTVNA QVÆ
CARET INIMICO.



Galerius Maximianus hunc Cæsarem creauit; duobus annis pòst
assumpto Augusti nomine horribili morte interiijt.

SEVERVS, cui in Italiâ persecutio commissa erat, se etiam Christianorum sanguine contaminavit ac miserè cruentavit. Nam in iis etiam regionibus varia tormentorum genera, nunc hæc, nunc illa recenter excogitata proferebantur. Atque inprimis quidem à capite ad pedes vsque miserè excoxiabantur. Dein verò bestiis obiciebantur, quas igne aliisque modis ad insaniam & furorem antea prouocarant. Vsque adeò sese mortales, bestiae atque elementa aduersus miseros Christianos obarmabant. Cumque ita eos excoxiassent, atque in arenâ posuissent, feras in caueis suis antè ad iram ac rabiem concitatas emittebant, vt in Christianos impetum facerent & sauirent, qui eas læti exspectabant. Et id quidem ita multis in locis multis annis continuatum est; tantâ etiam multitudine, vt sæpè illis dies priùs defecerit, quàm sua potuerint explere tormenta. Quæ tamen omnia nec vir, nec femina, nec etiam puer vquam expauescebat: sed id potius quisque metuebat, ne non breuitate diei impeditus, maturè satis Martyrum catalogo posset inscribi. Atque ita constantiâ quadam fidei præsentem mortem tamquam melioris vitæ principium ouantes exoptabant; nec alter alterius cruciatibus ac morte languescebat, sed vniuersi Domino psalmos atque hymnos diuersis vocibus mortem expectantes decantabant. Galerius item in Illyrico suo cum exercitu indigna incredibiliaque perficiebat tormenta. In Ponto plerisque plumbum liquefactum in dorso effusum est: plerisque item in eas corporis partes, quas natura tegi voluit. Feminarum puellarumque pudendis candentia ferra intulerunt. Dicitur herclè non potest, quantis Ethnici Christianos affecerint cruciatibus; quos illi perstenuè læti ac lubentes etiam obierunt, superaruntque. Cum igitur iudices quasi suâ tyrannide essent saturati, animaduertentque ciuitates suis orbari ciuibus, parentes liberis, ac liberos parentibus, agrique essent absque cultoribus, ita edictum paullo mitigarunt: *Posteaquam indignum est tot passim ciues suis sententiis immorientes trucidari, decreuimus iis parcere: ac si qui eius opinionis deinceps deprehendantur, his dexter oculus effodietur, notaque perpetuus genu sinistro & candenti ferro inuretur, atque ita deinde passim per omnes prouincias in metalla lapidesque damnabuntur.* Interea Romæ Prætoriani per seditionem Maxentium Maximiani filium Augustum crearunt. Quod cum Maximianus intellexisset, spem cepit repetendi Imperium, quod Diocletiano auctore inuitus deposuerat, incredibilem: properaque Lucaniâ Romam petijt. Diocletianum item litteris admonuit, vt relictum Imperium rursus assumeret. Sed huic ille acquiescere omnino noluit. Galerius autem aduersus Maxentium ingenti cum exercitu Seuerum misit: qui vbi ad urbem citò venisset, ipsam fortiter obsedit. Sed milites ipsum illico deseruerunt; ac Maxentio, instinctu equitum, quorum fraude erat proditus, sese tradiderunt. Quod vt Seuerus animaduertit, in Illyricum fugere conatus, ab iis in itinere apud Rauennam occisus est, quos ipsum inscutores miserat Maxentius.

QVANTO, MAGIS RESISTITVR, TANTO
MAGIS ADDISCITVR: CHRISTIANORVM
SANGVIS, CHRISTIANORVM SEMEN.



Galerius hunc cum Maximino Cæsarem fecit,
nec multò pòst interfectus est.



MAXENTIVS postquam ita per seditionem Imperium fuisset adeptus, conatus est hunc suum filium Maximianus (quod erant inter se diuisi exercitus) Imperio priuare. Sed cum id milites indignati ferre minimè vellent, illico concessit in Galliam, falsò se conquerens à filio pulsum, vt ad generum suum Constantinum ita commodè veniret, ipsiq; clanculum insidias (id enim quærebat) pararet, ac Regnum inuaderet, qui iam placidè in Galliis tranquilleque imperitabat, plurimumque à ciuibus ac militibus diligebatur. Re igitur per filiam suam Faustam apertà, ac marito indicatà, properè Maximianus discessit. Verum Constantinus ipsum secutus, Massiliæ captum laqueo strangulauit. Sub hæc tempora Constantius pater Constantini Eboraci in fata concessit. Tum Constantinus è Cæsare factus est Augustus. Iam verò Maxentius omnem Romæ perimebat honestatem, Romanis per vim suas abripiebat coniuges, multasque matronas in aulam accersebat, vt cum iis libidinem expleret suam. Contigit, vt cum Sophronia vrbis præfecti coniunx per libidinum ministros ad ipsum accersita sollicitaretur, ægerrimè id tulerit, ac marito rem lacrymis aperuerit: qui graues ex imo pectore educens gemitus, tandem hoc saltem respondebat: Quid facias? aut obsequendum homini, aut moriendum. Matrona autem vt considerabat maritum metu mortis ad stuprum conuiuere, ac planè in dubio esse, rem secum penitus perpendens, à lenonibus præstolantibus orandi tempus flagitabat. Ingressa ergo cubiculum sibi manus iniiciebat, malens ita Deo pudicitiam suam offerre, ac mori, quàm impudicè viuere. Præterea etiam tempore quodà suis Maxentius præcipiebat, vt per vniuersam urbem discurrerent, confoderent quoscumque Senatores in placeis offenderent: quorum plurimos occiderunt ac distubarunt, falsà moti ratione ac testimonio. Tanta item Magus erat, vt multas mulieres grauidas in suis cruentis sacrificiis iusserit super aram cacodæmonis aperiri & dissecari, quod infantes inde eximeret: quos itidem trucidauit, vt horribile suum euentum ex iis prænosceret, atq; ex artibus illis tenellis, quos vita antè priuarat, vocem postea in venis inquisiuit. Formosos etiam adolescentes cultro aperuit, atque ex eorum extis diuersa rimatus est vaticinia. Similes artes magicas etiam in Oriente Maximinus exercuit, qui Magis & id genus impostoribus certum quoque stipendium statuit. Magnam enim auguriis atque eius farinæ nugis ceteris fidem adhibebat. Verum Christianis (qui istiusmodi planè contemnebant) tantò erat truculentior. Peruetusta templa renouauit, atque inibi iuxta veterem ritum Diis sacrificare statuit. Post mortem verò Seueri, Galerius cum decennio Christianos, auxilio duorum Cæsarum Maximini ac Seueri, ab Diocletiani & Maximiani temporibus fuisset persecutus, in grauissimum incidit morbum, ita vt corpore putrefacto cuncti eius præsentiam abhorruerint. Multos Medicos, qui aut desperabant, aut factorem corporis, vnde vermes pullulabant, ferre minime poterant, occidit. Virilia eius planè exedebantur. Creabat nihilominus Cæsarem Licinium in Seueri locum, hostisque Maxentio vel ad mortem vsq; permanebat. Cepit tandem finem sanè horrendum. Nonnulli referunt ipsum finem haudquaquam expectasse, sed sibi mortem consciuisse. Orosius autem ait, cum à Medicis suis quispiam esset subornatus, qui illi dicere auderet, morbum istum Diuinam esse vindictam, eiq; remedia decesse, quòd decreta tum reuocauerit, quæ aduersus Christianos promulgarat, iubens insuper eos redire in patriam: cum verò dolorè diutius perpeti haud poterat, quòd tùm sibi manum ipse intulerit. Atq; hac quidem re Maxentius summo opere gauisus fuit.

PHRYGES NON NISI ICTI SAPIVNT.



Romanos adflixit 1111. annis, & in Tyberim submersus est.

R



LICINIUS statim post Galerij obitum sese Augustum nuncupabat; nec inuito id quidem Constantino, ut qui Constantiam ei sororem suam in coniugem dederat, pactumq; cum ipso aduersus tyrannos Maxentium & Maximinum inierat. Id autem Maximinus ægerime ferebat, quod Licinius nempe (qui non ita pridem secum Cæsar fuisset effectus) iam cum alio conspiraret. Quare ad civile bellum sese parabat, appellabatq; etiam Augustum. Atque ita quidem Imperium Romanum eâ tempestate quatuor habuit Principes, Maxentium videlicet, Maximinum, Constantinum & Licinium: qui sese omnes Augustos nuncupabant; erantq; eiusdem potestatis, sed cum magnâ discordiâ. Nam dum in Oriente Maximinus ac Licinius civile bellum aduersus se mutuo mouerent, Senatus Romanus Constantinum à Galliis in Italiam accersiuir, ut patriæ suæ subsidio veniret, ipsamq; à tyrannide Maxentij vindicaret. Itaq; & Constantinus in Occidente civile bellum contra Maxentium parauit, eiq; exercitum variis excursionibus oppressit. Nihilominus Constantinus nonnihil Maxentium, quod magicas exerceret artes, veritus est. Verum, cum multum diuq; dubitaret manus cum Maxentio conferere, etiamnum paganus spem tamen auxiliumq; à superis postulans, in somnis versus Orientem in aëre istiusmodi conspexit: ✠ signum hisce Græcis litteris conspicuum; quod CHRISTI nomen exprimens, in ipsum ardenti fulgore irradiabat. Quo quidem visu territus, audire videbatur Angelum se in hæc verba alloquentem: Constantine, in hoc vinces. Atq; illic signum istud in suis vexillis depingi curauit. Cumque iam ab Vrbe Româ Constantinus haud longè abesset, castraq; prope Tyberim ad Pontem Miluium fixisset, Maxentius haud multum cunctatus, & suum contra exercitum Vrbe expeditus educebat. Constantinus autem sibi præferri signum istud curabat, ita ut cum iam manus utrimque confererent, Maxentius magnâ strage victus sit. Quare ipse fugiens, in Tyberim vnâ cum equo insiluit, submersusq; est. Tum Romani Urbem egregie expolierunt, ac Constantinum ingenti lætitiâ introduxerunt. Interea verò Licinius in Orientem venit: aduersus quem vbi Maximinus exercitum educebat, inopinata ipsum tormina inuadere, quibus excruciat in summam incidit desperationem. Huius Maximini malum ferè Galerij morbo simile fuit. Nullius cibi aut potus odoratum aut gustum ferebat. Quo quidem nomine cum ex diutina abstinentiâ debilis languidusq; esset effectus, ita eius intestina in vlcera putruerunt, ut inter ipsum ac demortuum cadauer nullum pæne fuerit discrimen. Ex omnibus etenim corporis partibus vermes passim pullulabant, sanie putridâ foetidaq; adeò diffuebat, ut nemo ei adesse posset. Atque hæc quidem purulentus ille patiebatur, uti iram Diuinam in se ultionemq; Christiani sanguinis certò cognosceret. Postremò dolore ac cruciatibus infinitis medullitus consumptus infelicitè perijt. Licinius autem rerum successu etiam elatus, magnum inter se ac Constantinum excitabat dissidium; ortaque est inter ipsos (Regnum enim non fert duos) ingens discordia. Nam quemadmodum in initio Christianis fauere simulabat, sic postea (cum Constantino cuncta probè succedere animaduerteret) inuidiæ stimulis ita agitabatur, ut quasi Diis gratificaturus per suos ministros ac socios Constantinum clam interciperi fuerit conatus. Quæ res cum parum succederet; apertum bellum aggressus, Christianos truculenter crudeliterq; persecutus est. Verum id Constantinus ægrè ferens, ut qui hætenus concordēs imperauerant, Licinium sæpè obsecrauit, uti ab istiusmodi proposito desisteret. Sed Licinius in suâ perseverans infantiâ, Christianos ceu bestias trucidabat, frustra in mare proiebat. Regiones nouis vestigalibus onerabat, matronas ac virgines consuprabat; ac breuiter, Maximino haud erat inferior. Tum Constantinus sese ad bellum parauit, profectusque est Orientem versus: vbi cum primo conflictu apud Cibalas ad paludem Hiulcam ipsum in castra impetu facto oppressisset, Licinius fugâ elapsus properè Byzantium venit, & M. Martinianum istic Cæsarem fecit.

SPADONES ET AVLICI SVNT TINEÆ
ET SORICES PALATII: VIRVS AC PESTIS
PVBLICA SVNT LITTERÆ.



Galerius Maximianus Cæsarem hunc loco Seueri substituit;
& postquam cum Constantino XIII. annis regnasset,
LX. ætatis anno interfectus est.



MARTINIANVS antea Magister fuerat officiorum, cuius exigua sanè apud Scriptores fit mentio. Verùm cum post Augustus etiam effectus sit (testimonio quidem numismatum, quæ Antuerpiæ apud studiosissimum virum antiquitatum Abrahamum Ortelium vidi) visum fuit ipsum hoc in loco recensere: quamquam apud Sex. Aurelium Victorem Cæsar dumtaxat sit appellatus. Sed huius Victoris tantum habemus Epitomen, quæ breuiter cuncta ac concisè tradit. Tempus item edax rerum optimam librorum partem consumpsit. Sic rabidi illi Barbari insensibilissimi omnis eruditionis artiumque hostes, ita rerum vniuersa corruerunt, disturbanunt ac penitus extinxerunt, ut iam multorum certa ratio reddi haud possit. Cum iam ergo Licinius crebris terrâ marique pugnis sæpè in fugam fuisset actus, postremò in Bithyniâ prope urbem Nicomediam grauissimo conflictu superatus, rursus turpiter aufugit. Insequabatur autem ipsum Constantinus, apprehensumque coquebat, ut Imperio decederet, vestesque & Imperiale diadema deponeret, ac per coniugem suam transmitteret. Tandem ubi hunc etiamnum Constantinus timeret, ut qui naturâ erat ambitiosus, crudelis, moræ omnis impatiens, artium ac doctrinæ planè inimicus (scientiam enim Reip. pestem appellabat) ambos, Licinium nempe & Martinianum, Thessalonix cepit atque interfecit; idque animo prorsus inuito. Siquidem Licinius haud incommodus ei fuerat: eius enim solius operâ ad Imperium peruenerat, multosque tyrannos alios, ut erant Valens, Alexander, &c. qui Imperium in Asiâ atque Africâ inuadere conabantur, interemerat, ac Christianos tranquillitati in Oriente restituerat, eorumdem sanguine ita probè in ipsis tyrannis vindicato, ut Diocletianus (omnis tyrannidis auctor) cum sententiam ac mentem huius Licinij animaduerneret, ad eò inde horrere coepit, ut sibi manum intulerit, quamquam iam tum priuatus viueret. Namque ita planè quieti sese dederat, ut Maximiano (cum litteris ei persuaderet conabatur, ut Imperium depositum rursus assumeret) responderit: Utinam Dii concedant faxintque videas Solonis hortos atque herbas, quas meâ manu seui, non iterum me ad Imperium sollicitares aut prouocares. Hic quæso Fortunæ ludum aliquantisper considerate. Extollit suos è luto ad altra sursum, indeque eosdem deprimit ac deiecit vel in ima maris. Hic enim Diocletianus emptitiis seruis geritus ad summum Imperij culmen adscendit, ac deinde in nihilum propè ultro redactus est. Reliquit tamen posteris de se opus insigne ac memoriâ haud indignum; thermas nempe, quæ infinitis sumptibus fuere instar cuiusdam oppidi extructæ: cui operi ac labori Christiani multis annis defunabantur. In his loca quædam erant ad sudorem prouocandum idonea, quæ salutaribus aquis, partim naturâ partim artificio calefactis, humectabant: eratque Imperatoribus exercituum quotidianum in his sese cum populo lauare. Æstate iuvenes quidam ter, quidam quinquies aut septies sese lauare interdiu solebant, hieme verò bis: atque in iis etiam noctu cœnarunt. Præterea & feminas huc intromittebant, efficacissima luxuriæ ac libidinis prouocamenta. Horti hîc erant amplissimi, ambitus latissimi, in quibus scamna erant, ut in iis periti Oratores ac doctissimi quique variis de rebus disputarent, præcipue quæ ad eruditionem spectarent. Huic opificio adiunctum erat Theatrum, hoc est, domus in quâ varij ludi exhibebantur, & quò populus conueniebat, ut homines cum bestiis pugnare commodè videret: eratque semicirculus gradibus extructus, ex quibus populus spectabat. Amphitheatrum enim vndique rotundum est, ita appellatum Græcè, quòd ludi in eo circumquaque spectentur. Etiam illud sciendum est, eos qui cum bestiis pugnabant, potissimum fuisse Christianos, qui cum hostibus in bello captis morti erant adiudicati. Nec verò putes pugiles hosce instar globi bestiis fuisse obiectos. Nihil hercè minus. Oportebat enim voluptatem ex dilaniatione diutinâ captare: Atque id quidem in hunc modum fiebat: Inprimis circuli pavimentum arenâ consternebatur, quæ sanguinem illicò imbiberet, ne pugiles eo inficerentur, aut populus ab istiusmodi pugnis abhorreret. Deinde in theatrum pugiles seminudi inuehebantur vnico armati pugione: tum famelicæ bestiæ antris emittebantur. Præterea suauiter canere ac variis instrumentis musicis ludere incipiebant, ne miserorum lacrymis populus commoueretur. Ad eò ethnici in humana viscera saeuierunt. De his plura in M. Iulio Philippo, pag. 78 & mox in Constantino, pag. 134.



Cum vnà cum Licinio breui tempore Imperio præfuiſſet,
ab Constantino occiſus eſt.



CONSTANTINVS Princeps ille celeberrimus, potentissimus, atque in bellis sanè felicissimus, ex Oriente versus Occidentem in Italiam reuersus, magnà Pop. Rom. latitiâ Romam deductus est, attributumq; sibi cognomen MAXIMI eodem illo die accepit. Gestum autem id est à CHRISTO nato anno trecentesimo vigesimo tertio, cùm iam antè cum aliis imperasset annis XIII. ac modò solus Imperium (ceteris tyrannis interfectis) possideret. Nam quidquid hic animo concepisset, id etiam efficere omnino conabatur. Cùm enim ab initio sui Principatus ad quamdam Orbis Monarchiam adspiraret, eò omnes ingenij corporisq; vires tendebat, vti Deorum ministros ac defensores interimeret. Quamobrem in eius honorem Arcus Triumphalis constitutus est cum inscriptione istiusmodi:

IMP. CÆS. FL. CONSTANTINO MAX. P. F. AVGVSTO, S. P. Q. R. QVOD
INSTINCTV DIVINITATIS MENTIS MAGNITVDINE CVM EXERCITV
SVO TAM DE TYRANNO, QVAM DE OMNI EIVS FACTIONE VNO
TEMPORE IVSTIS REMPVBLICAM VLTVS EST ARMIS ARCV
TRIUMPHIS INSIGNEM DICAUIT.

Quibus etiam alibi additum erat, LIBERATORI VRBIS, FVNDATORI QVIETIS. Fuit autem vir planè probus, omni laude atque encomio omnium iudicio dignissimus, & quem meritò quis cum optimis quibusque potentissimisque conserat Principibus. Siue enim vires ingenij siue corporis respicias, in vtroque suprâ quàm credi, possit excelluit. Equestris gloriæ oppidò quàm erat audius, in præliis fortunatus: honestas liberalesque artes semper quamplurimi faciens, iustitiæ æquitatisque obseruantissimus, & qui amari potiùs quàm timeri optabat. Clementiâ ac liberalitate omnium sibi fauorem beneuolentiamque comparabat, ita vt nullus ferè esset, qui non huic cuperet inferuire. Multas ferebat leges, & siquæ nimis erant duræ, eas mitigabat, superfluas item rescabat. Christianis pacem quietemque concedebat. Tum Christiani animum recipere, & ad sese redire, plurimumque letari cœperunt. Et cùm iam deinceps se totum Diuinis dabat institutis, edictum promulgauit, vti absq; Christianorum cædibus paganorum templa passim occluderentur. Ceterùm idola templis exigere necdum sanè audebat, idq; metu populi, qui etiamnum ea ex magnâ parte colebat. Vrbem Romam multis egregijsq; ædificijs plurimùm exornauit, etiam thermas suas fecit, vt paulò antè dictum est, sed non ita magnas, neque in eum finem, vt in iis tam sæua cruentaque ederentur spectacula. Nam istiusmodi theatra honestis etiam ludis, probis ac iuuenilibus erant vsui. In his Comici & Tragici poetæ suas exhibebant fabulas: dumq; horum Comædiæ, Tragædiæ ac Poëmata agebantur, Senatus cum Imperatore in medio graduum considebat. Locus enim hic erat, ex quo optimè commodissimeque prospiciebatur. Hic & Equites sua obtinebant loca. Gradus autem in semî hoc circulo, aut etiam rotundo, ita erant ordine collocati, vt qui in supremis agerent, ceteris viderentur magis proceri, nec nisi eminentia præcul capita conspiciebantur. Atque ita insignes in iis exhibebantur ludi. Vt autem rem summatim perstringam, varia in hisce thermis delectamenta exercebantur. Ac præcipuæ quidem thermæ, quas Romæ habuerunt, sunt Antonini, Diocletiani & Constantini. Multæ præterea aliæ Romæ habebantur, quas alij construxerant Imperatores, sed non ita magnæ ac sumptuosæ; vt erant Agrippæ, Neronis, Tatianæ, Traianæ, Seuerianæ, Philippianæ atque Olympiadis. Fuere etiam thermæ aliæ multis impensis extructæ, sed quæ ad nullum vsum præterea alium erant idoneæ; cuiusmodi sunt Alexandri, Gordiani, Aureliani ac Nouatiani. Quid autem Constantinus antè egerit, & quemadmodum sedem Imperialem Byzantium (quam ciuitatem de se Constantinopolim appellauit) in Orientem transtulerit, in sequentibus, cùm ad eius liberos peruenerimus, deinceps dicemus. Huius enim temporibus multæ varæque rerum exortæ sunt permutationes; in quibus multa etiam memoratu digna incidere solent, quemadmodum eo in loco commodè dicetur, vbi à Pontifice summo Romana Monarchia rursus ex Oriente transferretur ad Germanos. Constantinus igitur ad postremum Cæsares creauit Crispum filium suum natum maximum, & Licinium interempti Licinij ac sororis suæ Constantiæ filium.

LXVII.


IMPERATOR NEMINI, NE SVIS QVIDEM
 PROPRIIS MEMBRIS, PARCERE DEBET,
 PVBLICÆ TRANQVILLITATIS
 CONSERVANDÆ CAVSSA.



Imperavit annis XXXI. vixit annis LXVI. Christianorum persecutionem abrogavit, idolorum templa clausit, Imperium in Orientem transtulit, tandem veneno extinctus.

ULIUM CRISPUM ex Minervinâ coniuge, siue concubinâ, suscepit Constantinus. Hic iuuenis erat adeò formosus, ut eius amore Fausta Constantini vxor capta fuerit: sed cum ad libidinem sollicitanti renuisset, infensissimo odio eundem est persecuta. Constantinus extemplo vnâ cum filio ingenti exercitu aduersus Gothos profectus est, qui in Sarmatiâ Romanorum Prouincias obruere occipiebant. Horum illi ingentem fuderunt multitudinem. Interea igitur dum eo in loco circa Gothos plurimum essent occupati, nec Franci accepti damni ab Constantio fuere immemores, rursus Galliam inuaserunt. Hos contra Constantinus cum omnibus proficiscatur copiis: Francos campis expellebat, Regesque eorum Ascarichum ac Ragaysum capiebat; atque ut terrorem Francis incuteret, bestiis laniandos obiciebat. Necessarium est hic considerare, Francos hac tempestate fuisse diuisos, duosque peculiares habuisse Reges: atque eos, qui in Sicambriâ aut Geldriâ remanserunt, vnâ cum his Francis, qui in Franconiâ apud Sueuiam ac Vindeliciam agunt, plurima aduersus Gallos ac Romanos, qui Galliam occupant, mouisse bella, victoriaque sæpissimè potitos fuisse, & interdum etiam succubuisse. Præterea & multos secum habebant Germanos aut Alemanos, ut eos appellabant Franci, quemadmodum paulò antè apud Constantium audiuius, ac deinceps in sequentibus latius sumus audituri. Cum iam ergo Constantinus victoriâ apud Francos potitus Istriam rediisset, ac Polæ in oppido degeret, ut hinc in Cyprum traiceret aduersus Calocerum, qui iam seditiones aliquot ac turbas excitasset, Fausta priuignum suum ad patrem detulit, quasi minùs honestè pudicitiam eius sollicitasset, & cum parère recusasset, tum vim inferre voluisset. Quare Constantinus coniugis suæ verbis fidem habens, Crispum interfici iussit. Verùm post audiuit filium fuisse extra noxam; ac coniugem potiùs adolescentem eò verbis sæpiùs pertraxisse, ut hac occasione ipsum interimeret, ne suis liberis foret impedimento, quò minùs ad Imperium peruenirent. Ut autem Constantini mater Helena ex magnâ commiseratione innocentis filij mortem assidue increpabat, Faustam tandem instinctu Helenæ in balneum ardens coniëcit atque interemit. Ab eo Constantinus mutatus tempore, crudelior paulò effectus, infinitos ex amicis ac propinquis interfecit: inter quos etiam Licinius eius ex sorore nepos fuisse fertur. Porro cum iam ita sæuieret, ac complures adhuc in eo essent virtutes; leprâ diuinitus ictus, vnâ cum matre Helenâ ab Siluestro summo Christianorum Pontifice baptizatus est Romæ, nec animæ tantum curatus leprâ, sed & corporis. Hac viâ ac ratione Constantinus fidem adeptus est Christianam, omniaque deinceps ad utilitatem & commodum conatus est Ecclesiæ.

HOMO EXTRA CORPVS SVVM
EST IRATVS.



Hic à patre suo Cæsar factus est : & cùm adulterium fugeret,
falsâ accusatione miserè præfocatus est.



CONSTANTIUS à patre Constantino Cæsar in Crispi locum efficiebatur, qui & Dalmatium ex fratre nepotem loco Licinij Cæsarem iuxta hunc Constantium creabat. Porro Dalmatius, iuuenis felicitatis planè indolis, patruo haud dissimilis, breui tempore post à militibus occidebatur. Quod factum Constantius eius patruelis magis admittebat, quàm iubebat. Sub hæc tempora, Constantino ac Constantio filio Imperatoribus, à Christianæ fidei puritate Arius Presbyter ac professor Alexandriæ in Ægypto descivit. Hic portentosa ac noua quædam in vulgus dogmata seminauit, nouasque scriptorum opiniones in publicum protulit: at breuè Vrbe ab Alexandro Alexandriæ Pontifice pulsus est. Ac quoniam multos hic secum eiusdem habebat sententiæ & opinionis, Constantinus Concilium Nicææ in Bithyniâ habuit, in quo congregati erant Pontifices trecenti atque octodecim, qui omnes Arii dogma condemnabant. Quare ab Constantino destitutus proscriptusque è Regno est. Atqui huius filius Constantius eidem Ario postea planè adhæsit. Cum ergo Constantinus diu Romæ imperasset, Byzantium cum tribus suis filiis totaque aulâ profectus est. Hanc ille ciuitatem plurimum ampliavit, restituit, atque ita breui tempore exornauit, vt ad Romam facillè potuisset comparari: ipsamque de suo nomine Constantinopolim appellauit; eo certè animo, vt deinceps hinc aula foret Imperialis. Tandem autem parans sese omni expeditione aduersus Parthos & Persas, qui iam tum Mesopotamiam deuastabant, & alios suos filios Cæsares nuncupauit, Imperiumque iis erogauit: Asiam nempe, vniuersumque Orientem Constantio, sedemque eius Imperialem Constantinopoli fixit. Constantino autem dabatur quicquid situm erat infra Alpes, tota videlicet Germania ad Septentrionem usque, Gallia, Hispania, Britannia, ac regiones illæ quæ versus Occidentem tendunt. Constans denique natus minimus Italiam, Illyricum, ac totam Africam quæ ad Meridiem vergit, in partem accepit, sedemque suam Imperialem collocauit Romæ. Vt igitur Constantinus mare Ponticum traiecisset, apud ciuitatem Nicomediam veneno sublati: auctor cædis numquam sciri potuit. Cadaver eius Constantinopolim delatum est, atque in æde Apostolorum sepultum. Ante mortem ingens aliquot mensibus apparuit Cometa, visum admodum horribilis, qui horrida illa miseraque bella portendebat, quæ mortuo Constantino statim insecta fuere. Hic idem ille fuit Constantinus, qui Romanum Pontificem vt caput omnium Christianorum honorauit, qui que coronam suam auro gemmisque insignem de suo capite cum Imperiali diademate, veste purpureâ, ac scipione aureo, Papæ Siluestro fertur imposuisse, induisseque.

LXIX.

PRINCEPS ET INIQVA ET ÆQVA
PARITER AVDIAS.



In Oriente regnavit XLII. annis, eius frater in Occidente;
post huius mortem solus vniuersum obtinuit:
mortuus est XLV. ætatis anno.



CONSTANTINVS post obitum patris vnà cum suis
 fratribus Imperium adeptus est, anno CHRISTI tre-
 centesimo quadagesimo primo. Imperaret hic qui-
 dem in Gallijs; sed parte sibi testamento paterno attri-
 butà minimè contentus, de integro per legatos suis cum fratribus
 partiri voluit. Quod cùm fratres recusabant, rem armis aggredi
 conatus est. Fretus enim optimis suis militibus, ac præcipuè Gal-
 lorum opibus, equitibus Hispanis, peditatuque Alpino, faciliè his
 sperabat se fratres suos superaturum; petebatque ita vi magis quàm
 iure instructus Aquileiam in Italià. Hic Constans, qui in Sarmatià
 aduersus Gothos iam tum agitabat, insignem exercitum contra
 ipsum eduxit, saltem qui Constantino resisteret, qui militum mul-
 titudine ac copià longè vincebat. Constantinus copias fratris con-
 temnens, ac suis viribus fisus, bellum incautiùs securiusque ag-
 gressus est. Verùm hunc illicò fratris sui militibus circumuentum,
 atque in ipso conflictu deuictum, equus, cui infidebat, vulnere
 ictus in terram deiecit, incognitusque ita multis ictibus confossus
 est; atque in Alsàn fluuium, haud longè ab Aquileià, proiectus.
 Atque ita quidem Constans solus Occidentalium regionum im-
 perio potitus est, quemadmodum Orientalium eius frater. Iam
 verò tametsi Constantinus Magnus Francos in Gallià deuicisset,
 atque expulisset; non omnino tamen eorum vires fregit. Mox
 enim arma capeffentes, damna recuperare, iniuriamque vindica-
 re conabantur. Et quamquam quidem statim post Constantini
 Magni obitum Rhenum ac Mosam traicere, nonnullasque face-
 re excursions, ac fines passim depopulari incipiebant: omni ta-
 men vi ac copià (dum hi fratres inter se bellum mouebant) vndi-
 que Gallorum Prouincias cædibus, incendijs ac direptionibus mi-
 serè aggrediebantur, sperabantque ita vel totum nomen Roma-
 num exstirpare. Hæc enim natio præter ceteras libertatis maximè
 cupida, nullà ratione Imperio Romano subesse voluit. Quamob-
 rem non expectarunt tantisper, donec Romani in suas venirent
 regiones; sed ipsi vicinas Romanorum Prouincias passim oppref-
 ferunt, vt hinc Romanis tantum facerent negotij, quò sic quieti
 in suis se continerent regionibus. Quà quidem re eius fuere apud
 Romanos æstimationis, vt de ijs vulgò dictum sit: FRANCVM
 AMICVM HABE, VICINVM VERO MINIME. Itemque
 & hoc: MALE QVI VELIT PVGNARE, CVM GERMANIS
 PVGNET.

LXX.

141

IN MAGNIS ET VOLVISSE
SAT EST.



Postquam in Occidente III. annis regnasset, vixissetque
XXV. annis, in ciuili bello interfectus est.

S 3



CONSTANS tertius Constantini filius, quàm potuit ocysimè fratris interempti Imperium inuadere atque occupare properans, primùm omni conatu Alpes superauit; hinc Prouincias omnes Transalpinas, Galliamque biennio in suam potestatem penitus redegit. Namque illi quàm fortissimè resistebant Franci, ita vt bellum sæpenumerò aduersus hos ancipiti planè fortunâ mouerit. Ad extremum tamen eos domuit, pacatosque reddidit. Atque hac quidem viâ Constans partem fratris assecutus est, anno CHRISTI trecentesimo quadagesimo tertio; vt Eusebius quidem censet. Eutropius verò refert, hac tempestate Constantem Imperio Romano subiecisse; quod mihi non fit verisimile. Nam paullò post Coloniam Agrippinam inuaserunt, plurimumque hinc negotij fecerunt Iuliano. Ex quo illud sanè liquidò constat, Constantem illinc quidem Francos repulisse, ac tranquillos fecisse, sed minimè Romanis subiecisse. Refert Blondus, Constantinum ante obitum ita Francos prælijs in Franciâ fatigasse, vt mœsti se in suis regionibus ad tempora vsque Honorij continuerint. Quæ omnia profectò cum Historicis, penès quos rerum fides est, minimè conueniunt. Hic autem Constans primò optimum egit Principem, post ad delicias animum flexit, effectusque est difficilis, morosus, austerus, prouincialibus gratus, ac militibus illiberalis; quæ res postea seditionem peperit. Milites enim Imperatorem fecerant Magnentium, qui Augustæ conuiuium militibus exhibuit à manè ad vespèras, Barbaricæ gentis more. Inde cubiculum ingressus, statim egressus est indutus purpurâ, multis satellitibus cinctus, quasi verus fuisset Imperator. Hinc à plurimis Imperator Augustusque salutatus est. Et quamquam multi essent, quibus negotium istud minimè placebat; fuère tamen coacti assentiri ac tacere. Res hæc etiamnum celabatur, mittebanturque extemplo percussores, qui Constantem nihil tale cogitantem interciperent, qui iam tum venatibus operam dabat, ludebatque cum formosis pusiunculis. Cùm igitur quodam tempore fessum in tentorio se quieti dedisset, clam ab ijs, quos miserat Magnentius, interfectus est. Scribunt aliqui, eum procul cognouisse parricidas, & abiisse in propinquum templum, & insignia Imperij deposuisse, & ab altaribus tractum cæsum fuisse. Atque id quidem contigit prope oppidum Helenam, haud longè ab Hispanijs, ad montem Pyrenæum.

LXXI.

FELIX SE ERIGENDO FELICITATEM
AMITTIT.



Vbi XIII. annis in Occidente imperasset, & XX. annis
vixisset, occisus est.

MAGNENTIVS modo prædicto Imperium primò quidem dolo, deinde verò per vim ad se rapuit, anno post natum CHRISTVM trecentesimo quinquagesimo tertio. Perfidus hic beneficij, quod dominus in ipsum suus contulerat, planè immemor exstitit. Cùm enim aduersus Francos præliarentur, ipseque in hostes fortè incidisset, hunc suâ manu Constans defendit, atque hostibus vi eripuit. Vt autem Galliarum iam, Hispaniarum, Italiae, Africae, atque, ut rem paucis complectar, vniuersum Constantis Imperium obtineret, noua de integro in Illyrico coorta seditio est. Hic enim milites Veteranum (qui Pannoniarum fines ab Gothorum incursionibus tuebatur) Imperatorem eligebant. Erat autem vir hic grandæuus, rudis, rerum artiumque omnino imperitus. Porro ubi Constantius verus Imperator fratris eadem in Oriente percepisset, ac parricidam Magnentium in eius locum Imperium possidere, etiam Illyrici exercitum Imperatorem legisse Veteranum, mox expeditionem parauit, uti horum omnium vindictam sumeret. Ante omnia tamen Gallum patrum suum Cæsarem fecit, atque Antiochiam in Syriam misit, ut istic regiones defenderet Orientales. Ipse verò ingenti comparato exercitu Hesperios petiit, ulturus fratris necem. Atque ut Sirmium quidem venit, milites Veterani ad ipsum omnes sese receperunt, ac Veteranum in eius manus tradiderunt: qui ab Constantio in gratiam receptus, Imperio tantum priuatus fuit; plurimis alioqui donatus, magni deinceps habebatur. Interea Nepotianus, Eutropij sororis filius, Romæ à populo Imperator creabatur, Augustusque salutabatur. Verum die Principatus sui decimo octauo instinctu Magnentij ab Heraclide etiam interficiebatur, caputque eius per vniuersam Urbem in spectaculum circumferebatur. Hinc mox Romæ Magnentius crudelitate sæuiit incredibili, iussitque trucidari quidquid Constantio umquam adhæserat. Interim Constantius ad Urbem cum suo exercitu properabat, mittebatque ad Magnentium, qui dicerent, si arma deponeret, Italiam atque Africam relinqueret, concessurum se illi Galliam, si modò eâ contentus esse vellet. Sed Magnentius conditioni isti acquiescere noluit, se facile victurum sperans. Consultum enim ipsi erat à Magis, ut priusquam congredieretur, virginem iugularet, cruorem vino misceret, potandumque militibus præberet; tum enim se haud dubiè victorem fore. Deinde insignem quemdam statuit percussorem, qui traiecto mari, Antiochiæ nouitium Cæsarem Constantium Gallum interimeret. Hac occasione sperabat Constantium Imperatorem in Orientem reuocare. Verum occisor hic Antiochiæ proditus, cum suis comitibus ab Gallo fuit interemptus. Cùm igitur res ea Magnentium fefellisset, omne negotium Magis tradidit, ac Româ in Galliam profectus est; ubi, ingenti conscriptâ multitudine, fecit quæ Magi consulebant.

LXXII.

PVDOR SENI PVDOR,
IVVENI DECOR.



Aggressus est Imperium Occidentale, violentâque
manu tenuit per III. annos: quinquagenarius
sibi manum intulit.

T

DECEMENTIVS Româ cum fratre Magnentio cesserat, ab eodemque Cæsar Mediolani creabatur, vt Galliam Insubriam tueretur. Interim Constantius omni vi propè sequebatur. Pugna magnis vtrimque fiebat copiarum viribus ad Mursam. Tyrannum vincebat Constantius magnâ hostium & suorum strage. Magnentius pedes dimisso equo aufugiebat, vti minùs esset notus, atque ita se in munitionem Mursa recipiebat. Hic equites suos solari conabatur, sed animum penitus abiciebant; nec ita amicè ipsum intuebantur, vti solebant antea, sed assidue conclamabant, O Cæsar Constanti. Victor Constantius die postera tumultum conscendebat, ex quo caesorum cadauera conspici poterant. Cæsa autem vtrimque fuerant supra quinquaginta quatuor millia pugnatorum, ex Constantij exercitu triginta millia, ex Magnentij verò viginti quatuor. Hac pugna vniuersæ populi Romani vires adeò attrita fuerunt, vt eas recolligere in posterum haudquaquam potuerint. Perierant quippe milites optimi, vt deinceps Barbaris resistere nequissent. Magnentius novum colligebat exercitum, cupidus rursus aleam dimicationis tentare: & priusquam experiretur, legatum mittebat ad Constantium, petens vt Galliam sibi concedere tantum vellet, relinqueret ipsi Italiam atque Africam. Sed hunc Constantius reiiciebat, opinatus illum speculatorem venisse. Post iterum saltem hoc cupiebat tantum, vtliceret Ducis militare titulo, nihil Prouinciarum quærens: sed nihil huic à Constantio responsum est. Quamobrem milites eius præcipui metu victorem Constantium adibant. Quod vt Magnentius vidit, intelligens etiam sibi dimicandum fore, & secundo fortunæ aleam tentans, cum Constantio armis congressus est. Sed rursus victus vix euadere potuit, aufugitque Lugdunum. Cum verò animaduerneret se à Lugdunensibus obseruari, vt caprum Constantio traderent, atque eius ita beneuolentiam captarent; enses, qui parieti appendebat, arripiebat, ac velut mente captus, fodiebat, secabat, feriebatque obuium quemque, & multos ex amicis & proximis occidebat, vulnerabatque, ac tandem etiam seipsum confodiebat. Proinde Decentius Cæsar qui Galliam tuebatur, audito fratris casu, laqueo sibi vitam finijt. Constantius Siluanum in Galliâ natum Gallis defensorum dabat: quem mox Imperator, calumnijs aures facillè præbens, suspectum habuit. Siluanus autem ybi Imperatorem sinistram de se suspicionem cepisse intellexisset, pro concione id grauiter Gallis questus est; qui ipsum confestim communi voce Cæsarem appellarunt. Ad hunc motum opprimendum à Constantio in Galliam mittebatur Vrsicinus, qui pecuniâ Siluani equites corrumpebat vt occiderent. Iam verò cum in Orientem redire Constantius debebat, ac Franci passim arma expeditionemque parabant, Fl. Iulianum Cæsarem fecit, iussitque vt Galliam tutaretur; & quò magis sibi fidem deinceps haberet, Helenam ipsi sororem suam matrimonio iunxit, atque in Orientem reuersus est. Erat enim sententia, Gallum (qui infinitis ipso absente cadibus in Præsides, aliosque sauerat) interimere; quod gestum vtrique in itinere est, antequam Constantinopolim veniret. Gallus hic frater fuit Iuliani; atque ex Flauiorum genere postremi fuerunt, qui imperarunt. Interea Franci expedito exercitu educti, inter ceteras Coloniam ad Rhenum obsederunt, expugnarunt, ac tandem etiam ceperunt atque euerterunt; quemadmodum & ciuitates arcesque alias.

LXXIII.

MISER DOLOR, QVI IN TORMENTIS
NON HABET VOCEM.



A fratre in Cæsarem factus, præ mœrore
seipsum strangulauit.



LAVIUS CLAVDIUS IULIANVS Constantini Magni ex fratre nepos, anno post natum CHRISTVM tricentefimo sexagesimo, Româ omni cum militari expeditione aduersus Francos egressus est: qui cum Augustam Taurinorum venisset, intellexit Francos Coloniam oppidum cepisse. Hac famâ excitus, per Alpes Cortias versus Galliam iter maturauit Viennam. Hinc vltra in Galliam profectus, hostibus obuiam processit; sed ab Alemannis aut Germanis (qui Galliam item inuaserant) apud Senonas obtidebatur. Hic ille cum Germanis fortiter dimicabat, eosque profligabat. Atque ita ad Rhenum profectus, Coloniam rursus ex Francorum manibus asserebat. Deinde Rhenum traiectus, insperatò Francorum Prouinciam opprimebat, vincebatque prælijs haud sanè incruentis, ac multos secum captiuos abducebat. Istiusmodi casum Franci minimè sperauerant. Non enim opinabantur fieri posse, vt quis è suis quidpiam Prouincijs auferre queat; cum ad illa vsque tempora nullus adhuc Princeps ipsorum regiones fuisset ingressus, donec apud Alemannos habitassent. Pòst Iulianus oppida castraque quæ Franci ad se arripuerant, cuncta recuperauit. Prope Argentoratum Sueuos, siue Alemannos per Rhenum in Galliam traiectos exiguo inæqualique exercitu aggressus est, ac tantam fudit multitudinem, vt peremptorum cadauera mōtis instar accumularentur, & sanguis instar riuī diffunderet. Chonodomarius & Badomarius Germanorum Reges capiebantur: prior mittebatur Constantio Imperatori, posterior verò moriebatur Romæ in monte Cœlio. Post hanc autem insignem victoriam ab vniuerso exercitu Iulianus salutatus est Augustus; & cum non reperiebatur diadema, Maurus quispiam sibi torquem detraxit, vt hinc ipsi corona fieret. Postquàm iam Gallia ab Germanis ac Francis prorsum erat repurgata, ac Germanorum, exceptis Francis, cæsa fuissent supra triginta millia; Romanam egregiè triumphans reuersus est. Verùm Constantius, quod Iulianus se Augustum nominari passus fuisset, supra modum excandescere, & haud dubiè bellum ciuile hinc extitisset grauissimum, nō Constantius morte præuentus fuisset. Nam Iulianus se aduersus Constantium iam parabat. Ceterùm vbi Constantius ex Persico bello Constantinopolim rediens contra Iulianum expeditionem moliebatur, merore diuinitus ictus apud Taurum montem obiit inter Cilices & Cappadoces. Atque ita Iulianus Monarchiâ solus potius est, anno CHRISTI tricentefimo sexagesimo quarto. Vt iam Iulianus Constantinopolim venisset, cœpit in primis ipsam mutare religionem, vt tam apud Christianos quàm paganos gratiam ac fauorem sibi conciliare posset, tamquam qui liberum cuique esse de fide sentire permitteret. Deorum templa ab Constantio occlusa ipse recludebat. Nouerat enim paganos ægerimè ferre, quod sua sibi verita essent sacrificia, atque eos summo perè flagitare vt templa ipsorum aperirentur. Adhæc exules Christianorum Episcopos, quos in exilium Constantius miserat; reuocauit; & quidquid ab ijs bonorum ad Cæsareum fiscum fuisset deuolutum, id omne restituit. Eius generis multa alia præclare faciebāt: paullo tamen æquior erat paganis quàm Christianis. Siquidem id studiōse operam dabat, vt ethnicam religionem vbique rursus induceret. Et quemadmodum antè Nicomedix Christianus fuerat lector, ita modò & Pontifex esse volebat. Deorum templa ingrediebatur, ac pro Gentibus sacrificabat. Tum autem à Christianis Apostata meritò appellabatur. Semper penes se Rhetores ac Philosophos habebat: nam & olim in iuuentute Athenis Philosophiæ operam dederat. Aduersus Christianos seuerissimè scripsit; nullos, aut paucos, occidit. Cum iam bellum contra Persas finiturus exercitum eduxisset, fugitiui cuiusdam dolo in deserta fuit perductus. Hic vbi exercitus eius siti, nimio solis æstu, arque arenæ ariditate fatigatus, casum & culpam ipsi imputaret, plurimùm sanè formidauit, hominemque dolor & anxietas occupauit. Cum itaque ad istum modum per deserta huc atque illuc diuagaretur & erraret, ab ignoto quodam milite confossus perijt.

LXXIIII.

ΝΕΝΙΚΗΚΑΣ ΓΑΛΙΑΙΕ.



Postquam Occidentale Imperium IIII. annis administrafset,
 XXXI. annis vixisset, mirabili modo periit; omnisque
 eius diabolica superstitio patefacta est.



IOVINIANVS communi suffragio à militibus inuitus ad Imperium protrusus est, qui Iuliani diadema ipsi imposuerunt. Sed his ille respondit, quod Christianus esset nolle se in paganos imperium habere. Et postquam singuli se item Christianos esse altà voce professi fuissent, petitioni illorum acquieuit. Actum autem id est à CHRISTO nato anno tricesimo sexagesimo sexto. Hic animaduertens, bis se à rege Persarum victum fuisse, idque magnà rerum, cibi potusque penurià, quā milites in eremo miserè laborauerant, necessitate planè cogebatur Persarum Regi Nisibin, ac bonam partem Mesopotamiæ tradere, vt suos milites eà calamitate liberaret. Regiones illæ iam multis abhinc annis Imperio Romano fuerant subiectæ: nec fuerat, qui tantæ necessitati restitisset. Pacis igitur fodere percusso, Rex Saporès comæatum extemplo ad exercitum in eremum misit: quem vt in milites diuisisset, castra mouit; duxitque coactus necessitate milites sine victoriâ ac damno ad lares proprios. Cum verò iam populus in oppido Carrhis summo perè lætabatur, pessimo Principi tam bonum successisse, templum ingressi sunt; quod ne quis intraret, Iulianus prohibuerat, donecum ex Persarum Regno rediisset. Per hanc quippe ciuitatem profectus, in templo quodam paganorum mirabiles cum socijs suis euentus fuerat rimatus. Ostijs ac fenestris optimè prospexerat, militesque aliquot constituerat, qui ab ingressu populum arcerent. Quare cum ad alterum templi larus peruenissent, signa reperta fuere incredibilia; ex quibus Iuliani prudentia ac pietas, quam exercuerat, facillè constare poterat. Conspiciebant enim feminam comâ suspensam, brachijs expansis, ventre resecto vt eius hepar scrutari posset, num victoriâ contra Persas esset potiturus. Antiochiæ in aulâ Imperiali multæ repertæ sunt arcule humanis capitibus refertæ, atque in puteis infinita submersa cadauera. Ceterum Iouinianus Princeps verè fuit Christianus. Nam cum Iulianus scrutaturus, num qui inter milites essent Christiani, edicto præcepisset, vt omnes aut Dijs sacrificarent, aut Ordinem equestrem desererent; Iouinianus (qui mille tum militibus præerat) militiâ abire maluit, quàm Christianam fidem abnegare. Eo tamen Iulianus in re militari carere non potuit; quippe qui peritus admodum erat, eloquens, tenaci memoriâ, corpore formoso ac procero, ingenio plurimum amœno. Et Iouinianus quidem cum deinceps Constantinopolim peteret, in campo Dadastræ, qui diuidit Bithynos à Galatis, atrium recentis tectorij vt quiesceret ingressus, carbonum fumo ac noui tectorij fœtore suffocatus est, spiritumque exhalauit.

LXXV.

SCOPVS VITÆ CHRISTVS.



Imperio Romano mensibus VIII. præfuit : annos
natus XXXIII. miserè vitam amisit.



VALENTINIANVS prope Niczam, quæ vrbs caput est Bithyniæ, ab eodem exercitu in Iouiniani locum Imperator eligebatur, post natum CHRISTVM anno tricentesimo sexagesimo septimo. Hic exercitum Constantinopolim duxit. Ortus autem erat è Pannoniâ apud Cibalas, appellabaturque Funarius, quod venalicium funem portanti quinque milites extorquere nequibant: quo merito in militiam adscitus, ad eam paullatim dignitatem conscendit, vt sagittariorum Tribunus postea sit effectus. Cum verò esset Christianus, ac die quodam in Fortunæ templum Domino suo Iuliano congregaretur, ministri templi vtriusque in ipso ingressu stabant, atque aspersione aquæ ingredientes velut purgare dicebantur. Valentinianus Imperatorem præcedebat, qui vt pallium conspergi suum videbat, templi ministrum pugno iratus ferebat, inquit, magis se contaminari quàm mundari. Quo viso Imperator hominem apprehendi iubet, cogique ad Idolorum cultum; aut, si nollet, aulam linqueret. Tum Valentinianus aulam extemplo deseruit, & post mortem Iuliani ad Iouinianum in castra rediit; post cuius obitum ipse Imperium adeptus est. Vxorem habebat nomine Seuerinam, quam aliqui imperitè Serenam appellarunt. Hæc illi Gratianum peperit. Hæc tempestate relicta erat filia quædam Iustina; quæ, postquam eius pater Iustus à Constantio fuisset interfectus, innupta manserat. Ea autem Seuerinæ cognita plurimum amabatur, adeo vt cum reginis etiam balneas intraret, seque vnâ lauaret. Quare Seuerina apud maritum multa de eius pulchritudine assidue referebat, dignam esse inquit, quæ nubere Imperatori. Valentinianus melius hæc, quàm ipsa rata esset, intelligens, cogitare cœpit, quâ ratione eam duceret vxorem, nec cum alterâ coniuge Seuerinâ diuortium faceret. Hinc igitur per vniuersum Imperium edicto publicauit, si cui duas liberet ducere vxores, ei id liberè concedi: quibus illud adiecit, nempe hinc esse, quod pagani tantâ nos superent multitudine. Deinde vxorem duxit Iustinam, quæ ipsi peperit Valentinianum, ac filias tres, Iustam, Gratam, & Gallam. Dux priores inansers innuptæ, Galla autem nupsit Theodosio. Cum iam Valentinianus breui tempore Orientem administrasset, confestim ex Occidente insperatæ ad ipsum à Præsidibus datæ fuêrunt litteræ, quibus continebatur, quemadmodum Germani omnes ferè nationes armis superassent. Hoc autem nuntium magno Valentinianum affectit dolore, atque extemplo sibi Valentem fratrem suum æquali iure adiunxit, quem ab initio sui Principatus Cæsarem fecerat. Valens Imperium exerceret in eos qui in Oriente Romano Imperio essent subiecti; Valentinianus verò, qui in Occidente ad Romanos spectarent. Dein Valentinianus cum septem legionibus atque omni militari expeditione Occidentem versus profectus est. Et quidem cum in primis Alani (sic enim se nonnulli Germanici Gothi appellabant) Valentiniano resistere conabantur, eorum pars magna caesa fuit, pars altera in Mæotidis paludes sese præcipitauit. Tum Valentinianus suis illud addixit, si quæ natio paludes ingredi, atque inde Alanos expellere velleret, ei se decennalem vestigalium atque exactionum immunitatem præstaturum. Confestim Franci aliquot, quos secum in Orientem adduxerat Iulianus, rem aggressi sunt, atque inde Alanos vi armisque expulerunt. Hac re ita gestâ, Valentinianus dixit: Etiam si hos Francos minimè appellaremus, re tamen ipsâ Franci iuxta Græcam linguam dici deberent; id est, crudeles, fortes ac duri. Complures arbitrantur hinc Sicambros aut Geldros Francorum nomen primò adeptos fuisse: verum horum sententia nihil planè cum veteribus conuenit.

LXXVI.

ΤΟΝ ΦΡΑΓΚΟΝ ΦΙΛΟΝ ΕΧΟΙΣ,
ΓΕΙΤΟΝΑ ΟΥΚ ΕΧΟΙΣ.



Simul cum fratre & filio XII. annis Imperium Romanum
tenuit; ætatis LV. sanguine suo suffocatus.



ALENS. in omnibus Valentiniano fratri omnino erat dissimilis: nam simul atque ab eo discesserat, instinctu suæ coniugis Dominicæ ab Eudoxio Arianorum Pontifice baptismum suscepit. Christianorum etiam persecutionem maturasset, ni fratrem veritus fuisset. Egit aliquamdiu Antiochiæ, permisitque suum cuique in Deos cultum; Iudæis nimirum, Ethnicis, atque hæreticis: solum illos odio prosequeretur, qui Apostolicam doctrinam profitebantur. Monachos coëgit in bellum: qui obsequi recusabant, interfici iussit. Interea cacodæmon eò dementiæ hominem pertraxit, ut sollicitè rimatus fuerit, quinam post se in Imperium succederet, usurparitque Necromantiam, quæ ex mortuorum cadaueribus colligit futura. Verum enimverò cacodæmon inconsideratè eius impietate abusus, obscurum homini responsum dedit: quâ occasione optimos quosque prudentissimosque viros interemit. Cùm enim oraculum à dæmone flagitasset, huic quatuor ille litteras ostendit, *ερωα*, inquit: Hoc nomen post tua fata rerum potitur. Ob quam quidem causam Valens illos passim occidebat, quorum nomen litteris hisce scribebatur. Hinc Theodori, hinc Theoduli, hinc Theodori, hinc denique Theodoric, atque id genus complures alij interficiebantur. Inter ceteros autem occisus etiam est Theodosiolus vir sanè probus, ac Theodosius dux ille fortissimus & Theodosij Imperatoris pater; qui eò tyrannum Firmium noua in Africâ molientem Valentiniani iussu coarctarat, ut sibi mortem conscierit. Complures item metu mortis nomina sua mutarunt, iuramentoque abiurarunt. Interea verò dum hæc Valens in Oriente consiciebat, eius frater Valentinianus magna grauiorque aduersus Alemannos bella mouebat, tandemque victor ad Germanicum vsque mare in Francorum siue Sicambrorum Prouincias ultra Rhenum perueniebat. In his siquidem locis accolæ erant Saxones Germanici maris inter paludes inuias, parabantque sese ad expeditionem atrocissimam, quasi verò vniuersas Romanorum Prouincias essent vastaturi, funditusque deleturi. Gens hæc Populo Romano bellicosa fortisque æstimabatur. Hos contra Valentinianus congressus atroci pugna deuicit, atque attriuit. Hinc deinde proficiscebatur aduersus Alemanicos Lentenses ad Lacum Acronium: sed minimo eos afficiebat detrimento; facîle enim propellebatur. Quare vbi Treueris aliquamdiu egisset, in intimam profectus Galliam, Gratianum necdum planè puberem in oppido Ambianorum Augustum appellauit, Imperijque consortem fecit. Porro autem ut Parisijs Quadorum legatos (quos hodie Schlesios & Austriacos nominamus) lætrocinia sua excusantes audiebat, subitâ irâ adeò in illos accendebatur, ut sanguine naribus erumpente expirauerit. Circa hanc tempestatem horrendi passim tremores motusque terræ per omnem Orbis ambitum subitò grassati fuere; itaque mare ipsum inundauit, ut in ciuitates insulasque rapidis fluctibus pulsus, multa hominum ac pecudum millia submersa obruerit. Post Valentiniani obitum Procopius Imperium affectabat: sed huius cupiditati finem imposuit Valens. Non multo autem tempore post nouus insperatò populus Borealibus montibus instructo exercitu in Pannoniam erumpebat. Hi sese Hunnos appellabant, Gothisque è Pannoniâ vi exactis, suas in eam sedes transferebant, atque ipsam prouinciam Hungariam de se nominabant. Cùm iam ergo Gothi ultra Danubium, Seruiam, Bulgariam, ac Romaniam inuasissent; Valens, quem res hæc plurimum sollicitabat, vniuersam his Thraciam inhabitandam tradidit. Verum cùm ea minimè sufficiebat, ac magnam hic inediam patiebantur; hinc profecti, obuia quæque incendijs ferroque deuastarunt. Quo quidem audito Valens Antiochiâ omni vi Constantinopolim profectus est. Interea post infinita prælia Gothi etiam Constantinopolim obsedere, ipsumque suburbium incendio iam deiecerant: nec erat, qui resistebat. Hac re tandem excitus Valens, Constantinopoli educus, ac post cruentas aliquot pugnas iaculo vulneratus, ad proximum pagum in vile tugurium deportatur. Gothi verò ipsum insequerantur; igneque iniecto, Imperatorem cum pago incendium absumebat.

*Hunno-
rum (qui
nunc Hun-
gari) ori-
go.*

LXXVII.

SVSPICIONIBVS SECVRVS.



Cum fratre eiusque filijs rexit Imperium xv. annis:
quingagenarius ab hostibus exustus obiit.



GRATIANVS Occidentalis Imperator, qui hac tempestate etiamnum adolescens erat, vt audiebat Barbaros vndique magnis copijs Romanas opprimere Prouincias, ac Rempublicam iam propemodum collapsam esse; spem fidemque in vnum **CHRISTVM** collocans, inæquali hominum multitudine apud Argentuariam oppidum conflictum habuit acerbissimum: cuius tamen euentus illi optimè cessit, vt qui supra triginta Germanorum millia in bello extinxerit: cuius quidem pugnae certa quædam indicia etiamnum hodie extant. Contigit autem post natum **CHRISTVM** anno tricentesimo octuagesimo secundo, cum Gratianus cum Valente patruo suo imperasset annis quatuor. Deinde Gratianus Pannoniam petijt; atque vbi animaduertit patriam suam ab atrocibus Hunnis possessam (qui iam videbantur quasi vinci haudquaquam possint) dubitabat quidnam potissimum ageret. Nam & suam & fratris sui ætatem apud se considerabat. Tandem accersuit Theodosium (qui suâ virtute præclarum iam nomen adeptus erat) fecitque ipsum sui exercitus Tribunum summum. Hic intrepidus ingentem secum eduxit exercitum, ac cum populo atroci planeque Barbaro ad eò confligit, vt victoriâ potitus sit. Hinc item Gothos atque Alanos fortiter aggressus, pugnis sanè acerrimis superauit, redijtque deinde victor Constantinopolim. Et quidem ne continuis bellis Populo Romano videretur molestus, cum Athalarico Gothorum Rege fœdus percussit. Vt autem Athalaricus venit Constantinopolim, naturæ legibus satisfecit. Hic ipsum Theodosius magnificè sepeliuit; atque eâ quidem humanitate Gothos sibi ac Romanis deuinxit. Quapropter Gratianus plurimum lætatus, cum omnium consensu ac fauore Theodosio prope Sirmium purpuram induit, Orientemque commisit: verum sibi cum fratre suo Valentiniano Occidentem retinuit. Atque ita benè beatæque vtriusque imperauerunt, vt collapsum iam Imperium ex parte aliquâ restituerint. Fuit autem Gratianus litteris haud mediocriter institutus, eloquens, consilij prudens, pacis amans, & qui controuersias facillè sciret deponere; cibi potusque ac libidinis victor, iaculatoriæ artis peritissimus, ac religioni maximè addictus. Huius temporibus Britannia ab Romano Præsidente desciuit. Verum Gratianus, hos contra, Magnum Maximum insignem illum Tribunum ingenti cum exercitu misit: quos sibi confestim Maximus vi subiecit; itaque Britannia potitus, etiam Imperium affectabât. Nam illicò in Galliam omni cum exercitu profectus, totam illam regionem planè deuastabat, suæque potestati subijciebat; cum omnibus inferioris Germaniæ Prouincijs ferè ad Francos vsque Occidentales, qui inferius in Gallia Belgicâ habitabant. Aduersus hunc Maximum proficisci maturabat Gratianus in Galliam. Sed Maximus ab insensu Gratiano legionibus confestim excipiebatur: quâ inopinatâ prodicione Gratianus territus, fugæque euadere conatus, ab Maximo Lugduni extinctus est. Extemplo Maximus Victorem in filium, Imperijque heredem, adoptabat; expeditumque in Italiam mittebat, vt & alterum Imperatorem Valentinianum bello aggrediretur, interficeretque.

LXXVIII.

NON QVAM DIV,
SED QVAM BENE.



Cum patruo II II. annis , cum fratre VI. annis in Occidente
regnauit. Cùm XXIX. annis vixisset , interfectus est.

MAGNVS MAXIMVS, qui per vim Imperium fuerat adeptus, ingenti cum exercitu in Italiam transire properauit; eo certè animo, vti Romam obsideret. Valentinianus qui etiamnum adolescens erat, Româ cum matre Iustinâ metu Maximî tyranni aufugit, simul atque de cæde fratris sui Gratiani certior esset factus; maturauitque Constantinopolim ad generum suum Theodosium, qui humaniter ipsum excipiebat. Id autem ita gestum est anno CHRISTI tricentesimo octuagesimo octauo. Confestim sese ad ciuile bellum parabat Theodosius; quod necessitate coactus, partim vt alterius quidem Imperatoris necem vindicaret, partim verò vt alterum regno exactum in illud restitueret, aggrediebatur. Eâ autem tempestate Maximus degebat Aquileiæ, felici rerum successu exultans. Dux Adragatius bellum ipsi securo conficiebat, qui cuncta passim itinera castraque militibus probè munierat. Porro ratus nauali prælio se hostes præuenturum oppressurumque, castra ita munita rursus deseruit. Profecti sunt igitur raptim per Alpeis inuias Theodosius ac Valentinianus, adèò vt nullus eos perceperit; imò vt ne vnus quidem fuerit qui resisteret. Pòst insperatò Aquileiam venèrè, Maximumque hostem infensissimum, qui terrore sui tantum nominis Germanos domuerat, & ad pendenda vectigalia coëgerat, aperto Marte absque dolo oppresère, cepère, atque interfecère. Hac re Valentinianus in Italiam vniuersumque Regnum Romanum restitutus est. Adragatius certior de exercitus sui clade factus, in mare se præcipitem dedit. Hic considera, quemadmodum optimi Principes ciuilia bella necessitate ita urgente finierint. Victoriâ enim potiti, ciuitatem oppresserunt, tyrannumque Maximum ceperunt, atque vti meruerat, interemerunt. Contrà item huc animum aduerte, quemadmodum hostis Adragatius, qui magis profectò erat metuendus quàm ipse Tyrannus, morte suâ conatus illos ingentes sustulerit. Atque hæc quidem omnia sine dolo ac fraude ita confecta fuère. Nemo enim huic vmquam restiterat, nec gladius vaginâ eductus fuerat; & tamen bellum istud adèò horrendum absque sanguine vllò absolutum fuit, idque dumtaxat morte duorum. Inuenio Maximum hunc magnâ seditione à Britanicis ac Romanis militibus inuitum Imperatorem fuisse electum, & qui haud malè Imperium administrasset, nisi periurio ac tyrannide pollutus fuisset. Vir enim fuit in militari expeditione, aduersus Francos, Germanos, Gothos, aliosque Barbaros habitâ, fortis ac strenuus, ex prosapiâ Constantini illius Magni oriundus.

LXXIX.

NVMQVAM PERICVLVM SINE
PERICVLO VINCITVR.



Postquam Occidentale Imperium vix annum
molestasset, occisus est.



VALENTINIANVS secundo rerum successu, victoriâque quam cum genero suo fuerat adeptus, suprà quàm credi possit, sese extulit. Corrumpebat autem ipsum inficiebatque Arianâ hæresi mater Iustina, cuius sese hostes perpetuos atque acerrimos eius pater Valentinianus ac frater Gratianus fuerant professi. Clarissimum Ecclesiæ doctorem Ambrosium maximoperè persecutus est, qui apud fratrem Gratianum vel quantiuis pretij fuerat. Vt enim Ambrosius Mediolanensium Pontifex erat constitutus, tota sese Italia ad Christianam fidem extemplò conuertit. Nec verò Valentinianus fratre superstite Christianos apertè persequi fuit ausus; sed post eius obitum raptim Mediolanum cum matre contendit, saltem vt Episcopum infestaret, damnaretque. Quare iussus vt ab Ecclesiâ discederet, his ita respondit: *Neutiquam id meâ voluntate fecero, ne lupis oues meas permittere aut deserere videar: si libet, me potius occidite; libens enim hoc in loco moriar.* Ab his autem temporibus Romanæ Monarchiæ deuastatio primò originem cepit. Nam Gothi, cum ab Hunnis bello superati profligati- que essent, ipsi inter se discordes ac seditiosi effecti, sese mutuo prælijs laceffere cœperunt: altera quippe pars Fridegernum, altera Athalaricum Regem sibi eligebat. Hic ille est Athalaricus, qui cum Theodosio Constantinopoli pacem fœdusque iniit. Fridegernus cum suis aliò mutatis sedibus profectus est, Athalaricus in Thraciâ mansit: & qui cum eo hîc erant relictî, Ostrogothi appellabantur; qui autem hinc versus Occidentem cum Fridegerno erant profecti, VVisigothi. Hæc Gothorum dissensio Imperio Romano planè exitio fuit. Post obitum enim Fridegerni, VVisigothorum Rex successit Radagaisus; & postquam Athalaricus Constantinopoli diem obiisset, confestim Ostrogothorum Rex effectus est Alaricus. Quemadmodum autem hi Romanam Monarchiam deuastarunt, in sequentibus paulò post audiemus. Valentinianus, qui securè alioqui poterat imperare, ex Italiâ in Galliam profectus Victorem Maximi filium interemit, quem pater ibi copijs præfecerat. Et dum Viennæ negligentius moraretur, ab Eugenio, olim quidem Grammatico, postea vero tribuno, Arbogasti fraude & pecuniâ corrupto, in cubiculo strangulatus est: atque vt voluntariâ morte crederetur obiisse, laqueo collum indiderunt pensilemque fecerunt. Extemplò Eugenius ab Arbogasto Imperator constituebatur, vt qui hinc Occidentale Imperium se adepturum temporis successu sperabat. Hac Tyranni illi occasione ingenteis Gallorum ac Francorum inferiorum copias aduersus Theodosium conscribebant; eo animo, vt & ipsum perimerent, atque ita tandem vniuersum Imperium ad se raperent. Ad istum modum Eugenio Orientale Imperium assignabatur.

LXXX.

NOVOS PARANS AMICOS,
NE OBLIVISCARIS VETERVM.



Imperium Occidentale sumit cum fratre, tenuit VI. annis;
deinde cum Theodosio X. annis: ex insidijs interemptus est.



THEODOSIUS & alterum filium Honorium Cæsarem, ac fratris sui Arcadij
 consortem faciebat: hic enim natu erat maximus, diuque Imperium cum pa-
 tre administrarat. Gestum autem id ita est, anno salutis Christianæ tricentesi-
 mo decimo octauo. Proinde utroque fisco Constantinopoli relicto, instructis
 copijs Theodosius in Italiam contra Eugenium tyrannum profectus est. Complures Da-
 nubij accolæ Theodosio auxilio properabant. Vt ergo tyranni huic multis cum legionibus
 Gallorum ac Francorum obuiam maturabant, factum est, vt inter Alpes ad fluuium Frigi-
 dum sese mutuo aggressi manus conseruerint. Pugna multum diuque anceps fuit. Nam mul-
 tos sibi Gothos Theodosius in primo conflictu adiunxerat, qui à Gallis ac Francis pro-
 fligati cædebantur propè decem millia. Theodosius tamen victoriâ positus, hostilia arma
 pugnantibus etiam pro eo ventis (qui sponte carceris Æolij cedente obice eruperant, ita-
 que in hostium faciem ferebantur, vt neque fundis, neque iaculis, neque ensibus quidquam
 præstare potuerint) profudit atque deleuit. Eugenius captus ante Theodosij oculos pœnas
 luit. Arbogastus verò euasit: ratus tamen post biduum fieri haud posse, vt se insequenti
 Imperatori eximeret, suâ manu vsus oecubuit. Theodosius Mediolanum venit: & post
 multos Reipublicæ exantlatos labores in morbum incidit. Cùm autem iam vitæ finem
 adesse sperabat, magis profectò ei Respublica fuit cordi: sciebat quippe quis rerum statu-
 tus esset post discessum Principis. Quamobrem Honorium filium suum Constantinopoli
 accessit, Imperatoremque Romanum vice Valentiniani designauit. Ceterùm vbi Ho-
 norius Mediolanum venisset, ac pater iam meliusculè valere cœpisset, ludosque de partâ
 victoriâ, quasi iam planè confirmatus, præsens exhibuisset; subitò in morbum recidit,
 adèò vt adesse ludis ipse amplius haud posset: iubebat tamen vt eos filij præsentès spectâ-
 rent. Intereâ filijs suis duos viros herclè potentissimos adiunxit, Rufinum nempe Præsi-
 dem Orientis, ac Stiliconem Occidentis Præsidentem: voluitque, vt eis adolescentes filij cu-
 rare essent cum Imperio. Atque hoc quidem ita constituto, sub vesperem hinc ad Superos
 felix commigrauit. Erat siquidem Princeps hic clarissimus, ac Reipublicæ vtilissimus; cle-
 mens, misericors, omnibus æquè promptus ac communis, solo habitu differre se ceteris
 putans; in omnes homines honorificus, verùm effusus in bonos: quantâ clementiâ in ho-
 mines, tantâ pietate atque humilitate in Deum; quod ex eo obedientiæ exemplo facillè li-
 quet, quod in Ambrosio Antistite expressit. Cùm enim Theodosius ageretur Thessalonice,
 magna subitò coorta est seditio, ita vt plerique ex Magistratu lapidibus obruti occideren-
 tur; inter quos & miles quispiam, quem magnoperè amabat Theodosius; cædebatur. Quâ
 quidem re irâ plurimum accendebatur, nec eam temperabat, donec in tyrannidem esset
 versa. Inuitabat ciues ad ludos Circenses: quò cum venissent, ferro insontes cum noxijs
 perimi iubebat. Fuere itaque cæsa hominum propè septem millia, causâ planè indicâ;
 tantùm furorè quodam animi Imperatoris. Quam profectò cædem vt Ambrosius tristis
 accepisset, Imperatorque Mediolanum reuersus templum ingredi voluisset, huic ille in li-
 mine restitit, atque ait: *Nostine quanta cedes impietatis, tua sit, quam infelix patraisti? qui-
 bus oculis templum Domini, cui patent omnia, intrueberis? quibus pedibus sacrosanctum eius
 pauimentum conculcabis? quomodo audebis manus tuas extendere innoxiorum sanguine et-
 iamnum manantes? Idcirco secedè hinc, vinculumque, quo te rerum omnium Dominus ligauit,
 accipe, &c.* His verbis Theodosius obtemperauit, (sciebat enim facillè, quodnam Sacerdo-
 tis esset officium) ac flens gemenisque discessit, atque mensibus octo mansit excommunica-
 tus. Absolutus tamen postremò fuit hac conditione, vt aduersus iram subitanèam (ex quâ
 nil boni proficiscitur) legem ferret, ne quisquam præcipite iudicio iniuriâ posthac afficeretur.
 Constitutionem igitur promulgabat eiusmodi, ne Principum aut Iudicum sententiæ in
 occisores latæ subitò ad executionem producerentur, verùm suspensæ triginta diebus serua-
 rentur, atque ipsi rei carcere inclusi detinerentur, num quid intereâ possit exoriri, vnde dam-
 natis iniuriâ factam constaret, adeoque tum sententiæ queant reuocari.

LXXXI.

ERIPERE TELVM, NON DARE
IRATO DECET.



Vnà cum Gratiano eiusque fratre Orienti præsuit xvi. annis,
cum filio vno anno: obiit quadragenarius.



ARCADIUS filius Theodosij natu maximus animaduvertebat, Rufinum, quem pater tutorem ipsi dederat, parum fidum in se extitisse, ac rem clanculum cum Gothis habere: quod homini magnam peperit suspicionem. Quare cum Constantinopolim cum Theodosij corpore venisset, ei que obuiam ad portam Arcadius processisset, à militibus (ob suspicionem quam de illo ceperant) Rufinus perniciosus tutor occisus est. Hac tempestate infiniti pænè motus exorti sunt. In Africâ sese Gildo Regem faciebat, ac fratrem Mascezelem, quod Romanis fidus persisteret, Regno exigebat. Stilico Honorij præses ac tutor magna grauiâque bella in Germaniâ aduersus seditiosos Francos & Saxones conficere debebat. Radagaisus immanissimus ille Barbarus iurabat omnium se Romanorum sanguinem effusurum, ac Dijs suis illo sacrificaturum. Hic sanè inter tyrannos veteres & præses, longè omnium fuit crudelissimus, inopinatoque in Italiam secum adduxit plusquam ducenta V Visigothorum millia. Hi cum iam prope urbem Romam adessent, Romani Ethnici concurrebant vociferantes pro foribus immanes esse Barbaros. Percurrebant peruetusta Deorum templa, auxiliumque ab ijs implorabant. Tandem omnis culpa conferebatur in Christianos, dicebantque tam luctuosum Imperij casum ex contemptu Deorum & neglecto pristinæ religionis cultu exortum esse: quapropter & concludebant Deorum sacrificia fore renouanda, alioqui enim victoriam vinquam sperari haud posse; adeò vt hinc maximus Christiani nominis contemptus Romæ sit consecutus. Radagaisus obuia quæque vastabat, incendebat, ac cuncta cædibus atque incendijs absumebat. Romæ se ad resistendum parabant: sed Deus, virtutem suam in hominum multitudine ac robore haudquaquam consistere, voluit exhibere. Radagaisus enim subitò tanto fuit timore atque horrore captus, vt in Peculanos montes cum suo exercitu properè secesserit. Et quantumuis quidem tantam penes se hominum habebat multitudinem, incertus tamen fuit quonam aufugeret, maximâque in aridis istis locis cibi potusque laborauit penuriâ: atque ita in montibus istis magno timore cinctus, ingentes illas copias, quarum paullò antè tota vix Italia capax esse poterat, ita angustos coëgit montes. Spem igitur omnem Radagaisus Rex in fugâ collocans, clam à suis secessit, & in hostium manus lapsus est, qui ipsum captum vincumque catenis Romam duxerunt. Tanta etiam Gothorum multitudo à fugâ retracta fuit, vt gregatim instar pecudum diuenditi fuerint, adeoque ex ijs multi vnico florensi. Mox hinc Alaricus Ostrogothorum Rex cum suis consilium iniens statuit, satius esse vno negotio Regnum perdere, quam populo alienigenæ inuito animo subijci, expeditionemque cum suis parauit, ac profectus est Hungariâ per Alpes tantâ cum hominum multitudine in Italiam, vt Romani fuerint deminuti, vnde nam tot homines confluerint. Cumque nullus ei resisteret, ad portem venit Conclavianam, qui ab Rauennâ distabat milliaribus tribus, vbi etiam V Visigothorum Rex ab exercitu residuo efficiebatur. Confestim Alaricus legatos ad Honorium fratrem Arcadij, qui eâ tempestate Ravennæ agebat, misit, qui agros ad habitandum ab eo peterent. Honorius metu ijs totam Hispaniam & Galliam concessit; quas regiones Gensericus Vandalorum Rex pænè prorsus vastauerat. Huc igitur dum Gothi pergunt, Stilico Honorij præses ac focer insperatò eos ipso Paschatis die oppressit, multosque occidit. In primis quidem Gothi territi mox animos receperunt, Romanosque in fugâ prostratos interemerunt. Et cum iam indignati iter in Hispaniam ac Galliam omitterent, deleturos se planè nomen Romanum quàm sanctissimè iurabant; reuersique per Italiam, toto impetu Romam contendebant.

LXXXII.

MAXIMA PAULLATIM EX MINIMIS,
MINIMA SVBITO EX MAXIMIS.



Cum fratre Orientale gessit Imperium XIII. annis:
annos natus XXX. occubuit.



Roma à
Gothis
uerſa.

HONORIUS ſe continebat Rauenanz, per mittebatq̃e Gothos Romam obſidere, ac totam vaſtare Italiam: reſtituendi enim Imperij ſpes erat nulla. Romæ ingentes paſſim aũdiebantur querelæ & blaſphemiz aduerſus CHRISTVM, qui tum planè contemnebatur. Hinc ſeueriſſimo ſanè iudicio diuino effectum eſt, vt cum ex Italiâ Romam ferè omnes confluxerant, eò dementiz penuriâ coacti fuerint, vt ſuos ſibi liberos coxerint matres, exſtiterintq̃e Romani hoc deteſtabili exemplo ſoli in vniuerſo Orbe Ieroſolymitanis omnino comparandi. Vt autem Alaricus ad inſtructam pugnam ſeſe parabat, conſideratâ interim ciuium rabie, ſanâ profeſſo vſus ratione per edictum ſuis præcepit, vt à cædibus quantum fieri poſſet abſtinerent, præcipueq̃e parceretur conſugientibus ad templa Chriſtianorum. Capta igitur tum Roma, deuſtata atque incenſa fuit, anno ab eâ conditâ M. C. LXIII. poſt natum autem CHRISTVM CCCCLIII. Principatus Arcadij & Honorij anno quarto. Gothi Româ per Campaniam, Lucaniam, Brutiam, ac Calabriam profeſti, in Siciliam contendeabant; ſed Alaricus Conſentia ſubitò deceſſit. Confeſtim Gothi Alarici cognatum Ataulphum Regem ſalutarunt. Hic Romam reuerſus, quidquid etiamnum ſupereſſet, haud aliter ac locuſtæ ſegetes, abſumpſit & deſtruxit. Magnifica illa ædificia, quæ per vim diui non poterant, partim ſecando, partim cadendo in ruinas conſregerunt. Et quidem cum nullus eſſet qui reſiſteret, Placidia Arcadij, & Honorij ſoror mulier ſanè formoſiſſima, Romæ Ataulphum adiit, animumq̃e eius verbis amiciffimis commouit, ne penitus depopularetur fundituſq̃e euerteret, quemadmodum conceperat animo. Placatus itaque Ataulphus Romæ pepercit, ab eâque diſceſſit, acceptâ in vxorem Placidia. Incertus autem quonam proficiſceretur, conſilium cepit redeundi in Galliam. Quâ re ita adiacentes regiones fuerunt territz, vt Vandali iſtinc in Hiſpaniam fugerint. Cum verò & Galliam Ataulphus depopularetur offendeat, eâ minime contentus fuit, quin & in Hiſpaniam profeſtus eſt, hinc in extremos fines proſtigatis Vandalis. Locus vbi primùm ſedera ſigebat, Gothaloniam appellabat: cumq̃e triennio in Hiſpaniâ gubernaffet, à ſuis occiſus eſt, quod Romanum Imperium ſibi minime ſeruaffet, nec Romanum nomen penitus deleuiſſet, urbemq̃e Romam iterum non inſtauraffet, ac Gothiam nominaffet. Sigericus in eius vicem ſurrogabatur, quem, cum pec ipſe Romam redire vellet, etiam interfeceſſerunt. Huic ſuccedeſſebat Vallia, qui Gothorum votis reſpondere conabatur. Verum aduerſus hunc Honorius Conſtantium virum fortiſſimum miſit; cui, ſi ſororem ſuam Placidiam reduxiſſet, eam in vxorem ſe daturum pollicebatur. Tum Conſtantius inſtructis copijs lætus in Hiſpaniam profeſtus eſt, contra quem non minori expeditione Vallia egreſſus eſt. Cum iam alter alteri ſuos viciffim mittebat legatos, tandem in hunc modum conuenerunt, vt Vallia Imperatori ſororem reſtitueret, contraq̃e Romani præſidia illi præſtarent, quibus integram ſibi ac liberam haberet Hiſpaniam, Vandalosq̃e inde pelleret. Hac viâ Conſtantius ſuam adeptus eſt Placidiam, ducebatq̃e exercitum ſuum ſubſidio Gothorum acerrimè aduerſus Vandalos, Francos, Burgundiones, Alanos, ac Sueuos, (hi enim ſeſe Vandalis adiunxerunt, vt Galliam inuaderent, fugerantq̃e à Gothis cum ijs in Hiſpaniam) atque eò pellebant, vt Hiſpaniâ cedere, & in Africam trajicere coacti fuerint. Sub hæc tempora peſſimè agebatur in Germaniâ armis cædibuſq̃e onuſtâ. Accola Rhæni, Vandali, Sueui, Sarmatæ, Poloni, Alani, Gepidi, Heruli, Saxones, & Burgundi, ſibi mutuò multum detrimenti attulerunt, agros homineſq̃e attriuerunt, Galliam funditus deuſtarunt. Immanes illi Hunni Rhæni accolæ miſſerè compreſſerunt, VVormatiam ac Maguntiam euerterunt, atque infinita hominum miſſia occiderunt. Vangiones, Nemetes, Quadi, Hedui, Argentoratini, penè radicitus fuere exſtirpati, Galliz detracti, ac Germaniz adiuncti. Hac tempeſtate Conſtantinopoli vitâ exceſſit Arcadius, ac filio ſuo Theodoſio Imperium Orientale reliquit.

LXXXIII.

CONDVS REQVIRIT PROMVM.



In Occidentem dominatus est simul cum fratre XIII. annis,
cumque eius filio XV. annis: in Vrbe vastatâ mortuus est.

THEODOSIVS Arcadij filius post Patris obitum Imperator Constanti-
nopolitanus effectus est, anno CHRISTI quadringentesimo vndeci-
mo, in illo infelicissimo totius orbis sæculo. Cùm autem eius patruus
Honorius facile animaduertisset, Rempubicam indies magis magisque ad
interitum ruere, nec Barbaros modò, sed & Tyrannos alios conari Imperium hinc
inde discerpere, qui omnes Prouinciarum passim Præsides erant, debebantque iure
optimo Imperium defendere, animum certè omnino abiecit. Se tamen in Romano
Imperio vsque continuit, ne Barbari opinarentur iactarentque eos se deleuisse, qui
vniuersum Orbem sibi subiectum habere enitebantur. Ac tametsi quidem restituenda
Reipublicæ spes ei nulla erat, nolebat tamen quemquam alium Imperatoris no-
mine appellari. Sciebat enim ab ijs se illo tantum nomine distare. Quamobrem ge-
nerum suum Constantium, vice Stiliconis, quem tamquam Romanæ vrbs deuasta-
tionis auctorem occiderat, Prouinciarum sibi Præsidem creabat. Huic verò præcepit,
vti tyrannos omnes è medio tolleret. In primis itaque profectus hic est aduersus Con-
stantinum quemdam, qui sese in Angliâ Imperatorem fecerat, Galliamque inua-
serat. Sed vbi in Galliam venisset, pugnamque aggressus iam fuisset, Constantinum
ad primos impetus Arelate comprescit interemitque. Eius autem filius, quem Cæ-
sarem fecerat, Viennæ occidebatur. Eodem ferè modo Sebastianus ac Iouianus, qui
Imperatores sese nuncupant, subito item occidebantur. Deinde & Heraclianus
Carthagini confossus est. Cùm iam omnes passim tyranni ita essent interfecti, Ho-
norius in morbum incidit, ac Rauennâ æger Romam defatus decessit. Post eius
mortem Theodosius Valentinianum ex Placidia natum Cæsarem fecit, ac paulò
post Augustum appellauit. Hi VVandalis totam Africam, quam vi occupant,
vtrò tradiderunt, vt se quietos securosque imperare permitterent. Hac tempe-
state Rex Hunnorum Attila expeditus omnem Thraciam atque Illyricum deuasta-
bat. Quare Theodosius sanè Legatos suos ad illos mittere cogebatur, qui, vt bel-
lo decederent, sex ijs auri librarum millia numerarent, pollicerenturque in censum li-
bras mille quotannis. Is iam tum Romanæ Monarchiæ status erat publicus, qui haud
collapsus modò penitus erat, verùm etiam Barbaris pendere vestigal cogebatur. Prò
Destum hominumque fidem, quàm subito res mutantur humanæ: quas cùm in sum-
mo loco stare, ac velut in portu (quod aiunt) navigare putamus, tum sanè calamita-
ti sunt proximæ. Quis enim dixerit, Imperium Romanum, cuius olim à tam mul-
tis præclaris Scriptoribus facta est mentio, ita repentè ad istum statum fuisse collap-
sum? Quod Marcus Varro scribit, duodecim vultures, quos vidit Romulus, au-
spicium dedisse, duraturam Romam annos mille & ducentos; quamquam & hic
numerus non admodum ab hac supputatione remotus sit, tamen existimo eorum in-
terpretationem propriè ad Genfericum Vandalorum Regem pertinere, qui sub Va-
lentiniano & Martino Romam exussit ac planè deuastauit. Nam postea toties vrbs
capta fuit, vt omnibus tandem Barbaris patuerit. Ad postremum morbo correptus est
Theodosius, ac Constantinopoli vitâ decessit. Vir sanè erat prudens, qui clementiâ
ac liberalitate multos superabat. Adeò, inquam, clemens erat, vt capite aliquem dam-
natum ne ad portas quidem vsque educi permiserit, sed motus misericordiâ reuoca-
uerit. Et cùm ex Consiliarijs quispiam rogaret, quamobrem de illo supplicium mi-
nimè sumeret, qui ei insidias parasset, respondit: *Vitam Deo faxit, vt omnes mor-
tuos vitam queam restituere!*

LXXXIIII.

PRÆSENTEM FORTVNAM
BONI CONSVLE.



Postquàm cum patruo Honorio XVI. & cum Valentiniano
xxv. annis Imperium administraffer, vitam cum
morte commutavit.

Y



VALENTINIANVS non erat Constantinopoli defuncto iam Theodosio, fed in Occidente eâ tempeſtate agebat, Barbaros paſſim liberalitate ac munificentiâ pacaturus. Vt autem etiam Oriens ſuum haberet deſenſorem, Pulcheria Theodoſij ſoror, priuſquàm mors eius propalaretur, Martianum ſenem ac prudentem (erat quippe pietate & pudicitâ inſignis) accerſiuit, atque in hunc modum allocuta eſt: *Posteaquàm Imperator viſâ functus ſit, atque ego te omnium animo meo commodiſſimum ac gratiſſimum iudicem, hoc mihi quaſo addicas velim, te meam mihi virginitatem illaſam deſenſurum, quam equidem Deo ab ipſâ pueritiâ ſemper obtuli; & eris mihi Imperator.* Quod vbi Martianus iuramento quàm ſanctiſſimè promiſiſſet, Patriarcham Anatolium ipſa ad ſe cum vniuerſo Senatu vocauit, Martianumque Imperatorem creauit. Contigit autem id anno ſalutis Chriſtianæ quadringeſimo quinquageſimo tertio. Mox Africæ Præſes Bonifacius, cum Valentinianus Prouinciâ illam Vandalis tradidiſſet, ſeſe Imperatorem fecit. Aduerſus hunc Valentinianus exercitum miſit, qui ab Bonifacio cædebat, antequam in Africam venire potuit. Vt verò Clodius Occidentaliſſimum Francorum Rex, qui in inferiori Galliâ Belgicâ agebat, hanc Romanorum neceſſitatē accipiebat, totam ferè Galliâ armis occupauit. Proſciſcebatur illæſus cum Francis ſuis ex Siccambriâ aut Geldriâ ad Oceanum vſque Occidentem verſus inter Scaldem & Sequanam, capiebatque Tornacum & Cameracum, &c. Hinc longius iter maturantes, Rhemos, Pariſios, Aureliam, atque vniuerſam denique Galliâ armis ſubegerunt; itidemque ad Rhenum, Coloniam, ac Treuiros, &c. In hac regione ſuos incolas fecit, & antiquo nomine ſublato à ſuis Francis Franciam eam appellauit, quod nomen etiam nunc retinet. Fuere olim Germani, ac Germanicè in Franciâ primùm locuti ſunt: verùm bellis populiſque varietate & multitudine effectum eſt, vt illorum lingua tandem fuerit mixta. Atque ita quidem Geldrenſes Franci cum his Francis in vnum populum coaluerunt. Valentinianus verò cum ijs pacem inire vel inuitus debuit, & Prouinciâ illis permittere. Quâ occasione factum eſt, vt omne Reipublicæ commodum, totumque Occidentale Imperium adeò perierit, vt illud nemo deinceps potuerit inſtaurare. Extingto itaque propè Imperio Occidentali, Attila Hunnorum Rex Dei ſe flagellum publicè aſſerebat, conabaturque Romanum Imperium penitus collapſum ſibi ſubijcere. Imperium autem dumtaxat in Scythas habebat, qui eâ tempeſtate Valente Imperatore ſuis ſedibus erant pulſi; quare horum multitudinē ac virtutē fidebat. Ex Hungariâ igitur militum educebat quinquies centena millia, populum ſanè immanem aſpectuque ipſo horrendum. Vaſtabat in primis Thraciam, Daciam, Macedoniam, Mœſiam, Achaiam, ac totum ferè Illyricum. Deinde verſus Occidentem redibat, atque in Germaniam proſectus, multas inſignes euertebat ciuitates, vt erat Auguſta Vindelicorum, Baſilea, Argentoratum, VVormatia, Moguntia, Colonia, Neomagium, Tongeri, ac complures aliæ. Hinc dein proſectus in Galliâ, regem cepit Burgundionum, ac poſteà obſedit Aureliam. Iam verò adhuc vnus Galliæ ſupererat angulus Francis minimè habitatus, vbi ſe Romanorum Dux continebat Ætius, qui apud Francos & Gothos tantum egit, vt communi manu Hunnis reſiſtere fuerint conati. Metuebat autem Attila Gothos, agebatque callidè cum eorum Rege Theoderico, vt nulla Romanis aut Francis præſidia præberet. Verùm Gothi nullâ ratione amicitiam cum Hunnis fouere volebant, adeoque ſeſe ad bellum pararunt. Vbi hæc ceteræ videbant nationes, Gothiſ, Francis, ac Romanis ſubſidio venere, Ripalioni, Alani, Armoritani, Ambiani, Britones, Latiani, Saxones, Germanici Franci, Sarmatæ, & Burgundi; hi omnes, inquam, educti ſunt in campos Catalaunicos, qui Francorum ſupputatione longitudine ſunt centum & quinquaginta milliarium, latitudine verò centum & quinque. Atque vt ad bellum ſeſe parabant, Attila ſuos conſuluit aruſpices, vt, quis pugnæ huius foret exitus, dicerent. Hi ſuo more nunc hepar, nunc exta alia examinarunt, reſponderuntque, infortunium quidem illa Hunnis portendere, ſed ita tamen vt hoſtium dux ſupremus in bello ſit caſurus.

Gallia
Franciâ
dicta.

Attila
flagellum
Dei.

LXXXV.

OMNIA MEA MECVM PORTO.



Occidentis Imperator vltimus regnavit xxx. annis,
 cum Theodosio xxv. & cum Martiano v.
 gladio transfixus est.



VM Attila Hunnorum Rex aruspices de morte Ætj dixisse ratus est; cuius
 profectio erat auidissimum. Nam hic Populi Romani etiamnum nomine, quod
 ille diutius ferre haudquaquam poterat, bellabat. Cogitabat etiam vel cum
 summo suorum detrimento manus conferere, dummodò Ætium interficere
 posset. Itaque in Galliâ vtrîque infestis signis congressi sunt; hinc à Romanorum parte
 Ætius, Gothi, & Franci, illinc ab alterâ parte Attila. Et testantur quidem historiæ numquam
 in Occidente tantum ab utrâque parte exercitum, tantamque multitudinem collectam
 fuisse, perinde ac ea fuit. Pugnatum est à manè ad vesperam vtrîque acerrimè, tantâ ani-
 morum obstinatione, ut nox dirimere prælium debuerit. In eo autem conflictu ceciderunt
 centena septuaginta fortissimorum hominum millia; tantumque fufum cruoris est, ut riui-
 lus, qui propè erat, humano sanguine auctus, rapidissimi torrentis instar effluerit. Attila opi-
 nione suâ de Ætj morte frustratus fuit. Cecidit autem in eâ pugna Theodericus Gothorum
 Rex. Tum die postero Gothi diuisi Hunnorum copias aggressi sunt; Attilamque occidif-
 sent, nisi iam antè fugisset, ac se cum suis in sua castra recepisset. Illo die se Attila in castris
 suis continuit, & quamquam exire minimè audebat, classicum tamen tubis canere non ces-
 sabat, quasi qui confictum rursus pararet, ut eo pacto victores suos terreret. Thurismun-
 dus Theoderici Regis filius mortem patris deplorans, apud se statuebat cum Gothiis suis
 Attilam insequi ac funditus delere. Tum Attila extrema tentans, vndique sua castra cly-
 peatis & sagittarijs munij: qui tantisper Gothiis resistebant, donec Attila scenum, stramen,
 atque eius generis fomenta alia facili incendio apta colligi iussisset, idque in eum finem, ut si
 Gothi forsan irrumperent, iniecto igne rogum conscenderet, seque incendio absumeret, ne
 viuis in hostium manus incideret. Verùm Ætius veritus ne profligatis Hunnis Gothi in
 Romanos faciliè impetum conuerterent, Thurismundo expedire consuluit, paternum Re-
 gnum defendere, priusquam ceteræ nationes nitantur Hispaniam (quod eius copię iam ef-
 fect ex magnâ parte concisæ) inuadere, Regnumque patris opprimere. Huius consilio Thu-
 rismundus ceu vtili acquieuit, domumque reuersus est. Sed perniciosum hoc fuit consi-
 lium. Et, pro dolor, ignarus Ætius quantâ patriam clade eo consilio affecerit, dum cladem
 auertere detrimentumque omne amoliri studet. Videns enim Attila hostem abiisse, ani-
 mum recepit, reuersusque in Hungariam, reparato exercitu & collectis viribus sæuiori ani-
 mo Italiam inuasit, primoque Aquileiam fortiter obsedit, ac debellauit. Sed cum hinc parum
 proficiebat, quod ita animosè ciues sese defendebant, ac iam velut susurros in suo exercitu
 audiebat, nolle milites in ediam diutius perpeti, velle idè discedere, confectum ingenti vi at-
 que impetu ciuitatem aggressus diripuit, cunctisque casis incendio absumpsit, & in cinerem
 redactam liquit. Hinc deinceps profectus, Concordiam, Atinam, Vincentiam, Brixiam, Per-
 gamum, Ticinum, Mediolanum, aliasque cepit ciuitates. Tum verò cum iam Romæ propè
 adesset, Leo Pontifex (qui adhuc se in murosâ Vrbe continebat) in Pontificalibus ei occur-
 rens supplex petijt, ut retrocederet. Huius viri imagine ac virtute Attila ad eò fuit commo-
 tus, ut in Hungariam redierit. Quod equidem reuersus, solennes nuptias egit; & in primâ no-
 cte largiter porus, ferocius stertendo mero repletum spiritum efflauit. Valentinianus ac Mar-
 tianus quocumque circumspiciebant, cruenta omnia perdita que intuebantur. Vnaquæque
 gens suum legebat Regem. Tum item Franci imperare cœperunt in Gallijs, Hunni in Hun-
 gariâ, Saxones in Angliâ, Gothi in Hispaniâ, ac Vandali in Africâ, &c. Nec mentio quidem
 Romani Imperij fiebat. Cum verò Ætius ad Valentinianum rediret, ab eodem confosus est,
 quod receptû Gothiis persuasisset. Tum etiam Valentinianus ab Maximo Ætj amico occisus
 est. Hic appellabat se Imperatorem Romanum, cœpitque imperare cum Eudoxiâ Valentiniani
 vxore, atque ingentem hominum multitudinem Romam conuehebat, uti Urbem instauraret.
 Postea verò Vandali cum Rege Genserico ex Africâ magno impetu in Italiam profecti sunt.
 Quâ re teritus Maximus cum optimis quibusque potentissimisque fugere conatus, in ipsâ fugâ
 occisus est: atque omnes ferè ex Vrbe fuerunt profligati. Vandali Romam inuasērunt, quæque
 poterant diripuerunt, homines captiuos abduxerunt; & quidquid instaurare cœptum fuit,
 deiecerunt. Hac tempestate etiâ MARTIANVS Constantinopoli in seditione fuit interemptus.

LXXXVI.

QVAMDIV PACATE VIVERE LICET, NON EST
PRINCIPI DECORVM VT ARMA SVMAT.



Vnà cum Valentiniano v. annis, solus II. Orientem rexit:
à tumultuarijs occisus.

LEO Tribunus militum Imperator in locum Martiani eligebatur, ac Constantinopoli ab Anatolio Patriarchâ coronabatur, post natum CHRISTVM anno quadringentesimo sexagesimo, qui filium suum Leonem Imperij consortem fecit. Iam res Italicæ pessimè sese habebant. Vandali, relicta Româ, per Campaniam dispersi cuncta ferro incendioque vastabant; Capuam oppidum nobile, fortemque Nolam euertebant. Neapolim, dum fortiter erat munita, inuadere non potuerunt, sed foris cuncta sunt depopulati. Genfericus autem illorum Rex, ubi multas in Italiâ collegisset opes, prædâ onustus Africam repetijt, secumque Eudoxiam vnâ cum duabus filiabus ac multis alijs captam abduxit. Tum multi se in Italiâ Cæsares appellarunt. Quisquis vel aliquantò ceteris potentior erat, hic Augustum se consalutari permittebat. Ex his vnus nomine Maioranus, haud longè ab Rauennâ agens, breui tempore ad oppidum Dertonom necatus est. Hinc Seuerus Rauennæ Augustum se nominari volebat, sed breuî item Romæ sepultus est. Horum tertius Leo appellatus nonnullos conuocabat, ac Nouitios equites nominabat, à quibus & ipse Imperator electus est. Hic Antonium quemdam Cæsarem creabat, mittebatque Romam in Imperium. Seruandus, qui & ipse Imperator esse voluit, ab Antonio profligatur. Romanus etiam libens, vt ceteri, Imperium affectasset, quamobrem ab Antonio fuit interemptus. Anthemius vt patritius Cæsar ab Leone vero Orientali Imperatore Romam mittebatur, vt tyrannos propelleret. Genfericus verò hocce motus intelligens, rursus tempus esse experiundi fortunam cogitabat, Italiamque iterum ingenti Vandalorum multitudine inuadebat. Verum Anthemius contra profectus, vi ipsum repulit, populumque & naues multas disiecit. Genfericus rursus fugiebat in Africam. Dehinc tyrannus exstitit quidam Richimer. Hic Romam profectus, eam cepit, Anthemiumque ad pontem Elium in frustra secari iussit. Proinde & hic mense tertio suâ tandem tyrannidis penas luit. Interea Patritius quidam opulentus, Asper nomine, Imperium cepit; sed mox ab Olibrio necabatur, qui in Anthemij locum ab Leone erat missus. Verum nec Olibrius diu admodum superstes fuit. Tum Liceries Rauennæ Imperator effectus est. Sed non multò post ab Nepote instructo exercitu Regno pellebatur, qui tum ipse Imperiale nomen ad se rapuit. Iam verò Leo, postquam eius filius obiisset, Leonein nepotem suum ex filiâ Ariagnâ & Zenone natum Imperatorem fecit. Basiliscus Cæsar creabatur, mittebaturque in Africam, vt traiectionem Vandalorum in Italiam impediret. Interea senior Imperator Leo vitâ decessit. Tum Basiliscus Imperator publicè declarabatur. Hic suo cum exercitu Romam profectus, confestim in Basilicam D. Petri fugam cepit: cumque Imperiale diadema altari imposuisset, vnâ cum vxore Zenobiâ vt baptizaretur, festinauit. Sed Constantinopoli Zeno rerum potitus est. Nam Leo ob ætatem iuuenilem huic Zenoni vitrico suo Imperij coronam imponebat. Hac tempestate Christiana fides primò in Galliâ prædicari cepta est. Nec sanè multo post Clodoueus quintus Francorum Rex in Galliâ ab Antistite Remigio baptizatus est occasione insignis cuiusdam victoriæ, quâ potitus fuisset in Germanos, qui Franciam inferiorem seu Galliam Belgicam inuadebant vastabantque. Hic Clodoueus Insignia Gallica, tres nimirum bufones, in tria aurea lilia mutauit. Inscriptionem huius nummi equidem non vidi: facillè tamen illud colligi potest, nomen iunioris Imperatoris in vacuo fuisse scriptum.

LXXXVII. LXXXVIII.

AMICVM POSSIDE, VT INIMICVM
FIERI PVTES.



Imperio præfuerunt XVI. annis ; vterque naturali
morte occubuit.



ZENO Imperator Constantinopoli creatus est, anno post CHRISTI natiuitatem quadringentesimo septuagesimo sexto, homo non minus vultu quam moribus deformis. Basiliscus autem extrema Italiae linquens, Orientem versus cum suis profectus est. Quo quidem cognito, Zeno fugam adornaui, nec voluit ut ciuitas detrimento aliquo nomine suo afficeretur. Hac fugâ gauisus Basiliscus, filium suum Marcum se iuxta Cæsarem fecit. Verùm Constantinopolitani nec ipsum nec filium admittebant, quin Zenonem potius à fugâ retrahebant, subsidiaque illi præstabant, ut patrem ac filium Regno pelleret. Nepos, cuius suprà mentio facta est, Rauennæ se continebat. Sed cum Basiliscus Romam deseruisset, iamque rem in Oriente cum Zenone haberet, Nepos Romam petijt, ratus Occidentale Imperium se restitutum; adeoque in Italia ingressum Tribunum suum misit Orestem, qui Barbarorum siue Orientalium Imperatorum accessum prohiberet. In itinere Orestes filium suum Augustulum Rauennæ Cæsarem creabat. Quod ut Nepos intellexisset, hinc in Dalmatiam, quod Oresti eiusque filio resistendi consilium habebat nullum, aufugit. Tum Imperiale diadema Rauennæ adeptus Augustulus, pacem sibi cum Vandalis in Africa conciliauit, sperans vel hac ratione rerum se deinceps potiturum. Hinc Odoacer Hunnorum Regis Dux ultimis Hungariæ finibus egressus est, ut Romanum nomen penitus deleteret, Italianque ipse habitaret. Iam verò cum per Noricos campos Germaniam peteret, audiretque Seuerinum, virum esse pium ac beatum, qui eâ tempestate istice agebat, ipsum tandem adiit Odoacer, ut benedictionem ab eo susciperet. Cum ex Seuerini cubiculo ad suos se reciperet, ceruicemque incuruaret, ne caput in limen impingeret, (erat quippe vir staturâ admodum procerâ) in hæc verba virum beatum sibi loquentem audiebat: *Iam pete Odoacer Italiam, iam proficiscere vili hirsutâque veste indutus, mox ditior apud plurimos astimaberis.* Hoc autem vaticinium res ipsa secuta est. Imperauit enim in Italiâ annis quatuordecim continuis. Mox ut in Italiam venit, hunc contra Orestes profectus est ad Liguriæ fines. Verùm ubi animaduertit fieri haudquaquam posse, ut tantæ multitudini resisteret, exemplò sese Ticinum (quod oppidum hodie Papiâ dicta est) recepit. Hic, vrbe captâ, cum multis alijs ab Odoacro interfectus est. Postea autem Hunni totam Italiam cædibus incendijsque deuastabant. Quod quidem ut Augustulus intellexit, metu percussus, abiectâ purpurâ, Imperator dici amplius recusauit. Atque ita sanè Româ est fugâ elapsus, ceterique Italiae incolæ aufugerunt, ac patriam hostibus Barbaris permiserunt. Hinc profecti in insulam sunt, ubi Venetiâ postea condere cœperunt. Odoacer verò ut fortunam sibi arridere animaduertit, confestim dignitatem affectauit regiam; Romamque profectus, annis imperauit quatuordecim, nec fuit qui huic vel contradiceret. Tum Zeno Gothorum Regem Theodericum Constantinopolim ad se accersuit, promissitque eidem vniuersam Italiam. Quem venientem honorificè ut filium excepit, voluitque ei ut Consulum fasces (qui honos tum erat maximus) præferrentur. Etiam statum illi ante palatium vnâ cum equo collocauit. Postea verò cum incredibili Gothorum multitudine Italiam ingressus est, quem contra Odoacer cum ingentem exercitum eduxisset, facta vtriusque pugna est haud sanè incruenta. Pugnat Theodericus fortissimè, & cum hostes prælio fugasset, priorem cepit expeditionem, ac Veronam fursus properanti obuiam iterum Odoacer profectus est. Hic secundo Theodericus Odoacri exercitum fugauit. Post ingentes cruentasque cædes Theodericus Veronam inuasit, ac fugientes Gothos insequens, Odoacrum Rauennæ triennio obsedit: vrbe tandem captâ Odoacer crudeliter ab ipso excarnificatus est, totamque Italiam inuasit, ac Veronam de suo nomine Theodericam Veronam appellauit. Atque hinc quidem commixtis Hunnorum ac Gothorum linguis, Latina lingua planè interijt. Zeno Imperator Constantinopoli vitam finijt: cuius frater Longinus Imperium quidem affectauit, sed ei prælatus est Anastasius.

LXXXIX.

INGENTI NODO CVNEVS
IVNGETVR ACVTVS.



Cùm Orientalibus XVI. annis imperasset, Gothisque
Occidentales voluntariè tradidisset, obiit.

Z



ANASTASIVS Ariagnæ prædicti Zenonis vxoris operâ ad Constantinopolitanum Imperium euectus est, anno **CHRISTI** quadringentesimo nonagesimo tertio: quare & Ariagnam sibi matrimonio iunxit. Hic Clodoueo potentissimo Francorum Regi munus aureum oppidò quàm pretiosum dono misit, quòd ciuitates quasdam Arianâ hæresi infectas ad pristinam sanioresque religionem reuocasset. Verùm eâdem illâ hæresi & ipse tandem inquinatus est per Achaium Patriarcham Constantinopolitanum. Inter eâ verò, dum Theodericus potenter ac pacificè in Italiâ imperabat, ac multa Romæ magnificaque ædificia in regio palatio exstruebat, fœdus cum Rege Clodoueo percussit, cuius item filiam Adelphedam vxorem duxit. Tum Vandali animum ad Imperium Constantinopolitanum adijcere cœperunt, nauibusque crebrè ex Africâ in Thraciam cum maximo regionis detrimento profecti sunt, ita vt Anastasius necessitate coactus damnosam sibi pacem cum ijs inire debuerit. Pòst item multa prælia aduersus Sabinianum & Mondonium in Sclauoniâ gessit, ac deinde contra Pompeium prope Adrianopolim. Sic etiam aduersus Aristum ac Parthos in Syriâ, & postea contra Vitellianum ad Aquilonem, qui omnes Orientale Imperium affectabant. Quamplurimum negotij etiam cum Bulgaris habuit, qui item eius Imperium opprimere conabantur, diripiebantque Macedoniam, Thessaliâ, atque Epirum. Victoriâ tamen non sine sanguine potitus est. Hanc circa tempestatem Romæ ingens religionis schisma fuit; idque Symmachi ac Laurentij nomine, qui ambo diuersis suffragijs Pontifices Maximi erant creati. Cuius equidem rei occasione multæ cædes Romæ commissæ sunt tam inter Sacerdotes quàm laicos, donec Theodericus Rex Romam reuersus Concilium (quamquam hæreseos erat Arianæ) habuit, in quo Symmachus in Romanum Antistitem fuit confirmatus, ac Laurentius Nuceriæ Pontifex institutus, qui non cessauit vel quotidianos excitare tumultus. Ob quam sanè causam à Symmacho Pontificatu motus, in Dalmatiam relegatus est. Cùm verò iam Anastasius in Arianâ hæresi perseuerabat, Papa Hormisdas (qui post Symmachum electus erat) Eudodum Papiensem Episcopum cum aliquot Christianis alijs ad ipsum misit, vt illorum monitis ad fidem rediret Catholicam. Ceterùm non solum monita dogmataque eorum derisit, sed magnâ etiam contumeliâ ex conspectu suo illos secedere iussit. Deinde in fractâ naui eos collocauit, præcepitque non antea in terram exirent, quàm è suo Regno in Italiam fuissent reuersi. Item Pontifici nuntiarent, Imperatoris munus esse imperare & iubere, non aliorum iussis obedire. Haud multò pòst fulmine ictus interiijt.

X C.

HABET SVVM VENENVVM
BLANDA ORATIO.



Orientem possedit xxvii. annis; fulmine ictus perijt.

Z 2

IUSTINVS, post natum CHRISTVM anno quingentesimo decimo nono, à militibus Constantinopoli Imperator electus est, cum mortuo Anastasio ad Senatum properaret. Erat autem hic adeò ignobilis, vt suum custos ac deinde boum fuerit. Tandem ad militiam se contulit: in quâ tam promptè tamque fortiter versatus est, vt ad extremum Princeps Ordinis effectus sit. Hac verò vsus calliditate Imperium adeptus est: Amantius vir sanè ditissimus ad eum venit, magnam vim pecuniarum secum ferens, orauitque, vt eam in toto exercitu ductoribus & militibus præcipuis partiretur, ac promisit insuper ei multa, si se Imperatorem milites legissent. Iustinus accepit pecuniam non ad votum Amantij, sed suum, atque ipse pro se suffragia caute emit, vt ipsum Imperatorem legerint. Amantius omnem mouebat lapidem id ipsum callidè yleiscendi, parabatque Principi insidias. Quod vt Iustinus accepisset, ipsum cum socijs suis interfici iussit. Iustinus hic Christianæ religionis erat obseruantissimus, omnemque cum primis operam dabat, vt Arianorum nomen radicitus extirparet, ac Constantinopoli pelleret. Quod Theodericus Gothorum Rex summooperè contemnens, hac de causâ Boëtium & Symmachum, cum ijs omnibus qui aduersus Arium stabant, in exsilium Româ exegit. Deinde Ioannem Pontificem Maximum eâ tempestate ad Iustinum misit, qui nuntiaret vt Arianis sua templa restitueret; sin noller, gladio se omnes in Italiâ Christianos interempturum, idque adeò vt vel infans in matris utero eius nomine plectendus sit. Interea dum legatus etiamnum in itinere esset, Boëtium ac Symmachum ferro truncari iussit. Cumque Pontifex rediisset, in carcere ipsum fame consumpsit, non obstante tamen, quod Iustinus eius votis satisfecisset. Verebatur enim, ne Romam, Imperiumque vniuersum, aut dolo aut vi ad se raperent, cum optimè inter sese conuenirent. Sub id temporis cum Alaricus, qui in Hispaniâ Gothis præerat, à Francis in bello fuisset interemptus, Theodericus in Vasconiâ per Hibbam vno tempore supra triginta Francorum millia fudit, ac Thiodem Equitem post Alarici obitum tutorem & præsidem Almarici nepotis sui constituit. Haud multo tempore post naturali morte occubuit anno Principatus sui trigésimo octauo. Post ipsius autem, Gothorum Imperium in Italiâ Athalaricus eius ex filiâ nepos obtinuit. Iustinus vbi Theoderici sæuitiam in Pontificem aliosque accepisset, dolore ac senio consumptus Iustiniano sororis suæ filio Imperium tradidit. Erat autem hic vir acutus, peritus, consilijs promptus, verus, atque in iudijs oppidò quàm iustus. Hac sanè tempestate Imperij gloria aliquantulum fuit ampliata: habebat siquidem Principes duos longè prudentissimos fortissimosque, Belisarium & Narsetem, qui multa ac præclara facinora commiserunt. Primum enim Persas aggressus Belisarius deuicit, atque Imperatoris permissu Constantinopolim triumphans reuersus est. Post mittebatur in Affricam nonaginta & sex annis à Vandalis occupatam, vt eam recuperaret. Ingentem hinc hominum multitudinem fudit, Regem eorum captum Constantinopolim misit; deinde & Carthaginem atque vniuersam Prouinciâ Imperio restituit. Interea Iustinus senior Imperator obiit, postquam Iustinianus cum eo Imperium administrasset mensibus quatuor.

XCI.

CVIVS PVDET, PIGEAT.



Augustus per VIII. annos & IIII. menses fuit; deinde
decrepitus naturæ concessit.

Z 3



IUSTINIANVS cognomento Magnus, ob ingenij animique magnitudinem sic dictus, vir erat sanè acutus, fortunatus, & omnibus rebus pænè mirabilis. Imperium autem adeptus est anno post CHRISTVM natum quingentesimo vicesimo septimo. Postquam iam virtute & operâ Belisarij vniuersam Africam & Asiam recuperasset, etiam de reparandâ Italiâ cogitabat, sperabatque per eundem è manibus Gothorum eam vindicaturum. Huc item occasio accedebat, quâ Francos ad subsidium hortabatur, eiusmodi: Athalaricus Theoderici ex filiâ nepos, vbi iam diu in Italiâ Gothis præfuisset, repente occubuit. Huius mater Amalasuntha ex regiâ Francorum stirpe oriunda tradidit Imperium cognato suo Theodato. Sed immemor hic accepti beneficij, per dolum eam in balneo interfici iussit. Hinc Iustinianus Francos ad præsidia præstanda facile pellexit, admonuitque eos suæ cladis, quam à Gothis etiam accepisset. His moti Franci, præsidia Cæsari addixerunt, ac Belisarium Iustinianus misit in Italiam contra Gothos. Iam verò Theodatus Gothorum Rex in suspicionem incidit, quod Belisario non restitit, quasi proditurus esset Gothos. Quâ quidem de causâ illi Vitigem exemplò in Regem suffecerunt; cuius iussu necatus est Theodatus. Hic copias eduxit aduersus Belisarium instructissimas hominum supra ducenta millia, paruitque Pontifici Romano Liberio, ac profectus est Rauennam; sed hinc cruentâ pugnâ repulsus est. Belisarius intra moenia Romanæ vrbs se continebat, quam ad integri ferè anni spatium Vitiges obsidebat; & ingens fames non erat Romæ tantum, sed in totâ etiam Italiâ. Fugientes autem Gothos ob magnitudinem famis, palantesque passim sine ordine infectus est Belisarius, prostrauitque, & circumuentum per insidias cepit Vitigem. Ceterum Gothi interim deleri prorsus non potuerunt; sed constitutâ cum illis pace, per Iustinianum permissum est, vt regiones ab Alpibus ad Padum vsque inhabitarent, & vltra eas non progredenterent. Reuocabatur igitur Iustinianus post deuictam Neapolim & Siciliam Belisarium. Nam timebat ne Cæsar constitutus, Italiæ Imperium sibi vsurparet; quamquam interim fidus in agendis rebus Belisarius nihil tale moliretur. Itaque reuersus Constantinopolim, Vitigem Gothorum Regem captum & alios ex potentiori nobilitate secum in solemnî triumpho ducebat. Interea, post discessum Belisarij, Rex creatus est à Gothis Totilas; atque arma rursus ceperunt, vt Totilas magnâ cum laude apud Placentiam octoginta Gothorum millibus fuderit hostium ferè ducenta millia. Hinc Romam profectus, post longam obsidionem cepit eam atque diripuit, & in primâ oppressione multi homines sunt trucidati. Ceterum ob intercessorias preces Pelagij Papæ præcepit Totilas parcendum deinde humano sanguini, neque etiam stuprum inferendum vlli feminæ. Sed & Vrbe excedere iussit ciues omnes, alioque in loco habitare; ac statim muris & turribus, præter Pantheon, solo adæquatis, Vrbem incendi ac concremari mandauit. Totilas hinc Calabriam petijt; ac captis multis oppidis Rauennam proficisci decreuerat. Interea verò Belisarius venit in Vrbem iam vndique patentem, curauitque moenia reparari ac resitui, circumductâ etiam fossâ modo militari dierum spatium viginti sex. Tum reuersus Totilas Romam rursus obsedit: sed Gothos Belisarius in fugam egit. Non multo autem post Belisarius iterum Constantinopolim fuit reuocatus: fecitque vt prudentissimus rei militaris, ac de Imperio Italiæ retinendo planè diffidebat. Iustinianus Duci huic fidelissimo fortissimoque, vt Constantinopolim redijisset, ex leui admodum suspitione citra culpam oculos iussit erui; & profligauit eum, vt mendicando cibum quærere cogeretur: tandemque vt calamitosissimus mendicus obiit. Tum Romam Totilas reuersus, castra in Vrbe locauit. Sed Iustinianus aduersus Totilam misit in Italiam singulari prudentiâ Principem Narsetem. Haud multo tempore post Iustinianus vitâ decessit, Imperiumque Iustino reliquit.

Roma deuastata
 est, &
 exusta à
 Gothorum rege
 Totila, anno
 ab Vrbe condita
 M. CC.
 XCIX.

XCII.

A BONIS BONA BENE.



Vbi xxxviii. annis gloriosè imperasset, legesque ac iura
constabiliuisset, vitâ defunctus est ætatis suæ anno LXXII.



IUSTINVS, qui etiam à teneris annis armentarius suis operam dedisset, Orientale Imperium suscepit anno **C H R I S T I** quingentesimo sexagesimo quinto. Hic Iustiniano planè erat dissimilis, improbus, tenax, prædator, veterum Consiliarios expulsores, tandem etiam (vt summam dicam) Dei pariter hominumque inimicus. Pauperes medullitus exfugebat, Senatus amicos bonis spoliabat, cistas ferreas sibi confici curabat, in quas aurum illud argentumque conueheret, quod à miserâ plebeculâ per fas & nefas vndique corradebat. Denique tantâ captus fuit habendi cupiditate, vt mentis impos in furorem inciderit. Quare eius vxor Sophia Imperij gubernacula administrare debuit. Hac tempestate Narses Vrbis Præfectus (quem Exarchum nominabant) Totilam Gothorum Regem bello deuicit; Gothosque ita omnes Italiâ non sine ingenti cruore expulit. Quo factò Romam hic recuperauit, ipsamque ad pristinam formam ædificijs cœpit instaurare. Atque is quidem exitus fuit regni Gothici apud Italos: profectique hinc sunt in Hispaniam, ad Gothos alios, vbi potentiores effecti, ad hæc nostra vsque tempora perdurarunt. Narses etiam Buccellinum Francorum Ducem (qui ab Rege Galliarum erat subornatus vt Italiam inuaderet) interemit, ac Sindoaldum Brendorum Regem (qui ex Hunnorum stirpe, quos Odoacer in Italiam duxerat, solus adhuc supererat) cepit, captumque ex altâ trabe suspendit. Postquàm triennio iam Romæ Narses imperasset, Sophia Iustini vxor eò adulatorem ac seditiosorum ciuium instigantibus persuasa fuit, vt Narsetem contumeliosè domum reuocaret, idque hoc pacto: Scripsit vt ad pensâ muliebri opus rediret. Tum Narses respondebat aptaturum se illi pensum eiusmodi, quod dum viueret, absolueri haud posset. Hinc indignatus legatos misit ad Gothos (qui in Saxoniâ, Austriâ, ac Sueuiâ annis habitabant centum, & quorum auxilio delendis Gothis ac Totilæ antè vsus fuerat) eosque in Italiam accersit. Hi cum vxoribus & liberis expediti cum in Alpes conscendissent, atque Italiam procul conspexissent, vxorum capillos à capite ad genua religarunt, galeisque impositis arma ijs in manus suppeditarunt, atque vt hostibus terrorem incuterent, copias suas istiusmodi fraude auxerunt. Vt ergo in Italiam sese dimisissent (tantâ autem se multitudinè præcipiunt, vt ad apium exanthen essent comparandi) vulgò ab Italis mixtâ linguâ Longobardi sunt appellati ob comæ prolixitatem, quæ instar barbæ mulieribus ad genua dependebat. Atque ita quidem per Sirmium ac Venetorum Prouincias profecti, primò Insubriam vi inuadebant, atque omnes deinde ciuitates Galliarum Cisalpinæ ab Bononiâ ad Papiam vsque. Rex verò horum Alboinus sedem suam figebat Mediolani, ipsaque Regio ab his appellabatur Longobardia. Post triennium Alboinus regiam sellam transferrebat Veronam, occupabatque totam Hetruriam ac Tusciam vsque ad portas vrbis Romæ. Longinus quispiam, qui ad resistendum Narseti & Longobardis missus erat, agebat Rauennæ, seque Exarchum faciebat. Hæc enim dignitas his temporibus recens originem cepit, cum Roma, Imperiumque Occidentale nullum habebat Cæsarem. Proinde tum omnem Roma perdebat magnificentiam; plurimumque annis centum sexaginta, dum Exarchatus hic vigeat, varijs tyrannicis Exarchis concussa vexabatur: idque adeò, vt ciues sæpius Urbem linquere, ac feris inhabitandam deserere fuerint coacti. Exarchus hic aulam suam alebat Rauennæ, nec vquam proficiscebatur Romam, quam vt ceteras ciuitates censebat. Quo factum est, vt amplitudo Romana, vsque ad Carolum Magnum, Ducatus tantum, atque is quidem fuit Exarcho Rauennæ, sit appellatus. Interea Iustinus podagrâ grauiter laborare cœpit: quamobrem Senatum & Patriarcham ad se conuocauit; ac Tiberium, qui præfectus erat vigillum, in Cæsarem adoptauit, vsusque est oratione huiusmodi: *En, fili, Deus tecum egit optimè: Imperium hoc tibi tradidit, quod, vt te Deus honestet, tibi sit honori: nec in delicijs habeas sanguinem fundere, nève malum malo rependas. Nequitia in hostes mei similis ne esto. Vestes hæc caue te superbum reddant, vt mihi accidit. Memineris semper qui fueris antea. Hi omnes tui sunt filij ac famuli: hos cum inspexeris, eos te inspexisse credito, quibus Respublica cura est.* Atque ita quidem obiit.

Longobardi vnde sic appellati.

Exarchatus dignitas.

XCIII.

NON BEATVS,
QVI SE BEATVM NESCIIT.



Ab XI. annis sui Imperij pedum intolerabili
cruciatu perijt.

A a



TIBERIVS anno CHRISTI quingentesimo septuagesimo sexto Orientale Imperium adeptus, Imperatorium diadema ab Euticio Patriarchâ suscepit. Accersuit item coniugem suam Anastasiam, fecitque & ipsam coronari. Quod ut Sophia Iustini vxor acceperisset, animo fuit oppidè commota. Ignorabat enim Tiberium vxorem habuisse; quin huic se nupturam sperabat, ideoque Imperatricem permanfuram. Sunt autem, qui Iustino etiamnum viuente ipsam cum Tiberio rem habuisse referunt, eoque Iustinum verbis impulsisse, ut Tiberium adoptaret. Iam verò cum hic ut Princeps verè Christianus, immensas opes à Iustino malè partas, ac ferreis arculis inclusas, pauperibus erogaret, crebrò ipsum Sophia obiurgauit, inquires: *Quem multis ego annis thesaurum collegi, breui tu tempore exponis.* Cui sic ille respondit: *Equidem Deo istud planè confido, numquam fscum regium pecunie inopiâ laboraturum. Nam pauperes subleuare elemosynis, magni instar thesauri est: captosq; è vinculis asserere, ingens est misericordia.* Sophia autem aliunde rimabatur, quò Tiberium inuestaret. Iustini enim nepos etiamnum erat in viuis, quem ad Imperium promoturam se cogitabat. Verùm res parum successit, atque ipsa Imperiali aulâ exacta est; sed Iustinianus apud Tiberium semper in pretio fuit. Quadam verò die cum fortè Tiberius in aulâ obambulet, lapidem in pavimento conspexit, cui Crucis signum erat insculptum: quare ita astantibus inquebat: *Fas est frontem pectusq; Cruce consignare, atque en pedibus eam conculcamus.* Iussit itaque lapidem sustolli, sub quo & alius erat eadem Cruce insignitus; quo item sublato & tertius inuentus est. Hunc simili modo etiam sustulerunt, mirati quidnam res ea portenderet. Tum eo in loco ingens auri thesaurus reperiunt: quo sumpto, Tiberius multa sextariorum frumenti millia in Ægypto emit, ac nauibus in Italiam transmisit. Eo siquidem tempore Longobardi cuncta Italiæ loca passim depopulabantur, maximaque erat Romæ penuria; quare solita suâ motus misericordiâ ijs opem tulit. Sed nullâ contra Longobardos felicitate vsus est. Rex Clophus post mortem Alboini Romam ardè obsidebat, cepissetque, ni à quodam è proximis suis confossus fuisset. Porro dum Clophus magnâ tum in amicos tum in hostes crudelitate utebatur, Regem amplius habere Longobardi noluerunt; sed Italiâ inter se diuisâ, triginta creantur Principes, qui omnia passim oppida vnius anni spatio subigebant, exceptâ Româ ac Rauennâ. Huius Tiberij Imperatoris virtus tam longè lateque innotuit, ut eius amicitiam multî Reges ambierint. Herpericus Francorum Rex legatos suos ad ipsum mittebat, multis insignibusque donis onustos, aureisq; nummis eiusmodi, quorum solidus faciebat libram: in altero latere effigies erat Imperatoris cum inscriptione huiusmodi: **TIBERII CONSTANTINI PERPETVI AVGVSTI.** in altero verò curus Triumphalis cum equis quatuor, illiusque effigie qui currum agit, cum inscriptione huiusmodi: **GLORIA ROMANORVM.** Verùm in tertio Principatus sui anno induciâ inter Persas ac Constantinopolitanos expirauit. Quamobrem Indi legatos suos ad Cæsarem miserunt, atque hic vicissim suos ad Aretam Indorum regem. Hi cum ingenti cum exercitu ad ipsum maturarent, Mauritium iuuenem fortissimum multis copijs hos contra misit. Hic Persas vnico conflictu fudit, victoriâque potitus domum reuersus est, honorificeque à Tiberio exceptus. Constantiâ filiâ in matrimonium datâ, consortem illum Imperij fecit. Interea Romæ Narses vitâ functus est, qui cisternam auro onustam heredibus reliquerat; quæ Tiberio à sene quodam demonstrata fuit. Tum Tiberius quosdam mittebat Romam, atque effractâ cisternâ tantum auri argentique in eâ inuentum est, ut multos dies in hauriendo insumpserint. Quod quidem omne pauperibus partiebatur. Erat enim vir planè pius; & quò maiora erogabat, eò certè plura possidebat: opes illi vndique adfluebant. Alium præ se contemnebat neminem, omnes amicè suscipiebat; quare æquè omnibus gratus acceptusque fuit. Cum iam senio confectus viribusque esset destitutus, nec diu se superuicturum sentiret, Imperij gubernacula genero suo Mauritio tradidit cum istiusmodi præcepto: *Da operam, illud ames, quod æquum ac rationi est consentaneum.* Quod ubi dixisset, repente occubuit, non sine lacrymis & luctu vniuersi populi, ob incredibilem eius pietatem ac clementiam.

XCIIII.

VIRTVTEM PRÆ OMNIBVS
COLITO.



Regno per VII. annos piè administrato, fato concessit.

Aa 2

MAVRITIUS Cappadox, humili loco genitus, Orientalis Imperij gubernacula suscepit anno natiuitatis CHRISTI quingentesimo octuagesimo tertio. Cum iam post mortem Clovis decem annos Longobardi absque Rege subiecti Ducibus fuissent, tandem Atharim Flauium Regem sibi creauerunt: cuius sanè successores Flauios deinceps ab hoc Rege nominarunt. Iam pellere Italià Longobardos conabatur Mauritius: atque, vt commodius fieret, hac de re egit cum Sigisberto Rege Franciæ. Hic ingenti conscripto exercitu Italiam instructissimus petijt; sed hinc ipsum Longobardi repulerunt. Hac victorià audaces effecti, elatiq̃ue animum recipiebant: proficiscebanturq̃ue ad mare vsque Siciliæ cuncta passim depopulantes, Româ dumtaxat exceptâ, quam post longam diutinamq̃ue obsidionem vincere haud poterant. Mauritius creabat Exarchum nomine Romanum, ad quem pecuniæ militumq̃ue vim mittebat ingentem, vt Longobardos Italiâ exigeret. Verum hic clam ab Longobardis stabat, nec erat suo Principi fidus, quare in se Exarchatum reddebat scelestum. Diuersi eâ tempestate in Italiâ exoriebantur motus. Hunni ac Sclauī eam itidem inuasērunt: sic & Longobardi magnam exercebant crudelitatem. Præterea quatuor erant Rauennæ Exarchi, Gallinicus, Balduinus, Smaragdus, & Romanus. Hi sub specie auxilij ac defensionis spoliabant tam amicos quàm hostes. Nec verò aliud in totâ erat Italiâ quàm rapere, furari, spoliare, cuncta incendijs ac cædibus absumere; idq̃ue absque aliquo titulo iuris. Huiusce temporis calamitatem maximoperè questus est Imperatori Papa Gregorius. Mirabatur Ecclesiam in tanto constitutam esse periculo, nec securum quēquam ab incursum idololatrarum Barbarorum reperiri; seq̃ue plus detrimenti, cædum, rapinarum ab ipsis Exarchis amicis pati debere, quàm ab hostibus Longobardis. Ceterum Gregorio solamen nullum. Ad hæc Mauritius vir erat supra modum tenax, qui magis cumulandis thesauris, quàm Imperij commodo operam dabat. Hic primùm militibus sua retinebat stipendia, cœpitq̃ue vnumquemque tondere ac deglubere: quin in Italiâ nihil non ad se rapiebat. Quidquid alicunde corradere potuit, id omne Rauennam conuehi præcipiebat. Gregorius militibus rebellibus Romæ comeatum præbere debebat, vt tumultum auerteret. Litteras hic ad Smaragdum dabat, in quibus Imperatorem grauiter accusabat. Hinc Imperator atque Exarchus Gregorio ciuibsq̃ue Romanis hostes effecti, Longobardos ad Romanæ vrbs oppressionem hortati sunt. Tum Agilulphus Longobardorum Rex exercitu parato instructoque ita subito Romam opprimebat, vt minimum abesset quin Pontifex atque optimi quique cæderentur. Hinc Roma annum perpetuum obsidebatur. Iam verò cum Mauritius secum cogitaret perpenderetq̃ue, quemadmodum Deus vnicique iuxta merita mercedem tribuat, atque illo cogitatu altius dormiret, per nocturnam quietem visionem conspexit ad portam palatij æneam, vocemq̃ue audiuit horrendam, quæ ita aiebat: *Vbinam vis tibi rependam quidquid in me mali admisti, hicne, an illic?* Respondit autem: *Mallem equidem, Iudex equissime, hic peccati panas, si fieri posset, luere, quàm illic.* Vox rursum ita loquebatur: *Trade Mauritiū cum suâ prosapia militi Foca.* Mauritius itaque somno experrectus, Philippicum generum suum (quem Imperium affectare ipse diu suspicatus erat) accersiri iubet. Sed hic vbi suspicionis causâ mortem certò timeret, coniugi suæ Gordiæ Imperatoris filiæ tamquam minimè rediturus valedixit; itaque ad Imperatorem adiit, & ad genua eius in cubiculo supplex procubuit. Imperator autem sic loqui exorsus est: *Ignoscas mihi, obsecro te, tibi enim peccauī, ac modò certus sum te nihil in me molitum fuisse.* Proinde nōstine aliquem in exercitu Focam? hunc mihi indices velim. Tum respondebat Philippicus, ipsum Procuratorem ab exercitu, & qui comearui præfesset, electum fuisse, hominem esse ineticulosum & minimè metuendum. Tum subijciebat Mauritius: *Si est timidus, est homicida.* ac somnium Philippico enarrabat. Postera nocte cometa visus est aspectu horrendus. Hinc in exercitu seditio confectum subsecuta est, in quâ milites Focam legerunt Exarchum, clypeūq̃ue impositum subleuarunt, vociferantes in hunc modum: Horribile Imperatori non parère, horribilius eidem parère. Cum iam omnia Constantinopoli perturbari cœperunt, ac Theodosius Mauritiū filium cum aliquot cognatis è castris ad Mauritium confugiebat, mutatâ hic veste cum vxore ac liberis per mare aufugit. Focas ipsum cum exercitu insequabatur, capiebatq̃ue Calcedoniæ, atque omnes capite obruncabat. Mauritius miseræ huius patiens, Deum vsq̃ue inuocabat, sæpiusq̃ue ante mortem hanc recitabat sententiam: *Iustus es Domine, & rectum iudicium tuum.*

XCV.

IVSTVS ES DOMINE, ET RECTVM
IVDICIVM TVVM.



Anno XXI. sui Imperij cum omni familiâ
capite truncatus est.

Aa 3

FOCAS ab scelerato exercitu, anno post CHRISTVM natum sexcentesimo quarto, Imperator lectus publicatusque est. Simul-
 atque Roma Longobardorum obsidione esset liberata, scribebat
 Gregorius ad Focam honorificas sanè litteras, cuncta illi felicia
 faustaue optans; ad quem etiam Diaconum mittebat, orabatque uti eum in
 omnibus sequi vellet. Omnis quippe spes, omne auxilium in Focâ erat, quòd hic
 Italiam è seruitute Longobardorum vindicaret. Præbebat enim Focas spem de
 se Populo Romano magnam, adeò ut & eius effigies ad aliorum Cæsarium ima-
 gines in templo fuerit appensa. Eo autem tempore aucta contentio de Primatu,
 quam Mauritius cum Patriarchâ suo Ioanne aduersus Gregorium inchoarat.
 Quare Bonifacius tertius, post multam sollicitationem, non sine magnâ conten-
 tione ac multorum contradictione, à Focâ Cæsare tandem obtinuit, ut sanciretur
 Romanus Pontifex Occumenicus, & summus Episcopus totius Ecclesiæ Chri-
 stianæ. Concedebat item Focas Templum istud peruetustum, quod PANΘEON,
 hoc est, omnium Deorum, appellabatur, ut ex eo conficeretur aliud in honorem
 Deiparæ MARIAE Virginis atque omnium Martyrum, sublatâ omni idolorum
 facie; ut, quo in loco Deorum, hoc est, Dæmonum cultus olim celebrabatur,
 modò omnium Sanctorum ageretur memoria. Ab hoc templo Barbari metu
 Deorum semper abstinerunt, sed suis ornamentis crebrò illud spoliauerunt. In eo
 enim fuerant imagines mille & triginta; itaque ad supremam usque concavita-
 tem auro argentoque parietes vndique exornati, ut nihil suprâ. Et quia rotun-
 dum est, appellatur hodie D. Mariæ Rotundæ. Inter cetera templa, quæ vn-
 quam Romæ fuerunt, hoc certè longè est pulcherrimum atque operosissimum;
 quemadmodum hi facillè iudicare norunt, qui istarum rerum maximè sunt peri-
 ti. Et quamquam modò gradibus quibusdam in illud descendatur, olim tamen
 ante Urbis vastationem ascendendi in illud gradibus oportebat. Adeò enim ipsa
 terra ex crebrâ ædificiorum instauratione frequentibusque ruinis creuit, aucta-
 que est. Focas interea Constantinopoli maximam exercebat tyrannidem cæ-
 dendo, strangulando, ac singula quæque diripiendo: quamobrem omnibus
 subito erat inuisus. Sub hoc Focâ vehementer debilitatæ & diminutæ sunt vi-
 res Imperij. Persæ cum Rege suo Chosroë vniuersam occuparunt Asiam: po-
 titi etiam sunt vrbe Ierosolymitana, abductis vexillis ac Cruce Seruatoris
 nostri IESV-CHRISTI, captoque Zachariâ eiusdem oppidi Patriarchâ. In
 tantis autem malis Focas haudquaquam se ad resistendum parauit, ut meritò
 Focas dictus sit. Focas enim vitulum significat marinum, animal inter cetera
 maximè somnulosum, quodque ita altum stertit, ut è somno excitari à ne-
 mine possit, attestante Plinio. Eius somnolentiæ ac socordiæ hic erat Focas; id-
 que adeò, ut sua ferè omnia hostibus diripienda permitteret: ac quemadmo-
 dum iam nullum Occidentale exstabat Imperium, ita etiam Orientale panè
 interierat. Res hæc genero suo Prisco magis erat cordi, quàm quisquam arbi-
 traretur. Significabat per litteras Heracliano Africæ Præsidi, uti filium Hera-
 clium mitteret, qui cum ipso bellum aduersus Focam moueret; fieri alioquin
 haud posse, quin non Imperium modò, sed nomen ipsum Imperij foret interi-
 turum. Cùm igitur Heraclius magno cum exercitu venisset, Focam infesto
 Marte deuicit, ipsumque milites captum Heraclio ac Prisco tradiderunt. Hi
 Imperatorem, manibus pedibusque præcis, igne ad Taurum combusserunt,
 atque in mare tandem proiecerunt. Prætereà & tota eius profapia radicitus ab-
 sumebatur. Atque ita quidem Focas simili clade perfidiæ suæ penas dedit,
 quâ in Mauritium, eiusque coniugem ac liberos, vsus fuerat antea.

XCVI.

FACILIVS FORTVNA PARATVR
QVAM CONSERVATVR.



Imperator Romanorum VIII. annis minimè probandus,
immani crudelitate laniatus est.



ERACLIVS Imperium vi ad se rapiebat anno post CHRISTI natiuitatem sexcentesimo duodecimo. Venit hic copijs instructissimus Constantinopolim, caputque à Sergio Patriarchà diademate cinctus est cum Eudoxiâ; quam eâdem die vxorem duxit. Hæc sequenti anno filium enixa, cui etiam Heraclius nomen erat, ac cognomen apud plerosque Constantinus, vitâ functa est. Tum illicitas dicitur contraxisse nuptias cum Martinâ, suâ ex fratre nepte; ex quâ alterum suscepit filium, nomine Heracionem. Iam Imperij vires omnino erant debilitatæ, cæsi milites: quare pacem sibi cum Hunnis, Longobardis, Gothis, Germanis, & Francis conciliauit in Europâ, in Africâ verò cum VVandalis. Ceterum populos circumiacentes, & quos ex Africâ pater miserat, contra Chosroën Persarum Regem eduxit: cumque totam Asiam deuastassent funditusque euertissent, cursum versus Ægyptum deflexerunt, atque Alexandriam inuaserunt, seque istuc tantisper continuerunt, donec rumor spargebatur Heraclianum patrem Imperatoris ingentem in Africâ colligere exercitum: tum enim iter Carthaginem parabant. Sed interim moritur Heraclianus. Quo audito, confestim inuaserunt Carthaginem. Tum Heraclius Imperator eos toto exercitu aggressus est, confectisque pugnas cum ijs tres acerrimas: in primo conflictu Persarum fudit tria millia; in duobus ceteris tantum effecit, vt desperatis rebus Chosroës à Syroë filio suo in fugâ sit interfectus. Heraclius autem eos insequabatur, ac Persiam perpetuo sexennio misere depopulatus est, tandemque in bello Syroem cepit: cui pax data est ijs conditionibus, vt Persiam retineret, vique limes Persici ac Romani Imperij Tigris esset. Cum iam in Persiam cum Syroë proficisceretur, ipsumque in eam restitueret, ecce Palatium ac Thronum Chosrois ingenti thesauro onustum spoliavit; quo septem oneratis elephantis, magnâ latitiâ & ingenti gloriâ, lignum Crucis manu tenens, curru aureo Constantinopolim redijt. Hinc admirabili pompâ Ierosolymam profectus, Crucem in locum suum restituit: cuius rei gratiâ festum institutum est Exaltationis S. Crucis. Id autem abunde satis nummus hic testatur est. Nam in altero latere sedet Heraclius in curru triumphali tentorio circumdatus, Crucem penes se retinens cum hac inscriptione: *SVPER ASPIDEM ET BASILISCVM AMBVLAVIT, ET CONCVLCAVIT LEONEM ET DRACONEM.* In medio autem supra equos ita literis Græcis scriptum est: *ΔΟΞΑ ΕΝ ΤΥΣΙΤΟΙΣ ΧΥ ΤΥ ΘΥ. ΟΤΙ ΔΙΕΡΡΗΞΕ ΣΙΔΗΡΑΣ ΠΙΛΑΣ ΚΑΙ ΕΛΕΤΘΕΡΨΞΕ ΤΗΝ ΑΓΙΑΝ ΒΑΣΗΡΑΚΛΕ.* hoc est: *Gloria in altissimis sit Christo Deo: nam portas confregit ferreas, liberansq; sacrosanctum Heraclij Imperium.* Litteræ verò Græcæ hoc in latere insculptæ hanc habent sententiam: *Rex atque Imperator Romanus, Victor, Legumlator, semper Augustus, fidelis ac pius in Christo Heraclius.* Scias autem, Lector humanissime, eâ tempestate inuehustas litteras Græcas in vsu fuisse: ita tamen hic eas tradidi, quemadmodum nummo inscriptas deprehendi. Quo equidem nomine nulli culpandus sum, quasi rem nouam ipse comminiscerer, aut quid commutarem, castigaremve, adderem aut detraherem. Quapropter litteram Ψ vt Ω intelligas oportet; cuiusmodi sunt quatuor hæ: ΧΩ, ΤΩ, ΩΩ, & ΡΩ. Animaduerto equidem satis Cuspinianum etiam huiusmodi nummum habuisse, sed litteras hic nec videre nec satis promptè legere potuit. Multa enim verba desiderat. Hunc imitari voluit Iacobus de Strada in Thesauro suarum Antiquitatum, sed malè, scribitque hoc pacto, *AMBVLABIS ET CONCVLCABIS.* Lapsusque est item grauiter in litteris Græcis. Iam quod in medio habetur, significat, *Vultum tuum Deus illuminet.* Ac Græca illa dictio retro ad eius caput connotat, *Sine sanguine.* In Lunâ habetur, *Propter tenebras nostras bella geram aduersus gentes.* Nummus hic, vt ego ipsum habeo, latitudine est digitorum quatuor; nec magnitudine tantâ aliorum Cæsarum alter repertus est, præter eum qui est Constantini Maximi. Huius Heraclij temporibus Antichristus ille Mahomet inter Saracenos primò in Asiâ auditus est, ac multa in cælo visa sunt prodigia. Hic in Arabiâ apud Agarenos se prophetam ac regem fecit; ac suos non Agarenos ab Agar, sed Saracenos à Sara appellauit. Ab hoc passum magni exstiterunt tumultus, adeo vt nomen ceteri abhorrerent. Heraclius autem videns Regnum suum à Saracenis planè perditum iri, vndique præidia conuocauit, filiumque suum Heraclium se iuxta Cæsarem creauit.

Mahomet in Oriente apud Saracenos oritur.

XCVII.

SUPER ASPIDEM ET BASILISCVM
AMBVLAVIT, ET CONCVLCAVIT
LEONEM ET DRACONEM.



Imperavit Orienti XXVIL. annis; aquâ intercute
morboque infando extinctus est.



*Horren-
da clades
Christia-
notum.*


*Maho-
metes
blasphe-
mus in
CHRIS-
TVM.*

HERACLIVS cognomento Constantinus, à patre, post natum CHRISTVM anno sexcentesimo tricesimo secundo, in consortem nutantis Imperij susceptus est. Cùm iam Mahometes multis Saracenorum copijs Prouincias passim cædibus, incendijs, ac direptionibus deuastaret, Imperatores sese ad resistendum pararunt, ne ipsi Constantinopoli præuerterentur; belloque Saracenos aggressi sunt, sed admodum infelicitè. Nam in vno congressu ceciderunt Christianorum centum & quinquaginta tria millia. Tum Imperatores ad mare Caspium aufugerunt, atque illas portas aperuerunt, quas Alexander Magnus Macedonum Rex ad mare Caspium extruxerat, & ob immanes quosdam populos præcluserat. Hinc quotquot vel milites, vel homines passim prouinciales potuerunt colligere, eduxerunt: cumque ante Solis ortum pugnam conficere putabant, nescio à quibus laruis in castris Imperatorum cæsa fuerunt hominum propè quinquaginta duo millia; pars militum residua Ierosolymam sese recepit. Heraclius verò senior Imperator animaduertens haud fieri posse vt Saracenis resisteret, ex mœrore in hydropisum incidit. Fertur & alio morbo, nempe ex genitalibus, perpetuo laborasse septennio. Tum fratrem suum Heracleonam iuxta se Imperatorem fecit. Interea autem dum senior Imperator laborabat, potens in vniuersâ Asiâ effectus est Mahometes tam viribus quàm doctrinâ, eaque diabolicâ. Prostitutebatur enim, populum suum & dici & esse populum Dei, qui Diuinâ fruituri forent promissione, soli que in vniuerso Orbe rerum essent potituri; adeò vt hinc Saraceni, quos modò Turcas nominamus, in verbis huius Mahometis spem etiamnum fidemque collocent. Apertè in suo Alcorano ingentes profert horrendasque in CHRISTVM blasphemias; nominatim autem CHRISTVM minimè fuisse passum, sed Iudam, qui ipsum prodere conabatur, eadem horâ, quâ CHRISTVM Iudæi quærebant, fuisse virtute Dei in CHRISTI formam transmutatum, ac pro ipso captum, & cruci tandem affixum. His ita plebs illa misera adeoque demens credidit, rata illum magnum sanè hominem, cui ista reuelarentur, quique ea ita sentiret. Interea dum senior æger decumberet, Heraclius iunior Imperator sæpè conatus est Mahometi resistere, sed cum maximo suo Imperijque detrimento. Nam Mahometes vi Antiochiam subegit. Heraclius autem veritus ne & Ierosolymam opprimeret, Crucem Domini istinc Constantinopolim transtulit. Atque ita quidem Mahometes intra vitæ suæ terminum vniuersum Orientem suo Imperio subiecit. Quamquam verò Reges aliqui in ciuili administratione persistebant, ad extremum tamen eos vel armis vel dolo ad suam religionem pertraxit: imò sunt qui velint & ipsum Heraclium hanc doctrinam ante obitum oblectasse. Postremò à morte Heraclij eius vxor Martina filium suum Heracleonam in vniuersum Imperium substituere conata est, atque Heraclium priuignum post mensis quatuor operâ Pyrrhi Antistitis Constantinopolitani veneno sustulit. Sed biennio post, cùm hæc cædes in publicum emerisset, atque indices ambo magis magisque scirent, eos Senatus abripuit. Martinæ lingua præcidebatur, Heracleonæ nates; itaque regno exigebantur. Antistes verò è fugâ abreptus in urbem, laqueo ignominiosè strangulabatur.

XCVIII. XCIX.

VOLVPTAS HILARIS INSANIA.

SATIS EST POTVISSE PVNIRE.



Imperij VIII. ætatis XXVIII. anno, veneno periit;
alter biennio post, abscissis naribus,
in exilium missus.



*Colossus
Solus.*

CONSTANS Heraclij filius, ac senioris Heraclij nepos, Imperium Orientale adeptus est, anno CHRISTI sexcentesimo quadagesimo secundo. Mittebat autem hic Olympium in Italiam tamquam Exarchum, ut eius hæresim cuncti Antistites velut imbiberent. Et Romanus quidem Pontifex Martinus si forsân doctrinam hanc contemneret, mitteretur illic ad Imperatorem; cui si parère recusaret, exemplò confoderetur. Patriarcham Constantinopolitanum in locum Pyrrhi sufficiebat Paulum hæreticum, idque in contumeliam Pontificis Martini. Hac verò tempestate Saraceni opulentissimam potentissimamque ciuitatem Rhodum inuadebant, diripiebant, atque eueriebant. Inter cetera spolia onerabant nongentos camelos columnâ æneâ altitudine cubitorum quadraginta octo, aut pedum septuaginta duo. Hinc per mare Egeum profecti sunt in Siciliam, atque inde in Italiam: sed eos Olympius confestim repulit. Post obitum verò Olympij Constans Theodorum veluti Exarchum in Italiam misit. Hic Pontificem in templo quasi allocuturus adiit, catenasque in colum iniecit, ac captum deinde Constantinopolim duxit: vnde rursus tamquam exsul relegatus est. Deinde Constantinum filium Imperij consortem constituebat, committebatque ut Constantinopolim curaret: atque ipse expeditus iter in Italiam non aduersus Saracenos, Longobardos, Hunnos, aut hostes alios maturabat; sed ut ipse tamquam Romani Imperij hostis religiosorum thesauros, templa, oppidaque Provinciarum spoliaret. Postquam iam multa in Italiâ oppida diruisset, tandem militari instructus exercitu Romanum ingressus est, cui Vitalianus Pontifex cum religiosis omnibus obuiam processit, honorificeque ipsum in Ecclesiam deduxit. Templa omnia sub pietatis nomine frequentabat, donec singula diligenter explorasset. Quinto die post hominum viginti milibus instructus cuncta templa inuasit, diripuitque singula diebus septem continuis. His spolijs quatuor oneravit naues, atque inde latus Neapolim profectus est, indeque in Siciliam. Hic animo conceperat sedem Imperatoriam Constantinopoli Romanis rursus transferre. Nouerat quippe inuisum se Constantinopolitanis ob hæresim ac suam tyrannidem. Erat autem vir prauis ingenij, hæreticus, Reipublicæ corruptor pessimus, omni libidine ac spurcitie inquinatissimus. Maximo, viro sanè prudentissimo, manus pedesque præcidi, ac linguam erui iussit. Sic & multos alios homines Christianos varijs cruciatibus interemit. Cumque in Sicilia annos aliquot crudeliter imperasset, die quadam Andreas quispiam cum ipso balneum ingressus ut Gallico vnguento Imperatorem inungeret, lecythum in eius caput effudit, ac fugâ elapsus est. Deinde ministri, qui pro foribus præstolabantur, ingressi, Imperatorem mortuum offenderunt. Quo quidem audito, Constantinus ingenti navium multitudine in Siciliam traiecit, cædemque paternam grauissimè vlus est. Hinc tandem Constantinopolim reuersus, fratribus minoribus Heraclio & Tiberio naves amputauit. Narrant aliqui, quod eos interfecerit, uti solus rerum potiretur. Saraceni ut mortem Constantis accepissent, confestim in Siciliam traiecerunt, Syracusam inuasērunt: quâ egregiè vastatâ, omne spoliū secum Alexandriam aduexerunt. Non multò post Ierosolymam oppræsserunt, vique inuasērunt. Contra hos septennio fortissimè bella mouit Constantinus, atque in vno congressu fudit Saracenorum triginta millia; quare pacem petere coacti grauissima tributa pendere debebant. Hic Constantinus Christianæ Reipublicæ fuit defensor celeberrimus, amatorque longè piissimus. Ecclesias destructas ac variâ hæresi infectas, quantum potuit, repurgauit, & præcipuè Græcam ac Romanam: quamobrem sextam congregari fecit Synodum. Postremò è Palatio lapsus occubuit, hæredemque Imperij reliquit filium suum Iustinianum.

C. CI.

SEQVERE TRAHENTIA FATA.
MALE QVÆSITA MALE PEREVNT.



Imperium Orientale moleſtauit xxviii. annis: ex inſidijs
interfectus eſt. Filius regnavit xvii. annis, & ex
Palatio præcipitatus interiit.

Bb 3



IUSTINIANVS Constantini filius, Orientalis Imperij gubernacula suscepit, anno à CHRISTI natiuitate sexcentesimo octuagesimo septimo. Confestim autem, priusquàm Saraceni de morte patris facti essent certiores, hac lege cum ijs pacem composuit, vt quotannis auri pondo tria millia, quinquaginta captiuos nobiles, totidemque equos ipsi tribuerent. Verùm vbi deceptos se animaduernerent, totam indignati Libyam atque Africam cædibus, direptionibus atque incendijs infestabant. Vt verò Iustinianum copijs instructum ad se properare accepissent, decennales pacti sunt terrâ marique inducias; idque nouis conditionibus, nempe vt Saraceni Libyam & Africam liberam nec grauam restituerent, atque illo decennio singulis diebus Imperatori mille aureos numerarent, Equitemque ex suis Equitibus equo insidentem singulis item diebus traderent. Iustinianus circa Principatus sui initia vir quidem erat prudens fortisque, sed rerum successu elatus, cepit se Dijs hominibusque opponere. Inconstans ac periturus in Saracenos efficebatur: qui cùm ab ipso essent contra fœdus circumuenci, omni metu seposito arma aduersus Iustinianum capessabant, nec tantum cladis patiebantur, quantum inferebant. Tunc istinc reuersus, mare in Europam traiecit, Bulgarosque fortiter aggressus multis calamitatibus affecit, qui ex Scythiâ in Thraciam venerant, pacemque cum patre fuerant pacti. Hic enim sine victoriâ bello infelicitè gesto quibuscumque tandem conditionibus pacem cum ijs iniit, ac Thraciam inhabitandam ijs reliquit. Cùm iam ergo Iustinianus horum Prouincias cædibus, direptionibus, & incendijs deuastasset, animum resumpserunt, ipsumque cœgerunt, vt inhonestis conditionibus cum his pacisci debuerit. Deinde Constantinopolim reuersus, grauem ciuium incurrit indignationem, quod tyrannidem impunitam reliquisset. Indixit Synodum bonis omnibus aduersantibus, in quâ vt multi erant Episcopi, ita metu nihil aliud concludere audebant, quàm quod ipsi gratum foret, quodque conclusum vellet. Et quidem cùm Romanus Pontifex Sergius his assentire recusaret, Iustinianus Romam Tribunum suum Zachariam misit, & Papam comprehensum Constantinopolim duci mandauit. Sed propositum hoc Exarchus cum vniuerso Equestri ordine Rauennensi facilè auertit. Hi enim Zachariam Româ expulerunt. Tum Iustinianus Christianorum effectus est hostis publicus. Sollicitabat indies Gallinicum Patriarcham, vt orationem ad populum habere vellet, cui persuaderet euersionem insignis templi MARIAE Deiparae sacri, quod iuxta Palatium erat. Nam aliud hic ædificium aptum Palatio exstruere cogitabat. Proinde Patriarcha ei respondebat: *Munus nostrum est templa exstruere, non autem destruere: quare isti rei acquiescere fas non est.* Postremò cùm post minas etiam Imperator orare non destitisset, ita locutus est Patriarcha: *Deo sit honor & gloria, qui continuò patiens multumque misericors est ab hoc tempore in æuum vsque.* Quod vbi dixisset, confestim templum destruere cœperunt. Tum Patriarcha Leontium religatum clam Constantinopolim reuocauit.

CII.

MVLTIVM NIMIVM, NEMO SATIS.



Perfuncto decennali Imperio mutilatis naribus relegatus;
alteroq̃ue decennio transacto, Regno recuperato
ac v. annis administrato, interfectus est.



LEONTIUS vir quidem fuerat antea Senatorius urbis Constantino-
politanae, Patritiusque opulentus ac magni pretij, postea vero con-
stitutus est ab Iustiniano Archidux totius exercitus aduersus Sara-
cenos, hostesque alios. Ceterum cum iam triennio in carcere ab
eodem fuerat detentus, postea in exilium relegatus est. Tandem opera Galli-
nici Patriarchae clanculum Constantinopolim ingressus, magnam excitauit
aduersus Imperatorem Iustinianum seditionem, qui & omnibus modo inuisus
esse magnoperè coeperat. Et quidem cum iam præter spem plurimi illi adhære-
bant, vi omnes confestim effregit carceres, liberauitque quotquot erant nobi-
les ac ciues iniuste capti. Hoc verò tumultu excitum vulgus arma capessēbat,
seque Leontio adiungebat, atque vrbe Imperatorem cum suis exigebat. Dein-
de ipsum Leontius properè insecutus, in campo libero aggressus est, Iustinia-
numque naribus truncauit, atque ita mutilum Cherfonam relegauit. Ac post-
quam Imperator esset salutus, Imperij administrationem suscepit anno
CHRISTI sexcentesimo nonagesimo septimo. Interea dum motus hic Con-
stantinopoli ita continuaretur, Saraceni cum Rege suo Habbimelech expedi-
tionem pararunt, Africamque iterum deuastarunt. Hos contra Leontius Tri-
bunum militarem mittebat Ioannem, qui cum Saracenis sæpius fuerat con-
gressus. Cumque Saraceni præsidia ex Arabia, Persia, atque Ægypto postula-
bant, etiam sibi subsidia mittenda exemplò scripsit Ioannes. Sed multi ex
eius copijs ceciderunt. Tum indignati milites, ita in Leontium exarserunt, vt
Tiberium virum sanè eximium in castris Imperatorem legerint, Augustum-
que appellarint. Hic oblatum Imperium libens suscepit; & quò fortior esset,
cum irato exercitu Constantinopolim profectus est. Tum se Leontius contra
expediebat, ijs quæsitis omnibus quæ istuc pertinebant. Verum milites indi-
gnati urbem armis subito inuaserunt. Leontius fugâ in Palatium elapsus est;
quod item facile à Tiberio superatum fuit. Leontius igitur capitur, eiſque na-
res amputantur; quod paulò antè fecerat Iustiniano: idque vsque adeò ijs
frequens, vt truncari naribus tandem apud illos in consuetudinem abierit.
Tiberius in Dalmatiæ cœnobio Leontium custodi curabat, in quo & vitam
suam finijt. Confestim autem Tiberius ingentem exercitum in Syriam aduersus
Saracenos eduxit. Vtrinque ita acriter pugnatum est; vt infra paucos dies ce-
ciderint propè ducenta millia Saracenorum. Cumque Iustinianus (qui iam
triennio in Ponto exsularat) ad Imperium redire conabatur, nec hæere diu-
tius Cherfonæ volebat, considerans ciues Leontio fideliter adhæsisse, pluri-
mumque huic Tiberio, qui modò imperare coeperat, fauere, in Bauariam
ad Regem Caianum profectus est; à quo honorificè exceptus, eius filiam
Theodoram in vxorem accepit.

CIII.

ORIS ATQVE CORDIS PVLCHERRIMA
HARMONIA.



Orienti præfuit tribus annis : truncatis naribus in carcere
tandem excarnificatus.



Iustinianus Imperio restitutus.

IBERIVS anno post CHRISTI natiuitatem septingentesimo Imperium adeptus est Orientale; & confestim Exarchum in Italiam misit Theophilatium, quem nec Romani, nec Itali recipere voluerunt. Nomen enim Exarchi Græcorum ac Constantinopolitani Imperij, Romæ & Rauennæ vulgò inuisum fuit execrandumque. Hac in re tamen Pontifex Ioannes VI. ipsi plurimum auxilio fuit. Dux autem Beneuenti, qui vnus erat ex triginta Ducibus Longobardiæ, libentissimè hanc discordiam accipiebat; ac Campaniam inuadens, plurima oppida castraque incendijs absumebat, ciues passim rusticosque & pecora secum auhebat. Sed Pontifex, ni pacem daret, excommunicationem homini obtrusit: quare captiuos, ciuitatesque restituit, ac bello destitit. Tiberius verò vt audiuit Iustinianum ex Ponto ad Germanos transfugisse, isticque in pretio esse, plurimum sanè veritus est, cogitauitque, quàm potissimum ratione ipsum necaret. Caiianum igitur regem Vindelicorum subornauit, vt hominem è medio tolleret: sed hanc prodicionem vt Iustinianus intellexit, clam cum vxore ad Terebellum Bulgarorum Regem fugâ clapsus est. Ab hoc fidelissimè exceptus est, tradiditque illi ingentem multitudinem, vt parato exercitu Constantinopolim clam profectus dolo vrbe potiretur. Tum multi Tiberium deseruerunt, ac Iustiniano adhæserunt; imò & multum fauoris & beneuolentiæ apud inconstantem illam vulgi multitudinem, quæ illum antea admittere haudquaquam voverat, obtinuit. Tum autem Tiberium apprehensum captumque, cum Leontio vinculis religato, per vicos in spectaculum educebat. Tandem in Throno residens, humi coram se prostratos pedibus conculcauit, & palam clamari iussit: *Super aspidem & basiliscum ambulabis, & conculcabis leonem & draconem.* Postea ante se atque in conspectu vulgi obtruncatos in frustra secari mandauit. Patriarchæ Gallinico vtrumque oculum effodi iussit, ipsumque Romam relegauit. In huius locum suffecit Cyrum. Hic, dum etiamnum exfularet, prædixerat illum Imperio adhuc fore potiturum. Quoties autem truncas nares emungebat, toties vnum ex ijs, qui Leontio aut Tiberio fauerant, ad supplicium rapi iubebat. Mauritium ducem suum cum omni exercitu in Pontum mittebat, vt Cherfonæ barbatos omnes sexus virilis strangularet, quod ipsum in gratiam Tiberij, nisi aufugisset, occidissent. Eodem illo anno quo ad Imperium redijt, vxor eius Theodora illi enixa est filium, quem Tiberium appellauit, coronauitque statim cum ipsius matre. Hic prauus ac periurus tandem etiam Terebellum, cuius operâ fuerat restitutus, de improviso oppressit: sed Terebellus ipsum facile repulit. Deinde exercitum suum parabat in Italiam aduersus Felicem Archiepiscopum Rauennensem; qui quidem captus Constantinopolim missus, utroque lumine priuatus est, relegatusque alio, atque vrbe exactus. Numquam ferè tantam Rauenna passa est calamitatem, quàm in istâ oppressione. Dux enim Mauritius strangulabat ferè optimos quosque ciuitatis, vrbeque penitus diripiebat. Dein Iustinianus omnibus copijs aduersus Philippicum profectus est, quem Cherfonam in Pontum relegauit. Verùm milites eius tyrannidem amplius recusantes, Philippico se adiungebant, ipsumque Imperatorem creabant. Huius nummi inscriptionem vltèrius legere non potui.

CIIII.

MISERIAM NESCIERE SVAM,
SINE PERICVLO EST VIVERE.



Vt VII. annis Orientali Imperio præfuiſſet,
ignominioſè occiſus eſt.

Cc 2

PHILIPPICVS Orientale aggressus Imperium est anno CHRISTI se-
 pringentesimo decimo tertio. Quod vt Iustinianus acceperisset, aufu-
 git, exercitumque conscripsit alium, atque acre mox confectum est
 prælium duodecim miliaribus ab Constantinopoli, in quo Iusti-
 nianus captus, interfectus est. Itemque & eius filius Tiberius, puer annum
 agens ætatis suæ sextum, ab his est interceptus, quibus illud à Philippico
 fuerat demandatum. Postea omni cum exercitu Constantinopolim ingressus,
 Patriarcham Cynum Vrbe expulit: confregit, destruxitque omnes Ecclesiæ
 imagines; ac Pontificem Romanum quasi cogere voluit, vt sua dogmata velut
 bona & salutaria amplecteretur. Sextæ Synodi decreta, quæ in S. Sophiæ tem-
 plo erant ordine depicta, erasit atque expunxit. Ceterum eius doctrinam Pon-
 tificex vt hæreticam damnauit, vetuitque Romæ ne quis ipsum ceu Imperatorem
 coleret, nec eius imagine nummos quisquam percuteret, aut effigiem ære ali-
 quo exprimeret. Hinc etiam acta dictæ Synodi rursus in ingressu basilicæ
 S. Petri depingi curauit. Tum Philippicus Ioannem quemdam, qui eiusdem
 cum ipso erat sententiæ, in contumeliam Pontificis Romani, Patriarcham
 Constantinopolitanum constituit. Imperator hic cuius fuit Constantinopoli-
 tanus nobilitatis præcipua, qui, quod visam sibi Aquilam caput obumbrasse
 dormienti dixerat, Cherfonam in Pontum ab Iustiniano relegatus est. Hic fa-
 miliariter vsus est Monacho quodam hæretico & veridico, qui imperaturum
 illum prædixerat: quod quidem Philippicum maximopere indies magis ma-
 gisque sollicitum detinebat. Sed huic ita aiebat Monachus: *Cum ita Deo visum
 sit, quid tute repugnes? Verum hoc inquam tibi dictum sit, sextam Synodum iniuste
 fuisse & celebratam, & conclusam. Quare cum tu Imperium fueris adeptus, tum me-
 mento eam infringere atque infirmare. Quod si feceris, certe stabile tibi Imperium
 perdurabit.* Illud igitur facturum se iuramento affirmauit. Deinde cum excom-
 municatum se à summo Pontifice, atque vt hæreticum ab Ecclesiâ fuisse rese-
 ctum intellexisset, perniciosum ex diuersis hæreticis Concilium conuocauit:
 itaque sextæ Synodi decreta alterâ Synodo infirmauit, condemnauitque. In-
 ter ea verò cum iam circa suos hæreticos ad istum modum esset occupatus; subi-
 gebantur, Imperioque à Saracenis detrahebantur, Africa, Libya, ac Granata
 in Hispania. Atque ab eo quidem tempore, vsque ad annum millesimum qua-
 dringentesimum octuagesimum septimum, Hispania habitata fuit à Sarace-
 nis, ac præcipue Bætica, quæ Granata hodie est appellata. Tum enim à Fer-
 dinando Rege Aragoniæ (erat autem hic postremus Gothorum Rex, atque
 auus Caroli V. Imperatoris) vi inde fuere expulsi: sed Africam sibi & Libyam
 retinuerunt. Iam verò cum Philippicus pridie Pentecostes cum aliquot antiqui
 generis ciuibus in balneas publicas fuisset ingressus, confestim à quodam Ru-
 fino nomine ad hoc subornato arreptus, oculis priuatus est. Atque ipso Pen-
 tecostes die postero, cum populus vniuersus in summo templo esset congrega-
 tus, Imperator publicitus est coronatus Arthemius. Hic nomen suum muta-
 uit, atque Anastasium se appellari iussit. Mox autem Philippicum in carcerem
 coniecit, vbi vel ad extremum vitæ diem ipsum conclusum detinuit. Ferunt
 aliqui in hoc ipsum carcere fame fuisse consumptum enectumque.

C V.

LEVIS EST FORTVNA;
QVÆ DEDIT, REPOSCIT.



Perpetuo carceri addictus, fame enecatus est
Imperij anno secundo, mense nono.

Cc 3



ANASTASIUS Orientale Imperium adeptus, anno post natum CHRISTVM septingentesimo decimo quinto, litteras confectum ad Pontificem Romanum per Scholasticum Consiliarium dedit, in quibus se amatorem defensoremque fidei Christianæ appellabat, propugnatorem etiam confirmatoremque Sacrosanctæ Synodi sextæ, atque Ecclesiæ totius Romanæ: robur item Decretorum Pontificum, instauratorem deiectionum ecclesiarum & imaginum, receptorem profugorum Christianorum, extirpatorem hæreticorum, atque hostem denique ethnicorum longè acerbissimum. His litteris Romæ ita recitatis, animum nonnihil Pontifex eiusque assessor recepit, quibus iampridem Imperatorium nomen sordere cœpit ob improbos quosdam Imperatores: qui quò plures, eò deteriores esse magis imaginæ cœperunt; atque horum quisque id maximè operam dederat, quò insensissimè Pontifici resisteret. Anastasius ergo hic Saracenos tamquam Christianæ fidei hostes crudelissimos bello aggredi conatus, classem ingentem in Africam emisit. Verùm dissensione inter classiarios ortâ, qui Anastasium oderant, Constantinopolim redire parant; & cum Adramyttium venissent, Theodosium ignobilem rudemque virum, cuius officium erat publicam exigere pecuniam, exactionesque corradere, Imperio præfecerunt. Sed hic clam aufugit, seq̃ue in montem abdidit. Proinde ubi ipsum inuenissent, inaugurationem ei ultro præstiterunt, inuitumque ad Imperium suscipiendum cœgerunt. Quo audito, Anastasius festinanter mare Nicæam versus traiecit; ubi se ad resistendum parauit. Theodosius hunc insecutus est, atque ingenti pugna victum captumque, quod necandi occasionem haberet nullam, sacris initiatum in monasterium detrussit, ne qua via pateret redeundi ad Imperium. Quæ quidem res ubi iam Romæ increbuit, nuntiataque esset, cunctos ingens inuasit dolor. Verebantur enim ne Christianum modò hostem essent habituri. Quoniam verò hac tempestate grauis in Ecclesijs controuersia ventilabatur de sustollendis imaginibus, operæ pretium est & de his quædam recensere. Nam paulò post in sequentibus etiam horum mentio nobis facienda est, cum dicemus quâ ratione Imperium Romanum ob dissidium, quod inter Constantinopolitanos Cæsares ac Pontifices increbuerat, ad Germanos & Francos translatum sit. Superioribus ergo Heraclij temporibus orta auctaque hæresis Monothelitarum, qui ex Mahomete originem traxerunt; atque inter ceteros dogmatis sui articulos & hunc cum Saracenis communem habebant, Exodi cap.xx. *Non facies tibi sculptile.* Hæc autem hæresis damnata fuit sub Martino Pontifice in vniuersali Concilio ab centum & quinquaginta Episcopis. Deinde & damnata fuit extinctaque in sexta Synodo Constantinopoli celebratâ. Sed omnes penè Imperatores ab Heraclio vsque ad hunc labe hac infecti fuere, atque vbiq̃ue ferè aduersus imagines pugnare. Quid verò ex hac imaginum controuersia natum sit, audietur in sequentibus.

Quæ occasione Imperium ad Germanos devenit.

CVI.

CVI SEMPER DEDERIS, VBI NEGES,
RAPERE IMPERAS.



Quindecim mensium Imperator, ex Imperio
ad Monachismum detrusus est.

THEODOSIVS Orientale Imperium vi ad se rapuit, anno post CHRISTVM natum septingentesimo decimoseptimo. Leo autem Anastasij Tribunus cum vniuerso exercitu Nicomediam profectus, Domino suo auxilio venit; sed aliquantò serius, re enim perfectà absolutaque. Noluit tamen hic se Theodosio tradere; verùm cepit filium eius cum optimis quibusque totius Aulæ, abstulitque omnem thesaurum cum vniuersis ornamentis Imperatorijs, ac Chrysopolim profectus est. Quo sanè audito, Theodosius rem cum Patriarchâ ac Senatu vniuerso expendit, deliberatque. Cùm iam ergo Leo (qui Ecclesias non infestaturum se pollicebatur) huc peruenisset, certè Imperium illi traditum fuit. Verùm Patriarcha vitam Theodosio filioque precibus impetrauit. Tum siquidem Leo vtrumque sacris initiatum in monasticam vitam protrusit, in quâ diu satis ac feliciter vixerunt. Leo tantus deinde imaginum vastator effectus est, vt hinc à Græcis cognomento Iconomachus sit appellatus, hoc est, imaginum expugnator, quod imagines ac statuas Sanctorum è templis auferri, incendiisque mandaret. Quarum quidem perdendarum cùm finis nullus esset, tandem Pontifex Comitibus Palatinis (qui tum Maiores domus dicebantur) sese adiunxit. Hi autem præfeti erant Curia, adeoque primarij gubernatores apud Reges Francorum, & penes quos summa in Germaniâ ac Galliâ à Rege, qui sceptrum possidebat, erat potestas. Apud hos etiam ipse Pontifex, absente Rege, magnæ erat æstimationis; aded vt hinc amplioris dominij spes quædam iam velut eluceret. Pontifex igitur ac Palatini operas tradiderunt mutuas; idque aded, vt Pontifex Imperatorem faciliè repulerit, Italiâque possederit vniuersam. Quare cùm regia progenies indies magis ac magis decresceret ac debilitaretur, hi autem Principes potentiores fierent; factum est consentiente Pontifice, vt regni administratio ad hos Principes translata sit. Hac tempestate Maior domus Childerici Regis Francorum effectus est Carolus Martellus, vir sanè strenuus fortisque. Galliâ hic egressus, Saxones, Sueuos, Vindelicos, atque vniuersam Germaniam armis subegit. Saraceni, qui iam magnam Hispaniæ partem inuaserant, etiam suos vicinos aggredi paullatim conabantur. In Franciam quippeeducti, fortissimum Arelatense oppidum aliaque multa ceperunt. Carolus Martellus huic infortunio resistere cupiens, hos contra profectus est ad oppidum Turonensè. Hic pugnae confectæ sunt, in quibus ceciderunt trecenta septuaginta quinque Saracenorum millia, non autem absque insigni Francorum clade. Deinde Gothi ac Saraceni inter se conuenere: aduersus quos rursus exercitum eduxit Carolus, pugnavitque ita acriter, vt profugere etiam vltra Pyrenæum montem debuerint. Afferunt aliqui, nisi Carolus hac potitus fuisset victoriâ, Saraceni cum Gothis hac tempestate Franciam, Germaniam, Italiam, totamque Europam, & Asiam cum suâ parte Africâ vi occupassent. Hic Carolus ingentes vbique adeptus est victorias, aded vt nihil non captum sit quod suis manibus offerrebat. Tantæ equidem æstimationis apud omnes, dum in administratione etiamnum esset, habitus fuit, vt nemo non satis animaduernerit aliud breui Regnum aduenturum fore. Quod enim potentior efficebatur, quoque magis ac magis viribus crescebat, eò certè Constantinopolitani Cæsares magis debilitabantur, decrescabantque. Cùm iam Carolus hic Martellus Regnum partim in liberos partiretur, Carolomannum Austrasiæ, Sueuiæ, atque Alemaniz præfecit; Pipinum Franciæ; Griphoni partes alias dedit; quibus minimè contentus, bello à fratribus fuit superatus. Non multò post Carolomannus, postpositis mundanis, in monasterium se dedit: quare integer Maioratus domus deuolutus est ad Pipinum. Hic socordiam luxuriâque Regum animaduertens, impetrauit à Pontifice auxilium, vt Childericum non sine fauore populi Regno exegerit, ipseque Rex solus sit defignatus. Nunc verò reuertamur, vnde digressi sumus.

*Pontifex
Cæsarem
Constantinopolitani-
tanum
deferens,
Germanis se adiungit.*

CVII.

CVIVIS DOLORI REMEDIUM
EST PATIENTIA.



In Imperio Orientali anno peracto, ex Cæsare
monachus factus est.

Dd



Leo ex Syriâ oriundus primò quidem mechanicus, deinde verò Dux militiæ effectus, Imperium Orientale adeptus est, post natum CHRISTVM anno septingentesimo decimo octauo. Circa initium Principatus edictum extemplò Constantinopoli promulgauit, vt siqui haberent CHRISTI imagines aut matris eius MARIÆ, aut etiam aliorum Sanctorum, eas sub poenâ capitis in publicum proferrent. At tot quidem statuar productæ fuere vt nihil suprâ. His adijciebantur residuæ templorum imagines, atque vniuersæ comburebantur. Deinde publicè edixit, vti in toto Imperio imagines passim abolerent, perderent, ac destruerent. Si quis verò huic se opponere vellet, hic tamquam Cæsareæ Maiestatis contemptor capite puniretur. Quamobrem multi passim trucidabantur. Significauit item Pontifici Gregorio II. vt & ipse similiter faceret. Qui sanè animaduertens rem derisione in Deum atque impietate haudquaquam carere, vetuit Romæ & per vniuersam Italiam tributa Cæsari ampliùs pendì; ipsumque præterea excommunicauit, ac velut inutile membrum ab Ecclesiâ abscidit. Vt autem Germanus piissimus ille Patriarcha intolerabilem Imperatoris impietatem considerabat, Pontificatum Constantinopolitanum prorsus recusabat, officiumque suum relinquebat. In huius locum Leo adolescentem Anastasium subrogauit; qui eiusdem cum ipso erat farina. Sed cùm audiisset in Italiâ aduersus se conspirationem fuisse inchoatam, Exarchum suum officio motum; idque eos iam ferè operam dare, quasi Imperatorium nomen abolere, nec ampliùs ferre id aut pati vellent; certè Ducem suum Romam misit, vt populum seu vi seu humanitate sibi reconciliaret. Hic vbi Romam venit, in grauissimo tumultu occidebatur, atque alium sibi Ducem pro animi sui sententiâ ciues constituerant. Rauennenses item suum Exarchum Paulum interemerunt. Atque hic quidem Exarchus fuit postremus, cùm iam is Magistratus floruisset centum sexaginta annis. Nec Roma, quæ iam pridem sub Græco Duce steterat, voluit ampliùs eum ab Imperio flagitare, sed ipsa sibi semper Ducem deinceps decreuit vsque ad Caroli Magni tempora. Hac de re consule historiam de Iustino Imperatore folio 184. Longobardi considerantes Imperatorem ad istum modum cum suo Exarcho Italiâ fuisse exactum, dum iam cuncta in tumultu versabantur, magnis sanè copijs è Longobardiâ profecti oppida vniuersa cædibus atque incendijs obruebant, ac Romam tandem etiam obsidebant. Tum Pontifex subsidia non ab Leone, sed ab Carolo Martello Maiore domus Regis Franciæ flagitabat; cuius mentio facta est paginâ 208. Carolus tantum egit apud Luitprandum Regem Longobardorum, vt armis discesceret, restitueritque Pontifici oppida & captiuos omnes, conciliatâ decennali pace. Tertiò autem Leonis Imperatoris anno Armirthus Dux Saracenorum ter mille triremes ex Asiâ atque Africâ in Thraciam eduxit, Constantinopolimque terrâ marique fortissimè triennio obsedit: verùm ob incediam, pestem, ac frigus intolerabile, magnam profectò passus est cladem. Naues vi fluctuum, tempestateque partim subactæ, partim artificioso incendio perierunt, vsque adeò vt absque commodo istinc discedere deberet. Pestilentialis extinctorum cadauerum fœtor etiam in urbem proserpsit, vti hominùm supra trecenta millia interierint. Cùm iam Imperator Saracenorum metu esset liberatus, cogitabat quânam viâ potissimùm inobedientiam Pontificis vindicaret; totusque erat in spoliandâ Italiâ nummis, ornamentisque. Quare Marinum Ducem suum misit Romam, vt Pontificem aut comprehenderet, aut interficeret. Pontifex Longobardorum subsidia implorabat: quamobrem Marinum faciliè repellebat, ita vt quod proposuerat, perficere non posset; cum suis nempe in fugam actus vt vix euadere potuerit, multiq; ex suis interierint. Tum Imperator donis Longobardos à Pontifice abstrahere conabatur, sed frustra. Atque ita quidem impius hic imaginum expugnator in suo proposito obijt. Hac tempestate Christianam fidem amplexi sunt Germani per Bonifacium Episcopum ad eos missum.

Ab Imperio Constantinopolitano Roma desci-
scit.

CVIII.

PEIUS TECTVM
QVAM APERTVM ODIVM.



Decimoquarto anno Orientalis Imperij
anathemate obstrictus interijt.

Dd 2



CONSTANTINVS Leonis filius, post obitum patris Orientalis Imperij administrationem in se suscepit, anno CHRISTI septingentesimo quadagesimo secundo. Is planè scelestissimus non solum patris impietatem reddidit, sed maiore etiam scelere se modis omnibus contaminavit. Decreta constitutioneque sanctorum Patrum, quantum potuit, contempsit. Ac in primis quidem à CHRISTO discedens, postquam Diuorum imagines passim aboleuisset, ac Patriarcham qui huic impietati se opponebat, è medio sustulisset, & Nicetam hominem eiusdem sceleris conscium in Patriarchæ locum substituisset; sæpenumero ipsum vxor, vt quæ pia magis, impietatis suæ arguit: præterea & Pontifex Romanus legatos suos ad ipsum misit, vt aut flagitia sua omitteret, aut censuram exspectaret: verum nihil monita apud ipsum honesta potuerunt. Sabinum Bulgarorum Regem in gratiam recepit, aduersus quem paulò antè bella gesserat; idque hac conditione, vt imagines item in suo Regno aboleret ac combureret. Quodcumque decretum Constantinus promulgabat, id contrà eius vxor abrogabat: persequebantur sese mutuo velut hostes infestissimi: nec hinc sanè melior efficiebatur, sed deterior magis ac magis. Depopulabatur Templà ac Monasteria, Christianosque multos trucidabat. Appellabatur autem Græcè Copronymus, quod infans baptismi lauacro admotus alimonia excremento aquam baptismalem polluisset. Oblectabatur se incantamentis ac nefarijs sacrificijs cum inuocatione dæmonum; quibus adeo erat deditus, vt hinc postea cœperit delirare. Et quidem dum his rebus alijsque infandis occuparetur magis quàm Reipublicæ administratione, Tartari exciti, gens sanè Scythica ad Arctum inter Riphæos sita, ex ostijs Caucaſi montis egressi sunt, ac Saracenos siue Mahometicos in Asià oppreslerunt, rati meliorem se regionem aliquibi inuasuros. Quare primum superarunt Saracenos in Persiâ, Arabiâ, Armeniâ, Cappadociâ, &c. Quemadmodum verò cum Saracenis vniti fidem illorum amplexi sint, & quemadmodum minima scintilla immensum ex se rogi excitauerit, cuiusmodi Orbis non habet alium, mox audies. Erat autem multitudo vaga, incondita, nemini utilis, scelesti, omni spurcitie ac libidine inquinata, quæ in suis se Prouincijs algore ac perpetuis tenebris propè inhabitabilibus continere non potuit. Hi igitur sedibus suis vagi dispalatiq; latrocinantes potiùs quàm belligerantes, eruperunt. Quæ res Romanæ Monarchiæ certissimum præbuit exitium. Nec hodie etiamnum atrodere Imperium cessant, quò & residuâ mundi parte Europâ nos priuent. Regnum hoc Turcicum, Tartarorum, seu Saracenorum, plenum terroris in Sacris litteris describitur, ne nesciremus hoc Satanæ regnum esse, & cuius potentiâ atque successu non abstereremur, à CHRISTO ad Mahometicam impietatem deficientes. Ezechiel & Ioannes appellant populum hunc *Gog & Magog*. Gog tentorium vocatur, & Magog populus est extra tentoria: nam Tartari habitant in tentorijs. Et apertè scribit Ezechiel permisisse Deum augeri potentiâ Gog propter peccata populi. Methodius autem ait Gog & Magog vltra Caspios montes, hoc est, Caucasum, conclusos fuisse, & vulpem illis meatum facturam esse. Vulpes hæc Mahometes est; nam per legem Mahometicam prouocati, potentes facti sunt, & dominari cœperunt. Dicebat enim Mahomet, populum suum Deo gratum esse, atque adeo ad quem benedictionis promissio pertineret, & dominaretur in toto Orbe. De principio autem huius Mahometis lege paginam 192. & 194. huiusce libri. Postquam diu Constantinus arcè Imperium administrasset, vindictâ diuinâ istus intolerabili æstu consumptus exclamauit: *Vinus inextinguibili igne accendor, discruciorq;.* Hæretico Patriarchæ ciborum excrementa ore erumpebant.

*Turcico
infandis
genis
origo.*

CIX.

CORPVS EXCORS FRAGILE.



Cùm XXXIIII. annis, II. mensibus atque XXVI. diebus,
rerum Orientalium potitus esset, violentissimâ
incurabilique febris interijt.

Dd 3



LEO Constantini F. patri successit, anno à CHRISTI natiuitate septingentesimo septuagesimo sexto. Hic animaduertens patrem ob imaginum expugnationem summo per se fuisse iniuriam, simulabat se in principio CHRISTI amicum, fautorem Pontificum ac Monachorum; sed cùm ne pili quidem cuncta faciebat, imaginemque domi suæque deque ferebat. Cùm autem Romæ ipsum sine aliquâ simulatione ita sentire arbitrabantur, incredibili sanè lætitiâ fuere perfusi, adeo ut filium Constantinum Imperatorem legerint. Leo hunc unicum esse suum dicebat filium, per ætatem nondum sapere, ideoque sibi curæ esse maximè: idque se vereri, ne huic vñ veniat, quod multis alijs olim contigit, nimirum ne hunc tandem è medio tollant, aliumque Imperatorem faciant. Quamobrem iurarunt nullum se lecturos Imperatorem alium præter Leonem, & Constantinum, & qui nascetur ab illis. Cinctus igitur Imperiali diademate est Constantinus Constantinopoli ipso die Paschatis: sed Romam haudquam venit. Nam iaspidem Deo dicatum è Sacrario S. Sophiæ nefario capiti imponens, per universam urbem superbus incedebat. Quæ res magnam Romanis peperit suspicionem futuri hostis in Deum, ut maluerint Ducein suum retinere. Præterea multum spei collocabant in Francis, tam his qui in Franconiâ ac Germaniâ, quàm illis qui in Franciâ agitabant, quæ omnibus imperitabat Carolus Pipini filius, qui & Magnus postea est cognominatus. Hic post mortem patris regnum adeptus ante quadriennium VVormatiæ Comitia celebrauit, conclusitque bella mouenda aduersus Saxones: quod item omni exercitu profectus est, cuncta-fetro ac flammâ deuastans. Arcem Eresburgum inuasit, idolumque Saxonum Irminful nominatum disiecit. Hinc ad VVisarum fluium profectus, duodecim à Saxonibus obfides accepit, atque inde ad Germanicum mare perrexit. Vt autem Hadrianus Pontifex crudelitatem ac scuitiam Desiderij Longobardorum Regis accepisset, opem huius Caroli mox implorauit. Profectus itaque hic omnibus copijs in Italiam, Papiæ obsidione Desiderium compressit; quâ integrâ hieme perdurante, res multas hercè præclaras etiamnum aggrediendas animo concipiebat. Interea Saxones atque Hessones (qui cum illo dissidebant) templa passim spoliarent, deuastarentque. Quo quidem audito, Carolus Papienses ita consilijs coarctauit, ut ad deditionem fuerint coacti, Desideriumque illi in manus tradiderint. Captum autem Regem Carolus secum in Franconiâ abduxit, ac tribus exercitijs Saxoniam inuadens, cardibus atque incendijs cuncta populatus est. Atque hic quidem tantisper egit, donec ab omni idololatriâ repurgati religionis Christianæ fidem amplecterentur; quod sine sanguine profectò haud fieri potuit. Ciuitates suas castraque Francis fortissimè munijt, ac domum reuersus est. Nomen eius tam latè cognitum fuit, ut omnibus nationibus terrori fuerit. Natus autem est in oppido Ingelheim in Germania ad Rhenum, non procul à Moguntiâ. Eius parentum hereditarium ac primum dominium fuisse dicitur Comitatus Palatinus circa Rhenum fluium, quamobrem Palatini Comites appellabantur, sed tamen ut Maiores domus Regis Franciæ, quemadmodum paginâ 208. abundè dictum est. Nam Franci omnes, tam qui in Franconiâ, quàm qui in Franciâ agebant, vni erant Regi subiecti. Quemadmodum verò Carolus postea ad Imperium Romanum peruenerit, & quemadmodum quarta Monarchia in Germaniâ initium ceperit, mox dicitur. Leo autem aduersus Tartaros ac Saracenos profectus, auditâ illorum victoriâ, vi & crudelitate, domum reuersus est; atque in administratione Imperij planè desperabat. Postea ardentissimâ febris obiit, Imperiumque vxori suæ Hirenæ ac Constantino filio reliquit.

*Carolus
Magnus
in Ita-
liam ac-
cessit.*

QVO MIHI FORTVNA,
SINON CONCEDITVR VTI



Cum filio obiit quinto Imperij Orientalis anno.



CONSTANTINVS cum matre HIRENA Orientalis Imperij administrationem fortitus est anno salutis septingentesimo octuagesimo primo. Con-
festini autem Hirena conuentu trecentorum & triginta Antistitum Nicææ
indicto, septimam Synodum celebrari iussit. Hic damnabantur *εικονομαχοι*
& imaginum corruptores, censebanturque omnes hæretici, abnegatâ interim superiori
Synodo. Hic, inquam, templis Diuisque suæ restitutæ sunt imagines. Conclufum quippe
erat, Sacrarum literarum imagines laicorum esse litteras. Tum Hirena templis suas red-
didit imagines; fidemque Romanam, adeoque Catholicam, vi in Oriente quantum po-
tuit tutata est, quemadmodum in Occidente Francorum Rex Carolus. Mox item cada-
uer Constantini insignis illius *εικονομαχος*, patrisque foci sui Leonis, atque huius Con-
stantini aui, effodi curauit & comburi, cineresque in mare proiecit, quod imagines per-
diderat atque impiè aboleuerat. Quod sanè ægrè ferens Constantinus iam adultus, ma-
trem haud amplius passus Imperio deiecit, templisque rursum suas imagines detraxit tam-
quam idololatriam intolerabilem. Decreuerat autem multos excæcare Christianos (quæ
res ipsum maximè oblectabat) pluresque interficere. Cùm iam nouam electionem Con-
stantinopolitani clam moliebantur, atque in Nicephorum defuncti Leonis fratrem sus-
fragia multorum tacite inclinabant; non multò post ipsa conspiratio Constantino cogni-
ta fuit, qui comprehensum captumque Nicephorum oculorum & linguæ vsu priuabat.
Id autem populo aded displicuit, vt Hirenam matrem in Imperium restituerint. Hæc
captum filium in carcerem detrusit, Nicephorumque liberauit. Tum Senatu populoque
congregato decreuerunt, haud velle se à muliere solâ imperari, adeoque Imperatorem è
carcere reuocandum, vt vnâ imperaret. Verùm cùm rursus se omnibus flagitijs inqui-
naret, imagines & contemneret & combureret, oculis vnumquemque ferè indies priua-
ret, multosque leui de causâ exilio puniret; mox mater hinc rerum sola potita, filium
secundò captum excæcauit, vitamque cæcus in carcere finiit. Hæc autem Hirena ita supra
captum muliebrem prudentissimè cum populo egit atque imperauit, vt summâ cum laude
omnium in Imperio permanerit. Ab illo tempore deinceps cum Pontifice Leone III.
egit, vt eius operâ potentissimo Francorum Regi Carolo posset nubere; Imperatorem
enim ipsum faceret, idque sedulò operam daret quod Imperium Romanum iam Orien-
tale, in Occidentem ad Carolum deueniret. Nec mora, Pontifex precibus Hirenæ lega-
tum suum hac de re ad Carolum misit. Quod vt Nicephorus intellexisset, magnam pro-
fectò quantumlibet cæcus elinguisque excitauit Constantinopoli seditionem, ita vt Hire-
nam Reginam comprehensam in perpetuos carceres detrusit, Imperiumque ad se vi-
traxerit, anno CHRISTI octingentesimo secundo. Proinde cùm hac tempestate re-
gnum Occidentale Imperiumque Romanum atque omnis Cæsarei nominis maiestas ope-
râ Pontificis ad Carolum Francorum Regem deueniret; consultò hîc prætermittimus
Imperatores Græcos, qui adhuc fuerunt circiter triginta quinque, donec Constanti-
nopolis à nefarijs Turcis sit capta anno salutis millesimo quadringentesimo quinq-
gesimo tertio. Neque enim tum latius Imperium Constantinopoli patebat; itaque in-
feliciter deinceps imperarunt, vt eorum vix vlla exstet memoria. Sub hæc tempora Tur-
cæ, quos antè Tartaros ac Saracenos appellauimus, totam Asiam, Orientem atque hinc
Africam subegerunt. Sed in Occidente, quod Imperium Romanum in Principes Germa-
nos iam translatum esset, potentiores certè effecti sunt. Occasionem verò, quâ Roma-
num Imperium ad Germanos deueniret, abundè suprâ à paginâ 208. ad hunc vsque lo-
cum diximus: sed quemadmodum istud Carolus primò adeptus sit, mox dicetur in se-
quentibus.

CXL CXII.

FEMINÆ NATVRAM REGERE
 OMNINO DESPERARE.
 VIVE VT NON MORIARIS.



Vnà cum matre regnavit annis XVII. quæ, filio excæcato & in
 perpetuos carceres detruso, sola quadriennium regnavit.

E e



AROLVS MAGNVS potentissimus ille Francorum in Germaniâ ac Franciâ Rex, quòd aduersus Leonem Pontificem tumultus Romani concitauerant, Romam ipse profectus est. Iam verò vbi istic Natale festum celebraret, factum est cùm ad sacra properaret, quæ eo festo perficiuntur, seque cognosceret peccatorem, atque à precibus suis resurgeret, ac nihil tale quidpiam exspectaret, ipsi coronam Pontifex Leo imposuit, atque altâ voce Imperatorem Romanum publicauit. Confestim vniuersus populus Romanus, qui eo Festo maximè erat congregatus, incredibili lætitiâ acclamauit: CAROLO AVGVSTO A DEO CORONATO, MAGNO ET PACIFICO IMPERATORI ROMANORVM VITA ET VICTORIA. Post hanc acclamationem à Pontifice inunctus est, ac iuxta veterem consuetudinem se Pontifex Cæsari flexit humiliavitque; ac sublato cognomento Patricij, appellauit ipsum MAGNVM IMPERATOREM AVGVSTVM. Factum autem id ita est prædicto die, anno post natum CHRISTVM octingentesimo primo, ab Româ verò conditâ millesimo quingentesimo quinquagesimo secundo. Postquam Carolus iam Francorum rebus annis triginta tribus præfuisset, comitia coacta fuerunt in eos qui in Pontificem commiserant, ac iuxta Romanorum decreta capite fuerunt condemnati: verùm Pontifex ex suâ clementiâ pro his supplex orauit, nequid in vitâ aut corpore detrimenti paterentur. Vbi iam Carolus Longobardos in vniuersâ Italiâ subegisset, & ad pacem compulisset, in Germaniam reuersus est, sellamque Imperatoriam fixit Aquisgrani. Hinc passim per vniuersam Europam ingentem militum multitudinem misit, ac cuncta prosperè suo Imperio subiecit. Nihilominus suum cuique nationi permisit Principem præter Longobardos in Italiâ: nam filium suum Pipinum vniuersæ Italiæ Regem præfecerat. Habebat præterea & alios duos filios, Carolum, & Hludouicum: horum Carolus multa fortiaque bella patris nomine absoluerat, ac non multò post obiit: sed Hludouicum consortem sibi Imperij fecit. Vsq̃ueadè enim liberos suos adamauit, vt beatum se verè arbitraretur, quòd sibi cohabitabant, atque idèò nullos matrimonio elocabat dum viueret. Filia eius serica pensâ ducebant, lanamque præparabant, atque

CXIII.

NIHIL EST QVOD PLVS VALEAT
AD PONENDVM LABOREM,
QVAM CVM EST INTELLECTVM
NIHIL PROFICI, ET FRVSTRA
ESSE SVSCEPTVM.



Rerum Occidentalium habenas tenens per XIII. annos,
ætatis LXXII. naturæ debitum persoluit.

acu artificiosè pingebant. Complures matronas Nobiles in Aulâ suâ alebat, easque secum quocumque proficisceretur conuehebat, nec vîquam sine his aut prandebat, aut coenabat. Augustinum sibi ac sacras Litteras quotidie in mensâ prælegi curabat. Nullum non scientiæ genus discere affectabat. Astronomiæ, Geometriæ, Arithmeticæ, Musices, atque aliarum artium erat peritissimus: in orationibus habendis copiosus, elegans, ornatus, atque eloquens. Balneis ac venandi studio plurimùm se oblectabat. Amabat item plurimùm thermas illas naturales, quamobrem Imperialem suam Aulam esse voluit Aquisgrani. In hac vrbe operosissimum sanè templum struxit. Ita erat omnibus imaginum ornamentis, cærimonijs, atque officio diuino semper addictus, vt in templo sacras Lectiones ipse cantauerit, Psalmosque vnâ cum Sacerdotibus modulatus fuerit, & omni se officio diuino facillè accommodauerit. Et quamquam natione erat Germanus, semperque Germanicâ linguâ vsus sit, dicendo tamen Latinè disertissimus fuit, nec Græcæ linguæ omnino ignarus; adeò vt ipse legatos Græcos audiuerit, & Græcè responderit. Missi enim erant ad ipsum legati Regis Persarum cum muneribus huiusmodi: nimirum cum Regio tentorio magnificentissimo, ac tribus coloris diuersi alijs magnificè artificioseque ex serico confectis; præterea cum innumeris ornamentis sericis, balsamo, alijsque vnguentis salutaribus, atque horologio operosissimè ex auro atque ære confecto. Mittebant item periti Imperatores Constantinopolitani tres quatuorve continui salutem (nihil enim his ferè aliud relictum erat) per litteras se illi subijcientes, nihilque aliud flagitare profitentes, quàm eius gratiam & fauorem. Ceterùm omnes Christianos Reges in omnibus Prouincijs obsecrabat, vt pacem conseruarent: quod vtrique factum est. Nam metus atque amor, quem de illo cuncti susceperant, per vniuersum orbem sese diffundebat; exceptis Turcis siue Saracenis, quos pugnis herclè cruentissimis sæpenumero subegit, damnoque vix recuperabili affecit. Odiosum sanè foret omnia eius bella hîc recensere. Aduersus Hunnos bella mouit annis octo, in quibus pænè omnes euersti fuerunt. Interea temporis Bohemiam quoque cepit, ac Regem Lechon interemit.

Grauiâ,

Graua , innumeraque bella aduersus Danos , Nortmannos , Frisios , atque Anglos gessit. Postremò omnium nationum iura ac constitutiones in vnum volumen congeffit , mutatis correctisque plurimis. In vniuersâ Europâ sanctissimam semper iustitiam diligenter obseruabat. Quater in vitâ Romam profectus est. Postremam profectionem suscepit nomine Pontificis Leonis (cui oculos Romani effoderant , ac linguam præciderant , & qui ad ipsum in Germaniam confugerat) vt hunc in Sedem Apostolicam restitueret. Cùm iam Pontifex atque Imperator Romam properabant , obuiam his Romani cum Sacerdotibus ad pontem Miluium ingenti pompâ procedebant , ac Romam cymbalis , citharis , atque id genus instrumentis inducebantur. Proinde Imperator hanc sæuitiam non passus est inultam. Nam eodem die obruncati fuerunt ex præcipuis trecenti. Deinde quatuor annis continuis febri grauiter confectus , Aquisgrani felix ad Superos migravit ; atque huius nomine ceteri deinceps Romanorum Imperatores in hac ciuitate Imperij diadema suscipere debent.



LUDOVICVS PIVS Caroli Magni filius, rerum potitus est anno CHRISTI octingentesimo decimoquinto. Huic in initio Principatus sui nuntiatum fuit, Romæ aliquos ex optimatibus (audita morte patris) coniurasse, atque in necem Leonis Pontificis conspirasse; & quemadmodum Pontifex eius rei iam factus esset certior, iusseratque coniuratores hosce strangulari; ac Romæ cuncta etiam in tumultu esse. Hludovicus, eo nuntio accepto, ingenti sanè dolore, tamquam gravissimum perpeffus infortunium, perfusus est, mandavitque Bernhardo fratris sui Pipini filio (quem Carolus avus post mortem patris Italiæ præfecerat) ut hæc cèrtius rimaretur. Hic vbi Romam venit, morbo correptus est: nihilominus confestim ducem Heroldum in Germaniam misit, vti Hludovicum de Rebus Romanis certiorum redderet. Hunc legati Pontificis infecuti sunt, qui crimina quæ de illorum Domino ferebantur; coram Hludovico abundè satis refutarunt. Abhinc diebus non multis ipse Pontifex obiit, atque in eius locum Stephanus quartus successit. Hic exemplò properavit in Germaniam, Hludovicumque Aquisgrani diademate cinxit. Interea postquam tumultus aliquis in Gasconiâ exortus fuisset, quæ ab Imperio desciscere conabatur, Pontificem per Galliam Cæsar Aureliam usque deduxit. Diutius quidem ipsum apud se detinuisse, nisi gravissimis bellis fuisset occupatus, ac nisi ipse adversus hostes proficisci debuisset. Dum ergo Imperator in Franciâ circa hostes erat occupatus, plures sanè ab Imperio desciverunt; nempe Angli, Dani, Saxones, Hungari, Nortmanni, ac Saraceni. Gasconenses quidem ferro compescuit. Deinde verò ita acriter Anglos & Danos adortus est, ut omnes faciliè domuerit. Profectus est plenò exercitu adversus Saxones, qui iam Viromachum Ducem fecerant, quem in primo conflictu prostravit, sibi que Saxones parere coëgit. Lindeuntum denique, quem Hungari Regem sibi legerant, etiam bello devicit. Volebat item aggredi Bulgaros, qui Hungaris suppetias tulerant; nisi Nortmanni, qui Franciam obruebant, impedissent, adeo ut hos contra redire debuerit. Hi plurimum huic negotij fecerunt, plurimaque bella terrâ marique adversus hos mouere coactus fuit. Nam vniuersum mare Occidentale iam opplerant, ac nusquam non eruperant: tandem & hos tamen coërcuit. Deinde collectis vndecumque presidijis, cum ingenti liberorum suorum multitudine in Hispaniam adversus Saracenos profectus est; sed in multis præliis nihil aut parum ab his potuit obtinere. Hæc vbi bella in Imperio sedasset, reuersus est Aquisgranum, ibique comitijs celebratis filium suum natu primum Hlotarium Imperatorem Romanum creavit, confortemque Imperij fecit: filios autem alios, Reges appellavit; alterum quidem Aquitaniz in Galliâ, alterum verò Bauariæ in Germaniâ superiori. Post hæc intellexit quemadmodum Bernhardus Italiæ Rex tyrannidem affectaret, ac vias iam in Alpibus arcas præmunivisset, cunctaque Italiæ oppida illi iurassent. Hunc rumorem uti compesceret, expeditionem confestim paravit instructissimam. Bernhardus non multum suis in hac necessitate fidebat; quamobrem arma deponebat, cogitabatque se faciliè propter ætatem, genus, ac criminis sui confessionem, in Cæsaris gratiam rediturum. Cæsarem itaque accedebat, permittebat se eius voluntati & gratiæ, culpamque omnem in suos reijciebat nobiles, qui ipsum concitarent, quare ut sibi ignosceretur obsecrabat. Verùm Imperator ipsum cum suis nobilibus captum ad Comitæ Aquisgranum duxit, ac publicè interemit. Quo factò, Hlotarium filium suum Italiæ Regem præficiēbat, eoque ipsum mittebat, ut cuncta Italiæ negotia suo arbitratu ordinaret. Cum iam istic singula diligenter restituisset, atque in Germaniam redire cogitaret, Pontifex Paschalis ipsum obsecrabat, uti Romam venire vellet. Quod minimè recusavit, atque in Urbem ingenti honore exceptus est, ipsoque die Paschatis à Pontifice Imperator vnctus coronatusque est. Multo tempore post Imperator senior filio suo Carolo Caluo, quem ex Iudith Suevâ susceperat, concessit Sueviam, Burgundiam, ac Rhetiam. Quæ res Hlotario iuniori Imperatori displicuit, & adversus patrem conspirabat. His rebus plurimi sese miscebant Antistites atque Episcopi, consulebantque uti Iudith nobilem illam Sueviam coniugem suam ab se abdicaret, quò vel hoc pacto filium suum placaret. Verùm hæc re filij sui iram evitare non potuit. Operâ quorundam Principum comprehendebatur, cogebaturque Imperium atque omnem potestatem deponere, atque Antistitem consensu in monasterio vitam suam finire pœnitentiamque agere iudicabatur. Sed hinc tandem liberatus, ad vxorem, liberos, atque Imperium redijt; Hlotariumque filium suum (qui cum exercitu ex Italiâ adversus hunc bellaturus properabat) vi in Italiam repulit. Dum iam pater filiusque inter se dimicarent, Saraceni seu Turcæ Italiam obruebant, terramque locustarum more opplebant, atque urbem Romam obsidebant.

CXIIII.

VICISSITVDO OMNIVM RERV M EST.



Sui Imperij anno XXVI. ætatis LXIIII. vitâ decedit.



*Roma ab
Turcis
spoliata.*

HLOTARIUS qui Rex erat constitutus vt Italiam ab impetu Turcarum defenderet, tantos ipse concitabat tumultus, vt aduersus hunc velut Turcam aut Saracenum sese pater in Italiam parauerit. Tempia quippe passim diripiebat, profligabatque cunctos Religiosos. Turcæ inuadebant Romam, atque ex Basilicâ diui Petri stabulum sibi consciebant equorum. Gestum id ita est post CHRISTVM natum anno octingentesimo trigésimo quarto. Iam verò vbi Turcæ intellexissent, Guidonem Marchionem Cisalpinensem cum Longobardis aduersus se expeditionem parare; vniuersam Romam omnino spoliarent, vastarentque Tusciam, & quidquid circa Romam situm erat, cædibus atque incendijs. Mox Tarentum, Apuliam, Siciliam aggressi sunt; & postquam multa his intulissent damna, nauesque spolijs onerassent, properè aufugerunt, priusquam Italiz quisquam auxilio venire potuit. Quidam tamen narrant; Guidonem multo sanguine, multaque Christianorum clade eos ex Italiâ profligasse. Hlotarius nihil horum penitus habebat, sed indies magis magisque furebat, atque in sua viscera truculentius sæuebat. Filium patris sui, sororem Bernhardi, trucidatam in vasculum condidit, & in fluium Ararim coniecit. Nonnullos ex cognatis suis; quod ipsum arguerant, interfici iubebat. Hludouicus senior Imperator duos alios ad se filios accersebat, Pipinum videlicet & Ludouicum; proficiscebaturque cum exercitu aduersus filium suum Hlotarium iuniorem Imperatorem in Italiam. Hlotarius verò ingentem patris videns multitudinem, ignosci sibi obsecrabat, & postquam illi iterum iurasset, Rex Italiz permansit. Nec multò post mortuū Pipinum. Cumque Hludouicus senior Imperator huius Regnum ad se recipere decreuerat, eius alter filius Ludouicus Sueuiam ingressus, patri militari manu restitit, & cum pater Aquisgrano Moguntiam venisset, morbo correptus est. Tentoria istuc sua sibi mandabat, atque in eam incidebat infirmitatem, vt quadraginta diebus neque edent, neque biberit. Interea condonabat filio suo Ludouico tumultum quem excitauerat, itidem & Hlotario, cui præsentia cuncta Imperij insignia tradebat, obsecrans vt cum coniuge suâ ac filio Carolo Caluo amicum deinceps agere vellet. Atque ita quidem magnis cruciatibus interijt. Confestim verò diffusio, Regni causâ, inter fratres coorta est. Imperator Hlotarius æquali iure vt volebat, nec permittebat Carolum Caluum Regni fore participem, volebatque etiam Ludouicum exheredare. Fratres itaque tanto inter se conflictu congressi sunt, quantum nunquam apud Francos aliâs fuisse testantur historici. Victores fuerunt Ludouicus & Carolus Caluus, sed non sine clade suorum. Hlotarius Aquisgranum fugâ elapsus est, indeque à fratribus propulsus Viennam Austriæ, quod & fratres cum exercitu ipsum insécuti sunt. Multi sanè Principes atque Episcopi, imò & Pontifex ipse Sergius Secundus, hac re fuerunt sollicitati; & cum in gratiam tandem essent redacti, Imperium inter se diuiserunt: Hlotarius cum Imperiali nomine Italiam retineret, Ludouicus Rex diceretur Germanicus, Carolus denique Caluus vniuersam Galliam in hereditariâ transactione possideret, Rhenuſque Germaniam ab Galliâ diuideret. In luctuosis hiscè bellis, quæ inter sese confecerunt fratres, ceciderunt hominum bis centum millia. In hac verò calamitate ruffum Turcæ magnis copijs Italiam vndique ac Siciliam inuaserunt. Ab Turcis Constantinopolitanorum ac Venetorum triremes in fuydum actæ fuerunt supra sexaginta. Tam iisdem ciuitatem Anconam aggressi, ceperunt, spoliarent, incenderunt. Postremò Italiam deserentes, profecti sunt in Illyrium ac Sclauoniam. Hic ceperunt Ragusum, ac ciuitates multas alias, tantumque damni intulerunt, vt aliqui dixerint, Christianum nomen planè fuisse interitum, nisi mare nobis tandem suppetias tulisset, Turcasque cum spolijs absorbuisset. Interea temporis inuadebant Aquitaniam Nortmanni, cunctaque depopulabantur; & quia nullus erat qui resisteret, proficiscebantur per vniuersam Galliam, Geldriam, Hollandiam, Zelandiam, redibantque per Flandriam ac Picardiam in Aquitaniam. Hic sedem fecerunt, appellaruntque eam Nortmandiam. Et quidem quod Carolo Caluo Gallia contigisset, voluit hinc Nortmannos expellere. Verum haudquaquam potuit; atque ideo ab eo tempore Nortmanni in Aquitaniâ manserunt. Carolus verò Caluus vel quinquennio aduersus Angliam bella gessit, donec tandem & sibi subegisset.

C X V.

VBI MEL, IBI FEL.



xv. annorum cum filijs Hludouico II. & Hlotario II. Imperator,
monachus factus in monasterio moritur,

F f



HLUDOVICVS II. Regni Imperijque consors à patre effectus est anno **CHRISTI** octingentesimo quadragésimo tertio, missusque cum ingenti hominum multitudine. Adolescens autem rerum successu elatus, cuncta passim in itinere caedibus, direptionibus atque incendijs Romam usque vastabat. Hic Religiosi omnes ad primum milliari huic Tyranno obuiam cum crucibus ac sacris vexillis procedebant, deducebantque ipsum Romam canentes: *Benedictus qui venit in nomine Domini, Hosanna in excelsis.* Pontifex ipsum collo amplexus osculabatur. Hac vrbánitate atque humanitate ferox iste animus paulò tranquillior humaniorque effectus est. Præcludebat illi Pontifex vniuersas Ecclesias, aditum in eas inueniens minime ipsi patere, nisi tamquam amicus & pacificus ingredi vellet. Quod huic Hludovicus facile promittebat. Tum ex templo à Pontifice Sergio II. Italiæ Rex inunctus ac diademate Imperiali coronatus est: ad quæ festa cuncti venerunt Italiæ Principes atque Antistites. Et sic quidem cuncta vndique lætitiâ perstrepebant; vt vniuersis calis arboribus, fructibus, armentisque, ex ijs publicè omnibus epulas paraerint. Principes optabant vti Hlotarij patris nomine ipsum Romani inaugurarent; sed id Pontifex handquaquam admittebat, satis esse inueniens eos semel seniori Imperatori iurasse. Mox Hlotarius Imperator senior alterum suum filium etiam Hlotarium appellatum Aquilgrani, in locum suum constituit, profectusque est omni vi Romam, quod audierat Pontificem iratum conari Imperium ab Germanis rursus in Orientem transferre. Verùm Pontifex excusabat se; & qui nuntiauerunt, tamquam delatores falsi obruncabantur, ita vt hunc Pontifex Imperatorque conciliari sint. Hlotarius vbi iam multis annis cum duobus filijs Imperium administrasset, reuersus est ad Hlotarium filium in Germaniam; cui omnem vim potentiamque tradidit, ac Imperij gladio deposito tonsus monasterium ingressus est, & Pruniæ in cœnobio obiit. Deinde rursus Italiam Turcæ ingressi, Tusciam inuasērunt, veneruntque iterum Romam. Proinde quia in primo conficiu præter subuiuium obtinere nihil potuerunt, idipsum miris modis deuastarunt, & iam secundò ex Basilicâ diui Petri stabulum equorum consecērunt. Eradebant, quæcumque erat in pariete picturæ altaria imaginisque vniuersas deiciebant, cuncta ferro flammæque vastantes, ac spolijs onusti Ostiam deinceps petebant. Pontifex verò & Hludovicus Imperator Turcas collecto exercitu insecuti sunt, ac fuderunt; partem ceperunt, partem verò portis affixerunt, quò hostibus magis essent terrori: reliqui denique Turcæ profecti sunt Neapolim atque in Calabriam, vbi itidem cuncta sunt depopulati. Pontifex nolebat vt ita deinceps Ecclesia hostibus ac Tyrannis vndique pateret; ideoque D. Petri Basilicæ fortia mœnia circumdedit. Cuius rei gratiâ multa ei dona vectigaliaque ambo Imperatores concedebant. Non multò autem post Turcæ tertiò Italiam inuasērunt; sed ab Hludouico & Hlotario eius fratre hinc facile repulsi sunt. Vniuersam etiam hi Apuleiam & Campaniam ab Turcarum armis repurgarunt. Sic & Sclauos vicerunt, eorumque Principi oculos effoderunt. Hlotarius duas volebat ducere vxores, alioqui priorem ab se velle abdicare dicebat. Hac de causâ Pontifex Adrianus secundus ipsum anathemate ferijt. Quod adeò commouit Hlotarium, vt reuocatâ priori vxore concubinam mox præteritam habuerit, quæ nec ab eo nisi morte diuelli potuit. Pontifex ipsum accersibat Romam, & post multas admonitiones nequidquam se laborare considerans, rursus ipsum excommunicauit. Hlotarius excommunicatus Româ excessit, ac Placentiæ in Longobardiâ vitâ functus est. Horribilia sinè hac tempestate prodigia apparuerunt. In Longobardiâ cruenta pluuia cecidit diebus tribus totidemque noctibus continuis. Hoc etiam tempore vniuersa Gallia oppleta est locustis, quæ sex habebant alas totidemque pedes, atque in ijs virgines duos vel quouis saxo duriores. Hæ circulatim terras contegebant spatio quatuor milliariū. Sursum autem deorsumque simul volitabant, ac deuastabant herbas, arbores & omnis generis fructus, ad mare usque Oceanum. Tum exortus Eurus eas vnico impetu in mare egit. Et cum eandem mare rursus ad littora pellebat, ita earum fortore aër infectus est, vt in Galliâ plusquam tertia pars hominum ex peste obierit. Sed prodigium hoc omen dumtaxat futuræ erat calamitatis, quam, vt mox audies, Imperium Romanum passum est. Hludovicus Imperator postquam iam diu solus post obitum fratris imperasset, Italiâque tranquillam reddidisset, sine herede masculo vitâ decessit. Verùm eius patruus Ludouicus Rex Germanicus ac Carolus Caluus Rex Galliæ etiamnum in viuus agebant.

Roma secundo à Turcis deuastata.

Prodigia sinè hac tempestate horrenda ventura calamitatis.

CXVI. CXVII.

NIHIL LABOR ADVERSANTE FORTVNA PRODEST.

DITIOR QVI DIVITIAS SPERNIT,

QVAM QVI EAS POSSIDET.



Simul cum patre xv. annis, eoq̃ue mortuo xiiii. Augusti
fuerunt, diemq̃ue naturæ obierunt.



CAROLVS II. cognomento CALVVS Rex Franciæ Romam venit anno
 CHRISTI. octingentesimo septuagesimo sexto, simulatque audisset obi-
 tum Cæsaris; tantumque egit apud Pontificem Ioannem IX. vt quamprimum
 ab eodem Imperator designatus, vnctus publicatusque sit. Iam verò
 machinabatur Romanus Pontifex Imperij Maiestatem à Germanis ad Gal-
 los transferre: verum re cognitâ Ludouico Regi Germanico ac huius Caroli fratri,
 ferre id planè noluit. Tum Imperator comminabatur tam innumerabiles hostium co-
 pias trans Rhenum se ducturum, vt vel ab equis exhausto Rheno exercitus siccis pe-
 dibus posset transire. Ludouicus, collectis duobus exercitibus, mittebat filium suum
 natu minimum Carlomanum Regem Bauariæ cum exercitu vno per Alpes in Longo-
 bardiam, vt Caroli Calui propositum inhæberet: cum altero autem exercitu ipse cum
 duobus filiis Carolo Crasso & Ludouico (quem Regem Francorum fecerat) compen-
 diosiori viâ trans Rhenum profectus est in Franciam, vt fratri obicem obiciat, ac
 deinde opportuno tempore in Italiam pergat. Ludouicus vir erat senex, debilis, & qui
 in superioribus bellis caulis grauerat fuerat vulneratus; quare solus profectus in bel-
 lum est, vel propter suam auctoritatem vel propter liberos suos. Carolus Caluus
 tamen haud ignarus fratrem non ita subito instructum fore, ac depopulaturum suas
 regiones, non destitit tamen orare & blandiri, donec Imperatorum diadema à Pon-
 tifice impetrasset. Pontifex nullâ decreti ratione habitâ, quo nullus Princeps Franci-
 cus Imperator creari poterat, ipsum Cæsarem inuinxit ac coronauit. Quo facto Im-
 perator confestim Româ in Regnum suum iter flexit, ac dolo in Franciam repeda-
 uit. Hic exercitus conscripsit è diuersis nationibus, videlicet Nortmannis, Picardis,
 Anglis, Gothis, ac pluribus aliis; parauitque se ad expeditionem quinquaginta instru-
 ctus Gallorum milibus. Frater eius Ludouicus fugâ sibi consuluit; profectusque Fran-
 cofordiam, aduersâ laborare cœpit valetudine, atque obiit. Mox vt hæc Carolus ac-
 cepisset, ingenti cum exercitu Aquisgranum profectus est, eo certe animo, vt vniuer-
 sam Regionem ad Rhenum ab imò ad summum vsque populabundus deperderet;
 quod vique fecit. Vbi verò Coloniam venit, deliberauit secum Ludouici filius, nec
 ita patriam suam perditum iri pati voluit; sed hunc contra arma extemplo mouit, nec
 vndeumque illi defuere presidia. Cæsar Coloniam liquit, atque vterius profectus est,
 sperans omnia se vastaturum. Cum iam copie vtriusque congregarentur, pugna habita
 est non procul ab Andernaco ad Rhenum, in qua vniuersa penè Gallia nobilitas interijt,
 Cæsarque in turpem fugam actus est. Nam in Italiam vsque profugum tres Ludoui-
 ci filij ipsum ingenti exercitu insecuti sunt, pugnatumque seuisime. Cæsar in Alpi-
 bus antra passim occupare conabatur, at frustra: Germani enim quocumque irum-
 pebant; itaque eo animo, vt aut vincerentur, aut Cæsarem interficerent. Tantum
 ob Cæsaris insaniam stomachabantur, & quod ius fasque violasset, ac magnâ clade
 Imperium illis eripere molitus fuisset. Cognitâ hac famâ, Cæsar ex morore morbo
 Mantuæ correptus Sedecliam Iudæum Medicum ad se accersuit: qui toxicum illi
 pro antidoto porrexit, vt miserabili hac calamitate semel Orbis liberaretur. Sed ne-
 quidquam hæc quidem omnia. Nam Pontifex, auditâ morte Cæsaris, LVB OVRE VM
 BALBVM huius filium Romæ Cæsarem publicauit. Sed Germani Romam profe-
 cti, Pontificem comprehenderunt, ac Carolum Crassum Imperio præficere voverunt.
 Deinde Pontifex fugâ in Galliam elapsus, Ludouicum Balbum Cæsarem creauit. In
 hoc sane tumultu Turcæ rursus in Italiam irruerunt, cunctaque passim caedibus
 ac rapinis oppleuerunt. Post Gallia ab Nortmannis obruebatur, adeo vt deinceps di-
 uisa fuerit. Cum itaque Italia ad istum modum ab Turcis coarctaretur, Romani è
 Galliâ Pontificem in Italiam receperunt. Cumque subsidijs iam maximè aduersus Tur-
 cas indigerent, ita Imperator Ludouicus Balbus in Galliâ circa hostes occupabatur,
 vt Italiæ subsidio esse non posset; vnde inuenit ac mali quamplurimum postea exor-
 tum est. Tum Pontifex necessitate coactus Germanicos Reges implorabat, vt Italiæ
 subsidio venirent, coronaret Cæsarem quem vellent. Tum ad expeditionem se parauit
 Carolus Crassus cum ingenti militum multitudine.

Ludoui-
 cus Bal-
 bus in
 Cæsarem
 creatus.

CXVIII. CXIX.

IVSTITIAM INIVSTITIA PARIT.

QVOD PASTORI, ID OVIBVS.



Paucorum mensium Imperator obiit. Ludouicus Balbus filius,
vix tribus annis pòst regnavit.

Ff 3



AROLVS III. cognomento CRASSVS, cum exercitu in Italiam profectus est, anno CHRISTI octingentesimo septuagesimo septimo, vt Pontificem ac Romanos ab obsidione Turcarum liberaret. Profligabat vi ab vrbe Turcas, repurgabatque Siciliam, & Prouincias alias. Tum Imperialem coronam accepit à Pontifice; adeoque hinc Imperium ante finem quadriennij ex Galliâ in Germaniam redijt. Quantum profectò cruoris in hisce bellis ciuilibus profusum sit, & quantopere vel integræ Prouinciæ sint depopulatæ, dici aut scribi vix potest. Reuersus itaque in Germaniam est ad fratres suos Carolus, qui patris Regnum iam administrabant, vt illis distribuerat. Intereà (anno nimirum octingentesimo septuagesimo nono) moritur Imperator ac Galliarum Rex Ludouicus Balbus; vnde noui de integro motus exorti sunt. Nondum enim ætate adultus erat heres Regni. Susceperat autem Ludouicus Imperator ex concubinâ filios tres, ac gravidam post se vxorem relinquebat. Quare magnæ passim dissensiones concitabantur de administrando Regno, donec Regius filius adolefceret. Bosus frater Reginae plurimum se Regno implicabat; sed soli præsidebant Ludouici filij spurij, rerumque fauore vulgi potiebantur. Intereà peperit Regina filium Regni-que heredem, quem appellabat Carolum Simplicem. Dumque Regnum ita in multos partitum administrabatur, Nortmanni irruentes in Galliam, tanta vbique damna intulerunt, quòd coacti sint Galli præsidia ab Imperatore Carolo Crasso postulare: & quia Prouincia erat seditiosa, ignorabant quem potissimum implorarent. Imperator igitur vnâ cum duobus suis fratribus è Germaniâ in Galliam cum ingenti exercitu profectus, multa fudit Nortmannorum millia. Ceterum Nortmanni; rursus auctis copijs, è nauibus proficientes, Galliam vndecumque aggressi sunt: iterumque eos Imperator profligauit. Gotfridus Nortmannorum Rex fugâ Parisios elapsus est, vbi ipsum Imperator obsedit, tandemque vrbe captâ interemit; atque ita vniuersam Prouinciâ paci reddidit. Tum verò omnium consensu Carolus Rex Galliarum designatus est, inauguratusque in cunctis oppidis. Atque eâ demum occasione vniuersam Germaniæ, Galliæ, & Italiæ Monarchiam obtinuit. Verum suspicans Nortmannos se
absente

CXX.

OS GARRVLVM INTRICAT OMNIA.



Post decennale Imperium depositus est; alterque, eo viuente,
eius loco gubernauit anno vno.

absente rursus Galliam oppressuros, foedus cum ijs percussit, habitationemque permisit apud alios Nortmannos, qui iam quadraginta annis Aquitaniam incoluerunt, atque ipsam Prouinciam de se Nortmandiam appellarant, quemadmodum dictum est paginâ 224. in rebus ab Hlotario gestis. Nec multo sanè post ita rerum successu elatus est, itaque communi sensu priuatus, ut quotidie inceptaret quæ nemini placebant. Ac præcipuè quidem zelotypus fuit supra quàm credi posset in uxorem; quæ tamen mulier erat verecunda, proba, atque honesta. Hanc rem habuisse dicebat cum Episcopo, qui vir habitus erat probus, irreprehensibilis, atque Imperatoris Cancellarius. Hoc vitio ita agitabatur, ut coniugem suam ab se in monasterium abdicarit. Hac occasione Imperator adedò unicuique inuisus est, ut priuatus sit Imperio, atque Arnolphus fratris sui Carolomanni filius Rex Bauariæ in eius vicem substitutus. Quamquam verò Nortmanni iam antè ad obsequium domiti fuerant, nunc rursus paullo audaciores effecti sunt, ut post motum Imperio Cæsarem multo alacriores expeditionem parauerint, quàm vnquam aliàs. Inuadebant Campaniam, Burgundiam, & Lotharingiam, multosque passim occidebant, tametsi quidem non absque illorum grauissimâ clade. Sed tam erant numero fortes, quòd etiam multi indies per mare Germanicum ad eos accedebant, ut difficile esset ijs resistere. In hac expeditione vetustissimum illud oppidum Troiam incendio absumpsere, deinde Tolam & Verdum inuasere, ac tandem etiam prope Leodium multos interemere. Mox Arnolphus in Franciam inferiorem aduersus Nortmannos profectus est, hostesque apud flumen Tiliam pedes aggressus, ita pænè omnes prostravit, ut pauci euadere potuerint. Residui autem per Flandriam rursus ad mare fugerunt, atque ita eâ tempestate Galliam omnino deseruerunt, postquam plurima in eâ confecissent damna. Ob hanc sanè victoriam Arnolphus apud omnes fidus gratusque habitus est. Salutabatur item honorificè, donabaturque ex omnibus Germaniæ atque Italiæ Prouincijs. Creassent præterea lubentissimè Occidentales Franci Regem Arnolphum, si hoc voluisset admittere. Verùm haud ignarus Carolum Simplicem Ludouici Balbi filium etiamnum superesse,

esse, illique sanguinis ac stemmatis ergo vniuersam Galliam, quæ hos etiam complectebatur, deberi, gratias ijs habuit. Sed noluerunt hi ætatem Regis sui expectare; quare præsidem suum VVichardum Comitem sibi crearunt. Hic cum fratre suo Lupoldo fortissimam construebat ciuitatem, appellabatque eam de nomine filij sui Gelriam; vnde & populi deinceps, relicto Francorum nomine, dicti sunt. Gelriacus filius dicti VVichardi his postea præfuit, atque ab eo tempore in posterum semper à Galliâ fuerunt separati: qui tamen veri ac primi fuerunt Franci, & ex quibus Franci in Germaniam & Galliam prouenerunt, vt dictum est paginâ 96. in M. Postumo. Imperator vbi anno Imperio fuerat orbatus, obiit, atque in eius locum successit Arnolphus.



ARNOLPHVS, clarissimus ille Princeps, Imperium adeptus est anno à **CHRISTO** natiuitate octingentesimo octuagesimo octauo. Victoriâ hic vir fuit insignis, dum Imperatoris vice pugnabat, vt paginâ 232. ostensum est, atque etiam nihilominus dum ipse Imperator esset. Nam initio Principatus sui gentem profugam ac planè inconditam armis deuicit, vt quæ relicta erat ex ciuili bello Imperatoris Caroli Galui ac filiorum Regis Germaniæ Ludouici, quamque Dux eorum Senebaldus adduxerat, cuncta Germaniæ loca passim deuastans: tandem illis regionem Bohemiæ aditam, nunc Morauiam appellatam, inhabitandam concessit. Non multo autem pōst omni iterum sacuitiâ Germaniam inuaserunt. Cū ergo Arnolphi copiæ multis grauib⁹ bellis in Nortmannos ac prædictam gentem gestis plurimum essent attritæ ac pænè deletæ; Hungarorum præsidia implorare coactus fuit, quorum ope illos subegit, ac tributarios sibi fecit. Ceterum victoria hæc non benè successit: nam Hungari per vniuersam Germaniam profecti, obuium quodque ferro, igne & laqueo ad Rhenum vsque deuastabant. Durante autem hoc tumultu iterum Nortmanni in Galliâ rebellauerunt, reuertique ex Galliâ etiam VVormatiâ ad Rhenum vsque peruenerunt; & hinc Moguntiam, vbi Antistitem captum miris cruciatibus interemerunt. Imperium innumeris tum insulsiis concutiebatur. In Italiâ per tumultum Dux Spoletanus VVido ex Longobardis oriundus Cæsar creatus est: Proinde Arnolphus cum omnibus copijs aduersus hos probè instructus, primum Hungaros vicit, deinde Nortmannos, quos ad **CHRISTO** fidem etiam amplectendam compulsi. Interea Berengarius Dux Foroiulij multas Italiæ ciuitates in contemptum VVidonis occupabat, ipsumque in extremos Vmbriæ fines profligabat. Post hæc Berengarius sœdus cum Arnolpho percussit hac conditione, vt alter alterius hostes expugnaret. Pontifex Formosus propter Cæsarem in Italiam accesserat, ingens enim tum Romæ dissidium ob electionem fuerat Pontificis. Nam & Sergius simul Pontifex creatus erat, sed pulsus est à Formosi fautoribus. Sergius profugerat in Galliam, ac moliebatur præsidio Gallorum Pontificatum consequi. Quare Formosus in subsidium Cæsarem vocabat, quo Papatum posset retinere. Interea dum Cæsar se parabat, Italia multum erat anxia. Cæsar cum militibus suis Germanis in Italiam venit, ac primo congressu Pergamum vi expugnauit. Ducem eorum Ambrosium suspendio enecauit; atque inde Romam profectus, Urbem forti obsidione cinxit, adeoque fame pressit, vt in summam eam coarctauerit necessitatem. Deinde Vrbs Pontificis suauis dedita fuit, eamque omni vi ingressus Cæsar est; vbi multos sanè potentissimos supplicio affecit, & ab Pontifice inunctus Cæsar coronatus est. Et cū Pontificem in suam dignitatem restituisset, Româ in VVidonis regnum profectus, id ipsum deuastabat, vxorem eius Spoleti obsidebat, quæ scelesti cuiusdam operâ Cæsarem potionauit, adeo vt tribus diebus totidemque noctibus continuis dormire debuerit. Post hæc statim in Germaniam reuersus, in morbum incidit pedicularem. Sic enim vndique ex eius corpore pullulabant pediculi, vt nullo medicamento curari potuerit, misereque Otingiæ in patriâ suâ interierit. Quod vbi Hungari intellexerunt, Morauianos armis oppresserunt & deleuerunt. Etiam Bauariam inuaserunt, oppida castraque deuastarunt, templa incendio absumpserunt, homines trucidarunt, & vt magis essent ceteris terrori, cæcorum sanguinem inbiberunt. Ludouicus patri in Imperium successit; quem nonnulli huius generis postremum fuisse arbitrantur. Verum aliud contrâ testatur Genealogia hæc, quam his subiunximus.

Carolus Magnus Cæsar, 810.

Hludouicus Pius Cæsar, 815.

Ludouicus Germanicus Rex Germaniæ, 834.			Hlotarius Cæsar, 834.		Carolus Caluus Rex Galliæ, tandem & Cæsar, 876.	
Ludouicus qui cū Caro- lo Caluo bellauit.	Carolus III. cognomēto Crassus fit Cæsar, 877.	Carlomā- nus Baua- riæ Rex.	Hludouicus II. 843. post hunc Imperij Pon- tifex ad Gal- los transiit.	Hlotarius II. 843. iuxta fratrem Cæ- sar effectus, in Pō- tifiā excommu- nicatione obijt.	Ludouicus III. cognomēto Bal- bus, qui cum Carolo Crasso ob Imperium bellabat, 877. & in Galliâ regnabat annos tres.	
Arnolphus primò Cæsaris vicem sup- plebat, mox & ipse Cæsar, 888.			Carolus Simplex Rex, 926.			
Ludouicus III. Cæsar, 901. qui Adelbertum obtruncabat.			Conradus Dux Comitum quemdam strangulabat.		Ludouicus Rex, 952.	
Eberhardus Dux, ab hoc originem sumunt Prin- cipes Franconiæ.			Lotharius Rex, 986. Ludouicus Rex, 987.			
			Conradus Cæsar, 913. postremus huius generis; post quem Impe- rium ad Saxones translatum est.			
			Carolus Rex huius pro- sapie postremus, 952.			

CXXI.

FACILE VOCAVERIS CACODÆMONA,
 SED VOCATVM
 HAVD FACILE REPVLERIS.



Imperavit annos v. verùm cum Carolo Crasso tamquam eius
 vice annum vnum: obiit morbo pediculari.




*Berengarius in
Cæsarem
coronatur
a Pontifice.*

LUDOVICVS IIII. Imperium post mortem patris sui Arnolphi adeptus est anno CHRISTI nongentesimo primo. Hic minimè ferens ita subditos suos ab immantibus Hungaris dilaniari, ingentem conscripsit exercitum, pugnavitque cum ijs ad Licum fluuium. Cumque pugnatum esset circiter horas septem, victorque Cæsar putaretur, fugam Hungari dissimularunt, ac nonnulli se abderunt. Quare Cæsariani istius planè ignari, eos sunt insecuti: sed hi ex insidijs emergentes, Cæsariique exercitum aggressi, victores prostrauerunt. Ipse Cæsar etiam, qui victoriâ antè fuerat potitus, summopere mirabatur se tam subitò victum, quò & grauius illi inopinatum hoc cessit infortunium. Hungari autem vt iram explerent suam, maximas vbique calamitates & damna incredibilia Cæsaris patrimonio, Bauaris nempe, Suevis & Francis, intulerunt, omnia incendio miserè deuastantes. Cum iam vniuersam propè Germaniam depopulabundi infestassent, magnis copijs Italiam oppresserunt: quâ re territi Itali, ignauiam Cæsaris incusantes, Berengarium, cuius in paginâ 232. mentio facta est, Imperatorem extemplo fecerunt. Hic numero. centum & quinquaginta millium aduersus Hungaros profectus est. Vt autem pugnam vtrunque aggredierentur, Berengarij exercitus pæne omnis cædebat. Hungari vltimò profecti, Taruissium terrasque omnes Venetias vsque deuastarunt, atque hinc deinceps Paduam. Tum Berengarius vt fauorem sibi Romanorum conciliaret, si eos ab feris istis Barbaris liberaasset, magno pacem ab Hungaris redemit, adeò vt ex Italiâ reuer- si sint, postquam cuncta passim sine delectu cadibus atque incendijs deuastassent. Quapropter Pontifex Ioannes Berengarium in Cæsarem coronauit, qui stemmatis sui originem ducebat ab Longobardis Germanis. Eadem ferè tempestate Conradus Ludouici Cæsaris frater interficiebat Comitum Badenbergensem. Quod huius frater Adelbertus Princeps fortis potensque agrè ferens, iratum suum animum aduersus Imperium ac Ludouicum Cæsarem declarauit. Vt enim fratrem suum vindicaret, occidit fratrem Cæsaris: unde tantæ sunt ortæ inimicitie, vt eas nec Princeps, nec Episcopus sedare potuerit. Res cum in bellum excreuisset, sæpius ipsum Ludouicus Cæsar in arce suâ obryere conatus est, sed hunc tandem Adelbertus contra profectus, varias confecit pugnas. Iam verò vbi Adelbertus ad istum modum annos septem rebellem se exhibuisset, ac certus esset Imperator nisi dolo & fraude ipsum minime superatum iri, Hattonem Episcopum Moguntinum hac super re consuluit. Hic, vt erat vir promptæ calliditatis, illi respondebat vt bono atq; otioso esset animo, se effecturum ad illum vti veniret vltro: tum operam daret, ne quâ viâ rediret. Atque eo quidem animp Episcopus in arcem venit Badenbergensem, non secus ac si Adelbertus consilijs iuuare voluisset. Multa vltro citroque cum homine locutus, negotia quædam peruerfa correxeratque emendauit, consuluitque vti ad Cæsarem sponte veniret, sanctissime pollicitus, nollet vellet Imperator, pacem inter ipsos aut conciliaret, aut saluum in arcem reduceret. Isti fraudi fidem adhibuit Adelbertus, orauitque Episcopum vti apud se prandre vellet. Sed cum dolo id recusasset, sine morâ vibem equo egressus est, dextram Adelberti tenens. Cumque vix ad primum lapidem extra oppidum equitassent, ita loqui Episcopus exorsus est: *Ah, quoties optamus, quæ oblata recusamus! tædet me longi itineris, præferim cum ad vesperem declinet dies, nec absque esu diem integrum equitare possimus.* Quod vbi Adelbertus audiuiisset, nihil mali suspicans, latus ad Episcopum honorificè se conuertit, obsecrans redire vellet in arcem ac prandere. Atque ita quidem Episcopus cum Adelberto in arcem reuersus est, ratus eo pacto iuramento se solum, quòd incolumem ipsum in arcem reduxisset. Sumpto autem prandio Adelbertus cum Episcopo ceptum iter ingressus est, qui ipsum Cæsari in manus tradidit. Mox coacto iudicio ac coram Principibus, qui istuc aderant, morti Adelbertus adiudicatus, capite truncatus est. His rebus ita in Germaniâ actis, Ludouicus in Italiam ingenti exercitu contra Berengarium Cæsarem profectus est, ac magno ipsum cruore in fugam egit. Verum cum Ludouicus Veronæ otium ageret, proditâ ciuitate vtroque lumine per Berengarium captus est. Tum reuersus in Germaniam, mœrore casus sui infelicitate perijt. Nec multò post vniuersa Italia ab Imperio desciuit, habuitque peculiarem Cæsarem in annum vsque CHRISTI nongentesimum sexagesimum quartum. Cum autem Ludouicus Cæsar sine herede obiisset, Germanici Imperij Principes pariter contendebant Othonem Saxonum Ducem Cæsarem designare. Verum quia propectæ iam erat ætatis, Conradum Ludouici ex fratre (qui ab Adelberto erat interfectus) nepotem Cæsarem creandum consulebat, promittens ipsi ceu collega Imperij omnem suam operam. Successit itaque Conradus in Imperio, sed in maiore auctoritate erat Otho, vt penes quem Imperij summa reposita erat.

CXXII.

MVLTIS QVIDEM AGGREDIENDI HOSTES,
PAVCI VERO CONSVLENDI.



Imperator per Germaniam XII. annis, à Berengario per Italiam
Imperatore oculis priuatus, præ dolore vitam finiit.



ONRADVS Imperio præesse cœpit anno CHRISTI nongentesimo decimo tertio. Hic autem Imperator fuit nouissimus ex nobilissimâ posteritate Caroli Magni, vir seuerus, ac militiæ minimè ignarus. Tertio Principatus sui anno Hungari rursus Germaniam ingressi, Bauariam, Sueuiam, Franciam, Thuringiam, Saxoniam, atque Hessiam inuaserunt, Ratisponam incendio penitus deleuerunt, cunctaque Bauariæ oppida ac Saxoniam deuastarunt ad Fuldam usque. Deinde traieci Rhenum, in Lotharingiam atque Elsatiam profecti sunt. Basileam penè funditus euerterunt. Tum sese ad resistendum pararunt Conradus & Otho, profectique præsidio totius Germaniæ, acerrimas profectò pugnas confecerunt, ac tandem Hungaros superarunt profligaruntque. Hic Henricus Othonis filius ita fortiter se gessit, ut virtute suâ ac rebus gestis tantum laudis & honoris apud Germanos commeruerit, ut iam ipsum hinc Conradus, qui meritò ipsum amare debuerat, cœperit odisse. Timebat enim ne post mortem patris sui, Imperio in locum suum sufficeretur, adeoque conabatur ipsum per insidias opprimere, antequam obiret pater. Cùm iam pudebat benè de se alioqui merito laudatoque adolescenti apertè iniuriam inferre, cum Hattone Moguntinensi Antistite, qui & patris sui percussorem præcedenti Imperatori Ludouico tradiderat, clanculum egit, uti adolescentem veneno è medio tolleret. Rem Antistes libentissimè aggressus est. Inuitabat quodam tempore Henricum, hilariterque exceptum insigni torque aureo donabat: hic veneno erat infectus. Sed cùm illum collo eius implicare conabatur, insidiæ Henrico per amicum fuerunt apertæ, nec recipiebat venenosum torquem, ac confestim discedebat; significabatque per nuntium Antistiti, suum collum æquè esse molle ac fuit Comitis Adelberti. his verbis illud innuens, quod non minori studio se conatus fuisset interimere, quàm Comitem Adelbertum; cuius in paginâ 236. mentio facta est. Quare ingenti anxietate ac sollicitudine Antistes corripiebatur; itaque eius animum admissi sceleris conscientia vrebatur, pudorque aggrauabat, ut ex solo mœrore interierit. Postquàm iam mortuus esset Otho, qui supremus erat Imperator, videretque Conradus

CXXIII.

FORTVNA CVM BLANDITVR, FALLIT.



Vnà cum OTHONE Imperator factus,
cum eo regnauit VII. annis.

dus sese Germanis omnibus esse odio (nouerant enim cuncti
 Othonem patrem Henrici multa in ipsum contulisse beneficia)
 apertè tum inuidiam, hætenus celatam ac dissimulatam, indi-
 cabat; mittebatque fratrem suum Eberhardum cum exercitu
 in Saxoniam, vt eam deuastaret. Hic fratris sui voluntati obe-
 diens, bellum nimis quàm animosè aggressus est, sed superatus
 ab Henrico prope Heresbergum conflictu acerrimo, actusque
 in fugam est. Mox illi alium Conradus subministrabat exerci-
 tum, obsidebatque Saxones Grunæ. Dietmarus Dux commen-
 tum extogitabat acutissimum; narrabatque Henrico, præsen-
 tibus legatis Eberhardi, exspectare se adhuc triginta legiones.
 Hunc rumorem ceu verum legati (qui vtrunque partem con-
 ciliare conabantur) propalarunt in castris. Quo audito, Eber-
 hardus clàm nocte ad Conradum fratrem suum discessit. Ade-
 pti itaque calliditate sunt victoriam, quam armis ne sperare
 quidem potuerunt. Tum Conradus nuntium ad Henricum mi-
 sit, qui suo nomine significaret mandaretque, vt veniam pe-
 titurus ad se veniret: quod Henricus recusabat. Mox Conradi
 milites indies ab ipso discedebant, adeoque vt vel ipse bello su-
 perfedere debuerit. Non multò autem post Conradus in grauif-
 simum incidit morbum, quo paululum fuit humiliatus. Fate-
 batur ingenuè vniuersa quæ admiserat peccata, admonebatque
 omnes Principes vt venturæ vitæ ac Diuini Iudicii perpetuò
 essent memores, cogitarentque quem tandem finem ipsa habi-
 tura sit superbia. Fatebatur iamiam moriturus, Henricum Du-
 cem Saxonix, suum hætenus aduersarium, Principem esse fi-
 de ac diligentia summâ, qui solus Imperio dignus esset, appel-
 labatque ipsum Germaniæ asylum. Eberhardum hunc iuxta
 collocabat, atque Imperiale Diadema, ens, ceteraque Im-
 perij insignia, Henrico tradi mandabat, veniamque ab ipso ef-
 flagitabat, atque ita naturæ legibus satisfecit. Ad hunc ergo
 modum Imperium à Francis ad Saxones translatum est. Et Fran-
 corum Dux ex Caroli Magni prosapia postremus fuit Eberhar-
 dus Conradi frater. Ac tamen quidem post horum duorum
 obitum Duces in Franciâ adhuc alij fuerint; VVirtzburgenses
 tamen Episcopi summâ hîc vsi sunt auctoritate, ac Duces Fran-
 conix se appellarunt, vsque in hæc nostra tempora. Monet au-
 tem.

tem res ipsa, vti pauca hîc de patriâ meâ memorarem. Episcopus hic vbi sacra peragit in altari, nudum sibi ensẽ præfixum habet; cumque Episcopatum Ducatumque adeptus est, ingenti cum exercitu ad urbem venit; equo defilit, deponit vestimenta, ornamentaque insignia, induitque penulam fune cinctus, ac capite pedibusque nudis Basilicam ingreditur ad Canonicos istic congregatos. Quibus postquam vetera Francorum priuilegia conseruaturum se iurauit, deducitur ad vetustam Episcopi cuiusdam imaginem, admoneturque vt istum, cuius imago ea est, imitetur: deinde in sellam suam honorificè collocatur. Vrbs hæc peruetusta admodum est, in quâ olim Diana ab Germanis colebatur, donec tandem ad CHRISTI fidem sint conuersi; quod contigit anno CHRISTI septingentesimo quadagesimo nono. Dicitur autem ciuitas hæc multis apud Latinos nominibus: vocat eam Ptolomeus Arctauium, alij Marcopolim, Peapolim, & Herbipolim. Primaria semper Francorum fuit ciuitas, quemadmodum etiam nunc est. Sita autem est amœnissimè in medio Germaniæ, habetque arcem eximiam in summo montis cacumine sitam, qualem non videas in Germaniâ similem, non solum aspectu iucundam, verum etiam fortissimè aduersus hostes munitam: atque inter hanc arcem ac ciuitatem labitur egregius ille fluuius Mœnus, ita tamen vt ciuitas & arx ponte coniungantur.



ENRICVS filius Othonis Imperiale diadema sce-
 ptrumque & gladium adeptus est post CHRISTVM
 natum nongentesimo & vigesimo anno. Postquam
 verò huic Herigerus Pontifex inunctionem ac coro-
 nationem offerret, non id quidem contempsit, sed nec affe-
 ctavit: *Sufficit mihi*, aiebat, *à meis maioribus Imperatorem appel-*
lari salutarij. Etenim plus satis negotij se habere cogitabat, si
 deprauatos Germaniæ suæ mores corrigere, & in melius for-
 mare conaretur, tumultusque summo studio pacaret, quàm si
 inanem infrugiferamque profectionem Italicam aggredieretur:
 facile enim præuidebat tumultum aduersus se excitatum iri.
 Nec multò post huic sese armis infestis opposuere Dux Sueuiæ
 ac Dux Bauariæ Arnoldus, quamquam ipsum vnà inauguras-
 set. Imperator, arcendæ iniuriæ causâ, profectus primum est
 cum instructis copijs aduersus Bauaros, sed nihil hostiliter ten-
 tans, postulauit Arnoldum Ducem prius ad colloquium, con-
 ferens cum eo Imperij Maiestatem à Deo donari: quòd si re-
 liquorum Principum suffragijs Cæsar. eligeretur, tum se vltro
 cessurum, & sub eius ditionem submittere se primum omnium
 paratum esse. Retulit hæc Arnoldus Dux ad suos: à quibus re-
 sponsum est, considerari debere, Deum haud dubiè adesse ei,
 quippe quem ad Imperium præter ceteros extulerat: proinde
 petere se, ab incœptis porro desisteret, neque moliretur am-
 pliùs quidquam in illum. Quieuit itaque Dux Arnoldus, &
 sine cæde suorum vltro paruit. Cùm iam multa sibi in Galliâ
 grauiâque negotia forent expediunda, Hungari tentare volue-
 runt, an Imperator nouitius consuetum tributum penderet: per
 totam Saxoniam discurrerunt, oppida agrosque incendio va-
 stantes, ac multas passim cædes confecerunt. Iam verò conti-
 git, quòd ex Hungarorum Principibus aliquis captus Cæsari of-
 ferretur, quem Hungari tantoperè amabant, vt ingentem vim
 auri argenti que pro ipso spontè offerrent. Imperator illorum
 aurum contemnebat, ac verò maluisset pacem. Tandem no-
 uennales inducias cum ijs percussit. Huius verò tempore pacis,
 Cæsar milites suos in decurias diuidebat, singulisque nouem
 præfectum aliquem dabat, quem Decurionem nominabat.
 Concedebat item nouem ijs agros quos colerent; & quidquid
 culturâ

CXXIIII.

AD VINDICTAM TARDVS,
AD BENEFICIENTIAM VELOX.



Imperij summam administrait X VII. annis; vixit L X.

Hh 2

culturâ suâ corraderent, id omne ad Decurionem suum (qui in aliquâ ciuitate habitabat, vt nouem alios hospitio exciperet) deferrent, cuius tertiam partem obtineret Imperator, residuumque sibi in comneatum seruarent. In oppidis comessarentur præcipiebat, seque exercebant in ijs quæ ad militiam pertinebant. Hoc ille exercitio Imperium suum conseruabat. Præterea fures omnes, latrones, scurras, & quoscumque nebulones potuit adipisci militiæ non inidoneos, ad stipendia merenda cogebat, scelusque suum illis condonabat, atque arma in manus subministrabat, vt aduersus Barbaros pugnarent; eo quidem edicto, vt ciues in omnibus defenserent. Cum iam de propagando Imperio cogitaret, profectus est aduersus Sclauos, quos plurimis pugnis egregie fatigauit. Postremò hieme grauius fauiente, castra in glacie fixit, atque oppidum Brennaburgum fame, ferro, ac frigore captum cum vniuersâ eâ regione subegit. Hinc euolutis vexillis in Dalmatiam profectus, obsidebat oppidum Graui viginti diebus continuis; quibus exactis, illud deuicit. Quidquid ad virilem ætatem adultum erat, interficiebatur, captis dumtaxat pueris ac puellis. Deinde Bohemiam ingressus, Pragensem ciuitatem obsedit ac deuicit, Regemque illorum ipse comprehendit: atque ita quidem Bohemia Imperij legibus parere coacta fuit, reuersusque est ipse in Saxoniam. Iam verò Hungari, dum induciæ illis cum Germanis essent, in Italiâ tumultus concitarunt, Romanamque Prouinciâ omnino deuastarunt; atque Heturiam ita bonis hominibusque spoliarunt, vt iam tum propè vacua relicta fuerit. Quidquid denique ferro etiamnum supererat, id captum in Hungariam abduxerunt. At verò finitis nouennialibus inducijs, rursus Hungari armatâ manu in Saxoniam ac Thuringiam irruerunt, eamque Prouinciâ miserè sunt depopulati. Imperator morbo grauius laborabat; æger tamen iratusque è lecto profiliit, profectusque est cum exercitu aduersus hostes, cum iam Hungari multas feminas puerosque cepissent, atque ingentem virorum multitudinem interfecissent. Imperator Germanos hortabatur, fortiter pro patriâ esse dimicandum; itaque sine morâ conflictum adortus est. Cæsa fuerunt eo die propè quadraginta Hungarorum millia, ceterique in fugam acti. Captiuorum

uorum verò tanta erat multitudo, vt incerti essent quidnam cum illis agerent; quocircà multos vltro dimittebant. Vsq; adeò vox illa tristitiæ versà est in suauissimum lætitiæ cantum. Post hanc victoriam Pater Patriæ Augustusque est appellatus, atque ingentem sui timorem ac æstimationem apud nationes exterarum sibi conciliauit, vt vel optimi quique ex regionibus alijs ad ipsum profecti sint, agnouerintque ipsum præter ceteros Principem potentissimum, atque id tantum operam dederint, quò gratiam eius ac fauorem sibi compararent. Dici non potest, quantis & quàm multis seditiosis tumultibus Imperium eius temporibus concutiebat. Italia peculiarem suum habebat Imperatorem, Tyrannos Berengarios tres continuò: tum præterea ab Turcis ferè vndique deuastabatur; per Apuleiam enim Romam vsque veniebant. Pars Turcarum alia Beneuentum deuicit, funditusque incendio euertit. Postquam verò iam Imperator Germanicos hosce hostes deleuisset, decreuit deinceps Italiæ subsidio venire: verum quia prædicto morbo plurimum debilitatus erat, expeditionem omittere debuit; nec multò post eodem illo morbo interiit, non sine maximis Germanorum lacrymis. Maternum genus (vt cuius mater filia erat Arnoldi Imperatoris, ac Ludouici quarti Imperatoris soror) ducit ab Imperatore Carolo Magno; atque ab hoc stemma deduxerunt reliqui Saxonum Principes.



THO II. cognomento MAGNVS, post mortem patris Henrici communi Saxonum ac Francorum suffragio Aquisgrani Imperator electus est, Imperialemque coronam ab Episcopo Moguntinensi accepit, anno Christi noningentesimo trigesimo septimo. In initio eius Imperij plurimi ingentes tumultus simul exorti sunt. Primi tumultus auctores fuerunt Palatinus Eberhardus & Giselbertus Lotharingæ Dux. Hi, quod ex posteritate Caroli Magni & Francorum erant, contendebant successionis iure Imperium à Saxonibus ad Francos deriuare: & vt conatus illi plus iuris habere viderentur, pertraxerunt ad se Henricum Othonis fratrem, eo prætextu, quod ætatis nomine ipsi deberetur administratio Imperij, & non Othoni. Durauit hoc bellum annos sex, & plurimæ in eo pugnae commissæ sunt. Othonem secuti sunt Sueui & Franci. Herimannus Sueuiæ dux, & Conradus Dux Francorum, pugnarunt contra hostes Cæsaris apud Andernacum ad Rhenum conflictu grauissimo, in quo Palatinus occubuit, & Dux Lotharingæ inter fugiendum in Rheno submersus est. Porro post adeptam hanc victoriam, contentio adhuc Othoni restabat cum Henrico fratre suo, qui videns conatus suos irritos esse, & debilitari sua præsidia, ipse ad Othonem Cæsarem supplex venit, & orans delicti veniam, in gratiam ab Othone non modò receptus est, sed donatus etiam Ducatu Bauariæ, qui tum fortè vacabat. Iam & Ludouicus Rex Galliæ, Caroli Simplicis filius, Lotharingiam inuadebat, quod Dux erat submersus. Quare aduersus ipsum Otho profectus est, cogitans hostem suum ac Lotharingiam non eo se animo vicisse, vt Rex eâ potiretur: & pugna cum ipso habita, victor Lotharingiam sibi subiectam retinuit. Et postquam Argentoratum etiam subegisset, quod Ludouico præsidia miserant, profectus est in Galliam. Sed contentio ea facillè consopita est, atque Otho sororem suam Ludouico coniugem dedit. Sub hanc tempestatem dominabatur Parisijs Comes quispiam Hugo, qui post multos annos Galliam obruebat, ac Regem Ludouicum captum detinebat, seque ipse Regem Galliæ nominabat. Hac famâ igitur excitus Otho, ingentem hominum conseripsit multitudinem, quò illud ipsum vindicaret. Hugo comminabatur ipsi, tantum se

CXXV.

SATIVS EST RATIONE ÆQVITATIS
 MORTEM OPPETERE,
 QVAM FVGERE ET INHONESTE VIVERE.



Insignem operam Reipub. nauauit, placidissimeque
 ex hac vitâ migravit.

se in Germaniam exercitum ducturum, quantus visus antea non fuisset. Ad quæ respondisse Othonem ferunt, ducturum se in Galliam tot pileos stramine contextos, quot numquam antea vel ipse vel eius pater vidisset. Atque eâ de causâ triginta duas legiones militum, qui omnes stramineos pileos ferebant, ad Lutetiam usque Parisiorum perduxit. Tum Ludouicus dimittebatur ab ijs qui captum seruabant, atque Hugo fugâ Lugdunum elapsus est. Mox Ludouicus sese ad expeditionem parauit, ipsumque cum Othone insecutus est. At ciuitatem eam ob itineris arduum superare non potuerunt; quare Romanam in Italiam iter deflexerunt: nam istic nepos fratris Hugonis sese Pontificem fecerat. Urbem itaque oppugnarunt, armis superarunt, cruoris multum profuderunt, Pontificem falsum profligarunt, verumque in locum suum restituerunt. Verum post menses tres victor Otho triumphansque in Saxoniam reuersus est. Nec multo post ei restitit proprius filius, quod post obitum eius matris uxorem duxisset Italicam, verebaturque, ne si ex eâ pater suscepisset filium, iste in Imperium succederet. Continebat se in Saxoniam, ubi consilia conspirationesque suas inauspicato conferebat. Interim tamen maximos quosque Principes huius consilij & conspirationis participes habuit, inter quos Francorum quoque Dux Conradus sororis suæ maritus fuit. Appellabant Salfeldiam (ubi hæc agebantur) locum consilij funestum. Vbi verò Otho pater hæc intellexisset, omni se exercitu parabat, obsidebatque filium cum suis coniuratoribus Moguntiam. Filius & Conradus vrbe egressi, in castra coram patre prociderunt, dedentes se suaque omnia, modò vellet confœderatoribus suis parcere: quod ut Otho recusabat, reuersi sunt in urbem, dimiseruntque obsidem quem illis dederat Imperator. Verum hic à quibusdam monitus, manere apud illos voluit, effectusque Cæsaris est hostis. Moguntiam fugerunt Ratisponam. Bauari item Henricum Cæsaris fratrem deseruerunt, ac Luitholpho adhæserunt. Hos Cæsar subsecutus est, grauiusque urbem obsedit. Interea diuersis pugnis ac conflictibus non pauci in eâ obsidione perierunt homines. Cum iam ipsa ciuitas penuriâ rebusque alijs nimium esset anxia, egressus est filius nudatis pedibus, & humi ante patrem prouolutus, omni cum mi-
feratione


seratione supplex admissi peccati condonationem postulauit; itaque sedatâ irâ, receptus est in gratiam. Cæsar in Saxoniâ profectus est, vbi ex Hungariâ ipsi legati obuiam processerunt, quasi eius inuifendi & salutandi gratiâ: sed reuerà animus illorum erat exitum intestini belli videre. Post dies aliquot, vbi eos Imperator honorificè donatos dimississet, nuntiatum ei est per fratrem Henricum Hungaros Bauariam obruisse. Otho tristis expeditionem parabat, verùm paucis copijs: nam & alibi Sclauis resistere debebat, qui item Germaniam irrumpebant. Cùm iam Hungari ad Augustam urbem tentoria sua fixissent, ingens Francorum ac Bauarorum multitudo hos contra profecta est. Etiam Conradus isti se multitudini cum ingenti exercitu adiunxit. Mox & Cæsar huc aduenit. Edicatur, parent se in diem posterum singuli ad conflictum. Deinde summo manè copiarum coniunctarum simul iurabant, erantque numero legiones octo. Hungari versi in postremam legionem irruerunt, ac in fugam profligarunt. Sic & sextam ac septimam adorti sunt. Verùm Cæsar suos verbis hortatus est, rem inquam eò deductam esse, vti gladijs potiùs expeditionem quàm verbis finirent. Atque hinc susceptâ lanceâ, clypeoque, in hostes equo profligit. Ea res tantum suis addidit animi, vt Hungari vltteriùs in Germaniam progredi non fuerint ausi. Dux Conradus, qui fortissimè pugnaverat, in eo conflictu cecidit. Tres Hungarorum Reges capti in exercitu suspendebantur. Hac victoriâ Otho ab exercitu MAGNVS, Pater Patriæ, Augustusque est appellatus, triumphansque in Saxoniam redijt. Flagitatus à Pontifice vt Italiam ab seuitiâ Berengarij vindicaret, filium suum Otho- nem tertium Imperio substituit.



OTHO III. à patre suo Othone Magno puer præter consuetudinem Romanorum Rex creatus est, atque in Saxoniâ relictus: Otho autem Magnus Pontificis Ioannis XII. precibus aduersus tyrannidem Berengarii III. in Italiam profectus est anno CHRISTI noningentesimo sexagesimo secundo. Berengarius Othoni Magno in Longobardiâ cum exercitu obuiam venit: vnde mox plurimi sanè conflictus sunt subsecuti. Tandem Berengarius in oppidum quoddam coactus biennio obsessus fuit. Sed vbi ciuitas nimium premeretur, ipsum cum filio Adelberto captum Otho Bambergam relegauit; vbi & totam vitam suam exsules transegerunt. Romam igitur Otho Magnus ingressus, honorificè exceptus est, à Pontifice inunctus, ac Diademate Imperiali insignitus. Atque ita quidem Imperium ad vnum Othonem Magnum deuenit; quod iam annis ab hinc quinquaginta tribus diuisum fuerat. Cæsar autem Româ egressus, cum in quibusdam Italiæ locis cunctaretur, criminum quorundam reus ab Romanis Pontifex accusabatur, vt Romam reuersus Pontificem verbis acerbis nimis quàm seuerè corripuerit, qui ob metum Othonis profugit: ideoque in locum eius suffectus est Papa Leo octauus. Ceterum sub rebellionem Othonis reuersus Ioannes, Româ eiecit Leonem iterum; qui ad Cæsarem Spoletum profugit. Non multò post Ioannes confossus interiit, sed morte eius omnis tumultus necdum fuit confopitus: Romani enim in locum eius Benedictum V. Pontificem elegerunt, electionemque hanc in odium Cæsaris ratam habere voverunt. Cæsar hanc ob rem stomachatus, in possessiones eorum redijt, cunctaque ferro ac flammâ deuastauit. Obsedit etiam urbem Romam oppugnauitque fortiter, verum capere eam haudquaquam potuit; ciues tamen fame atque egestate coacti, Othoni portas vltro aperuerunt. Dein iratus urbem cum suis ingressus, multis tum Romanis obruncatis, Leonem restituit. Leo inconstantiam Romanorum veritus, electionem Pontificiam à Clero ac Romanis ad Cæsarem transtulit. Rebus itaque pacatis Cæsar in Germaniam reuersus est, ducto secum Benedicto, qui non multò post Augustæ ex mœrore animi interiit. Otho Magnus & Otho III. eius filius incredibile

CXXVI.

CVM OMNIBVS PACEM,
ADVERSVS VITIA BELLVM.



Cum patre XII, annorum, solus nouem annorum Imperator,
trigesimo ætatis à Romanis veneno sublatuſ.

dibile quantum iam collapsum panè Imperium ampliarunt. In
 Saxoniâ argentifodinas primò inuenerunt. Quantoperè verò
 Germaniam adificijs exornarunt, vix iusto volumine explica-
 ri posset, adeoque de ijs hîc tacebimus. Post obitum Leonis
 successit Pontifex Ioannes XIII. Ceterùm Romani pellere Pon-
 tifices fueti, concitato tumultu Ecclesiam Lateranensem ob-
 ruerunt, captumque Pontificem in Hadriani arcem primò ab-
 duxerunt, ac deinde velut exsulem profligarunt. Et postquam
 eiusce tumultus auctores præcipui obiissent, Papa Ioannes ex-
 filij sui mense vndecimo Romam reuersus est. Otho Magnus,
 intellectâ Pontificis expulsionem, cum filio suo magnis itineribus
 ingenti exercitu instructus Romam profectus est; comprehen-
 soque Consule, Pratore, ac Decurione, auctores tumultus sci-
 re voluit: cumque tormentis rei veritas comperta esset, Con-
 sulem captum in Germaniam relegauit, Decurionemque la-
 queo suspendit. Verùm Prætor per vicos Romæ turpiter tra-
 ctus, & ad necem virgis flagellatus, etiam captus in Germa-
 niam missus est. Cùm ergo tumultus omnis esset confopitus,
 Otho Magnus legatos ad Constantinopolitanum Imperatorem
 misit, offerens illi filium suum eius filię matrimonio coniun-
 gendum. Hi nuptias in Italiâ celebrarunt, & vtrique à Cæsare
 sunt coronati. His ita sedulò gestis, per Galliam in Germa-
 niam reuersi sunt, vbi Otho naturæ legibus satisfecit; transla-
 tusque est Magdenburgum, ac ingenti cum tristitiâ in Basili-
 câ, quam fundauerat, istic sepultus. Non multò post aduer-
 sus Othonem III. exortus tumultus est. Nam Henricus Baua-
 riæ Dux Imperium affectabat, quem armis facillè domuit Otho.
 Postea Lotharius Gallorum Rex Aquisgrani Cæsarem inopina-
 to oppressit, adeò vt eorum insidijs vix euadere potuerit. Ve-
 rùm exercitu reparato Galliam ingressus Otho, Parisios vsque
 cuncta depopulatus est, Lothariumque in suo Regno eò ar-
 mis compulit, vt ad pacem poscendam paratum se esse, & fa-
 cere professus sit, quæcumque vellet. Deinde porro in Italiam
 contra Græcos & Saracenos, qui Calabriam, Apuliam, alias-
 que Prouincias panè euerterant, profectus est: sed victo suo
 exercitu, ipse inter fugiendum à nautis captus est. Verùm cùm
 ob Græcæ linguæ cognitionem ignotus esset nautis, Princeps

ijs Germanus minimè habitus fuit. Ferunt aliqui istinc ipsum salutis causâ enatasse, sed à piratis captum, & in Siciliam ignotum abductum. Proinde tandem agnitus, magnam argenti vim Siculis promisit, si Romam ipsum restituere vellent. Hi eum à piratis redemerunt, Romamque honorificè reducerunt, vbi aulam suam, dum viueret, deinceps habuit. Eius vxor fide Græcâ Romanos plurimùm conuitiata est, quòd à Græcis percussi fuissent; magisque propemodum ob Græcorum victoriam lætabatur, quàm si eâ maritus potitus fuisset. Multas præterea Italiæ vrbes Cæsar vltus est, quarum ciues primò ex conflictu profugerant. Igitur ambo iam Romanis inuisi; qui Othonem veneno tandem sustulerunt.



OTHO IIII. Imperium adeptus est magnâ cum difficultate anno CHRISTI noningentesimo octuagesimo quarto. Ætate enim puer erat vixdum annum egressus duodecimum, cùm Otho III. pater moreretur: proinde Henricus Bauariæ Dux seruandum eum Romæ curauit. Itali plerique Crescentium declarandum Cæsarem suadebant, vt Imperialis Maiestas ad Italos iterum reduceretur. Sed fideles erga suum dominum Germani Principes, reuocatum ab Henrico iuniorem Othonem, communibus omnium suffragijs Cæsarem designarunt, adeoque Aquisgrani ab Episcopo Rauennate Cæsar inunctus coronatusque est. Primum bellum gessit contra Ludouicum Lotharij filium Regem Gallia, qui præstiti à patre iurisiurandi oblitus, Lotharingiam iterum inuaserat, vastaratque. Sed hinc eo repulso, facile Otho Lotharingiam retinuit. Iam & Crescentius Romæ eam crudelitatem exercebat, vt Pontifex Ioannes XV. in Hettruriam cedere debuerit. Scripsit ad Othonem Cæsarem extemplò Pontifex, obsecrans vti Ecclesiam tyrannide Crescentij oppressam vindicaret. Quo audito, Crescentius misit ad Pontificem aduersarium suum, item orans, ne Othonem in Italiam concitaret, paratum se esse facere quæ vellent, ad Sedem suam Pontificiam saltem rediret. Itaque Pontifex redijt, scripsitque Othoni, ne veniret. Crescentius obuiam Pontifici egressus, ad genua cum suis complicibus procubuit, pedesque osculatus est. Iam Otho cum exercitu in Italiam venit. Huius aduentu terri Romani, honorificè ipsum introduxerunt. Etiam ab Crescentio amicè magnificeque exceptus est. Otho Brunonem Saxonem, Ducem Sueuiæ, Pontificem creauit, qui post adeptum Papatum Gregorius Quintus est appellatus: ab hoc coronam Imperij accepit Otho. Reuersus igitur tum est Otho, postquam Italiam pacasset, in Germaniam. Romani Germanum Pontificem ferre haudquaquam voluerunt, extrema illi minitantes, ni cederet. Tum in Germaniam ad Cæsarem profugit. Quare Crescentium sibi rursus Romani Cæsarem crearunt: hic Pontificem illis dabat, qui ab se prorsum stabat. Itaque ingentibus copijs accinctus Romam venit Otho, aduersus quem se parabat Crescentius. Cùm iam Otho Romam obsideret

deret

CXXVII.

FACILE SINGVLA RVMPVNTVR IACVLA,
CONIVNCTA NON ITEM.



Ex XXX. annis quos vixit, XVII. imperavit.

deret expugnaretque, Romani considerantes haudquaquam se tantæ multitudini resistere posse, clementiâ Orthonis freti, Germanis portas recluserunt. Quare territus Crescentius, eiufque Pontifex, in arcem Hadriani celsere, fortiterque restitere. Rebus autem desperatis ex arce ad Cæsarem spe veniæ ultro profugerunt, & in viâ graviter sunt vulnerati. Otho Crescentium naso & auribus truncis, retrorsum asino imposuit, & spectaculi loco per urbem circumuectum, tandem etiam præcis manibus pedibusque ex mœnibus suspendi mandavit. Pontifice item adulterino luminibus priuato, Gregorium restituit. Iam verò natus erat Otho annos viginti octo, eaque ingenij promptitudine præditus, quod ob singularem prudentiam vulgò eum appellarint Mirabilia mundi. Hic ubi consideravit, perpetuò Gallos & Italos transferendæ Imperialis Maiestatis à Germanis cupiditate æstuarè; item iam propè nullum Cæsarem fore, ac ipsos etiam Germanos inter se dissensiones ob electionem seminare; ut Imperio debilitato prospectum esset, illudque perpetuò apud Germanos perduraret, nè tot deinceps controuersia ob Imperium inter Germanos Principes concitarentur, rem excogitavit utilem atque Orbi planè necessariam, quam Pontifici Gregorio indicavit; qui, quia Germanus erat, faciliè annuit: itaque Principes Electores instituerunt; adeò ut certis quibusdam cùm religiosis tum laicis Principibus delegata sit auctoritas constituendi Romanum Cæsarem; ut concordia seruaretur in electione, religionis causa inter Sacri ordinis Præsules, & Principes reliquos. Sunt igitur hi septem, quibus ea prærogatiua demandata est: Moguntinus, Colonienfis, & Treurenfis Archiepiscopi, Princeps Bohemiæ, Comes Palatinus Rheni, Dux Saxoniae, ac Marchio Brandenburgensis. Et post mortem quidem alicuius Cæsaris, sanxit Otho, uti Archiepiscopus Moguntinus id ipsum reliquis Principibus Electoribus significaret, diemque præscriberet, quo Francofordiam ad Mœnum venirent ad constituendum eligendumque Romanum Cæsarem; nec inde discederent, nisi creato Cæsare. Si verò Electores in electione minimè conuenierint, ultra diem trigesimum nihil illis præbendum fore præter aquam ac nudum panem, donec in electionem pariter consen-

*Initium
Electo-
rum Prin-
cipum, &
quem ad-
modum
Impera-
torem
creare de-
beant.*

consenserint. Electus Imperator , priusquàm aliquid deinceps incipiatur , sanctissimè Deo Diuisque iurabit , Imperium , eiusque priuilegia ac iura , fortiter se defensurum , obseruaturumque. Praterèa confestim Pontifici electio significabitur , vt eius item Sanctitas electum Cæsarem confirmet. Deinde creatus Cæsar publicabitur ; Aquisgrani vnctus diademate ferreo , Mediolani argenteo , ac Romæ à Pontifice ad S. Petrum aureo coronabitur , confirmabiturque. Hæc sanctio omnem Romanis conatum transferendi Imperium à Germanis ad se prorsus ademit. Quas cædes , quæ incendia , quasque direptiones hac occasione Otho sustulerit , certè apud se quisque facilè perpendere potest. Constitutâ autem hac ordinatione , Itali varios tumultus aduersus ipsum concitarunt. Quare cùm videret Romæ se tutum minimè esse , in Germaniam redire statuit. Sed misso per insidias veneno , in itinere necatus est.



HENRICVS II. cognomento CLAVDIVS, Imperator ab Electoribus Principibus electus est anno CHRISTI millesimo primo, Dux Bauariæ cuius pater temporibus Othonis III. & Othonis IIII. patri sui Imperium nimis quàm affectabat. Eius auus frater fuit Othonis Magni, nomine item Henricus, de quo multa in præcedentibus memorauimus: ac tres simul hi Duces fuere Bauariæ eodem nomine appellati, pater videlicet, filius, ac nepos. Hic professionem Italianam in annum distulit duodecimum, tantumque negotij cum oppugnantibus Germaniæ habuit, vt proficisci Romam haud vinqum potuerit. Ante hæc verò tempora Carolus Gallorum Rex, ex Caroli Magni progenie postremus, Regno priuatus est per Hugonem Capetum, & in perpetuos carceres detrusus. Ab hoc Hugone Capeto genus suum ducit Galliarum Rex Henricus II. qui etiamnum nostrâ ætate Regnum potenter administrat. Is fuerat Comes Parisiensis, Magni illius Hugonis filius, cuius suprà in Othone Magno paginâ 246. & 248. abundè mentionem fecimus. Hac rerum mutatione, dici vix potest quanta Cæsar ab Gallis eorumque Rege pati debuerit. Mediomatrices, ac Gandaum obfedit: Lotharingiam, & Flandriam domuit, quas Galli Imperio deuicerant. Interea Bohemos ac Polonos ad fidem Christianam coëgit. Hungarorum Rex sororem ambiebat Cæsaris in coniugem; sed ei negabatur, nisi polliceri voluisset se Christianam religionem ac baptismatis sacramentum cum omnibus suis suscepturum: quibus pollicitis postea ille stetit; & baptizatus, Stephanus appellatus est. Tandem Henricus Romanum venit, ibique à Pontifice Benedicto VIII. Imperiali diademate coronatus est. Saracenos, qui eâ tempestate Italiam obruebant, ac Capuam modò profecti erant, Italiâ expulit. Princeps erat sanè illustris & præclarus, verum eius vita ac gesta negligenter sine ordine litteris sunt prodita, nec rationes gestorum satis accuratè sunt annotatæ. Prodigiosa multa ac rara in eius offendo historiâ; quæ omnia prudens omitto. Nostri quippe apud Germanos historiographi Monachi fuere parum periti, & iudicij pænè expertes: qui ætatem in cœnobijs transigentes, peculiare quidpiam nec viderunt, nec tantum ijs iudicium fuit, vt de ignotis fuerint percontati; aut semel perpenderint, quodnam Historici munus esset, quemadmodum res ordine oporteat narrare, causas earundem à capite explicare, quomodo sint gestæ, & in quem finem deductæ, cum omnibus suis circumstantijs, quomodo, vbi, quis, quid, quare, & quando. Attamen nec omnino res Principum præclaras perire passus est Deus, quin & alicubi suscitauerit aliquem, qui rerum veritatem quasi per transfennam cognosceret. Diuus Maximilianus Cæsar sæpè conqueri solitus fuisse fertur de imperitiâ historicorum Germanorum, quod tam præclarorum & prudentum Principum res gestas non solùm sine ordine conscripissent, sed corripissent etiam malè scribendo. Ac præcepit memorabilia quæque ex omnibus historicis decerpta ordine quodam in compendiosa Chronica digeri: id quod haud dubiè fuisset factum, si non præ grauiorum rerum sollicitudine prætermisisset. Quantum verò ego ex historijs colligere potui, quæ huius Henrici mentionem faciunt, vir fuit raræ abstinentiæ, adeò vt & viuus habitus sit Sanctus. Vitæ præterea fuit incontaminatæ, ac planè continentis. Quotidianâ item corporis castigatione medullitus enervatus, in aduersis idem atque in prosperis, tristia æquanimitè perferens, omnem gloriam mundanam, voluptatem, atque opes contemnens, neminem desolatum à se dimittens, vir planè humanus, ad Christianam religionem diligentissimus. A Pontifice vnâ cum vxore, quicum rem habuisset numquam, in Diuorum catalogum relatus est. Ante obitum suum conuocatis Electoribus, legitimo suffragio Conradum Ducem Francorum Cæsarem dixit. Obijt Bambergæ, sepultusque istic in basilicâ, cuius Episcopatus exstitit fundator.

CXXVIII.

NIHIL IMPENSE AMES, ITA FIET
VT IN NVLLO CONTRISTERIS.



Cùm XXIII. annis v. mensibus Imperio summo cum honore
præfuisset, LII. annos vixisset, mortem obiit.

CONRADVS II. Dux Francicus ac Sueuus, dissidentibus Electorum Principum suffragijs, Cæsar creatus est. Hic Henrico II. bella sua absolvit, ac virtute eam sanè adeptus est gloriam, vt ab ipso viuo Imperator sit designatus: quæ res postea plurimos concitauit tumultus. Quamquam enim Principes Electores consensum huic præbuisent; erant tamen quædam Imperij membra, quibus Cæsarem liberè iuxta legem Othonis III. creandum placebat, non fauore, successione, aut alio quouis modo, alioqui velle se apertâ manu resistere. Iam & Cuno Bauariæ Dux in dissentiencia ista electione adfuerat, qui cùm ab ceteris Principibus Electoribus interrogaretur, cuinam suum daret suffragium, subridens respondebat: Conrado Francorum ac Sueuorum Duci cognato meo. Hæc autem electionis dissensio vel biennio perdurauit; vsque adeò legem Othonis III. obseruauerunt. Ea enim iubet, ne electionem vltra dies triginta protraherent: secus, Electoribus Principibus præter aquam & nudum panem præberetur nihil, donec Cæsarem legissent. Atque hîc quidem lex ea vel in secundi ab eâ latâ Cæsaris electione interiit. Ita plerumque fit, vt mortuo Legislatore, lex ipsa in desuetudinem abeat, etiamsi eam vel mille iuramentis confirmasset. Nihilominus postquam multum diuque circa electionem dissensissent, legitimo tandem suffragio Conradum II. elegerunt, quando & Henricus ipsum ante obitum Cæsarem designasset. Actum autem id est anno à CHRISTO nato millesimo vicesimo sexto, post mortem verò Henrici II. anno secundo. Neque hîc sanè omnis controuersia sublata est. Nam Bauariæ Dux Cuno iocosum suffragium suum dicebat, indignatusque electionem plurimum ridebat. Verùm enimuero electio legitimè cœpta in suo vigore permanere debuit. Quoniam verò Conradus motus aliquos in Imperio suborituros forsitan se absente timeret, effecit vt in consortium Imperij filius suus Henricus Nero eligeretur, ne, se in Italiam profecto, sine capite certo Imperij subditi inter se tumultuarentur in Germaniâ. Atque hoc quidem modo res multò effecta deterior

CXXIX.

OMNIVM MORES , TVOS INPRIMIS
OBSERVATO.



Imperij anno XIII. è viuis decessit.

Kk 3

terior est. Siquidem Ernestus Germaniæ Dux ac Comes VVelphus rebelles Cæsari fuerunt; sed eos facile compescuit, ut sese mutuò direptionibus, incendijs, ac cædibus aggressi sint. Tandem Ernestus in eremum aufugit, ibique se diu continuit. Interea Itali aduersus Cæsarem conspirarunt, ut si quando in Italiam veniret, hinc ipsum vi expellerent. Quo audito, totis hic viribus eò profectus, Mediolanum in primis obsedit, ac suburbium incendio vastauit, minitans ijs deinceps grauiora, vrbisque euerfionem. Sed cum se dedidissent, Romam profectus est. Verum cum nullus ei resisteret, cuncta oppida in gratiam recepit. Cremonæ Pontifex ei Ioannes XXI. obuiam processit, obsecrans ne indignabundus Romam peteret, eò quod inaugurare ipsum ac iurare parati essent. Tum irâ depositâ Romam placidè profectus, ab ipso Pontifice coronatus est. Deinde & Romanis euerfionem minatus est, si Pontificibus molesti esse pergerent, ut olim fuerant. Eadem hac tempestate sæuissimè tumultuatum est inter Romanos ac Germanos. Hi illos vrbe pellebant, ut plurimi cæsi interierint. Verum pace per Conradum illicò inter eos conciliatâ, aduersus Sclauos atque Hungaros Româ profectus est, qui Italis in suâ rebellione præsidio fuerant, grauitèrque eos vltus est. Interea Dux Ernestus novos concitauit tumultus; quare ab Cæsare in reditu confossus est. Edictum siquidem promulgarat memorabile, ut, si quis pacem publicam infringeret, is capite puniretur. Porro autem dum iam in Italiâ agebat, Misco Regem aut Cæsarem se in Poloniâ effecerat, aduersus quem Conradus ingentem misit multitudinem; atque ipse postea subsecutus, cuncta cædibus atque incendijs compleuit. Misco animaduertens nequidquam se Cæsari restitutum, ad Ducem Bohemiæ confugit; qui item Cæsari erat aduersarius. Dux ratus proditione huius in gratiam Cæsaris se reditutum, clam nuntiabat Cæsari hostem se suum captum traditurum. Cæsar ex suâ magnanimitate proditionem illam minimè acceptabat, significabatque Misconi, alium quæreret defensorem quàm perfidum istum. Quare demiratus Misco, clam in Poloniam

Poloniam profectus , diademate Regio deposito , supplex ad Cæsarem perrexit , coronam seque illi offerens. Cæsar in gratiam ipsum recepit , Ducemque Poloniæ fecit. Deinde Conradus bella aduersus Gallos ad recuperandam Lotharingiam gessit : quibus deuictis , Lotharingiam iterum cum Lugduno ac Regno Arelatenſi cepit , Imperioque suo subiecit. Obijt Vltraiecti , Imperiumque filio suo reliquit. Huius auus erat Conradus , qui cum Othone Magno apud Augustam Vindelicorum aduersus Hungaros pugnavit , ac cæsus est.

HENRICVS



HENRICVS III. Nero cognominatus, imperare cœpit anno CHRISTI millesimo quadagesimo. Primum ingentes copias aduersus Bohemos duxit, & post incendia, direptiones, deuastationesque quàm plurimas, Ducem iam tum rebellem eò necessitatis adegit, vt Ratisponam venient, & vltro se tributarium Cæsari tradiderit. Inde Hungariam ingressus, duas cepit ciuitates, eius regionis ferè maximas. Nam & hæ rebelles sese præbuerant, Regemque sibi legerant Vbam nomine, qui Cæsaris erat aduersarius, & qui conabatur Bauariam euertere. Ex hoc bello Cæsar reuersus, præsens in Concilio Constantiensi ipse fuit, in quo plurima in se admissa condonauit, omnique sepositâ contentione, pacem quæ ad ea tempora nondum erat audita publicauit, atque in omnibus Imperij sui Prouincijs edicto confirmauit. Anno autem CHRISTI millesimo quadagesimo sexto profectus in Italiam, ab Romanis pacificè exceptus est. Tres Pontifices inter se concertantes de Papatu simul reiecit, Pontificiæ Sedi Bambergensi Antistite præfecto: hic se Clementem Secundum appellauit, Cæsaremque cum suâ vxore coronauit. Deinde Romanos Cæsar ad iuramentum præstandum cœgit, ne Pontificum electioni se deinceps immiscerent. Hinc profectus est Capuam, vbi Turcas qui continuò Italiam obruebant, feliciter deuicit, profligauitque. Posteaquam iam Italiam bonis legibus ac moribus restituisset, amplissimo sanè honore in Germaniam redijt. Anno præterea CHRISTI millesimo quadagesimo septimo, nouos deintegro tumultus concitarunt Hungari, legeruntque sibi Regem Belam quemdam nomine, pollicentes omnem huic obedientiam, si Christianam fidem extirpare, Episcopum enecare, & fidem pristinam restituere vellet. Quæ quidem omnia facile impetrarunt. Tum furentium instar simul impetu in Ecclesias concurrerunt, eas misere depopulantes. Nec suum modò interfecerunt Episcopum, verùm etiam Germanos & Italos omnes, qui in aliquo saltem officio Regi Petro, quem illis Cæsar præfecerat, inservierant. Præterea per vniuersam Hungariam Bela edicto mandauit, Religiosos omnes liberè interficiendos: adeoque passim trucidabantur. Rex Petrus à suis captus, viroque lumine priuatus est. Mox properè Cæsar multis per Danubium ratibus profectionem aggressus, Pessinnuta oppidum obsedit. Nocte verò perforatis nauibus, multos Hungari submerferunt. Hinc fatigatus Cæsar in Germaniam redijt. Anno CHRISTI millesimo quinquagesimo Hungarorum scuitiam experti sunt Germani. Cæsar patrum suum Episcopum multis copijs Ratisponam hostibus obuium misit; hic eos in fugam compulit. Papa Leo nonus Germanus vnâ cum quadraginta duobus Episcopis in Germaniam Moguntiam vsque venit. Hic de compescendis Hungaris, ac rebus alijs Religionem spectantibus, agebatur. Cæsar rursus cum exercitu in Hungariam profectus est, diuisitque suos in parteis duas, vt hinc plurimum damni agris intulerit. Sed exercitus Hungarorum facile à Cæsarianis, qui multis iam prælijs ac penuriâ erant debilitati, aufugit, & Germani sine clade in patriam reuersi sunt. Anno CHRISTI millesimo quinquagesimo secundo iterùm Cæsar in Hungariam profectus est; in quâ expeditione ipsemet fuit Pontifex: verùm sine aliquâ re gestâ memorabili in patriam redierunt. Dux Bauariæ Cuno multum præsidij in his bellis Hungaris tulit; nam conabatur Hungarorum operâ fretus Imperium ad se transferre; sed tandem à Cæsare explosus, ætatem suam exsul in Hungariâ transegit. Imperator Pontifici oppidum Beneuentum tradidit, cum ingenti hominum multitudine, quâ cinctus è Germaniâ profectus erat in Italiam. Siquidem Apuliæ Comes oppidum istud suo iuri subiectum detinebat. Pontifex verò vt munus suum defenderet, ipsemet in Apuliam contra Comitum profectus est: verùm succubuit. nam omnis eius nobilitas, multi Germani Principes, Episcopi, alijsque titulis præclari ante oculos ipsius cædebantur: tandem & ipse in fugâ abreptus est, sed paullo post dimissus. Proficiscabatur Cæsar in Italiam; ibique cunctis paci restitutus, in Germaniam redijt. Hac tempestate fames magna plurimum calamitatis vbique attulit: quâ re motus Cæsar, in morbum incidit; ac filio suo Cæsare per Electores Principes creato, non multò post obiit.

CXXX.

QVI LITEM AVFERT, EXECRATIONEM
IN BENEDICTIONEM MVTAT.



Annis XVII. rerum potitus, mœrore animi vitam reliquit.

LI



ENRICVS IIII. adhuc puer in Imperio patri successit anno CHRISTI millesimo quinquagesimo primo. Cum hoc in pueritiâ certè haud præclarè actum est, vt qui in omnibus quæ adulatores aut vellent aut nollent, admittere debuerit. Sed adultus cœpit cogitare, atque apud se examinare quid æquum, quid honestum, quid bonè vel malè actum fuisset; pleraque dictorum factorumque suorum reuocans, ac proprios condemnans iudices. Tum cades, incendia, direptiones, bella, vimque omnem prohibuit; ac patriæ pacem, iustitiâque hæctenus expulsam, restituit. Adolescens erat facundus atque eloquens, acutus, omni laude dignus, liberalis eleëmofynarum erogator, ac rebus præclaris Princeps insignis. Coronatus autem est Romæ à Pontifice Nicolao II. nec quidquam sanè aduersus Ecclesiam Romanam moliri conatus est. Verùm simulatque Pontifex hic fato concessisset, Pontificem creauit Episcopum Parmensem, contra Alexandrum II. Pontificem. Hinc insignes ortæ sunt tragœdiæ. Nam Henricus sanctionem quam pater tulerat, vt electio Pontificia sine Imperatoris permissu non fieret, voluit vim suam ac vigorem perpetuò sortiri. Proinde cùm apud Mantuam peccatum suum agnosceret, ac metu potius quàm ex animo veniam obsecraret, eam à Pontifice impetrauit, atque in Germaniam reuersus est. Iam eius aulici, vagi incompolitique, atque vniuerso Imperio parère insueti, nullius iugo aut potestati se submittere voluerunt; sed dicta eius omnia in adolescentiâ, rata habere. Ita enim sibi prouiderant, vt quidquid adolescens vel egisset vel locutus fuisset, numquam abrogaretur sine insigni rerum tumultu. Intereà moritur Pontifex, atque in eius locum suffectus est Gregorius septimus. Hic significabat Henrico, ne posthac conaretur Episcopatum aliquem conferre, ac res deinceps Ecclesiasticas prorsus ne curaret. Quod quidem ægrè ferens Henricus, VVormatiæ Synodum celebrauit, in quâ congregati erant omnes Imperij Episcopi atque Abbates, qui Henricum instigabant, vt patris sui constitutionem ratam haberet, ac Gregorium ceu Pontificem minimè adoraret. Hac motus occasione Gregorius, qui iniuriam hanc minimè ferebat, primò Episcopos & Abbates suis titulis ac beneficijs priuauit; deinde tantum apud potentissimos

CXXXI. CXXXII.

MVLT I MVLT A SCI VNT,
SE AVTEM NEMO.



Annos natus L v. cùm per annos XL I I. Imperator fuisset,
mortuus est. Post eum regnavit Rudolphus annos I I I I.
miserequẽ vitam finijt.

tissimos quosque Principes (qui tantum id operam dabant, ut viâ aliquâ Cæsarem Imperio commodè deijcerent) egit, ut ab Imperatore deficerent, aliumque legitimo Electorum suffragio eligerent. Itaque defecerunt ab Henrico Otho Saxoniarum Dux atque aliquot Episcopi. Tum horrida bella in Germaniâ passim exoriri cœperunt. Ab Henrico stabant Bohemi & VVelfi, quibus donauerat Henricus Bauariam. Iam verò profectus est in Italiam Henricus, transigendæ huius controuersiarum causâ.

Rudolphus Cæsar creatur. Interea ab reliquâ parte Electorum, Cæsar creatus est Rudolphus Sueuiarum Dux, sub annum Christi millesimum septuagesimum, insigniaque coronæ atque vñctionis accepit ab Archiepiscopo Moguntino. Pontifex Henricum excommunicauit, misitque Rudolpho Imperialem coronam, cui versiculus hic inscriptus erat:

Petra dedit Petro, Petrus diadema Rudolpho.

Hac re indignatus Henricus, multos tam Ecclesiasticos quàm profanos strangulauit; & Episcopum Rauennatem Pontificem fecit, appellauitque Clementem: quicum hostili animo Romam profectus, Gregorium in arce Angelicâ obsedit. Ille subsidium implorabat Ducis Apuliæ, qui citra moram cum exercitu aduentauit. Huius aduentu territus Henricus, cum suo Pontifice fugit in Germaniam, ac Rudolphum ex Sueuiâ expulit in Saxoniam. Primò quidem aduersus Henricum expediti Saxones, ipsum ex eâ pellere conabantur, sed hos illè oppressit, fugauitque, vrbes & castra per vniuersam ferè regionem vastando, depopulando, atque euerendo. Tum cetera pars Germaniæ ad Rudolphum desciiuit, atque inter se fœdus inierunt, uti Henricum vndique pugnis aggredierentur. Rudolphus omni se militari expeditione quàm fortissimè munijt. Cùm verò iam Henricus hostes exspectaret, Rudolphus in Henrici patriam profectus est non longè ab Herbipoli, quò hic illum insecutus est. Hic inter se pugnam commiserunt, fugatique sunt equites Henrici, adèò ut vel ipse per arma miserè contusus fuerit, sed pedites, quibus fuga adempta erat, penitus interierunt. Atque ita quidem Rudolphus Herbipolim caput Franconiæ cepit. Postquam urbem præsidio munisset, tranquillè profectus in Saxoniam, aliquot cum eo pugnas

pugnas commisit. Anno millesimo octuagesimo pugnatum est nouissimè apud Mersburgum, & in ipso conflictu dextra manus Rudolpho amputata est: quam quidem ille (vt fertur) Episcopis suis circumstantibus exhibens; *En, inquit, manus hæc est quâ Henrico fidem confirmari: ipsi vos nunc expendite quàm piè consulueritis mihi, vt ab eo desicerem.* Miserabilis omnino querimonia hæc est, quæ testatur bonum Principem merito hoc suo infortunio fuisse contentum. Dolorem sanè incredibilem hunc ad vitæ exitum perpeffus est, fassusque semper iure optimo se isthæc pati, nec iniuriarum quidquam sibi illatum esse. Iam Henricus in fugâ amissus, vt ante septimum diem non fuerit repertus: eius complices filium suum Henricum V. Cæsarem fecerunt: quem postea pater Aquisgrani coronauit, atque inunxit: ac tum profectus cum exercitu in Italiam, cuncta cædibus, direptionibus, atque incendio deuastauit. Roma obsidebatur, & post aliquot conflictus capiebatur. Pontifex fugâ elapsus est in arcem Angelicam, ac Roma insignem passa est deuastationem, anno Christi millesimo octuagesimo primo.



ENRICVS V. cui Germania à patre commissa erat, securus nihil mali omnino metuebat, quòd Rudolphus iam interierat. Ceterum anno CHRISTI millesimo octuagesimo secundo, Hermannus vir potens, Germanus, nobilis, ab Saxonibus ac Germanis Cæsar efficiebatur. Huic cum nemo in suâ Prouinciâ, hoc est, in Lotharingiâ & Germaniâ, disciplinâ militari aut opibus par inueniretur, facile Cæsarem se nominari admisit. Anno millesimo octuagesimo tertio, Hermannus per vniuersam Franconiam cum exercitu hostili more profectus est. In eadem expeditione visâ est equitum turma huc illucque diuagari, quorum vestigia reperire nemo potuit. Hac item tempestate Pontifex in arce Angelicâ concludebatur, exspectans interim exitum rei. Henricus III. mûnitionem obsidionemque eâ parte parabat, quâ ab se olim Roma aduersus Solis occasum capta fuerat. Romani viginti dedere obsides, petieruntque diem præscriberet, quo Pontifex Senatusque Romanus ad ipsum venirent. Dictus itaque dies est ad ipsas Kalendas Nouembres: deinde Româ egressus, ad Alpes profectus est, ac præscripto die Romam redijt. Verum Pontifex in conspectum eius haudquaquam prodijt; sed clam fugâ Salernum elapsus, omnem istic deinceps ætatem transegit. Postquam verò Henricus III. vniuersam Italiam pacasset, Clementem in Pontificis locum substituisset, ab ipsoque imperij signa suscepisset, honorificè cum ingenti hominum multitudine Româ in Germaniam profectus est; urbemque Augustam, ab Saxonibus ac Germanis oppressam, obsedit & deuicit. Anno millesimo octuagesimo quinto, Saxones cum Henrico pacem inierunt, omnesque ab Hermanno simul descuerunt. Tum Hermannus apud suos atque exteros etiam contemptus; in loci cuiusdam obsidione, anno millesimo octuagesimo septimo, à muliere desuper saxo petitus, ante portam interijt. Anno millesimo nonagesimo, rursus Henricus III. in Italiam profectus est, septennioque istic agitauit: & cum hinc in Germaniam rediret, concessit Iudæis, vt, qui ad Baptismum velut coacti erant, deinceps liberum cuique esset vel baptizari, vel non. Anno millesimo centesimo quarto, æstate, Herbipoli, quando Sol breuissimas facit umbras, ingens glaci

*Prodigia
futura
calamita-
tibus.*

ciei

CXXXIII.

MISER QVI MORTEM APPETIT,
MISERIOR QVI TIMET.



Patri Imperij focius fuit annis x x v. solus præfuit x x.


ciei pars ex aëre cecidit, quæ in frustra secata quatuor, portari viris vix quatuor potuit. In Episcopatu Spirensi è pane cruor profluxit: quæ res, iuxta priscas Romanorum historias, portendere dicebatur ciuile bellum maximè horrendum. Anno millesimo centesimo quinto, cùm Henricus III. Pascha Moguntia celebraret, Henricus filius patri se in Bauaria opposuit. In primis paternam hæresin, quâ diras Pontificias contemnebat ac ridebat, damnauit, obsequiumque Pontifici Paschali II. pollicitus est. Deinde ~~foedere~~ cum Principibus inito, omni exercitu aduersus patrem insurrexit, captisque Saxoniar vrbibus, Herbipolim reuersus est. Hinc Episcopum, qui à patre stabat, expulit, aliumque in locum eius suffecit. Atque ita quidem Herbipolitana Ecclesia Romanæ fuit reconciliata. Hinc Norimbergam cum exercitu petijt, eamque spatio duorum mensium obtinuit & diripuit. Tum pater hunc contra profectus, cepit Herbipolim, confodit quotquot filio iurauerant, Episcopum in locum suum restituit, fugauitque alterum, ac filium infecutus est vsque Ratisponam. Conscribebat vndique milites, atque in suâ profectione plerasque regiones per Bohemos diripi permittebat. Iam verò vbi filius exercitum in quinque legiones diuississet, configere cum patre plurimum affectauit. Vidisses hîc spectaculum vtrîque horrendum: nam tres dies continuos tot ac tantæ vtrîque excursiones confectæ sunt, vt non pauci ab vtrâque parte interierint. Sed tamen ipso die, quo conflictus habendus esset, Principes, ac præcipui exercitus vtriusque Duces inter se collocuti simul concluderunt, fratribus, hoc est, populo Christiano parcendum, consulendumque esse. Ferunt filium, vbi aciem probè instructam vidisset, ac Marte iam furere cœpisset, totis in patrem membris excandescentem altè exclamasse: Gratias vobis, milites fortissimi, ago immortales, de vestro in me fauore longè promptissimo. Porro cùm pater cum suis deliberaret, quemadmodum die postero pugnam aggredideretur, præter spem ex Marchione Luitpoldo Duce Bohemiæ audiuit, neminem esse cui pugnare colliberet. Hac re tristis, blandiens subsidia implorauit. Eodem tempore litteræ à filio allatæ sunt, quibus patrem monuit, vt à proprijs sibi ministris caueret. Tum clam pater profugit Leodium: & ibi eodem anno è viuis excessit.

cessit. Quinquennio autem pòst, quòd excommunicatus obie-
rat, acceptà absolutione, in Spirensi basilicà sepultus est. At-
que ita quidem filius Imperio solus potitus est anno millesimo
centesimo sexto. Cùm iam esset Romam profectus, à Ponti-
fice coronam impetrare non potuit, nisi priùs statuere vellet,
pro rato habendum porrò esse, & Pontificem & Episcopos si-
ne Cæsaris approbatione & consensu creandos. Quod vbi con-
sentire nolebat, tantus Romæ tumultus excitatus est, vt, nisi
suà ipsius manu vitam defendisset Cæsar, iam periisset. Victo-
re tamen Cæsare, trucidati multi sunt Romani, captusque Pon-
tifex, atque extra urbem abductus. Tum consensit Pontifex,
vt eam sibi prærogatiuam vsurparent Cæsares, ne Pontifex quis
vel Episcopus citra eorum suffragationem designaretur. Quare
Romam reuersi, à Paschali insignitus est Henricus diademate
imperiali. Ceterùm post discessum Imperatoris ex Italià, Pon-
tifex concessum priuilegium veluti extortum reuocauit. Tum
Cæsar magnà vi Italiam repetens, fugauit Pontificem, & alium
eius in locum suffecit. Intereà denuò aduersus Cæsarem exci-
rati fuère Saxones, adeò quòd iterùm Germanià discordijs mu-
tuis agitatà, infestis copijs vtrimque pugna commissà sit, an-
no millesimo centesimo decimo sexto, apud Mansfeldium.
Proinde videns Cæsar tragœdiam hanc sedari non posse sine
perpetuo conflictu, iure priuilegij sui vltrò cessit. Itaque per
hanc occasionem pax inter Pontificem & Cæsarem firmata est,
eaque publicè ad Rhenum non procul à VVormatià in castris
proclamata, adeoque propter initum hoc fœdus concordia pub-
licæ, summa lætitia in totà Germanià coorta est. Decessit hic
sine prole masculà.

LOTHARIUS III. Saxoniae Dux ab Electoribus Cæsar creatus Henrico V. successit post CHRISTVM natum anno millesimo centesimo vicesimo septimo. Huius Imperium grauissimis subinde insultibus quassatum fuit. Nam & nunc iterum contra hunc ingens & diuturnus tumultus exortus est. Etenim Francones & Sueui, quibus iam diu cum Saxonibus bellum fuerat, ægerimè ferebant Imperij celsitudinem ad Saxones deriuari. Præterea etiamnum erat Conradus ex sorore Henrici V. prognatus; cui item Franconiae Ducatum concesserat Henricus. Ideò aduersus Lotharium iure ad se Imperium pertinere contendebant. His fauebat Comes Palatinus Godefridus ex Francorum genere oriundus, à quo Conradus Cæsar electus est. Ceterum Bauariae Dux VVelphus Lothario adhæsit. Vt ergo Conradus Lotharium anteuorteret, Italiam ingressus, Longobardiam occupauit, vbi & ferreâ coronâ insignitus est. Interea à Lothario obsessæ & victæ sunt vrbes, Spira, Vlma, Norimberga, & Augusta; atque inde consecutus est Conradum in Italiam. Proinde vbi cognouit Conradus & vrbes Germanicas amissas esse, & nullam spem præsidiorum expectandam esse ex Germaniâ ad seruandum regnum Italicum; relictâ Italiâ, pacis conditiones apud Lotharium pactus, suscepto Imperio cessit; ac dum vita Lothario mansit, quieuit. Iam verò Lotharius adepto Imperio Leodium profectus est ad Pontificem Innocentium II. quem Petrus pseudopontifex Româ expulerat. Hunc cum exercitu in Italiam duxit, vi Romam expugnauit, Ianiculumque montem occupauit, ac Pontificem restituit in Basilicam Lateranensem. Quod facinus cum non minùs piè quàm feliciter absoluisset, à Pontifice Imperij diademate insignitus est. Cumque Lotharius extemplò in Germaniam ad comprimendos quosdam motus in Bohemiâ concitato's rediisset, intereaque Innocentius Pontifex à pseudopontifice Româ exactus fuisset, secundò in Italiam iratus cum ingenti hominum multitudine profectus est, debellauitque aduersus Rogerium Pontificis aduersarium ac pseudopontificis amicum terrâ marique, & tandem ex Italiâ ipsum exturbauit. Multas Italiæ vrbes Pontifici rebelles (vt erant Albia, Beneuentum,

CXXXIIII.

A V D I A L T E R A M P A R T E M.



In Italiâ morbum contraxit , quo in Germaniâ mortem obiit,
anno Imperij fui XIII.

M m 2

uentum,&c.) deuastauit. Post hæc rursum in Germaniam redire statuit, adeoque profectionem ex Italiâ adornauit per agrum Tarentinum: vbi morbo correptus in deserto, quod situm est inter Oenum & Licum fluuios, sub pastoris cuiusdam tuguriolo vitâ decessit. Quidam ex Historicis Lotharij huiusce mores recensens, bellatorem fuisse ait strenuum, virum in defendendo acerrimum, in consilijs prudentissimum, aduersarium horribilem Dei eiusque Ecclesiæ hostibus, veri in omnibus amantissimum, æqui item obseruantissimum, ac iniustitiæ contrâ hostem perpetuum; cuius virtus satis in Siciliâ emicuit, atque in Saxoniâ abundè patefacta est: qui etiam dum vixit, nihil detrimenti Imperium Romanum passum est. Petrum pseudopontificem profligauit, Innocentiumque vt verum Pontificem vi restituit. Commendatur etiam plurimum, quod iura Romana summopere amauerit. Nam cùm legum Romanarum libros VVernherus, quem Accursius Imerium sæpè nominat, in Italicis bibliothecis repperisset, & in lucem reduxisset, mandauit Lotharius hos publicè in Scholis tractari & prælegi, atque iterùm secundùm eas leges ius dici in iudicijs Imperialibus. Itaque per hanc occasionem in vsum reuocatus est is thesaurus, quo neque vtilior; neque pretiosior esse alius potest. Nam hinc Ius iterùm vniuersæ restitutum est Europæ: siquidem omnes regiones & omnes aliæ leges vtuntur Romano hoc Iure tamquam amissi quadam in æquitate cognoscendâ, quòd honestati publicæ proximè sit accommodatum. Præterea ex reparato hoc Iure iterùm Latinæ linguæ puritas veluti renata florere cœpit; studiaque Iuris tum exorta sunt, ac statim magni & multi præclari Iurisconsulti exstiterunt, quibus & interpretari leges, & in publicum vsum reuocare curæ fuit. Tum Instituta Imperatoris Iustini Magni, velut introductorium ac prima Iuris elementa, tradi cœperunt. Tum & Edicta Prætorum atque Ædilium, quæ non modicam Iuris cognitionem continent, prælecta fuere; quemadmodum & res in Pandectis seu Digestis comprehensæ. His accessit Codex, qui statuta constitutionesque Imperatorum complectitur. Quartus denique liber est Authenticorum, quem superioribus idcò adiecit Imperator Iustinianus, vt constitutiones Principum hinc


hinc confirmaret ac corroboraret. Equidem mirari satis nequeo, tantam illius temporis homines cognitionem esse consecutos, quo Latinæ linguæ vsus, historiæ, omnes denique Romanæ disciplinæ veteres erant intermissæ. Quare facile æstimare possumus, Iureconsultos illos huius Lotharij temporibus non solum summæ diligentiae & sedulitatis homines in studijs, sed magnos atque prudentes quoque, & vsu Rerumpublicarum viros exercitatissimos fuisse. Nam sine eâ exercitatione, ne possibile quidem fuisset, leges Romanas cognoscere. Itaque illi ipsi doctores Iuris, Azo, Accursius, Bartholus, &c. nihilo inferiores censendi sunt veteribus illis Iureconsultis, Seruio, Vlpiano, Papiniano, &c.



ONRADVS III. Franconiæ ac Sueuiæ Dux , cuius paullò antè mentionem fecimus , Imperium adeptus est post obitum Lotharij anno CHRISTI millesimo centesimo vicesimo nono. Huic Saxones atque alij, qui in electione non adfuerant , restiterunt , quasi haud legitimè electus fuisset. Sed ea controuersia facilè in Comitij consopita est Bambergæ. Henricus tamen Superbus Bauarorum Dux , gener Lotharij , ipse post foci obitum rebus præesse maluisset. Habebat siquidem penes se Ratisponæ ornamenta Imperialia ab Lothario relicta, quæ restituere planè nolebat. Tandem verò coactus ea reddidit; in gratiam tamen cum Cæsare redire non potuit. Henricus exercitum parabat, castraque ad Licum fluuium figebat contra Augustam Vindelicorum , quam occupabat Cæsar. Hic illum veritus, clàm noctu Herbipolim aufugit. Cùm iam Henricus apud Principes quosdam Imperator haberetur , illi adhærebat præter ceteros Hungariæ Rex. Verùm breuì ad Superos migravit Henricus. Tum omnes sese VVelpho Henrici filio dabant , omnemque aditum Cæsari prohibebant, ac vias transitusque Italiæ omnes illi præcludebant, ne Diademate Imperiali insigniretur. Hos contra omni exercitu profectus Cæsar , VVelphum in fugam egit. Deinde & alia pugna commissâ est apud vrbem VVeinsburgum. Hanc autem ciuitatem obsessam Cæsar deuicit. Mulieribus abire permissum est cum tantâ sarcinâ bonorum , quantum possent ferre: viri autem omnes erant interimendi. Tum mulieres , relictis rebus, viros suos asportarunt. Cæsar insperatam feminarum fidem summoperè mirabatur. Eius frater Fredericus calumniabatur , bonorum , non hominum asportandorum beneficium concessum fuisse. Cui respondebat Cæsar, semel se locutum fuisse, nec id velle reuocare. Adeò insuper hac feminarum virtute delectatus est , vt non modò viro- rum illis , sed omnium etiam opum copiam fecerit , vt secum auferrent. Inter hos verò motus Pontifex Eugenius III. legatos suos ad Cæsarem misit , vti pararet se cum exercitu aduersus Turcas ac Saracenos ad recuperandam Ierosolymam. Bernardus Claraualensis Abbas , quem in catalogum Diuorum relatum habemus, ac viri Religiosi alij verbis , quoad po-
tuerunt,

CXXXV.

PAVCA CVM ALIIS,
MVLTA TECVM LOQVERE.



Rerum habenas tenuit annos XIII. & mortuus est.

tuerunt, Principes ad hanc profectiōem adhortati sunt. Pararunt igitur se ad expeditionem Ludouicus Gallorum Rex, Henricus Angliæ Rex, & Alphonsus Rex Hispaniæ, ac Germani Principes omnes cum suo Cæsare, qui VVelphum item (quamquam bellum nondum finitum erat) eò impulerunt, ut vnà cum ijs profectus sit. Educti itaque anno CHRISTI millesimo centesimo sexagesimo septimo, incredibilem Hungarorum ac Græcorum multitudinem assumpserunt. Equites erant numero septuagesies mille, exceptis peditibus. Qui quidem exercitus pænè vniuersus seu pressus fame seu aëris inclementiâ, seu etiam copijs Turcarum ac Saracenorum obrutus, cæsus interfectusque est, ac nihil penitus profecit. In hac laboriosâ expeditione Cæsar VVelphum sæpenumerò iuuit. Tandem ut Ierosolymam venissent, ac pars Damascum profecti fuissent, VVelphus morbo correptus est, quare domum redire statuit. Cùm iam hic mare traiectus in Siciliam venisset, conualuit. Hic amicissimè ab Rege Rogerio exceptus, plurimis muneribus donatus est, quibuscum aduersus Cæsarem bellaret. Simul atque VVelphus in Bauariam rediisset, ad bellum sese parauit, Cæsarisque possessiones inuasit, atque Herbipolim grauius obsedit. Vox VVelphorum sub mœnibus erat, *Hei VVelph*; Herbipolitanorum verò, *Hei Gibelin*. Hinc illud natum est, quòd etiamnum hodie in Italiâ Cæsarianos Gibelinos, Pontificum autem complices VVelphos appellemus. Nam VVelphus hic pro Pontifice pugnabat, sub eius nimirum stipendio, ac titulo Rogerij, quòd Franci Imperatores omnes pænè Pontifici rebelles exstiterant. Postquam verò VVelphus scomma istud audiuiisset, cetera instrumenta bellica dimouit, atque ariete muros crebro disiecit, urbem euerit, ciues multos interemit, alios captos istinc abduxit, atque arcem denique Flockburgum vi aggressus est. Proinde vbi Franci ac Sueui ad bellum sese parassent, VVelphum armis ita profugarunt, ut cum summo dedecore istinc VVelphi discedere fuerint coacti. Fredericus Barbarossa (qui non multò post Cæsar creatus est, Imperatoris ex fratre nepos, itemque VVelphi huius ex sorore nepos) isti se negotio immiscuit, atque omnem controuersiam diremit. Capti vtrunque dimissi sunt, resque ita probè

bè est constituta, vt nec Cæsar, nec VVelphus quod timeret, habere posset. Proinde quanta & quàm detestanda bella ex VVelphis hisce ac Gibelinis nata sint, dicetur in sequentibus. Nam præsentia hæc inter Cæsarem & Pontificem bella hinc originem habent. VVelphi Principes fuère semper Sueuorum, ac deinde Bauarorum ex antiquissimâ Germanorum stirpe oriundi; ac primò se opposuerunt Cæsari Conrado II. qui item Dux fuerat Francorum. Anno Christi millesimo centesimo quinquagesimo primo, Conradus Cæsar ex Asiâ in Germaniam reuersus est. Hic Norinbergam præcipuè exstruxit, ampliauit atque instaurauit; quam Henricus V. planè deiecerat, vastarat, funditusque euerterat. Sic Vlmam non restituit modò (quæ Lotharij III. temporibus diruta ac cladis multum passa fuerat) sed multis etiam priuilegijs donauit. Verùm haud multò post obiit excommunicatus.



FREDERICVS BARBAROSSA. Sueuorum ac Francorum Dux, post mortem Conradi patrui legitimo Electorum suffragio Francofordiæ Cæsar creatus est, anno millesimo centesimo quinquagesimo secundo.

Hic triennio pacem, iam sepultam panè, Principibus Germanis restituit. Nam clementiâ & iustitiâ Princeps fuit clarissimus, nec minori tamen audaciâ ac fortitudine insignis, ingenio promptus, corpore validus, consilijs prouidus, negotijs expediendis diligentissimus, militiæ peritissimus, tenaci memoriâ felix, in victos mitis, qui acceptæ iniuriæ facilè obliuiscēbatur, erga mansuetos denique humanus & benignus, audacibus verò ac superbis durus. Rebus itaque iam in Germaniâ pacatis, ingenti cum exercitu in Italiam profectus, omnem controuersiam sedauit, ac Romam deinceps vt Diademate Imperiali insigniretur, petijt. Verùm Pontifex alijsque Itali memores iniuriæ, quam eius patruo inflixerant, suspicabantur facilè eam hunc vindicaturum. Et cum primùm ei Tordona resistebat, ipsam cepit, domuitque: ac deinde Romam eo modo profectus est, vt Hadrianus IIII. ipsum veritus, cum suis Cardinalibus in urbem veterem profugerit. Porro pace tandem impetratâ, supplex Cæsar ad Pontificem ingressus, debito ipsum honore coluit, coronamque Imperij ab eo flagitauit. Intereâ Romani Germanicum exercitum inopinatò oppresserunt, vt vtrunque cædes plurimæ fuerint perpetratæ. Hinc Cæsar profectus, à Spoletanis in itinere oppugnatus est; ideoque eorum oppidum funditus euertit. Postea per vniuersam Italiam ac Longobardiam profectus, complures rebelles ad obsequium coëgit; reuersusque in Germaniam, Principum amicitiam summoperè affectauit. Mediolanenses quippe aduersus ipsum iam bella parabant. Ducem Bohemiæ, Regem fecit; Marchionemque Austriæ, Ducem: ac Bauariam deinde VVelpho concessit. Intereâ Mediolanenses multa Cæsariana oppida deuastarunt: quâ de causâ in Italiam cum exercitu profectus est. Ante hunc tamen itineri se tradidit Rex Bohemiæ, ac Brixienfes inuasit domuitque. Tum Cæsar cum multis Principibus illicò subsecutus est: cumque loca cuncta circiter Mediolanum deuastasset, urbem ipsam obsedit vel integro septennio: tandemque

CXXXVI.

PRÆSTAT VNI PROBO QVAM MILLE
IMPROBIS PLACERE.



Post multos labores & ærumnas per XXXVII. annos pro
Imperio exantlatos, tandem submersus periit.

N n 2

que post grauissimas sanè pugnâs ab Cæsare capta est. Quid-
 quid hinc spoliârum collectum est, tam virorum quàm femi-
 narum ac puerorum; id omne in Germaniam abductum est.
 Eorum Principem sub mensâ non secûs atque canem in pran-
 dijs alebat: deinde & ille captus in Germaniam transmissus est,
 multisque ibi annis in vinculis detentus. Cæsar urbem solo
 adæquauit, eamque aratro ita euertit, vt velut ruina perpetuò
 esset mansura. Multæ hoc tempore ciuitates item fuere euer-
 sæ cum Mediolanensibus idem sentientes. Tum VVelphus à
 Cæsare defecit, ac filium suum iuniorem VVelphum Tusciæ
 Principem fecit, reuersusque est ex Italiâ in Germaniam. Hinc
 magna in Germaniâ orta sunt inter Comitem Tubingiæ &
 VVelphum bella: quare & Cæsar ad componendam pacem in
 Germaniam redijt. Intereâ obiit Pontifex, successitque in Pon-
 tificatu Alexander III. Quamquàm verò legitimè creatus
 fuerat, multa nihilominus suffragia habebat Octauianus qui-
 dam, electusque erat, non obstante altero, à multis, ac Victor
 appellatus. Hic ad Cæsarem profugit, Alexander autem ad
 Philippum Gallorum Regem; illeque ab hoc, in Concilio Cla-
 remontensi, cum Cæsare execratione petitus est. Cum iam
 Alexandro Romani magis fauebant, accersitus est ab illis è
 Galliâ Romam. Hinc oppida quædam Italiæ spem magnam
 concipiebant vindicandi se in Cæsare: ideoque Pontificem Cæ-
 sar exosus, quatuor continuò Pontifices aduersus illum creabat,
 fatigabatque adeò Ecclesiam, vt iam perituram quisque facile
 timeret. Pontifex excommunicatum Cæsarem vbique publi-
 cabat. Sed ne id quidem proficere quidquam potuit: nam Im-
 perator cuncta Pontificis bona, iura, possessionesque ad se ma-
 gis magisque rapiebat, veniebatque cum ingenti exercitu in
 Italiam anno millesimo centesimo sexagesimo septimo, atque
 vniuersâ denique funditus deuastabat. Dum iam Anconam
 obsideret, prope Romam Tusculanum venit Colonienfis Epi-
 scopus tamquam pacis conciliator. Sed hunc Romani armis
 obruebant, subsidioque illi erat Moguntinus Episcopus; ac res
 in eam pugnam deducta est, vt Romanorum interierint quin-
 decim millia. Intereâ cum vniuerso exercitu Romam obside-
 bat Imperator, expugnabatque Vaticanum cum D. Petri Basi-
 licâ.

licâ. Verùm Pontifex noctu clàm ad Gallorum Regem profugit, indeque in Angliam & Hispaniam. Cæsar Principes suos Germanos in multis Italiæ locis Duces creabat, atque inde in Germaniam reuersus est: nam eius exercitus peste propemodum interierat. Anno CHRISTI millesimo centesimo septuagesimo vinculis elapsus est Dux Mediolanensis; atque habitu rustico in Italiam reuersus, dispersam multitudinem conuocabat, Mediolanumque iterum vi ædificabat. Etiam Pontifex in Italiam redijt: huic urbem collapsam quidem antea restaurabant, appellabantque Alexandriam. Cæsar autem pacis semper amantissimus id ei facile permittebat. Porro anno millesimo centesimo septuagesimo quinto, Itali pristinam suam inconstantiam renouarunt, & cum Longobardis aduersus Cæsarem conspirarunt; atque omnes Cæsaris ministros præscripto die enecarunt, nudosque aliquot profligarunt. Hæc verò defectio adeò profectò Cæsarem mouit, vt iam quartò in Italiam profectus sit. Sed ne noui in Germaniâ tumultus exorirentur, filium suum Henricum iuxta se Romanorum Regem creabat.



HENRICVS VI. relictus erat in Germaniâ, sed Otho-
nem ac Philippum eius fratres pater Fredericus cum
vniuerso exercitu in Italiam secum assumpserat, ob-
sidebatque Alexandriam oppidum iam recens extru-
ctum. In hac obsidione nihil perfecit Fredericus, quod ab eo
Henricus VVelphus defecerat occasione excommunicationis.
Susplicantur aliqui ad hoc ipsum ære fuisse conductum. Hunc
subsecutus est Fredericus, supplexque orauit, ne se desereret:
at frustra. VVelphus enim in Germaniam venit, concitauit-
que ingentem tumultum aduersus Fredericum. Igitur coactus
Fredericus Italiam relinquere, in Germaniam reuersus est, pro-
fugauitque VVelphum in Angliam; ac Bauariam donauit Otho-
ni à VVitelsbach. Rebus ad istum modum pacatis, in Italiam
rediit anno millesimo centesimo septuagesimo sexto, venitque
cum exercitu Comum. Hic ipsum Itali expectarunt. Verum
impressionem in eos tribus copijs fecit. Germani ardore belli
ordinem neglexerunt, sed Fredericus suâ manu plurimos in-
terfecit. Equo confosso deiectus est, adeo vt tam sui quam
hostes mortuum ipsum esse arbitrarentur. Quæ res tantum
addidit animum Italis, quod in fugam Germanos egerint, eo-
rumque signum Aquila in hostium manus deueniret. Multi
Principes, Nobiles, ac præclari in eâ pugnâ interierunt. Otho
Cæsaris filius Venetias ad Pontificem captus abductus est. Im-
peratrix Comi agebat, vestesque induebat funebres, ac mari-
ti sui corpus inquiri mandabat. Sed quinto die post Frederi-
cus Papiæ visus est. Hic Principes & Episcopi multa illi mini-
tabantur, nisi pacem concordiamque cum Pontifice breuî ini-
ret; nempe alioqui ipsum ad vnum omnes desererent, alium-
que Cæsarem ab Electoribus postularent. Quare Imperator
pacem à Pontifice efflagitauit. Verum Pontifex voluit, vt ipse
Venetias veniret: neque enim alias pacis conditiones vllas ad-
mittebat, quam vt poenitentia loco faceret, quidquid ei esset
iniuncturus. Cui rei vt paruisset, iussit Pontifex, vt pro
D. Marci foribus humi se prosterneret. Tum ipsum Pontifex
publicè pedibus conculcauit, scriptum esse inquires: *Super
aspidem & basiliscum ambulabis, & conculcabis leonem & draco-
nem.* Proinde Cæsar exhiberi eam à se humilitatem dixit non
Alexandro,

CXXXVII.

QVI TACENDI NON HABET ARTEM,
NEC LOQVENDI NOVIT
OPPORTVNITATEM.



Mortuo patre, VII. annos cum fratre regnauit: in Sicilia
non sine suspitione veneni obiit.

Alexandro , sed Petro. Ad quæ respondit Pontifex : Imò & mihi & Petro. Atque ita miser humi leuatus est. idque contigit Cæsari Frederico viro fortissimo. Porro miserabili hac transactione factâ , senio confectus , in Germaniam reuersus est, Imperiumque Henrico filio auctoritate & consensu Electorum omnino tradidit. Othoni concessit Burgundiam , ac Fredericum Sueviæ Ducem fecit. Cùm iam vbique pax esset publicata, maximo apparatu & multorum Principum comitatu cùm filio Frederico per Hungariam Constantinopolim profectus est: inde traiecit in Asiam Ierosolymitanæ vrbis recuperandæ causâ. Cepit in Cilicia multas potentissimas vrbes, Turcasque ad eò prostravit , vt numquam talem interitus sui timorem habuerint. In Syriâ ipsi multarum ingentium ciuitatum mœnia solo aquabant, cùm diffiderent se eas retinere non posse. Proinde vnica hora infelix omnem Christianorum spem abstulit. Nam Fredericus senior caloris causâ equo in rapidum amnem ingressus est, & strenuissimus Heros in vndis periit. Eius corpus Tyrone sepultum est : ac Fredericus filius exercitum Antiochiam ducebat, vbi item obiit partim mœrore, partim ægritudine. Atque ita Imperium plenè ad Henricum VI. deuolutum est, anno millesimo centesimo nonagesimo primo. Hic primum bellum gessit aduersus Coloniensem & Leodiensem Episcopos. Sed in eo tumultu Leodiensis Episcopus ferro confossus est; & hoc casu permoti alij quieuerunt ab incepto , & vltro paruerunt. Postea Henricus Romam profectus est, vt Diademate Imperiali insigniretur. Verùm Cælestinus III. Pontifex id ei recusauit, ni prius Siciliam atque Apuliam Romanæ Ecclesiæ suis sumptibus recuperasset, tributariamque fecisset. Atque eâ conditione despondit ei Pontifex Constantiam Rogerij Regis filiam annos sexaginta natam, vt eâ occasione Regnum Siciliæ ad ipsum quasi pertineret. Igitur Henricus tertio die post factam coronationem copijs instructus Neapolim profectus est; sed minimè eam cepit. In discessu Constantiam coniugem Cæsaris Siculi captam abduxerunt. Pontifex eos omnes excommunicauit, donec Cæsari vxorem restituissent. Verùm excommunicationem illi Pontificis deridebant. Tum Cæsar Pontifici pollicebatur eam se iniuriam grauitè vindicaturum.

rum. Deuastabat primò extremos Italiæ fines, dein inuadebat Siciliam, magnamque sæuitiam exercebat. Vniuersi Nobiles ac Principes Regni apud urbem Catanam contra illum profecti sunt. Hic pugna commissâ est acerrima, ac tandem profugerunt in urbem. Cæsar quoscumque trucidabat: capiebat eius oppidi Episcopum; ciuitatem ipsam incendio deuastabat, ut nec templo quidem pepercerit, quod multis hominum generibus confertum erat, quos omnes miserè cremabat. Postea autem nulla ei ciuitas resistere potuit. Quotquot habebat Nobiles, excoriauit; ac plerosque Comites luminibus ex gratiâ priuauit. Cuidam, quod se regio stemmate prognatum iactitasset, coronam ferream clauiculis capiti inflixit. Quosdam denique verubus affixit, aliosque stipiti alligatos concremauit. Quâ quidem re ingentem terrorem populo incussit. Postquam iam Siciliam recuperasset, Ducatum Franconiæ ac Sueuiæ in Germaniâ cum Imperiali dignitate fratri Philippo concessit, eò quod nullos se ex eâ vxore suscepturum liberos sperabat.

PHILIPPVS III. cui magis Imperium administrare conueniebat quàm fratri Henrico, Princeps sanè erat ingeniosus, eloquio facundus, atque acumine patri Barbarossæ quàm simillimus. Hic, dum frater in Siciliâ agebat, prudenter Imperium in Germaniâ administrauit. Verùm mox rarum quiddam atque insperatum audiuit, nempe fratris coniugem vetulam illam vterum gestare cœpisse. Quare dum partus instabat, Henricus edictum promulgauit; vt si qui in pariundo adesse velint, ij Panormum venient. Hic extra urbem tentorium fixit, ac Constantia Imperatrix palàm omnibus filium enixa est: qui paulò post vt Cæsar nobis Fredericus II. appellabitur. Hinc Cæsar cum vxore ac filio Falernum profectus, tantâ in urbem pompâ introductus est, quantam fuisse vñquam haud memini. Nobiles, ciues, puellæ ac pueri, suo quisque ordine, educti obuiam Cæsari, omni ipsum musicorum instrumentorum genere magnâ cum lætitiâ in urbem deduxerunt: vulgus autem humi prostratum terram honorificè osculabatur. In hisce regionibus tam ingentem repperit thesaurum, vt suis impensis exercitum in Asiam aduersus Turcas miserit. Post hæc duos Comites, atque Episcopum vnum, tamquam obsides secum abduxit, vt illi magis essent fidi, ac promissis fidelius starent. At simulatque hic tergum verterat, defecerunt: ideoque vt oculis obsides priuarat, in Germaniam reuersus est. Hic tantum apud Principes egit, vt Fredericum filium adhuc puerum consensu Electorum Cæsarem crearit, quò tam cum Philippo quàm post ipsum imperaret. Electio hæc sigillatis tabulis confirmata est: ac deinde Henricus in Siciliam redijt. Anno millesimo centesimo nonagesimo octauo obiit. Ferebatur autem publicè veneno ab vxore necatus, quòd eius prosapiam varijs cruciatibus interemisset. Philippus frater eius eâ tempestate Germaniam egressus, in Siciliam proficisci decreuerat; ac Montisfalconem cùm peruenisset, fratrem obiisse accepit: concitatusque tumultus est præcipuè contra Germanos, qui tum in Italiâ agebant; quare Philippus ex Italiâ magno labore in Germaniam redire debebat. Hic Coniurati iam alium Imperatorem eligere studebant. Quapropter Philippus ad Rhenum profectus, legatos suos

CXXXVIII.

QVOD MALE COEPTVM EST,
NE PVDEAT MVTASSE.



Postquàm laboriosissimè decem annis imperasset,
ignominiosè trucidatus est.

suos misit, vt impediret, ne quis Cæsar in alicuius præiudicium crearetur. Nihilominus eâ tempestate designatus est Imperator Bartholdus Dux Zeringensis. Cùm iam Philippus animaduerneret Principes haud velle à sententiâ discedere, in oppido Mulhausen cum ijs Principibus qui à se stabant concilium habuit, atque à Sueuis, Saxonibus, Bauaris, Bohemis, alijsque Principibus Cæsar creatus est: ex quâ re ingens postea diffidium natum est. Nam cùm Bartholdus suam imbecillitatem agnosceret, Cæsar esse haud voluit; venitque ad Philippum, atque ipsum inaugurauit. Id verò ubi olfecit Innocentius III. Pontifex, sollicitauit seriò Principes Electores, vt alius Imperator eligeretur: indicans apertè se Philippum Francum illum ac Gibelinum ceu Imperatorem ferre non posse; exosus quippe erat vniuersum illud genus. Quare, ni paruissent, velle se dicebat Philippo Imperialem coronam adimere, aut Pontificiam infulam ab eo eripiendam. Cùm hanc Pontificis mentem intellexissent, accerferunt Othonem VVelpsum ex Angliâ; hunc Colonia Cæsarem crearunt. Id sanè Pontifici optimè placuit, ac Philippum excommunicauit. Verùm Otho ad duos Cardinales à Pontifice missos venit Herbipolim, in patriam Philippi. Hic inter mortales seminari cœperunt discordiæ, inimiciæ, perfidiæ, periuria, ac proditiones, quibus alter alterum extirpabat, diripiebat, atque interimebat: ex quibus item nata sunt incendia, vastationes, bella, cædes, furta; atque id genus multa alia scelera tum in publicum prorepserunt: quod etiamnum hodie multo sanguine constat. Nam Discordia omnium malorum mater quiescere haud voluit; ac multò minùs Germani, quibus fas omne inuisum, qui que id tantum operam dant, vt alter alterum gloriæ ac bonorum gratiâ extingueret: & quod deterius est, si hoc cessauerit, tum in se odia conuertunt. Hos eò impulit pestis illa Discordia, vt cum summo Imperij detrimento ac probro Imperiale Diadema pretio venale fuerit; quodque antea sigillatis tabulis confirmatum erat, in eo nunc iuramentum omne fidemque fregerint. Sed interim tamen fortunauit Deus res Philippi, adeò quòd Imperium per totam vitam suam administrarit. Primùm in Alsatiâ profectus, Argentoratum cepit, & Episcopum ad deditionem

deditionem coëgit. Intereà temporis Otho omni crudelitate (vir enim erat ferox) Spiras vsque peruenerat; sed inde à Philippo in Saxoniam retrò fugatus est: & subsequente iam Philippo in Thuringiam, conuenerant eò Rex Bohemiæ ac Comes Thuringiæ. Sed hi pugnam detrectantes, Philippi Imperio se subdiderunt, qui ab eo metu excommunicationis defecerant. Postea & Coloniensi vrbe obsesâ, adegit ad deditionem Episcopum; qui & Philippum Aquisgrani Imperiali Diademate donauit. Non multò post armatus Otho Episcopum Coloniensem profligabat. Tum verò Coloniam reuersus Philippus, aliquot prælia commisit cum Othone, & victoriam adeptus est: ceterum Otho in Angliam profugit. Tandem ubi iam vidissent Principes infirmatas partes Othonis, miserunt legatos ad Pontificem de concordia ineundâ inter Papam & Philippum; prætereà vt & Otho in gratiam reciperetur. Itaque missis à Pontifice in Germaniam Legatis, absolutus est ab excommunicatione Philippus; & transactio quoque facta est, vt Philippi filia Othoni nuberet. Porro sancito iam hoc fœdere, egit postea Bambergæ Philippus; & die quodam, cùm esset ei à medico vena incisa, & nihil iam mali optimus Princeps suspicaretur, ac solus in conclau non haberet plures secum præter Cancellarium & Dapiferum, quidam conclaue ingressus, ferro obruit inopinatum, interfecitque.



THO V. post defunctum Philippum Imperij celsitudinem rursus adeptus est anno CHRISTI millesimo ducentesimo nono. Natus hic est, ut paullo antè diximus, ex sanguine VVelphorum, qui Duces olim fuerant Bauariæ, Sueuiæ, & Saxonix. Et, ut refert Carion, pater eius Henricus VVelphus postquam à Frederico Barbarossâ pulsus ad Regem Angliæ generum suum profugisset, reuersus factâ transactione Ducatum Brunsvigensem obtinuit. Iam verò Otho hic Romam confestim profectus, Imperiali Diademate à Pontifice Innocentio III. insignitus est. Nec mora, Ecclesiastica bona ad se rapuit, quemadmodum & Philippus fecerat, Ecclesiamque se velle instaurare dicebat. Hinc sibi Ecclesiasticos habuit egregiè iratos. Deinde præter iuramentum, quo de more Sedi Romanæ deuinctus erat, cuncta Pontificiæ ditionis oppida hostili manu capere conatus est: & quamquam sapius à Pontifice iuramenti præstiti indies admoneretur, uti bona Ecclesiæ per vim subtracta restitueret, nihilo certè plus actum fuit, quàm si furdo fabula narrata fuisset. Tum autem à Pontifice anathemate notatus ita induruit, ut itinera cuncta Romana latrocinijs, cædibus, rapinis, alijsque modis ceu Pontificius hostis infestissimus opplerit. Quâ occasione ipsum Pontifex Imperio deiecit; ac præcipuos Imperij Principes, qui Othoni iurauerant, suo iuramento absoluit. Defecerunt itaque ab eo Rex Bohemiæ, Comes Turingiæ, Archiepiscopus Moguntinensis & Treuirensis, Dux Austriæ, atque ex Equestri ordine optimi quique. Quare in Pontificem nimis quàm exardescens, velut ex professo Sacerdotum aduersarius effectus, totam ferè Italiam oppressit; & ad se rapuit. His cum necdum contentus esset, sed æquè fureret ac sæuiret, Concilium cum Religiosis celebrauit, in quo Cæsarem improbum inualidumque declarauit. Atque ita Otho Imperio deiectus est. Hinc Pontifex Moguntino Episcopo mandauit, uti Othonis deiectionem ab Imperio per vniuersam Germaniam publicaret, ne quis deinceps sub poenâ vindictæ Diuinæ atque excommunicationis ipsum pro Imperatore coleret, aut obsequium aliquod præstaret, iuramenti absolutionem ijs iniungens, qui ipsi olim iurauerant; concedens item omnibus, qui se illi opponebant,

CXXXIX.

STREPIT ANSER INTER OLORES.



Cùm præsuisset IIII. annis , Imperio detrusus,
à Pontifice anathemate ictus obiit.

opponebant, indulgentiam ac peccatorum omnium remissionem. Mandatum hoc Episcopus gnauiter exsecutus est: sed hinc grauius Principes exterriti, suspicabantur facile bella proforibus adesse. Tum ab Othone stabant Henricus Comes Palatinus Rheni, Henricus Dux Brabantiæ, & plerique Principes alij: qui omnes aduersus Episcopum Moguntinum profecti, vniuersum Episcopatum direptionibus, incendio ac ferro devastabant. Quod ubi Otho in Italiâ intellexisset, è vestigio in Germaniam reuersus, omnia mutata, ac plena tristitiæ, inobedientiæ, & tumultus offendit. Norinbergam accersiuit Principes, quos sibi etiamnum fauere cognouisset, obsecrauitque eos uti pro paternâ sanctione tuendâ fortiter vellent dimicare, ne & Imperium simul & Principatus suos amittant: nam si ad Pontificis ambitionem conuiuerent, deiectionemque Imperatorum ita admitterent, fore certò crederent, Principum electionem subito interituram. His Principes aliquot in suam pertraxit sententiam: quorum præsidio profectus est in Comitem Turingiæ (qui à Pontifice aduersus ipsum item stabat) cepit oppida castraque, quæ cuncta solo æquabat. Tum Tribock militari instrumento primùm vsi, totam provinciam miserè sunt depopulati in fines vsque Saxonix. Hinc Principes fracti iuramenti in Henrico VI. memores, vastationem hanc instar vindictæ Diuinæ acceperunt, simulque Cæsarem elegerunt Fredericum Henrici VI. filium Regem vtriusque Siciliæ. Interea Dux Brabantiæ Antistitem Eburonum profugauit, Leodium trucidatis incolis cepit; & quidquid erat vel cœnobiorum vel templorum, id omne prorsus diripuit. Ut iam Otho aduentum Frederici II. accepisset, expeditionem mox in Suetiâ parauit; illique obuiam profectus ut in Imperium ingressus auerteret, Brisiacum venit. Verùm ciues tantum concitarunt tumultum, ut vrbe iterùm exactus sit: Tum quisque ferè in necessitate ab Othone deficiebat, adeò ut in Saxoniam cedere cum exiguâ militum manu pudefactus debuerit. Ad hæc item Pontifex Philippum Francorum Regem aduersus Othonem pertraxit. Otho autem præsidia nactus erat ex Angliâ, parabatque se aduersus Fredericum: interim cuncta oppida ad Rhenum sita Fredericus occupabat, ac totum pænè Imperium.

Cùm

Cùm iam Gallorum Rex à Pontifice in Othonem concitatus
 aciem suam in campum eduxisset, mox etiam Otho cum suis
 præsijs aduersus hostes egressus est, nominatim autem cum
 Rege Angliæ, Duce Brabantino, ac Ferdinando Comite Flan-
 driæ: pugnaque commissâ apud Tornacum acerrimâ, Rex ipse
 Gallorum equo deiectus erat: tamen Gallicus iste exercitus
 adeò Othonianos comprimebat, vt in fugam acti, turpiter bel-
 lo deficere debuerint. Quæ res ita Othonem mouit, vt hinc
 breuè ex merâ animi tristitiâ obierit. Atque ita quidem hic
 Cæsarum rebellissimus egregias Pontifici rebellionis suæ poenas
 dedit, vt ceteri cautiore Pontificem Dominum suum & co-
 lere & obsequi discant. Præterea & diris Pontificijs notatus in-
 feliciter obiit, perpetuò Pontificis iudicio condemnatus. Rex
 Galliæ, Pontificis nomine, Regem Angliæ Regno exigere co-
 natus est; ac duorum conflictuum victor, in eam necessitatem
 coërcuit, vt Regnum suum Pontifici, reliquisque Petri succes-
 soribus tradiderit; ac deinceps Angliæ Reges illud ipsum Pon-
 tifici acceptum tulerint, quotannisque Sedi Romanæ pendere
 debuerint auri marcas centum.



FREDERICVS II. cum exercitu Rheno Moguntiam deuenit ; quò & Electores accersuit , conueneruntque omnes Episcopi atque vniuersi panè Germaniæ Principes. Hinc Coloniam ac deinde Aquisgranum profectus est , vbi vnctus Imperiali Diademate insignitus est anno CHRISTI millesimo ducentesimo decimo nono. His rebus ita in Germaniâ gestis Romam petijt , coronamque Imperij ab Honorio III. Pontifice accepit. Prius tamen sanctissimè polliceri debuit , defensurum se pro virili patrimonium S. Petri, & ab omni hostium impetu vindicaturum , aucturum denique se illud ipsum velut infensissimum Ecclesiæ hostibus aduersarium. Post coronationem verò Cruce signatus , palàm omnibus promisit pugnaturum se , quantum posset , aduersus Ecclesiæ hostes in Asiâ. Iam in Tusciâ Comites duo ex VVelfphorum genere orti occuparant vrbes quasdam , quæ ad Imperium pertinebant. Hos aggressus Fredericus profligauit , atque vrbes captas Imperio recuperauit. Expulsi autem Comites ad Pontificem profugerunt , à quo recepti sunt in defensionem ; & præcepit Frederico , vt eos in vrbium ablatarum possessionem restitueret. Id verò facere recusantem Cæsarem excommunicauit Pontifex. Fredericus Romam profectus , crudelissimè cum Sacerdotibus egit. Pontifex execrationem aggrauabat , minitans , ni desisteret , abdicaturum se illum Imperio : quod etiam factum est. Quoscumque subditos ab iuramento Cæsari præstito absoluebat. Fredericus è vestigio in Germaniam reuersus , Pontificis iniuriam magnoperè questus est , quasi qui ampliacionem Imperij impediret , atque Imperialia iura ad se raperet. Quibus tantum ab Electoribus impetravit , vt filium suum Henricum Imperij consortem fecerint. Id verò ita gestum est in comitijs Herbipoli habitis. Postèa Henricus VII. Aquisgranum ductus , ab Colonienfi Archiepiscopo Romanorum Rex coronatus est. Proinde in hoc tumultu Romam venit Ioannes Rex Ierosolymitanus (quamquam enim Ierosolyma vrbs iam antea amissa erat , tamen titulum adhuc & nomen eius Christiani retinebant , sperantes eam se recuperaturos) atque opem à Pontifice petijt , impetrauitque vt absolueretur Fredericus anathemati obnoxius. Quod hac quidem

lege

CXL.

COMPLVRIVM THRIORVM
EGO STREPITVM AVDIVI.



Sexagenarius fermè & XIX. annorum Imperator, Regno expulſus,
poſt multas ærumnas tandem ex filij infidijs periit.

Pp 2

lege Pontifici placuit, si Crucem accipere, aduersus Ecclesiæ hostes pugnare, atque ipse cum exercitu in Asiam proficisci vellet. Consensit itaque Fredericus ad exercitum parandum vtrò, & Rex Ioannes filiam suam illi in matrimonium tradidit, vt post eius obitum Ierosolymitani Regis titulum præ se ferret: vnde id quoque hodie est, quòd Regni Ierosolymitani titulum vendicant sibi Siciliae Reges. Vt autem Fredericus Brundusij in morbum incidisset, ac profectionem paulò distulisset; minatus ei Pontifex, nisi vt pollicitus erat, pergeret, stricturum se in illum anathematis spiculum denuò. Post aliquam dilationem Fredericus tandem traiecit in Asiam, sed breuè redijt. Quod vt animaduertit Pontifex, iterùm diris suis notauit Cæsarem: sed his foret absoluendus, vbi in Asiam profectus fuerit. Cùm iam Fredericus videret se, vellet nolle, proficisci debere, iterùm anno millesimo ducentesimo vicesimo octauo in Asiam traiecit, & negotium ita confecit, quòd à Turcâ non Ierosolyma solùm, sed multæ etiam aliæ vrbes vtrò ei sint redditæ. Quare Fredericus Ierosolymæ coronatus est, ac pacis fœdera cum Turcâ sancit decennij spatio. Significauit hæc omnia per epistolam Pontifici Gregorio: Honorius quippe obierat. Iam ab excommunicatione ipsum absoluere noluit Pontifex ob dissidium VVelphorum. Præterea & tota Italia iam ei rebellis erat, occupatque per vim vrbes aliquas in hereditario eius Regno Siciliae. Itaque hac necessitate coactus est Fredericus redire in Siciliam, & hereditarium Regnum suum ex periculi metu eripere. Nihilominus tantâ demissione absolutionem postulauit, vt promitteret se à Pontifice Siciliam Regni feudum accepturum. Ad hæc & Principes Germanos vocabat in Italiam, vt vel per eos controuersia inter se & Pontificem transigeretur. Proinde liberauit Gregorius Cæsarem anathematis diris anno millesimo ducentesimo trigésimo. Ceterùm hoc anno Romæ cuncta infelicitè succedebant:

Roma in-
stitutur
veterum
Magi-
stratus
Anno
1884 a.
Vrb. cōd.

siquidem ingens exortus tumultus est. Romani Pontificem ferre ampliùs denegabant, Consulesque duos creabant, quibus solis (vt ante Papatum) fas esset cuncta pro arbitrio administrare; nisi quòd summa Imperij auctoritas penes Cæsarem staret, qualem olim habebat Dictator. Multis Sacerdotibus noua hæc

Magistratus

Magistratus constitutio non admodum displicuit, hortatiq̃ue sunt populum vti à Pontifice deficerent. Itaque profligarunt Pontificem Perusium; vbi ille egit annis duobus ac mensibus quatuor. Intereà multi in Italiâ se Frederico adiungebant. Nam <sup>VVelpho-
rum ac
Gibelinorum
ori-</sup> diuisa tum erat Italia in VVelphos & Gibelinos: de quibus consule paginas 282. & 284. Pontifex grauissimâ necessitate compulsus, Crucem & Indulgentias publicauit aduersus Fredericum, perinde ac manifestè impium, & profanatorem Religionis. Tulit id multò ægerrimè Fredericus, obsedit Romam; sed re infectâ discessit, ac Rauennam Imperialem urbem cepit. Tanta hîc tamq̃ue potens VVelphorum ac Gibelinorum factio exorta est, vt Italiæ interitum haud dubiè timerent. Nusquam in urbibus tutum erat à factionibus, adedò vt Magistratus populufq̃ue inter sese diuisus esset. Clâm multæ variæq̃ue fraudes ac calliditates vtrimque sunt tentatæ; vt quibus alter alterum dolis, cædibus, rapinis, alijsq̃ue modis opprimere, extirpare, & delere potuit, id actum planè fit. Duces Pontificij exercitus erant VVelphi duo Comites in Thufciâ; qui incredibilem vbiq̃ue crudelitatem perpetrarunt.



HENRICVS VII. Frederici II. filius, Imperium vi,
 quoad potuit, in Germaniâ conseruabat, ne quâ par-
 te deficeret, cùm iam velut ruinam certò minitaba-
 tur. Nam & variæ nascebantur hærefes ex Pontifi-
 ciæ dignitatis contemptu : quare ab Episcopis hæreticorum in-
 quisitor constitutus est Monachus quidam nomine Conradus
 à Marborch. Hic Erfordiæ quatuor hærefeos condemnatos
 igni adiudicauit. Præterea quosdam hæreticos è latebris in lu-
 cem protraxit ; quos item combussit. Ferunt multos ipsum in-
 noxios è medio sustulisse : cùm enim quispiam ad illum esset
 delatus, indictâ causâ sententiam tulit, ac proclamauit : Ab-
 ripte impium hæreticum, ac comburite. Cùm igitur Comes
 Senensis item hærefeos falsò esset accusatus, Henricus vt Co-
 mitem hunc absolueret, Comitiorum Moguntia ab Episcopis,
 Principibus, & Abbatibus multis celebrandorum diem dixit :
 horum omnium sententijs Comes vir Christianus ac piè de Re-
 ligione sentiens declaratus est. Quamobrem Conradus Mona-
 chus vniuerso populo, tam nobilibus quàm plebeis, odio esse
 cœpit ; vt qui sub prætextu hærefeos complures tam Religio-
 sos quàm profanos contra ius fasque igni adiudicarat & com-
 busserat. Nam statim eodem illo die, quo quis erat accusa-
 tus, nulla cadebat appellatio ; sed vix dictâ causâ in ignem
 conijciebatur : adeò vt visum sit, Monachum magis oblecta-
 tum fuisse in multis condemnatis, quàm in ijs quos innoxios
 deprehendisset. Vt ergo animaduertit rem eam sibi dedecori
 fore, Moguntia egressus, in itinere occisus est. Hac tempesta-
 te Fredericus Cæsar bella grauia aduersus VVelpfos in Longo-
 bardiâ gessit. Pontifex interea egit cum Henrico atque alijs
 Principibus, vti à Frederico deficerent, & sese Longobardis
 clàm fœdere adstringerent. Interim quoque Pontifex Romam
 redijt, missiliaque pecuniaria in vulgus proiecit, ac blandis pro-
 missis quemque solatus est, exceptis Cæsarianis. Sacerdotes,
 qui ad Fredericum confugerant, excommunicatione vt hære-
 ticos notauit. Postea profectus Pontifex Rearmam est, deinde
 Messanam, Spoletum, & tandem Anoginam. Tum Romani
 confestim se ad Fredericum Cæsarem reiecerunt. Senatus rur-
 sum edicta sententiasque pronuntiabat. Cæsarem in omnibus
 sequebatur,

sequebatur, tributa vectigaliaque à Romanis iterum Cæsaris nomine exigebat, recipiebatque. Fredericus Cæsar pacem cum Pontifice libens iniisset; subsecutus ipsum est Areaten, ac concordiam vltro efflagitauit. Tum id Pontifex ijs conditionibus admittebat, si promitteret in puniendis Romanis opem se adhibiturum, restitutumque quidquid ad Ecclesiam pertineret, atque horum obsidem si filium suum Henricum daret. Præterea præcipiebatur Monteflasconem ad Pontificium exercitum proficisci, ut suis ac Pontificis militibus Romanos oppugnaret. Rem Fredericus aggreditur, signa explicat, euoluit, & in altum aduersus Romanos leuat: sed eius milites pugnare contra suos, & qui vnà Cæsari iurarent, detrectabant. Tum rectà Fredericus Pisas profectus est, & inde in Germaniam, comprehenditque Henricum filium, atque in Siciliam ablegauit. Id verò Principes multi ægerrimè ferebant, qui hinc conspirationes aliquot fouebant. Etiam Longobardi arma parabant: quare Fredericus cum exercitu aduersus hos profectus est in Italiam; atque hinc multi passim exorti sunt tumultus. Tum Fredericus ad Pontificem scripsit, petijtque, uti aduersus rebellem suum filium litteras promulgaret Pontificias, ut cunctæ nationes ab Henrico ad se deficerent: quod ita actum est. Hinc Henricus perpetuis carceribus mancipatus est. Narrant aliqui ipsum iussu patris in carcere fuisse enecatam. Anno CHRISTI millesimo ducentesimo trigesimo sexto, Oratores suos ex Italiâ in Germaniam misit ad Principes Electores; præcepitque ut in defuncti Henrici filij sui locum Conradum Romanorum crearent: quod illi obtemperantes fecerunt. Fredericus plurimas insignes pugnas cum Longobardis commisit, in quibus multa hominum millia ceciderant. Tum Pontificem tædere cœpit, quod præter æquum Imperator in Italiâ plura quàm vellet exequabatur; adeoque illi sub pœnâ excommunicationis præcepit, ut à cædibus in posterum abstineret. Cùm iam dicto minimè audiebat, Pontifex ac Religiosi omnes conuenerunt, profectique sunt aduersus Cæsarem. In obsidione verò Mediolanensi pugnam confecerunt, in quâ cum suis Pontifex victoriam amiserunt. Hic fusi tam Religiosi quàm profani multi sunt. Venetiarum Ducis filius atque vniuersus Magistratus Mediolanensis captus, varijs ab eo cruciatibus interemptus

*Conradus
Romano-
rum, Rex
creatur
in locum
Henrici.*

teremptus est. Senatui ac Consulibus magnam argenti vim dedit, ut Pontificem pellerent, veteremque Reipublicæ statum confirmarent. Verum eius crudelitas, quam modo exercere coeperat, nimis quam Romanis displicebat, inducebantque armis Pontificem Romam. Hic Fredericum tertio anathematis spiculo ferijt, & hæreticum proscripsit, atque omnino voluit, ut Electores ad Ecclesiæ defensionem Cæsarem crearent. Sed haudquaquam intra sexennij spatium conuenire potuerunt: & quamlibet post sexennium Imperatores aliquos elegerunt, minimè tamen coronati fuerunt; quare etiam in catalogo Cæsarium non numerantur. Nec Conradus Frederici filius ad coronationem peruenit. Nam cum patre Romani Imperij hostis iudicatus publicatusque est. Iam verò postquam Imperio deictus esset Cæsar Fredericus II. mirum quam infelicitè, quamque malè cum Pontificatu, atque Imperiali scepro, actum sit, adeò ut Imperium vacauerit annos triginta quatuor, usque ad ætatem Rudolphi II. Vtræque perniciosissimæ partes VVelporum ac Gibelinorum iterum conspirarunt, alter alterum vastarunt, spoliarunt, & trucidarunt adeò truculenter, ut vel saxum commoueat, animusque horrescat meminisse. Equidem apud nullos Historicos istiusmodi tumultum, tam perniciosum ac diuturnum, inueniri arbitror, quam hunc, qui annis centum, imò ad nostram usque ætatem durauerit. Vrbes, pagi, quin & domus populo diuersa sentienti inhabitabantur, usque adeò, ut quisque partis suæ signum gestauerit. VVelphi alijs utebantur vestimentis, alijs loquendi modis, alio colore, quemadmodum apud nos discrimen est inter Iudæos & Christianos. Pontifex cognoscebat suos, ac suos item Fredericus. Vnumquemque facile nouisses ex incessu, vultu, voce, ore, ac vitæ moribus. Si qui iam neutrius partis esse volebant, hi ab utrâque parte vexabantur; eorum vrbes, castra, ædesque vastabantur, cædebantur, aut in exilium profigabantur, ac quidam oculis priuabantur, alijsque cruciatibus trucidabantur, prout ab his sibi cauendum putabant. Nec inter vicinos modò ita agitabatur, sed etiam inter longè diffitos; adeò ijs nominibus erant fascinati, ut, si in itinere alter alteri obuiam veniret, velut coacti pugnare debuerint. Tantus denique rogos ex tam modicâ scintillâ succreuit, ut in eâ factione multa centena hominum millia interierint.

Namque

*Vacatio
Imperij
anno post
Urb. cõd.
1792.*

Namque indies congressus plurimi oppressionesque fiebant: proinde vix cuncta de tumultu hoc dici queant. Diabolica enim hæc nomina ex Germanis orta, ac in ciuitate Pistoriâ primò audita, plus detrimenti Ecclesiæ Dei atque Imperio attulerunt, quàm hæretici, schismatici, ethnici, ac Turcæ omnes. Cùm iam vniuersa Italia ad istum modum in armis degeret, filiusque se in patrem armaret, nec hospes ab hospite tutus esset; etiam regiones aliæ, vt Gallia, Hispania, Germania, &c. factione hac infectæ fuerunt per litteras Pontificis atque Imperatoris, quorum alter in alterius odium eas vbiuis gentium publicabant. Pontifex iniuriam suam questus est Ludouico IX. quem Diuum nominamus, in quadam Epistolâ, cuius initium hoc est: *Ascendit de mari bestia*, &c. Nimirum ratus bestiam eam esse Cæsarem, qui ex Asiâ per mare in Italiam traiecerat. In eâ, inquam, Epistolâ scribit, quemadmodum Cæsar, cùm ab eo esset excommunicationis notâ absolutus, perfidus ipsum deseruisset, vbi pugnaturus vnâ esset Viterbij contra Romanos, qui à Sede Pontificiâ defecerant, regionemque vniuersam deuastabant. Fœdus prætereà ipsum percussisse cum Ecclesiæ hostibus, nominatim Turcis aut Saracenis, cum ijsque patrimonio D Petri debilitasse; Ecclesiam hæresibus deturpasse, atque huius Sacerdotes verè Christianos varijs cruciatibus è medio sustulisse. Item illum esse impiorum asylum, corruptorem humani generis, persecutorem æquitatis, fundatorem arcium latronum, contemptorem supremæ Maiestatis, fidei Christianæ aduersarium, vt qui Crucem aduersus infideles prædicari prohibuerit, &c. Ac denique ipsum appellat Antichristi prodromum. Epistola verò Cæsaris ita auspicabatur: *Fredericus II. Dei gratiâ Romanorum Imperator Principibus Germania S. Mirantur plurimi*, &c. Huius Epistolæ contextum referre, longum sanè foret: quare breuiter quædam hinc excerpemus. Mater eius Constantia dum in extremis ageret, atque ipse etiam in cunis iaceret, illi defensionem Ecclesiæ Romanæ commisit, ne quam iniuriam utpote pupillus pateretur. Verum non fuit absque periculo vitæ, aut detrimento vniuersi Imperij, eò quòd bona eius hereditaria hinc in diuersas partes diuisa distractaue fuerint. Deinde Pontifex Innocentius III. illius incommodo Othonem profugum VVelphum ex Angliâ accersitum

Cæsarem creauit. Præterea quemadmodum deinceps (vbi Ortho Ecclesiæ aduersarius declarabatur) in multis rursum vitæ periculis versatus sit, & quemadmodum se ad Imperium in pueritiâ ab Electoribus sibi promissum, tum cùm nemo sperabat, re-duxerit. Othonem superbum Deus deiecit, humilemque exaltauit. Et postquam Imperium Romanum in ordinem certum rede-gisset, coronamque ab Honorio III. Pontifice accepisset, Crucem libens aduersus Turcas suscepit. Porro cùm vrbes aliquas in Tuscia à VVelphis Imperio detractas, vti Augustum decuit, recuperasset, anathemate ipsum Pontifex notauit. Absolutus itaque cùm in Asiam proficisceretur, morbo fuit impeditus, quò minùs eo anno proficisci potuerit. Sed vbi simulatum eum morbum esse dictitabant, quasi proficisci non libuisset, quantumuis mari se commisisset, ægritudine redire compulsus est. Vt autem iterum erat excommunicatus, rursum mare traiecit, Ierosolymam vrbesque complures alias cepit, ac cum Turcis decennales inducias confecit. Interea Gregorius hic Pontifex creatus est, qui non modò ipsum anathematis diris liberare recusauit, sed & alios dolos absenti fecit. Etenim contra eum ciuitates Italiæ mouit, atque in eius Regno hereditario aliquot vrbes occupauit. Cùm iam acta Pontificis Romanis atque item multis Cardinalibus ac Sacerdotibus displice-bant, Populus Romanus Magistratum mutauit, Pontificem turpiter exegit, Pontificatum deleuit, atque ipsum vt Principem more veteri inaugurauit. Nihilominùs humiliauit se, promisitque illum se in Pontificiam Sedem restitutum. Verum cùm ad hoc milites suos imparatos sensisset, bello discessit. Tum Pontifex publicauit, si qui essent ex militibus Germanis, qui à Cæsare ad suum exercitum deficere vellent, ac sibi opem ferre, eos præter largum stipendium etiam honorificè donaret. Hinc tanta Germanorum militum multitudo ad Pontificem defecit, vt Romani deinceps ausi non fuerint prælium aliquod cum ipso aggredi, atque istiusmodi ope patrimonium D. Petri recuperauit. Id autem ita fieri permisit. Porro vbi perfidos Longobardos, qui à se antè defecerant, rursus ad obsequium cogere tentabat, iterum Pontifex cum vniuersis VVelphorum complici-bus exercitum suum in campum aduersus illum eduxit: hos ille vt hostes infensissimos aggressus, bello domuit, &c. Atque
hac

hæc quidem omnia apud Principes questus est , quòd ob tam multa beneficia ab Ecclesiâ minimè sit honoratus , sed potiùs excommunicatus. Hinc igitur Fredericus Paduâ profectus , Venetos (qui cum Pontifice ac VVelphis erant confœderati) terrâ mariq̃ue aggressus est , direptionibus , cædibus , incendijs obuium quodque annis propemodum duobus deuastauit. Similiter & Pontifex , Veneti , Genuenses , ceteriq̃ue VVelphi omnes fecerunt Gibelinis. Florentini , nobiles suos qui erant Gibelini , repudiarunt : contrâ Aretini ac Senenses VVelphos expulerunt. Miserabile hoc exemplum imitatæ sunt omnes Italiæ vrbes , bellaq̃ue ciuilia infinita inter se concitarunt. Vnde etiam multæ ciuitates à Pontifice in Vmbriâ atque Hetruriâ defecerunt. Item Romani ipsi defecissent , nisi eos Pontifex oratione commouisset ; quâ ita coniuratorum animos mutauit , vt eos compulerit pro defensione Ecclesiæ Crucem armaq̃ue capeffere ; adeoq̃ue Fredericum , qui ceu infestissimus hostis Vrbein obsidebat , vi repulerunt. Quâ re commotus Fredericus , captos omnes miseris cruciatibus interemit , ac Samium profectus est. Ciuitatem Beneuentum ferro deuicit , omnes interfecit , cuncta direptionibus atque incendijs vastauit , ac mœnia solo adæquauit. Cumq̃ue iterùm iratus Romam rediisset , in Viâ Latinâ cœnobium istud Cassinensè præclarissimum ingenti crudelitate deuastauit ; nec dici potest quâ ferocitate in Monachos sit vsus. Pontifex timere nonnilhil cœpit , multas pias expeditiones sibi proposuit , atque ipse in quodam Templi ambitu sacrosanctas Apostolorum reliquias populo ostentauit ; multum diuq̃ue pauidus flensq̃ue concionatus , vitam æternam promisit ijs qui aduersus impium tyrannum Fredericum Crucem suscipere vellent : ac tantum quidem verbis querulosis mœstisq̃ue apud populum egit , vt pro Ecclesiâ arma vniuersi ceperint. Interea

*Roma à
Frederico
II. deuastatur
anno post
eam conditam
1194.*

Fredericus hostili expugnatione Romam oppressit , portas ac mœnia ariete facilè discussit , atque vrbein inuasit. Qui verò Cruce erant signati , in acie fortes firmiq̃ue stabant : quod vt vidit Fredericus , ipse in primam aciem se euaginato gladio coniecit , suosq̃ue fortiter adhortatus est. Hic miserabile spectaculum exortum : tantum cruoris vtrimque fufum est , vt vix queat explicari. Postquam iam Cruce signati in fugam dispersi erant , viuos eos comprehendi iussit , vt oculos semel tyrannide sum-

mâ pasceret atque expleret suos. Hi itaque ad illum producti, probè ante eius oculos Cruce fuerunt notati. Nam Sacerdotibus eâ parte capitis Crucem ferro insigniuit, quâ tonsuram (vt vocant) habent, Cardinales verò candenti diademate coronauit, ac laicorum denique frontibus Crucem inussit. Hanc ille sæuitiam exercuit diebus tribus continuis. Hæc vbi perfecisset, urbem sanguine & cadaueribus oppleffet, eam quoque incendit ac solo æquauit. Deinde profectus est in Campaniam, ac magis magisque indies crudelitatem suam auxit: plurimum Turcas siue Saracenos adamauit ob eorum sæuitiam, vt ijs præter ceteros in bello vsus sit. Nam & Magistratum ijs constituit & Principem, ac concessit iisdem ciuitatem in Italiâ, quam etiamnunc Nuceriam Saracenorum appellamus. Aded autem hic pertinax in suâ tyrannide induruit, vt fratrem Regis Thuniæ, qui baptismum Panormi affectabat, illud ipsum verbis sit dehortatus. In eo sæculo sanè deploratissimo Pontifex statuit Salue Regina diebus singulis canendum esse, atque Horarijs precibus succinendum. Præterea & Crucem aduersus Fredericum vbique locorum prædicari iussit. Interea etiam Concilium in Lateranensi Ecclesiâ habuit; vbi de condemnato Frederico actum est, opemque Regis Galliæ atque Angliæ implorauit, accersiuoque Episcopos & Abbates in istud Concilium. Quod quidem vt intellexit Fredericus, quosque aditus terrâ marique præcluserit, Pisis Entium filium iussit Genuensium accessus diligenter obseruare. Hi ad Concilium quadraginta triremibus properabant, quos contra Entius profectus est. Voluissent quidem fugere, sed eorum Dux ac Tribunus omnino dissuasit, turpe inquiens esse, fugere à Gibelinis, quadraginta triremibus: ideoque pugnatum est vtrunque acerrimè; verum Entius victoriâ potitus est. Hinc multæ naues Episcopis, Abbatibus, ac Doctis oppletæ, submersæ; hinc multi cæsi, hinc multi in Apuliam capti ad Fredericum Cæsarem abducti sunt. Hic in carcere multi fame, squallore ac situ sunt enecati. Ex quâ re tantus Pontificem inuasit dolor, vt breuî interierit. Tum sedes Pontificia mensibus vacauit viginti vno. Nam qui in Ecclesiâ erant præcipui, excusarunt se; donec aduersus Ecclesiam Fredericus sæuaret, Pontificem eligendum non esse. Quò item illud accedebat, Fredericum extrema minitatum fuisse, si absque

*Pontif-
catus va-
cat.*

que eius consensu Pontificem creassent. Proinde dum Pontificatus vacabat, Fredericus intolerabilia planè perpetravit: quoscumque Ecclesiæ adhærere sciebat, vario cruciatus genere vexavit. Entius filius vniuersam Italiam sanguine purpuravit. Item eius fecêre Tribuni in Siciliâ: si quos Sacerdotum fautores deprehendebant, eos vnâ cum Archiepiscopis, Episcopis, Cardinalibus, alijsque Præsulibus passim miserè strangularunt. In Ecclesias vndique irruebant, Sacerdotesque ab aris detractos trucidabant. Infinita templa ac cœnobîa incendio funditus absumpserunt; & quidquid prædarum erat compilatum, calices, vasa, cruces, ornamentaque alia, partim argentea, partim aurea, id omne ad Fredericum deferrebat: ex quibus ille nummos percussit, ac militibus pro stipendio distribuit. Interea Fredericus vi Rauennam cepit, deinde Fauentiam ac Bononiam fame pressit, atque omnia planè deuastauit ad Flaminiam vsque. Tum Mutinam aggressus ac Parmam, vniuersas Romandiolæ ciuitates populatus est. Cùm iam spes nulla in Principe aliquo esset, boni quidquam inter VVelphos ac Gibelinos posse confici, Balduinus Imperator Constantinopolitanus in Italiam venit, & tantum apud Fredericum, qui tum Parmæ agebat, potuit, vt Pontificem creari admiserit. Tum illicò congregatio Anagninæ habitata est, consultumque quâ ratione Pontifex esset eligendus. Pontificatus huiusmodi sum pos-
sidesur. Auditis igitur suffragijs, creatus est vir quispiam strenuus ac præclarus, natione Genuensis, qui se Innocentium III. appellauit. Quæ quidem electio non admodum Frederico placuit, quòd viri huius diligentiam insignem probè cognitam habebat. Nam familiaris alter alteri iam diu fuerat: quare Fredericus verebatur ne huic Pontifici anteaçtæ vitæ rationem reddere deberet. Ob quam rem cùm eius amici Frederico fausta omnia Pontificis adeoque familiaris sui nomine optarent, respondebat, Illum sibi ex summo amico hostem infensissimum ob Pontificatum fore. Verùm Innocentius habitum induit Pontificium; ac Romam vt venisset, omni honore introductus est. Absolutâ ergo coronatione atque inunctione Pontificiâ, omnem dedit operam Pontifex vt inter se VVelphos ac Gibelinos conciliaret, quò tranquillitatem miseræ Ecclesiæ, cædibusque tandem modum imponerent. Cumque Balduinus etiam hîc operam suam polliceretur, negotium ipsum protractum est

Qq 3. menses

menses quatuor; tandemque statutum est ut Pontifex in Castellorum ciuitatem proficisceretur, quod & Fredericus ueniret, ut omnem semel controuersiam possent deponere. Ceterum ubi Fredericus dolos saltim rimaretur, quibus hunc etiam Pontificem extingueret; res ea Pontifici patefacta est, qui Genuensium nauibus usus properè in Galliam Lugdunum nauigauit: ubi Concilium conuocauit, uti Fredericum ab Ecclesiâ ceu impium hæreticum resecarent. Id autem contigit anno CHRISTI millesimo ducentesimo quadragesimo. Pontifex per litteras ac tandem etiam per legatum peculiarem Fredericum ad se accersēbat, dirasque vel grauissimas adeoque extremas, ni pareret ac ueniret, minitabatur. Fredericus illi renuntiabat se breuī compariturum. Iam verò cū se itineri adornabat, putabaturque certò profecturus, in itinere Parmam rursum occupauit: quā de re ipsi Pontifex significauit ut suo oppido cederet. Hinc ad eò succensuit, ut vniuersam ciuitatem deuastaret, VVelphosque omnes crudeliter extinxerit. Committebat Italicam administrationem filio suo Entio, parabatque se cum exercitu ad disturbandum Lugdunenſe Concilium. In eā profectioe vastabat omnes ciuitates ac vicos Pontificis; itaque immaniter ubique locorum egit, ut omnes ipsum fugerint, vicosque vniuersos vacuos reliquerint. Fredericus Brixiam profectus est: tum Placentini ac VVelphi simul concurrerunt, & Gibelinos iterum Parmā expulerunt. Quare Fredericus reuersus, ciuitatem ipsam solo æquare ratus est; verum probè ea munita erat. Biennio autem Fredericus illam obsidebat sexaginta virorum millibus, ciuitatemque in castris exstruxit, quam Victoriam appellauit. Hanc fossā ac mœnibus cingi curabat, domosque in eā ædificari, & Basilicam, quam item in eā fundauit, Victori consecratam volebat. Iam ubi argenti inopiā laborabat, è corio iussit numismatis formam parari cum imagine suā ac inscriptione vnius floreni; publicauitque in castris, seu nouā hac vrbe, ubi primū argenti copia fieret, ac nummos hos Magistro suo ærario ostenderent, se id tum quod ex corio est, bono ac vero numismate commutaturum. Nummus hic dictus est Augustanus, habebatque in dorſo Aquilam; eo satisfactum est militibus. Sed postea numismate illo verum florenum liberaliter commutauit. Eos florenos Victorinos appellauit. Iam nihil

Parmæ

Ex corio
 cudatur
 nummus.

Parmæ prorsus seu foris seu intus agebatur, cuncta Victoriæ apud Fredericum in castris conficiebantur; itaque negotijs, rebus, opibus, viribusque aucta est, ut vel ab optimis mercatoribus sit frequentata. Nam cum res ea in apertum prorupit, rumorque quouis gentium sese extendit, multi venere ex Asiâ, Indiâ, Africâ, Ægypto, Libyâ, Mauritaniâ, &c. ignoto habitu, moribus ac nouis mercibus suspiciendi. Item diuersa animantia in urbem Victoriam inducta fuerunt, cuiusmodi Italia, post dirutum Romanorum Amphitheatrum, non aspexit: ut erant elephanti, dromedarij, pantheræ, tigres, pardi, rhinocerotes; leones, leopardi, lynces, ursi albi, gryphes, struthiones, atque id genus ferarum alia. Entius interea graua sanè bella in Italiâ contra VVelfphos mouit. Verùm mox istuc Pontificius legatus cum exercitu Ecclesiæ (Historici autem Milites Ecclesiæ nominant) venit. Hic Entium bello aggressus, ipsum cruentâ sanè victoriâ compescuit. Entius captus catenis ferreis in carcerem detrusus est; ubi post aliquot annos vitam miserè finijt. In eo autem infortunio Fredericus sæpè nequidquam prælium aggressus est. Parmenses quâ viâ potuit grauissimè infestauit. Plerosque ciues captos instrumentis quibusdam in oppidum reiecit. Necdum enim eâ tempestate bombardas cognoscebant; quapropter tormenta bellica habebant mira & infinita.

Hoc tempore ferebantur Principes Germani ex iussu Concilij esse Herbipoli congregati, ut alium Cæsarem designarent, ac Fredericum vnâ cum filio suo Conrado Imperio pellerent. Ceterum Principes Imperij nondum inter se conueniebant; rem tamen continuè perficiebant, ne mora electionem forsân impediret. Atque ita quidem Henricus tandem, Landtgravius Turingiæ, Cæsar designatus est. Id verò actum est anno CHR I-<sup>Henricus VIII. Turin-
gus pri-
mus Psem-
doinpe-
rator.</sup> STI millesimo ducentesimo quadragesimoquarto. Nonnulli Principes, quibus electio hæc minùs placebat, Henricum ridebant, vocabantque ipsum Sacerdotum Regem. Tum Conradus sese parauit, armaque expediuit, ac contra Henricum profectus est. Henricus extemplò exercitum conscripsit, eduxitque in campum. Vtrunque pugnatum est grauissimè; sed penes Henricum victoria mansit. Comes Palatinus Orho ad Rhenum Gibelinis adhærebat; occepit Sacerdotes ac Monachos grauiter persequi;

persequi; quare & is à Pontifice excommunicatus est. Episcopus Argentoratenfis, ex VVelphorum genere, Gibelinorum ciuitates castraque in Alsatiâ ad Rhenum incêndio vastauit atque euertit. Postea Henricus ac Conradus apud Francofordiam iterum pugnarunt; & secundo vicit Henricus. Verum haud multo post vbi Vlmam ciuitatem obsideret, iaculo confossus interiit; vt hinc factum sit, quod minùs ad coronationem peruenit. Tum Landtgravius Turingiæ VVilhelmus bellum aduersus Conradum gessit. Atqui verò vbi considerauit Conradus se destitutum praesidio Germanorum Principum, atque ab VVilhelmo grauitè oppugnatum, contulit se in Italiam ad Fredericum patrem; Electores Principes iussu Pontificis alium Cæsarem designarent. Tum diu nemo Imperium affectabat: tandem Dux Brabantiae suum ex sorore nepotem Comitem Hollandiae VVilhelmum apud Pontificem atque Electores designabat, vt ipsum Cæsarem crearent. Id autem contigit anno millesimo ducentesimo quadagesimo nono. Porro huius nomine graues tumultus in Imperio exorti sunt. Erant siquidem, quibus VVilhelmum Cæsarem creatum esse minime placuit; quare coronam adeptus non est. Verum ad Rhenum illi maxime paruerunt, & in inferioribus regionibus: in quibus cum ageret, Moguntinenses & Colonienfes cum suis asseclis defensionem nullam aduersus hostes habuerunt. Quamobrem vrbes praecipuae, Colonia, Moguntia, Augusta Treuironum, Bodobriga, Ficolia, Bingium, Friburgum, Frislar, Vlma, Francofordia, atque oppidum Gelhausen, &c. conuenerunt. Hæ inter se confederatae ingentem commotionem per vniuersam Germaniam concitarunt. Nam nec furoris, nec cadium modus aut finis ullus fuit. Germania ferè vt Italia sanguine fuit purpurata. VVilhelmus graue bellum aduersus rebelles Frisios mouere debuit, qui instar aestuantis maris furebant. Cum iam ante exercitum equitaret, viamque in glacie scrutaretur, quâ aduersus hostes iret; ipsa glacies con fracta est, in eam paullatim vt mergeretur: Frisones, qui in loco arundinibus confito abditi id videbant, accurrerunt, ipsumque pilis, antequam exercitus aduenteret, confoderunt. Fredericus multa indigna immaniaque perpetravit, atque Ecclesiae hostis permansit ad finem usque vitae suae; susque deque Pontificias diras ferebat, nec nisi deterior

VVilhelmus Hollandus Pseudo-imperator secundus.

deterior ac crudelior inde in Italiâ effectus est. Pugnam ante Parmam haud longè ab vrbe suâ Victoriâ sanè magnam amittebat; perdebatque in fugâ Imperiale suum Diadema, quod equidem ingenti thesauro vix erat comparandum, & iacturam faciebat totius sui propemodum exercitus. Alter eius filius, nomine Iordanus, ante Bononiam in conflictu quodam interiit. Cùm iam Fredericus ex his rebus in phrenitidem incidisset, eius filius Manfredius puluinar patris ori imposuit, vt compresso spiritu animam coactus exhalaret. Actum autem id ita est anno millesimo ducentesimo quinquagesimo. Post eius obitum Conradus filius in hereditarium Regnum suum Neapolis ac Siciliæ se contulit. Anno CHRISTI millesimo ducentesimo quinquagesimo septimo, vbi Imperium hoc desolatum vacabat, nec quis esset, qui illud affectaret, Archiepiscopus Colonienfis in Angliam profectus, hortatus est Richardum Angliæ Regis fratrem ad Imperium suscipiendum. Venit igitur hic, atque à Colonienfi & Moguntinenfi Archiepiscopis, & ab Ludouico Comite Palatino ad Rhenum Cæsar designatus est. Hac tempestate vbi Richardus eligeretur, nec Germani Anglum istum facilè admitterent, Principes quosdam Richardus argenti marcarum octo millibus honorauit, qui ipsum in vrbes Imperiales ad Rhenum vi inducebant, petebant inde Basileam. At verò Basilea vi nullâ subigi potuit, & iam Richardus argenti inopiâ laborare cœperat; quo nomine Principes ab eo descuerunt, ac velut alienigenam solum deseruerunt. Quod vbi conquerebatur, inquebat id facilè se potuisse suspicari, non aliâ de causâ quidquam eos fecisse, quàm propter argentum suum. Tum probè delusus, in Angliam reuersus est; nec eius quisquam ampliùs meminit. Id verò cùm Principes considerabant, nemo erat qui Imperium affectabat: quin si quis illud affectasset, facilè impetrasset. Iam quæso perpende, quónam summa illa Orbis totius dignitas dilapsa sit, quæ tam multo olim sanguine constitit. Multa Imperium oppida amittebat, quæ Principes ad se rapiebant. Cædes ac rapinæ passim exortæ sunt infinitæ: nobiles flagitia indigna sæuitiamque perpetrabant, donec cogente necessitate Principes Cæsarem eligere rursus debuerint. Scribebat item Pontifex, nisi ipsi id facere vellent, se creaturum Cæsarem, qui Ecclesiam ab omni

Rr

periculo

periculo tueretur. Quamquam enim Fredericus mortuus esset, VVelphi tamen ac Gibelini nondum sanguine satiari potuerunt. Tum Imperij Principes conuenerunt, ut Cæsarem aliquem designarent, ne dilatio Imperij electionem è medio tolleret. Verùm nemo inuentus est, qui Cæsar esse vellet.

*Alphonsus
Hispanus
Pseudo-
imperator
quartus.*

Tum ex Hispaniâ Cæsarem crearunt Alphonsum Regem Castiliæ, legatosque ad ipsum miserunt, atque opem consiliumque vtrò promiserunt. Sed Alphonfus Imperium Romanum nec recusauit, nec affectauit; & qui missi erant, ingentibus donis honorauit, domumque remisit, promittens se illos cum exercitu subsequiturum. Atqui suo is Regno contentus fuit: nam insignis erat Philosophus atque Astronomus: ideoque nec venit, nec in quoquam Imperium curauit; nisi quòd aliquamdiu in honorem eorum qui ipsum crearent, titulo ac nomine Romani Imperatoris in suis litteris usus sit.

*Rudolphus II.
Habsburgus
CXLI.
Cæsar legitimus.*

Vt ergo vix vllus erat Princeps, qui Imperium non aspernaretur, tristitiaque magis ac magis in hominum animis indies succresceret; illuxit velut in tenebris Princeps ille fortissimus ac numquam satis laudatus RVDOLPHVS Comes Habsburgus, qui percussos mortalium animos solaretur. Vrbs Basilea, quæ Imperio plurimum resistebat, aliisque ciuitatibus multum detrimenti adferebat, ab ipso in primis obfessa est. Tum ad ipsum singuli confugiebant, non aliter atque ad patrem suum solet filius. Electores confestim Francofordiam conuenerunt, ac legitimo ipsum suffragio Cæsarem designarunt. Ex quâ re non Germania solum, sed & omnes vniuersæ Europæ nationes incredibili lætitiâ perfusæ fuerunt. Hic rumor simulatque ad ipsum delatus est, vrbs obsidione relicta Francofordiam maturauit, quò magnâ pompâ atque ingenti triumpho vt Pater Patriæ introductus est post natum CHRISTVM anno millesimo ducentesimo septuagesimo tertio, ab Vrbe verò condita anno MM. XXVI. cùm iam Imperium vacauerat annos triginta quatuor. Hic Cæsar verbis in Asiam se pellici haud passus est; sed suam Germaniam, quæ iam oppressa, vastata ac collapsa pænè erat, pacauit, & in pristinum statum restituit; nec eam deferuit, vt exteris nationibus opem ferret, maluitque Regni sui bonus appellari administrator, quàm Augustus. Philosophicum hoc dictum crebrò recitare solebat, *Prudentiâ Regnum admini-*

administrari, tyrannide autem ampliari. Atque huius dicti quoque meminit, *Maiores est artis bene imperare, quam ampliare.* Item & huius, *Bonus pastor suis omnibus adhærebit, eas pascet, nec quæret alias ut eas deserat; itaq; nec has nec illas pascat.* Et, *Honestius esse vitam unius civis conservare, quam mille fundere hostes.* Nec in Italiam profectus est, ut Imperialem coronam peteret: solitusque est semper Æsopi fabulam recitare de vulpe, quæ leoni in speluncâ ægrotanti dixerat, ideò se terreri ab ingressu, quòd vestigia omnia ingredientium, non egredientium essent animalium. Ad eundem modum & se considerare, maiores suos ingressos quidem sæpè magnis copijs Italiam, sed malè tractatos domum plerumque rediisse. Quòd autem à Pontifice sit confirmatus, hi veteres versiculi satis testantur:

*Bis sexcenti septuaginta tresq; steterè
Anni, Lusana dum Rex & Papa fuère.*

Quemadmodum verò Cæsar hic ingenij sui acumine, animique virtute ac fortitudine, collapsum Imperium Romanum restituerit, & quâ id viâ perfecerit, sequetur modò.



VDOLPHVS II. Comes Habsburgius, Landtgravius
 Alfatia, & Dominus Argentoratensis, Francofordiâ
 profectus est Aquisgranum; vbi inunctus, Diademate
 ferreo coronatus est. Atque eo quidem contentus, in
 Italiam minimè profectus est, nec aliquam sanè ambiuit pom-
 pam, vt Patriæ ac collapsæ pænè Reipub. consulere. Principes
 Germaniæ omnes ipsum inaugurarunt, ac possessionum suarum
 Feudum ab eo libenter acceperunt; nec minùs gnauiter aduer-
 sus Imperij hostes illi se subsidio præbuerunt. Nam Imperium
 hæcenus desertum, dum vacabat, miris modis ruptum lania-
 tumque fuit. Comites ac Nobiles Cæsarem ampliùs ferre de-
 fueri, ipsi suarum possessionum Domini & dici & esse male-
 bant: quæ quidem res Cæsari negotium conficiebat grauissi-
 mum. Quindecim Comites in Sueuiâ aduersus Cæsarem con-
 spirarunt, vt si ablatas Imperio vrbes restituere conaretur, ipsi
 tum inter se confœderati Cæsarem obtruncarent. Multis item
 Principibus non placuit, qui rursus absque Cæsare esse maluif-
 sent. Iam vndique ita strenuè se Rudolphus defendit, vt in-
 genti victoriâ potitus sit. Per hunc enim Deus collapsam Ger-
 maniam restituere voluit. Coëgit itaque Comites hos, abstu-
 litque ab ijs quidquid per vim triginta quatuor annorum spa-
 tio Imperio detractum fuerat. Imperabat aded strenuè, aded
 potenter, & diligenter, vt vniuersæ Germaniæ terrori esset. Pri-
 mò Comitis Badensis ditionem sibi subiecit. Deinde aduersus
 Othacarum Bohemiæ Regem profectus est; qui cum Bauariæ
 Duce non solùm parere recusabat, sed & vacuam heredibus
 Austriam (quæ Imperio nunc cesserat) occupabat. Bauaria citò
 subiugata est: verùm Bohemiæ Rex parabat se ad resistendum.
 Quamobrem in Austriam armatas copias duxit Rudolphus,
 eamque vi occupauit: obsidione cinxit Viennam urbem, & in-
 genti prælio pugnatum est apud Nidersbrugum, in quo cecide-
 runt Bohemorum quatuordecim millia, atque ipse Othacarus
 Rex ferro confossus est. Atque ita demum redacta Austria est
 sub ditionem Rudolphi; & in eâ Ducem constituit Albertum
 filium suum, à quo iam inde originem ducunt Austriaci Prin-
 cipes omnes, quemadmodum in sequenti Genealogiâ ostensum
 est. Rudolphus summâ clementiâ & humanitate vsus est erga
 VVenceslaum Othacari filium: reliquit enim illi Bohemiæ Re-
 gnum,

CXLI.

PRVDENTIA GVBERNANTVR REGIONES,
 QVARVM LIMITES TYRANNIDE
 NONNVMQVAM EXTENDVNTVR.



Imperium quasi oblitteratum integritati restituit,
 eiꝛue præfuit XIX. annis.

gnum, & filiam ei suam in matrimonium dedit. Postea à latro-
cinijs Germaniam sedulo purgavit; nullus latronibus locus
relictus fuit. Circiter sexaginta prædonum arces in Turingiâ
solo æquavit, & rebelles quascumque vrbes passim diripuit. To-
to Imperij sui tempore bellavit, ac crebrius sub dio in campis
quàm in oppidis pernoctavit: ratio autem cur id fecerit, suprà
fatis enarratum est. Sed vt aliorum bella patriæ erant pern-
ciosa, sic huius cuncta è re publicâ finiebantur. Ita perpetuò in
castris se continebat, vt & suæ & aliorum militum vestes sæpè
corpori defecerint. Detritum nonnumquam induit thoracem,
seque ita militibus crebrò ostentabat, ne nuditatis suæ illos pu-
deret. Visus etiam est in castris interdum vestes suas resarcire
ac reparare, vti alijs exemplo esset, ac doceret, necessitatem
omnem excludere pudorem. Atque eò res breuì deducta est,
vt milites inedia ac laboris cum Cæsare patientes esse cœpe-
rint, donec turbatum & plenum seditionibus statum Germa-
niæ sub pacis leges iterum redegisset. Ex hisce detritis vestibus
in consuetudinem venit, milites non nisi dissectas ac versicolo-
res gestare vestes. Neque enim alter alterum pudefacere, si
vestes integras atque vnicolores induisset, volebat. Item tem-
pore quodam in obsidione, cum penuriâ cibi milites labora-
bant, Rudolphus in agrum rapis consitum se publicè contulit;
& quibusdam extractis, eas comedit. Quod vt alij vidissent,
Cæsarem illo se cibo reficere, & ipsi latrantem stomachum ra-
pis placarunt. Anno millesimo ducentesimo octuagesimo
quinto, conuocauit Rudolphus omnes Germaniæ Principes
Argentoratum; ibique publica Cômicia habita sunt: quo tem-
pore insigne istic prodigium visum est: nam à nautis reti leo
captus, quem Pontifici Martino IIIL. donauit Rudolphus,
qui quæ rugire ac miserè lacrymari non cessabat, ex quo non-
nulli abusus in Imperio tollendos colligebant. His temporibus
Pontifex Legatum Româ in Germaniam misit, qui ad con-
cordiam Ecclesiæ Herbipoli Concilium habuit, præsentibus
Rudolpho, Episcopis, Abbatibus, Præsulibus, ac laicis Prin-
cipibus vniuersis. Rudolphus unicuique Principi præcepit, vt
in ciuitate quisque suâ Præsides statuëret, qui in omnem fa-
ctionem ac tumultum diligenter animaduërterent, ne quis
motus in Imperio alicui deintegro exoriretur. Interea verò
Pseudo-


Pseudofredericus II. Cæsar quispiam exortus est, qui dictitabat <sup>Pseudo-
fredericus II.
prodit.</sup> ob aduersam fortunam idèò populò se suo subtraxisse, vt ali-
quàntò tranquillior viueret, mortuumque pro se alium suffe-
cisse, quem sepeliuissent; addens paucos consilij sui conscios
fuisse, seque iam triginta quinque annis ceu peregrinum terrâ
marique errasse, sed nunc voluisse in patriam repedare. Tot se-
creta Imperij negotia declarabat, & multa adferebat, vt multi
ei fidem adhibuerint, ac præcipuè quidem Turingiæ Landtgra-
uius. Quæ verò hinc dementia, & quod malum subsecutum
sit, modò dicemus.

FREDERICVS, de quo mihi hîc dicendum restat, à quibusdam *Holstuch*, ab
alijs verò *Tile Kolup* appellatus est. Insignis hic nebulo atque impostor fuit.
Agebat autem in oppidulo VVerzlaer. Vulgus, quod animal est multis capi-
tibus horrendum, quodque nouarum rerum & studiosum & cupidum est, ni-
hil non comprobabat, susque deque ferebat, quem Principem aut Imperij ad-
ministratorem haberet. Dum iam versurus ille impostor negotium egregiè suc-
cedere suum animaduertit, rem eò deducit, vt multi Principes oppidaque ad
se defecerint, inauguratusque ab ijs sit verus Imperator. Rumor enim erat, vi-
rum hunc & fortem & audacem esse, ac omnino talem, sub cuius alis se tutos
fore sperabant. Fama hæc ad Rudolphum deuenit, qui suâ id magnanimitate
velut rem friuolam ac ridiculam contemnebat. Quare eò omne suum negotium
nebulo iste apud varium & inconstans vulgus breuî deduxit, vt incertum pro-
pè fuerit, vtrum quisque Cæsarem agnosceret, huncne impostorem, an Ru-
dolphum suffragijs legitime electum. Fuere, qui & Rudolphum ceu illegiti-
mum Imperatorem aspernabantur. Reperio Episcopum quemdam ex Bohemiâ
etiam in pleno Concilio (cùm dicendi veniam postulasset, impetrassetque) di-
xisse palàm omnibus Latinè, electionem Rudolphi illegitimam esse, vt qui ex-
communicatus ab excommunicatis electus esset, ideoque illi obsequium mi-
nimè præstandum; addens & multa alia conuitia, idque Latinè. Cui tandem
Rudolphus ita respondebat: Si quid, Episcope, tibi tractandum sit cum Episco-
pis ac Religiosis, tum linguâ vttere Latinâ, sed nobiscum age Germanicè. Ne-
que fucatis istis verbis tuis Pontificem in nos concitabis. Ex his faciliè Principes
(quorum plerique rudes ac Latinæ linguæ ignari erant) intelligebant Episcopum
Cæsaris electionem dubiam & incertam æstimasse, vixque manus abstinabant,
quin in os illi inuolassent. Episcopus admittæ loquendi veniæ eos admonebat:
nam facultatem dicendi antea concesserant. Veritus tamen est istic diutius hæ-
rere, ac cum dedecore discessit. Cùm iam Rudolphus animaduertisset rem se-
riò agi, vnumquemque ab se deficere, iurare alteri inaugurareque indies magis
ac magis, profectus est aduersus Pseudofredericum VVerzlaer. Litteras enim
acceperat, nisi maturaret, fore vt tota breuî Germania ad impostorem illum
esset defectura. Pseudofredericus hic etiam Rudolpho significabat, vti ad se ve-
niret,

niret, feudumque suarum possessionum acceptaret. Vt verò iam Rudolphus obsidione oppidulum VVetzlaer cinxisset, Principes, qui defecerant, eius gratiam implorabant, tradebantque ei Pseudofredericum in manus. Tum Rudolphus tormentis ac quaestionibus verum ex eo extorsit exculpfitque, ac factus est aliquando se in aula Frederici II. inseruisse, atque inde secreta illa didicisse. Tandem iussu Rudolphi Pseudofredericus cum duobus suis socijs in cinerem combustus fuit. Et quoniam Colmaria vrbs impostorem hunc Cæsarem inaugurasset, ab Rudolpho obsessa est. Verum Cæsaris gratiam redemerunt marcarum auri quatuor millibus. Non deprehendo alios præterea defectionis & perfidiæ suæ pœnas dedisse. Illo autem anno, quo Herbipoli magnâ cum solemnitate Concilium celebrabatur, Hertmannus Cæsaris filius Rhenum trajicere volens cum suis submersus est. Huic nupta erat Anglorum Regis filia. Cum iam Rudolphum vt Principem prudentem minimè latebat, quàm infelicitè cum maioribus suis in Italiâ actum fuisset, quàm potuit studiosissimè sibi cavit, ne quo modo in Pontificis indignationem incurreret; restituitque Ecclesiæ Romanam ac Rauennensem Exarchatum. Quâ re motus Pontifex, illi reddidit Hetruriæ Regnum, quod Imperio per VVelphos detractum fuerat. Tum Vicarium suum in Italiam misit Rudolphus, vt Hetruriam administraret. Ceterum VVelphi fœdus renouantes, Vicarium Cæsaris recipere haudquaquam voluerunt. Adeo vexabant Florentinos & Lucenses, atque ita pariter resistebant, vt Vicarius redire in Germaniam debuerit. Nam VVelphorum factio erat magna, qui Cæsarianos Gibelinos venire haud permittebant. Iam ex Historijs faciliè Rudolphus sciebat, in Italiâ plus detrimenti, quàm emolumenti, maiores suos pugnando accepisse: quare decrevit apud Germanos suos permanere, eosque tueri, ac velut Pater Patriæ ab omni iniuriâ defendere. Reperio hac tempestate ita Rempublicam Germanorum floruisse, vt tritici heminam viginti duobus Argenteratensium denarijs comparauerint, siliginis verò denarijs sexdecim; item oua quatuordecim denario vno, gallinam duobus, haleces octo vno, &c. Anno CHRISTI millesimo ducentesimo nonagesimo secundo, profectionem parabat Rudolphus Francofordiam, vt Imperium auctoritate Electorum filio suo Alberto Duci Austriæ traderet. Verum morbo correptus, Argenteratum ex itinere reuersus est; Magistratui ciuibisque valedixit: atque inde Spiram ad sepulchrum suum profectus, obiit vnicum virtutis speculum, æquitatis pacisque amator constantissimus, qui in consilijs ac rebus aggrediendis suspiciendus, in verbis verus, & in iudicijs æquus fuit. Ab hoc **RUDOLPHO** (qui ex progenie Regum Galliæ prognatus erat) Duces Austriæ originem huc vsque ad laudatissimum Cæsarem **CAROLVM V.** ac **FERDINANDVM** Regem Romanorum eius fratrem, & horum filios **PHILIPPVM** Hispaniæ, Angliæ, Galliæ, & Neapolis, &c. Regem, ac **MAXIMILIANVM** Regem Bohemiæ ducunt; quemadmodum in hac Genealogiâ videre licet.

GENEALOGIA SEV PROGENIES
PRINCIPVM AVSTRIÆ

Generis RVDOLPHI II. *Cæsaris, Comitis Habsburgij,*
in nostram vsque atatem, anno M. D. LVII.





ADOLPHVS Comes à Nassou post obitum Rudolphi Francofordiæ ab Electoribus Cæsar creatus est, anno CHRISTI millesimo ducentesimo nonagesimo secundo. Huic se opposuit Albertus Dux Austriæ filius Rudolphi: qui asserbat, Imperium debere ad demortui Cæsaris genus proximum deuolui, præsertim si probus quispiam nec inidoneus etiamnum superesset, quemadmodum patet in Caroli Magni, & Othonis, &c. genere. Electores contrà aiebant, Cæsarem posse ex alio genere creari maximè, ne si alterum in consuetudinem veniret, Imperium foret hereditarium. Adolphus autem hic vix memorabile aliquid in historijs fecisse legitur. Inuenio eum ab Rege Angliæ accepisse centena argenti marcarum millia, ac promississe se illi aduersus Regem Galliar præsidio fore cum vniuersâ Imperij facultate. Atqui eam ob rem ingens nata est controuersia inter Adolphum & Albertum Ducem Austriæ. Albertus enim dicebat hinc Germaniæ probitatem maximo affectam dedecore. Adolphus opponebat se Alberto grauitè, atque id maximopere studuit, vt Albertum ex possessione suâ pelleret. Præterea & insignes tyrannos Alsatiæ præsidēs statuebat, quæ ad Alberti dominium pertinebat. Hi enim Prouinciâ eam nimis quàm deuastabant, dilaniabant atque aggrauabant. Tum Argentoratenses, cum optimis quibusque Principibus, aduersus Adolphum coniurarunt, ob tyrannidem ac sceleratam quam in suos exercebat. In hac rerum perturbatione Electores accerferunt Albertum: qui vt Moguntiam venit, legitimo suffragio Cæsar designatus est; & Adolphus Imperio motus, velut patriæ dissipator reiectus est. Id verò ita gestum est anno millesimo ducentesimo nonagesimo octauo. Proinde Adolphus cum Regis Angliæ argentum etiamnum haberet, Imperium vi retinere cogitabat, ideoque armatis copijs contra Albertum profectus est. Electores alijsque Germaniæ Principes omnes Alberto opem ac præsidia præstabant. Tum Albertus Moguntiam cum suo exercitu profectus est, & infestis vtriusque signis pugnatum est prope Vormatiam acerrimè; in quo conflictu multi ab vtrâque parte interierunt. Adolphus ipse manu suâ fortiter pugnavit: & quamquam ad Adolphum victoria declinare videbatur, eius tamen milites fugam ceperunt, adeò vt in eâ ipse confossus, ac filius eius captus sit. In eâ pugna plusquam sexaginta Ducēs, Comites, atque alij ceciderunt. Post hæc verò mox Albertus Legatos suos Romam ad Pontificem Bonifacium misit, significans ei voluntatem atque electionem in se Principum Electorum, petens ab eodem insuper pro more confirmari. Tum indignabundus Pontifex electionem planè reiecit, factam eam esse inquires absque suo consensu, ideoque ratam minimè habendam, cum vtriusque gladij potestas penes ipsum esset. Quod vbi Alberto erat nuntiatum, plurimum sanè fuit sollicitus; ac ne diceretur vi Imperium possidere, electionem integram Electoribus restituit. Hi alium eligere noluerunt: erat enim ob singularem probitatem atque humanitatem cunctis Principibus admodum gratus. quare iterum anno perpetuo Imperium vacabat. Anno millesimo tricentesimo, cum Iubileus annus Romæ celebrabatur, atque huc ingens hominum multitudo confluxerat, primo die Pontifex habitu Pontificio in publicum processit, populumque benedictione consecrauit. Postero autem die populum, veste indutus Imperatoriâ, ac Diademate redimitus Imperiali, antegressus est, iussitque ante se nudum portari gladium. Atque in suo throno residens, magnâ voce exclamauit: *Ecce duo gladij hic*. Id autem contigit anno post Urbem conditam bis millesimo quinquagesimo quarto. Proinde anno sequenti Electorum designationem, ac Cæsarem Albertum confirmauit his legibus, vt Philippum Regem Galliar pelleret, atque ipse Gallici Regni titulum vsurparet. Ad hæc Pontifex Galliar Regem excommunicauit, cuius rei causâ hæc erat: Honor censuræ Pontificis annuus in Galliâ diminuebatur; ex quâ re multa grauiaque bella in Italiâ exoriebantur. Verùm inter Cæsarem & Regem Galliar omnis facilè controuersia in nuptijs consopita est. Nam Philippus filiam suam in matrimonium dedit; ac nuptiæ celebratæ sunt honorificè Parisijs.

CXLII.

PRÆSTAT VIR SINE PECVNIA,
QVAM PECVNIA SINE VIRO.



Postquam Imperium vi. annis malè administrasset,
dominio deiectus, in ciuili bello occisus est.



ALBERTVS Dux Austriæ filius Rudolphi II. Cæsaris, Imperator designatus est anno, vt suprà diximus, post natum CHRISTVM millesimo ducentesimo nonagesimo octauo: & à Pontifice confirmatus est anno millesimo tricentesimo primo. Aquisgrani vnctus coronatusque est. Dietherus à Nassou frater Adolphi Cæsaris neque electus erat, neque postulatus, sed in odium Alberti à Pontifice Archiepiscopus Treuirensis constitutus. Huic se adiungebat Henricus Archiepiscopus Coloniensis, qui ad bellum potius, quàm ad pacem natus videbatur, itemque & Gerardus Archiepiscopus Moguntinensis, Rudolphus Comes Palatinus ad Rhenum, ac denique Dux Bauariæ, qui omnes cum Diethero aduersus Cæsarem conspirabant. Ex quâ quidem occasione ingens Christiani sanguinis profusio ac clades subsecuta est. Cæsar hac coniuratione plurimum sollicitus, improvisò cum ingenti hominum multitudine primùm in Comitis Palatini possessiones profectus est, quas miserè depopulatas sibi subiecit. Hinc Moguntinensem Episcopum petijt, ac præter ceteras clades oppidum Bingium obsedit, idque hostiliter cepit. Vbi iam Episcopus Moguntinus animaduerneret se haudquaquam posse resistere Cæsari, gratiam precatus impetrauit. Interim tamen Cæsari debuit polliceri, traditurum se illi oppida castraque hæc, Lonsteyn, Bingium, Klopp, Erenfels, & Scherpensteyn, cum quibusdam conditionibus alijs. Deinde aduersus Episcopum Treuirenssem & Coloniensem Cæsar profectus est, atque vtrumque sibi multo sanguine subiugem reddidit, vt cum suo magno incommodo Cæsaris gratiam flagitarint. Ceterùm Treuirensis Episcopus dum vixit, Cæsaris aduersarius permansit: verùm imbecillior erat, quàm vt potuisset quidpiam in illum moliri, quare & ab omnibus Germaniæ Principibus odio habitus est. Albertus graues expeditiones in rebelles Bohemos mouit: tandem eos Imperio subiecit, atque eorum Reginam filio suo in matrimonium dedit: quâ occasione factus est Bohemiæ Rex, ac sine herede aliquo obiit. Anno CHRISTI millesimo tricentesimo sexto, Iudæi omnes è Galliâ pulsi sunt. Herbipoli,
Norim-

CXLIIL.

ELIGENDA EST OPTIMÆ VITÆ RATIO:
 HANC CONSVETVDO
 SVAVISSIMAM REDDET.



Imperij fasces cùm x. annis feliciter tenuisset,
 sceleratâ manu miserè interfectus est.

Norimbergæ, ac Rottenburgi Cæsar multa Iudæorum milia ob sua indigna flagitia comburi iussit. Hac item tempestate adedò seuerè luxuria punita est, vt his, qui in adulterio erant deprehensi, pudenda sint amputata; itaque grauius castrati, vt inde vitâ decēsserint. Rudolphus Dux Sueuiæ, Alberti Cæsaris frater, præmaturâ morte obiit, atque vnicum reliquit filium nomine Ioannem. Hic nutriebatur in aulâ Imperatoris, namque eius patruus erat ac tutor, possessionesque eius paternas administrabat. Cùm adolescens hic decimum tertium esset ingressus annum, à consiliarijs suis & Principibus instigatus est vt hereditatem paternam à Cæsare flagitaret, vt eam ipse possideret. Quod quidem factum est, sed ei Imperator respondebat: *Tuq; & bona tua, possessiones & subditi tui meæ fidei commissi sunt; atque ubi tempus postulabit, istorum omnium exactam rationem reddemus.* Id verò adolescenti minimè placuit. Et cùm aliàs Cæsari adequitabat, rursus possessiones suas atque hereditatem postulabat. Tum Cæsar cuidam ex ministris suis præcepit, sertum viridi fronde pararet, quod Duci adolescenti Ioanni imposuit, inquit: *In hoc te sertio adhuc fili oblectabis, verum terras populosq; administrare etiam suo tempore tibi concedetur.* Id autem adolescens in contumeliam sibi factum ratus, sertum dentibus mandit atque in frustra corrosit, questusque grauius est apud suos instigatores, qui eam contumeliam aut vindicatuos se, aut interituros iurabant. Cùm iam manè quodam Cæsar ex Baden Reynueldium iter adornaret, cum eo ynà profectus est Ioannes: cumque Vindonissæ flumen Rur traicerent, primò nauim ingressus Cæsar est; hunc subsecutus deinde Ioannes cum suis instigatoribus, atque ita ante alios traecerunt. Iam verò cùm è naui ascendissent, & ad Rhenum aduerso amne equitarent cum exiguâ equorum copiâ (ceteri enim ab aliâ parte fluminis etiamnum redeuntem nauim expectabant) nec quid mali Cæsar suspicaretur, primùm Ioannes equo defiliit, ac prehensò Cæsariani equi freno, *Iam experiar, inquit, num hereditate tandem paternâ fruor? iam vlciscar contumeliam olim mihi factam.* His verbis alij, nominatim autem Vlricus à Blam ac Rudolphus à VVart suos eduxere

eduxere enses : alter Cæsarem confodit , caputque ferro secat alter ; adeò ut equo decidens , in sinu cuiusdam meretricis , quæ aulam sequebatur , eo in loco ubi postea altare summum monasterij Conincfeldij exstructum est , expiravit : quâ de causâ cœnobium istud ita est appellatum. Cæsariani ab alterâ parte fluminis indignam hanc cædem , parricidiumque intelligentes , properè cum Leopoldo Cæsaris filio Baden reuersi sunt , ne quid etiam hic mali pateretur. Cæsaris corpus Spiras vectum , in Imperialibus sepulturis conditum est . Ioannes Absolutione Pontificis in Augustini Ordinis cœnobio in Italiâ vitam deinceps transegit suam. Alberti Cæsaris liberi possessiones eius occupabant : percussores verò grauibus bellis possessionibus suis pulsi , tandem etiam sunt interempti.

HENRICVS VII. Comes Lucemburgensis, Princeps ob sapientiam cum summâ grauitate coniunctam clarissimus, post Alberti obitum legitimo Electorum suffragio Cæsar designatus est, anno CHRISTI millesimo tricentesimo octauo. Hic ad se accersit Leopoldum Ducem Sueuiæ, ac Cæsar Alberti filium, & Rudolphum Comitem Palatinum, cum multis Principibus alijs, seque ingenti cum exercitu parauit, vt in Italiam proficisceretur, ac Diademate Imperiali insigniretur. Cum verò ex Alpibus Italiam primò aspiciet, sublaris in celum manibus gemebundus Deum precatus est, vt ne sibi perniciosissimæ illæ Italicæ factiones VVelphorum ac Gibelinorum perinde exitio futuræ essent, atque olim suis fuere maioribus. Sed in id quod veritus erat, incidit: nam seditionibus plena erant omnia. Porro duæ illæ partes nomina mutarant sua: appellabantur enim modò Columnenses atque Vrsini. Columnenses etiam nunc hodie pro Cæsare sentiunt, Vrsini autem pro Pontifice. In itinere multas ciuitates, quæ ei resistebant, ferro flammæque domuit. Vt iam ab vrbe Româ haud longè abesset, Romani ipsi obuiam armis expediti ad pontem Miluium processerunt. Pons hic supra Tiberim proiectus erat, modò autem defractus est, vt nisi fragmenta quædam supersint. Hic in conflictu quodam multos fudit Romanos. Rex Neapolitanus ab Romanis stabat. Post illum conflictum, Henricus cum suis vi Romam ingressus est, vbi à Cardinalibus ad hoc à Pontifice selectis, Diademate est insignitus. Nam eâ tempestate Pontifices, ob factiones perturbationesque pænè infinitas, Pontificiam Sedem ab vrbe Româ Auinionem Galliarum oppidum transferunt. Interea dum biennio in Italiâ agebat, ipsius exercitus alter in Germaniâ relictus aduersus rebellem Comitem VVitenbergensem educus est, cui multa castra oppidaque detraxerunt. Henricus hic vir sanè erat iustus, gratusque omnibus, Christianæ fidei defensor insignis, consilij prouidus, animo hilaris, ac proborum Sacerdotum tutor optimus. Nullas hic amabat factiones aut coniurationes; sed modis omnibus id operam dedit, quò Columnensium atque Vrsinorum factionem rolleret ac pacaret, vt Ecclesia semel ad concordiam redire posset: quod re ipsâ tandem effecit, quamlibet non diu admodum durauerit; quod herclè dolendum est maxime. Post hanc conciliatam pacem duo edicta promulgauit. Prius ad eos spectabat, qui in suam Maiestatem committerent: posterius autem ad eos, qui Imperio rebelles deprehenderentur. Hæc edicta Roma velut mundi caput accepit, subscripsit ac confirmauit. Verba autem confirmationis sunt hæc: *Ego Roma ceterarum Regina potentissima Principi robur ac facultatem addo & confirmo, ciuitates ac nationes illi subijcio: Nobilitas meam gloriam honoremque tutabitur.* Postea Brixienfes sibi subiuges reddidit, itemque Longobardos, Pisanos, Papienses, Taurinenses, Astenses, Veronenses, Placentinos, Senenses, Ianuenses, Florentinos, cum populis adhuc quibusdam Italici alijs, qui rebelles ei exstiterant. Anno CHRISTI millesimo tricentesimo decimo tertio, cum Cæsar Pisis copias colligebat, quibus aduersus Robertum Apuliarum Regem esset profecturus, illum Monachus quidam Prædicatorij Ordinis à VVelphis subornatus veneno perdidit, quod Eucharistiæ illitum ei dederat. Cæsar verò vt venenum sentit, finito Sacro ita clam Monachum allocutus est: *Calicem vite, mi Domine, in mortem mihi subministrasti, quare hinc te ocyus confiteor, ne à ministris ac famulis meis comprehensus truculentâ morte interficiaris. Respice, ac peccati tui veniam à Deo precare. Non enim vult Deus mortem peccatoris, sed vt conuertatur & viuat.* Hic finis est optimi ac fortissimi huius Principis.

*Gibellini
in Co-
lumnen-
ses &
VVelphi
in Vrsi-
nos mu-
tati.*

*Pontifi-
catus A-
uinionem
transla-
tus.*

CXLIHII.

CALICEM VITÆ DEDISTI MIHI
IN MORTEM.



Quinto Imperij anno venenatâ Eucharistiæ
hostiâ sublatuſ est.

T t



FREDERICVS III. cognomento PVLCHER, Dux Austriæ, filius Alberti Cæsaris, ac Ludouicus V. Bavarie Dux simul Francofordiæ Cæsares designati sunt anno CHRISTI millesimo tricesimo decimo tertio. Ludouicus electus est à Moguntino & Treuirensi Episcopis, Bohemiæ Rege, & Marchione Brandenburgensi. Contra hunc autem eodem die delegerunt Fredericum Colonienfis Episcopus, Palatinus, & Saxonie Dux. Ludouicus Aquisgrani, Fredericus Bonnæ Imperij insignia accepit. Controuersia hæc in eligendo, ingentis belli ciuilis occasionem peperit in Germaniâ. Fredericus fautores habuit Pontificem Clementem V. qui ipsum vt Cæsarem legitimum confirmauit, Philippum Gallie, Carolum Hungariæ Reges, Leopoldum Ducem Sueuiæ, Albertum Ducem Austriæ Cæsaris fratrem, ac Rudolphum Comitum Palatinum. Item Sueuos omnes, Argentoratenses, Basileenses, Vlmenfes, & alias multas vrbes. Fredericum verò secuti sunt Ioannes Bohemiæ Rex & Norinbergici castri Comes, & Principes plerique alij. Anno millesimo tricesimo decimo quinto, collatis signis pugnatum est inter eos ad Neccharum fluuium, & multa vtrîmque hominum millia in prælio occubuerunt. Ludouicus satis timebat, quòd erat imbecillior, tamen rursus arma parabat, eorum præfidijs qui illi adhærebant, obsidebatque castrum VVisbadense ac Scherpensteyn contra Fredericum. Verùm animaduertens nihil se posse efficere, hinc rursus discessit. Anno millesimo tricesimo vicesimo primo, post multa bella, Electores Imperium vni Frederico addixerunt; qui cum fratre suo Leopoldo ingentem militum conscripsit manum, profectusque in Bauriam contra Ludouicum, cuncta ferro flammæque deuastauit. Ceterum Ludouicus sese in locis probè munitis continuit. Interea Columnensium atque Vrsinorum factio rursus exorta est, & vtrîmque se funditus extirparunt. Columnenses Ludouico fauebant in odium Pontificis, persequebanturque vel ad necem vsque quidquid Pontifici adhærebat. Tum Frederici opem Pontifex implorabat, promittens illi fratrem suum Henricum Archiepiscopum effecturum se Moguntinum. Misit itaque Cæsar cum dicto Henrico in Italiam virorum quinquaginta millia. Sed nihil hæc potuerunt

CXLV.

QVOD PVDEAT PALAM,
CLAM NE FACITO.



Imperij anno x. Regno priuatur; septimo deinde
anno moritur.

Tt 2

tuerunt ad tam ingentem ac quotidianam contentionem & tumultum. Tum Pontifex Ludouicum excommunicabat, Cru-
cemque vbiuis terrarum aduersus Ludouicum prædicari iube-
bat; atque indulgentias omnium peccatorum plenè concede-
bat his, qui contra Ludouicum & complices eius in Italiâ pro-
ficisci veluti aduersus hæreticum & insignem Ecclesiæ persecu-
torem vellent. Mox vndique ex omnibus pænè Prouincijs ma-
gna hominum multitudo in Italiam confluxit, qui omnes Cru-
ce erant notati, adeò vt equitum numerus fuerit circiter vigin-
ti millia. Complures nobiles gratis aduersus Ludouicum pro-
fecti pugnarunt. Atqui verò quantum hîc cruoris fufum sit,
facilè apud se quisque perpenderit. Longum sanè foret enu-
merare crudelitatem ac sæuitiam, quæ hac tempestate in Italiâ
contigit. Vix vlla fuit ciuitas, in quâ non hæ partes sese pro-
pmodum radicitus extirparunt. Prætereà hîc ita in alterum
alter enses suos acuit, vt neuter alteri cedere voluerit. Fræderi-
cus reuocabat fratrem suum Henricum in Germaniam, mî-
tebatque oratores suos ad Pontificem Auinionem, excusans se
quantum potuit, atque ingentem vndecumque conscripsit ex-
ercitum, quem contra Ludouicum eduxit; aduersus quem item
Ludouicus multis copijs instructus profectus est. Fredericus
equitum habebat viginti millia, Hungarorum quadraginta mil-
lia, Austriacorum item quadraginta millia. Frater eius Leopoldus
ex Sueuiâ adducebat octingentos equites cum ingenti mul-
titudine Sueuorum, Francorum, atque Heluetiorum, qui om-
nes erant pedites; sed cunctatus est, vt annem traicere non po-
tuerit. Ludouicus viribus ac potentiâ Frederico haudquaquam
par, præsidio Regis Bohemiæ & sibi adhærentium bellum ad-
uersus Fredericum aggressus est. Pugnatum est à manè vsque
vesperem, vt hominum ceciderint supra quadraginta millia.
Ludouicus victoriâ potitus est, Austriacos atque Hungaros
summis viribus in fugam egit. Atqui verò vbi vidit Leopoldus
opem ferre se non posse fratri, tantâ animi indignatione ac fu-
rore percitus est, quòd se ipsum interfecisset, nisi sui ipsum co-
hibuissent; qui & consuluerunt vt recederet, nec suâ sponte
se in periculum deijceret. Cùm iam Fredericus turbatis suis co-
pijs auxilio esse non poterat, & ipse fugam petijt; in quâ ca-
ptus,

ptus, ad Burgrauium Norinbergenſem perductus eſt, & ab hoc deinde ad Ludouicum miſſus ijs legibus, ne ipſum occideret. Ludouicus conſeſtim abduxit eum in caſtrum Triſzneck. Actum autem id ita eſt anno milieſimo tricenteſimo viciſimo tercio. Ad Leopoldum Magus quiſpiam venit, qui ei pollicebatur ſe ſpatio vnius horæ dictum Fredericum ſuis artibus liberaturum, atque in Auſtriam incolumem reſtituturum. Leopoldus fidem verbis adhibens, daturum ſe viciffim pollicebatur quidquid optaret, ſi quod promiſſeſſet, perficere potuerit. Hic vterque in circulum ingreſſi ſunt. Nocte Magus ſpiritum quem coniurauerat, iuſſit, vt ad Cæſarem ſe ſumpto ignoti cuiuſdam vultu conferret; fecitque vt erat iuſſus. Itaque noctu ad captum Fredericum ſpiritus acceſſit, inquiens: Huc ad te frater tuus me miſit, vt te liberarem, quare hunc properè conſcende equum. Tum quæſijt Fredericus quiſnam eſſet. Ne hoc (inquit ſpiritus) percontare; ſed ſi te liberatum velis, hunc, inquam, feſtinanter conſcende equum. Tum Cæſar mali quidpiam metuens, Deum piè precatus eſt; adeoque extemplò ſpiritus ille euanuit. Poſteà Leopoldus ita Ludouicum ferro ac flammâ infeſtauit, vt Fredericum dimittere debuerit hac lege, vt Imperio cederet. Quapropter Fredericus numquam deinceps Imperiale nomen uſurpauit.



LUDOVICVS V. Dux Bauariæ administrationem Imperij, cùm ob eam decennio pugnauerat, solus adeptus est anno CHRISTI millesimo tricesimo vicesimo tertio. Cùm iam Pontifex victoriam Ludouici accepisset, censuris Pontificijs animaduertit suorum iudicio in Cæsarem Ludouicum, iubens interim vt spatìo trium mensium Imperio decederet, electionemque Principibus in manus restitueret, eò quòd hæreticus esset, hoc est, Ecclesiæ rebellis exstitisset, quòd Imperiali etiam auctoritate adeoque ipso Imperio vsus fuisset, nec illud ab suâ Sanctitate accepisset, aut confirmatus in eo fuisset: atque adedò necdum anathemate erat absolutus, habebatque commercium cum Ecclesiæ aduersarijs, omni se dedens persecutioni. Quare adhæc Pontifex omnes deposuit Ecclesiasticos, qui Ludouicum re aut consilijs iuuerant. Citabat item Ludouicum ad se Auinionem in Galliam. Ludouicus à Pontifice appellabat ad Concilium generale, si quando Romæ in Diui Petri Sede resideret. Tum Pontifex illum Satanæ omnino tradebat, barathroque cum ijs omnibus, qui id ei suggessissent, adiudicabat. Ludouicus appellare minime cessabat. Hac tempestate oceptum est disputare ac dubitare de facultate Pontificis. Hac de re consule Marsilium Patavinum. Ludouicus Comitja coëgit Francæfordiæ, vt hic de pace publicâ ac patriæ tranquillitate tractaretur. Huc conuenire Principes Germaniæ omnes, quibus gratum ac familiarem se præbuit; adedò, vt qui antea infensissimi fuerant hostes, mortemque eius iurarent, modò id contrà iuramento asseruerint, morituros se potius, ni opem illi quocumque tempore & loco præstarent. Reynoldum Geldriæ Comitem, cuius sororem Fredericus in vxorem duxerat, Ducem fecit, atque ex Comitatu Geldriæ Ducatum. Cum titulo ac nomine Ducatus, etiam titulum Comitatus Zutphaniæ retinuit, qui ad Geldriæ Ducatum etiam pertinebat. Ad hunc modum cum multis Principibus alijs egit, vt eorum sibi fauorem conciliaret. Id verò ita actum est anno millesimo tricesimo vicesimo sexto. Vbi iam Ludouicus aliquanto fieri cœpit potentior, atque in Italiâ etiam multos haberet fautores, nonnihil Pontifex timuit, ciuitates suas milite muniuit; nec dubitauit, quin Ludouicus etiam Italiam

*Geldria
Comita-
tus fit
Ducatus.*

CXLVI

HUIUSMODI COMPARANDÆ SVNT OPES,
QVÆ SIMVL CVM NAVFRAGO ENATENT.



Cum Frederico Imperij collegâ x. solus xviii. rerum potitus est;
deinde y l. anathematizatus priuatè vixit.

liam inuiferet. Nam statim missis Comitibus Ludouicus parauit se cum ingenti militum manu in Italiam, ubi Romam magnis Columnensium atque Vrsinorum factionibus concussam offendit; ac Columnenses qui pro eo sentiebant, superiores erant, mirumque in modum insequabantur Vrsinos, qui pro Pontifice sentiebant. Ludouicus vi Romam ingressus, Cardinalem quemdam Columnensem Pontificem fecit, quem Nicolaum V. appellauit. Hic creabat Episcopos ac Cardinales, coronabatque Ludouicum cum sua coniuge. Biennio autem post errorem suum agnouit Ludouicus; ideoque Romam iterum profectus, Pontificem suum abduxit Pisas. Hic eum deseruit, inquit haud legitimum eum esse Pontificem. Tum Pisarum Dux Vrsinus ipsum ad Pontificem Auinionem misit, qui eum perpetuo carcere macerauit. Anno millesimo tricentesimo trigesimo quinto, Pontifex creatus est Benedictus XII. à quo absolutionem Caesar flagitauit. Pontifex respondebat, velle se videre amputatum ramum, & qui ita ab arbore esset præfectus, iterum implantari: addens etiam, oblectari se cum Germaniâ ac Frederico, quem mundi ramum appellabat nobilem. Rex Galliarum atque item Apuliarum Rex oratores suos ad Pontificem legarunt, eum obsecrantes, ne Ecclesiæ aduersariis fauere vellent. Interrogabat contra Pontifex, num Imperatorem vellent. Respondebant, nihil se aduersus Imperium loqui, sed dumtaxat aduersus eum qui illud possidet, quique Ecclesiæ est aduersarius. Atque ita quidem Legati Ludouici sine absolutione reducere debuerunt. Tum omnes Imperij Episcopi ad impetrandam Cæsari absolutionem ad Pontificem varios miserunt, & quidem frustra: impetrare enim non potuerunt. Caesar Gallorum Regem obsecrauit, ne in hac re illi vellent esse impedimento; ac perpetuum fœdus cum ipso iniit. Verum Pontifex in suâ mansit sententiâ, nec Cæsarem absoluere voluit. Tum Ludouicus Comitibus Francofordiæ iterum habuit, ubi Mandatum aureum confecit & publicauit, proclamarique curauit per vniuersum Imperium aduersus Pontificis execrationem. Hinc concionatores omnes, qui contra Pontificis aduersus illum excommunicationem proclamabant, grauius infecutus est; adeo ut Sacerdotes ac Monachi omnes per totum suum Imperium fuerint

rint pulsi, atque huc illucque profligati: quæ res postea non sine insigni clade fuit. Deinde moritur Pontifex: succedit Clemens VI. qui execrationem aduersus Cæsarem confirmabat, præcipiebatque Electoribus, uti alium eligerent Imperatorem, Ludouicum autem sub poenâ extremæ condemnationis depolerent: quod si recusarent, ipse suo arbitrio alium se designaturum significabat, ne quid Ecclesia detrimenti pateretur. Archiepiscopus Moguntinus terribiles conuocat Electores; huic illi parent, veniunt, vnoque ore Carolum Regis Bohemiæ filium Cæsarem designant; & Bonnæ insignia Imperialia accipit. Noua hæc electio Ludouico nuntiabatur; verum haudquaquam credere potuit, donec res ipsa comprobasset.



AROLVS IIII. Rex Bohemiæ anno CHRISTI mil-
 lesimo tricentesimo quadagesimo primo Cæsar ele-
 ctus est; sed & alij eâ tempestate sunt designati, non
 autem omnium Electorum suffragijs, nec ad Impe-
 rium peruenerunt. Romæ erat qui se Ti. Augustum nomina-
 bat, significabatque per litteras Pontifici, nisi eo anno Sedem
 suam Auinione Romam transferre vellet, tum se alium crea-
 turum Pontificem. Vocabat Ludouicum & Carolum, vt co-
 ram se in iudicio comparerent, & causam suam ipsius arbitrio
 committerent. Similem stultitiam crebrò exercuit, donec mi-
 ser Augustus Regno pulsus sit. Anno millesimo tricentesimo
 quadagesimo septimo vbi Ludouicus obiisset, ex Bohemiâ cum
 ingentibus copijs Ratisponam venit Carolus: tum primùm Im-
 perator agnitus est; inde & à Norinbergenfibus receptus est.
 Hic Principes ac ciuitates solabatur, promittebatque publicam
 se absolutionem Româ relaturum ijs qui anathemati, dum Lu-
 douico adhæsisserent, erant obnoxij. In Italiam igitur profectus,
 diu in itinere cunctatus est, vt Italiæ perturbationes omnes
 componeret. Tandem anno millesimo tricentesimo quinqu-
 gesimo quinto Romam venit, vbi à duobus Cardinalibus, ad
 hoc à Pontifice designatis, coronatus est. Mox in gratiam Pon-
 tificis Columnenses omnes vrbe expulit, atque Vrsinos in eam
 restituit. In itinere, dum in Germaniam rediret, Longobardos
 sibi subiecit; & quos aduersus Ecclesiam quidquam molitos
 cognouisset, eos omnes tradidit Pontifici. In Germaniam verò
 reuersus, Comitia Moguntia habuit: quò Principes omnes con-
 uenère. Item & Legatus Pontificius his aderat, cum Principi-
 bus aliquot Gallia. Hic publicata est absolutio illa, cuius for-
 ma hæc est: *Cum multi contra processus Pontificis hæretico Ludo-
 uico Bauaro adhaerentes grauibus peccatis se obnoxios fecerint, &
 modo ad Ecclesiam unitatem redire cupiant; mandamus, absolui-
 musque omnes qui peccatum suum agnouerint, iurauerintque se fidem
 Christianam integrè deinceps seruaturos, nec umquam adhæsuros
 hæretico cuiquam, aut qui ab Ecclesiâ Romanâ descuerit. Item qui
 certò crediderint, penes Casarem non esse Pontificem aut creare aut
 deponere, eam hæresin perpetuò esse damnatam: & qui addixerint, nul-
 lum se deinceps Imperatorem accepturos, nisi quem Pontifex appro-
 bauerit*

CXLVII.

POSSIM QUIDEM COPIAS IN TVRCAM EDVCERE;
 VERVM QVAM NON CITRA CHRISTIANI
 SANGVINIS EFFVSIONEM, SATIS EX AVORVM
 HISTORIIS INTELLIGO.



Postquam Imperium administrasset annis XXXVIII.
 vitam cum morte mutauit.

bauerit & confirmauerit. Praterèa qui Ludouici liberis fauorem nullum exhibuerint, donec ad Ecclesiam fuerint reuerfi. Item postremo qui Carolo in omnibus obsequium praestiterint. Qui autem contra hac recusauerint, aut non ita fecerint, in eandem illi recasuri sunt excommunicationem. In his Comitijs Carolus Bullam auream conscripsit, in quâ Cærimoniarum Romanorum Regum creandorum continentur & confirmantur. Ad hæc leges quasdam pro salute Reipublicæ tulit, quæ etiamnum hodie Carolinæ appellantur. Hac tempestate tumultus item in Angliâ exortus est. Nam Rex Pontifici aduersarius effectus, Ecclesiasticos omnes Regno suo eiecit. Hi numero fuerunt sexies mille, ac per vniuersam Galliam atque Hispaniam profecti sunt; quorum Princeps Archipresbyterum sese appellabat. Cumque indies magis ac magis adeò augmentarentur, ut cuncta passim deuastarent, Principes laici ingentem hominum multitudinem hos contra misere. Quod ut intellexerunt, in Germaniam sese contulerunt. Hic in Alsatia atque Argentorati incredibilem sæuitiam, eadibus, rapinis, incendiisque exercuerunt. Tum se Carolus cum multis copiis parauit, ut perniciosam hanc multitudinem armis compesceret: sed Presbyterini fugam cepere, & vno die tantum itineris confecere, ut eos Carolus haud facile prauertere potuisset. Tum Presbyterini hi sese diuiserunt, ac mirum in modum vtrò se castigarunt, ad veniam peccatorum suorum consequendam. In compitis sese virgis flagellabant, cruces vestibus annexas habebant, in oppidis modestè Processiones cum alijs sequebantur, obuelata habebant capita ad oculos vsque, semperque humi prostrati iacebant. Flagratorum ex tribus constabant funibus, atque in vnoquoque tres erant nodi, & horum quisque suam habebat crucem: his sese flagellabant, dorsaque & humeros suos ad cruorem vsque vulnerabant. In templis vestes suas deponebant, supparoque linteo ventri obducto in cœmeteria exibant, atque hinc se humi prosternebant: non autem in genua, ut nos, sed perinde atque lignum in terram proiectum; extendebantque brachia sua, peccata grauiter deplorantes. Postèa ex his vnus surgebat, atque vnumquemque virgis flagellabat, inquiring, Deus tua tibi peccata ignoscat, surge. Deinde istinc ordine discedebant; atque

que eorum duo præcinebant, alij autem succinebant. Cumque in eorum cantu alicubi passionis Christi mentio fiebat, tum inter eos tantus ululatus auditus est, ut qui aderant, ab ijs prorsus discedere debuerint. Nec pecuniam, nec eleëmofynam accipiebant; sed inuitati cum ciuibus prandebant. Rarò loquebantur, & apud mulieres numquam. Non ampliùs quàm nocte vnâ in oppidis pernoctabant. Quisque flagrum suum in latere habebat. Postremò Auinionem ad Pontificem profecti sunt, ut ipsi poenitentiam suam indicarent. Sed eos excommunicauit omnes; edictumque promulgatum est, ne quis illis, dum essent excommunicati, aut opem aut hospitia præberet. Atque ita quidem secta hæc damnata interiijt. Doctis autem appellati sunt Acephali, vulgò Flagellatores. Anno millesimo tricentesimo septuagesimo Carolus filium suum VVenceslaum iuxta se Regem Romanorum fecit. Hic unicuique Electorum pro electione promisit aureorum centena millia. Emit item filio suo Sigismundo Marchionatum Brandenburgensem.



VENCESLAUS Rex Bohemiæ imperauit cum patre Carolo annis octo, sed anno CHRISTI millesimo tricentesimo septuagesimo octauo, post mortem patris, Imperium solus adeptus est. Hac tempestate incredibile dictu quàm malè Romæ actum sit. Ciuēs planè Pontificem Italum requirebant, Sedemque Pontificiam occuparet Romæ. Cuius rei gratiâ Conclauē sancti Petri præparatum est, militesque in Vaticanum sunt educiti, ne quis tumultus electionem forsân impediret. Cùm iam suffragia colligerentur, controuersia subito aliqua exorta est. Nam ex Vrfinis aut VVelphis quispiam Pontificatum maximoperè affectabat. Verùm electus est Episcopus Neapolitanus, dictusque Vrbanus VI. qui Sedem diui Petri iterùm Romæ statuit. Is Gallicum Pontificem Clementem VII. qui Auinione se continebat, excommunicauit, contraque Clemens in Vrbanum censuris sæuij. Durauit hoc schisma annos nouem & triginta; & tam diu duo semper fuerunt Pontifices, alter Romæ, alterque Auinione. Vt autem VVenceslaus dubitabat, vtrum pro Pontifice, Domino ac Patre suo, coleret ac veneraretur (vterque enim eius amicitiam æquè ambiebat) selegit sibi Vrbanum VI. ac Clementem in Galliâ reiecit. Id verò ita molestè hic tulit, vt Cæsaris Legatos comprehensos magnis cruciatibus interfecerit. Tum primùm VVenceslaus verè se Urbano adiungebat, qui ipsum Romam ad coronationem accersibat. Porrò VVenceslaus respondebat, sibi id quidem placere, sed per sumptus minimè licere; neque enim velle se ita rusticè in Italiam venire, ne quam iniuriam faceret Imperio. Quapropter Pontificem orabat, vt semel censum suum Ecclesiasticum in vniuerso Imperio recipere liceret. Quod vt impetrauit, tantum quidem pecuniæ census iste attulit, vt rumor Romæ fuerit, ipsum adeò potenter venturum, vt Imperator vmquam aliàs. Plurima in eius aduentum apparabantur, cuncta empta Romam perferebantur. Tandem verò haudquaquam venit, fefellitque hac in re Pontificem: quod maxima postea peperit dissidia. Anno millesimo tricentesimo nonagesimo tertio, VVenceslaus fratres

CXLVIII.

MOROSOPHI MORIS OMNIBVS
PRÆCELLVNT.



Ob tyrannidem ignauiamque XXII. Imperij anno solio deiectus:
morbo comitali tactus obiit ætatis LVII.

tres Germanici Ordinis, candidis indutos pallijs nigrâ cruce notatis, Bohemiâ expulit; atque nulli eos rei utiles esse dixit, abstulitque his omnia sua bona ac possessiones. Quinto anno post, sine voluntate atque auctoritate Pontificis & Electorum, Galeatium Vicecomitem Mediolanensem Ducem fecit. Cœpit item plurimum sœuire in Ecclesiasticos. Academiam Pragensem numquam satis laudatam funditus exstirpauit. Doctores plerosque interemit, plerosque Regno exegit. Iam verò vbi Pontifex Indulgentias publicauit, Pragæ in Bohemiâ exortus est Ioannes Hus. Hic horrenda in Pontificem scripta edidit; ideoque ingens in Bohemiâ calamitas inter Sacerdotes ac Monachos nata est. Mox adhærentes sibi complures nactus est, vt vniuersam Bohemiam à Pontifice deficere fecerit. Hoc venenum cum latius sese diffundebat, etiam Germania eo infecta esse cœpit. Vrbs Herbipolis confestim ab Episcopo suo desciiuit; ipsum oppido cum omnibus suis adhærentibus expulerunt, ac VVencesslao adhæserunt. Verùm hic vir erat insignis socordia, qui in periculo suos deserebat; adeò vt Episcopus cum ingenti exercitu urbem obsederit. Ciues egressi cum Episcopo pugnarunt; verùm succubuerunt, & in conspectu illo multi interierunt, reliqui in urbem redire cogeantur. Atque ita quidem Episcopus in pristinam sedem ac dignitatem redijt. At cuncta istius viri doctrinâ ita in Germaniâ mutabantur, quòd Ecclesiasticos laici iam flocci fecerint, nec quidquam curauerint. Vbique perturbatio circa fidem; nec minor in ciuili administratione, vt nusquam à prædonibus terrâ marique tutus quisquam esse potuerit. Præterea is erat Cæsar, qui sine certo ordine cuncta administrabat, quique Imperium (excepto quod ad exactionem aut pecuniam pertineret) nihil penitus curabat. Sacerdos quidam Hussicus in concione publicâ ita ad populum inquit: *Fratres charissimi, tametsi stolidum ac socordem Regem habeamus, si tamen cum alijs conferamus, ac rem exactius perpendamus, non alius optari potest nobis accommodatior. Quietus est, benivolus ac propensus nobis; vt hinc certi sumus, dum viuet, vel pro arbitrio nostro posse nos viuere. Aequum igitur est vt pro ipso*
Deum

Deum precemur, quò illi vitam donet diuturnam; cuius socordia nobis felicitati ac bono est. Quod vbi VVenceffao nuntiabatur, non agrè tulit, effectusque è tepido est planè frigidus; vt hinc magis aduersus Ecclesiasticos succensus, tantam in diripiendò rabiem exercuerit, quòd à fratre suo Sigismundo tandem captus sit, qui illum asseruandum dabat Alberto Duci Austriæ. Ceterum vbi eum hic Viennæ non sat diligenter obseruabat, fugà elapsus ad Imperium redijt. Tum iussu Pontificis congregati sunt Electores, ac Rupertum Comitem Palatinum Cæsarem designarunt.



RUPERTVS Comes Palatinus Rheni , post depositum Imperio VVenceslaum , anno CHRISTI millesimo quadringentesimo , ab Electoribus legitimo suffragio Cæsar creatus est , quem Colonienfis Episcopus inunxit. Hic Princeps sanè fuit verè Christianus , amator æquitatis , ac pauperum defensor vnicus . Hanc electionem Pontifex Bonifacius IX. confirmauit . Cùm verò postea Romam Imperiale Diadema accepturus proficisceretur , illi restitit Galeatius Mediolanensium Dux VVenceslai amicus , qui eum Ducem fecerat , viamque Romam versus impediuit . Igitur in Germaniam nondum coronatus redijt , atque Imperium prudenter administrauit . Anno millesimo quadringentesimo tertio , iterum in Italiam profectus est . Nam Florentini bella gerebant contra Mediolanenses . Florentini magnam illi argenti vim promiserunt , si eos adiutaret , pecuniaque numeraretur vbi Alpes transcendisset , Mediolanum vidisset , atque exercitum Mediolanensem contigisset . Cùm iam magnis instructus copijs ac facultate Mediolanum maturaret , cuiusmodi vmquam Germanicum fuisse Cæsarem dubitabatur ; pecunia mox Florentinorum , vt promissum erat , illi annumerata fuit . Hinc pugnam aggressus est (vti promiserat) cum Galeatio Duce Mediolanensi ; verum succubuit , eiusque exercitus dissipatus est , & in fugam actus . Vt iam Tarentum rediret , destitutus est Leopoldi Ducis Austriaci & Colonienfis Episcopi præsidio , nec eius rei quidquam curare voluerunt . Proinde iterum Rupertus in Italiam se Paduam contulit , indeque Venetias : nam nec huic amplius configere libebat . Hinc magnâ affectus clade , in Germaniam reuersus est . Hac tempestate sæuissimè in Oriente actum est . Quamquam enim ea historia nihil ad Imperium Romanum spectet , non possum tamen eam subticere . Exortus enim est ex humili genere natus quidam Tamerlanes nomine . Hic primùm stipendia meruit apud Turcam , deinde ob animi virtutem & fortitudinem militum Dux ac Tribunus effectus est : quo nomine , partim vi partim fraude , Parthorum Regna inuasit ; ac deinde quidquid aggredieretur , facilè subegit , vt erant Persæ , Medi , Arabes , & post hos Indi . Postea ad Septentrionem se recipiens , per Moscouiam in Assyriam profectus est ,

Tamerlanes tyrannus.

CXLIX.

MISERICORDIA NON CAUSSAM
SED FORTVNAM SPECTAT.



Decennalis Imperator LVIII. ætatis anno occubuit.

XX 2

est, ac Tigrim in Mesopotamiam traiciens, nauigauit per Euphraten in Babyloniam & Chaldaeam. Postremò exercitum suum, qui equitum constabat quadraginta millibus, ac pedum sexies centenis millibus; per Armeniam in Asiam minorem siue Natoliam duxit, vbi Turcicum Cæsarem Pazaiten bello aggressus, ducenta virorum millia fudit, Pazaiten ipsum cepit, eumque perinde ac auem caueâ inclusum secum spectaculi & ludibrij loco circumuexit. Ad hæc versus meridiem etiam copias suas in Ægyptum atque vniuersam Asiam eduxit. Eius castra faxis vbique erant pauimentata, perinde atque oppidum quoddam; in quibus & cuncta reperiabantur venalia, vt in emporijs: nam & quæque mercimonia suis hîc locis erant assignata. Vbi autem oppidum aliquod obsideret, primo die tentorium fixit candidum, quod gratiam ijs significabat, qui se vltrò dedere vellent; altero verò rubrum, quod sanguinem portendebat; tertio denique nigrum, quod vrbs præfagebat euerfionem. Contigit semel, quòd cùm deditionem oppidum quoddam in diem posterum differret, ciues pueros suos ac puellas ad illum albis vestibus indutos atque oliuæ ramusculos præ se ferentes emisissent, sperantes eorum innocentiam se tyranni iram placaturos. Sed hos ille omnes equis conculcandos tradidit, urbemque cum vniuersis ciuibz incendio absumpsit. Cùm ex consiliarijs suis quidam secretò ex ipso sciscitaretur, cur eam tyrannidem in teneros pueros ac puellas exercuisset, respondit transuersis ipsum intuens hircis oculisque flammantibus; Quid, inquit, arbitraris? mène hominem esse? non. Erras, si id putes: equidem Dei sum flagellum, ac terræ vastatio. Caue sis me istiusmodi interrogationibus in posterum fatiges. Tyrannus hic immani deuastatione totum ferè Orientem peragrauit, optimas quasque vrbes euertit. Tot huic se ex omnibus nationibus adiungebant, vt exercitum tandem habuerit duodecies centenorum millium. Eius verò nomen auditu omnibus erat horrendum: sicubi pulsabat, ei statim aperiebatur; sin recusabatur, cogebat. Iam autem vbi versus Occidentem se pararet, atque in Europam per mare Mediterraneum traiceret, morte execrabili interemptus est. His temporibus Hussiana hæresis potentior vbique facta, ingentes aduersus Sacerdotes concitabat

bat tumultus. Vrbs Herbipolis iterùm ab Episcopo suo defecit; sed cùm hic opem accepisset, multi rursus ciues sunt interfecti. Anno millesimo quadringentesimo quinto, Ecclesiastici ad suam conseruandam libertatem VVormatiâ egressi, biennij spatio in urbem non redierunt, donec controuersia per Rupertum Cæsarem esset consopita. Hussiani multis in Bohemiâ victorijs potiti, præstantiores se alijs esse arbitrabantur; atque hinc elati animis, suam quoque hæresin hac ratione excusabant. Horum denique infania ad eam factionem paullatim processit, vt auctor eorum hæresis Ioannes Hus postea Constantiæ (vt dicetur paulò post) combustus sit: quâ re Hussiani adeò fuere cæstro perciti, vt Germaniam multis calamitatibus oppleuerint.



SIGISMUNDVS Hungariæ ac Bohemiæ Rex, Caroli IIII. filius & VVenceslai frater, ab Electoribus post mortem Ruperti Cæsaris electus est anno CHRISTI millesimo quadringentesimo decimo. Sapientiâ, eruditione, & probitate Princeps fuit clarissimus; staturâ talis, qualis tantum Principem decebat; pacis bellique artibus perinde insignis, sed ad pacem quàm ad bellum procliuior. Confestim autem post adeptum Imperium cum ingenti exercitu Romanam profectus, ab Ioanne XXIII. Pontifice coronatus est, & consultauit cum eo de publico Concilio cogendo schismatis tollendi causâ. Ipse quoque ad Gallorum Regem profectus est, & cum eo egit, vt in conuocandâ Synodo consentiret. Proinde suffragatione Pontificis, Cæsaris, Galliar, Angliar, Hispaniar Regum, & Principum Germanorum Constantiense Concilium inchoatum anno millesimo quadringentesimo decimoquarto: ad quod etiam ipse Pontifex venit. Sigismundus colligebat ex omnibus nationibus doctissimos quosque, quod in Germaniâ circa Religionem ita omnes dissentirent, sperans deposito hoc schismate Rempubicam Christianam facîle in pristinum statum restitutum iri. Verùm Pontifex primò de Hussianis tractari voluit. Igitur Ioannes Hus cum discipulo suo Hieronymo Pragenfi ad Concilium vocati fuere: illisque accessum liberum concessit Cæsar, quo nomine etiam venerunt. Vterque ingenio erant acutissimi, atque eloquentiâ promptissimi. Quare cum auditi fuissent, eos admonuerunt, ne prudentiores haberi velint Ecclesiâ Romanâ, ac peruersas illas opiniones missas facerent, quin potius suam illam eloquentiam vsurparent ad conseruandas Christianæ fidei cærimonias, non autem contrâ. Sed in suis illi propositis persistebant, ac Christi se Euangelium imitari aiebant, Romanamque Ecclesiam longè à Christi doctrinâ aberrasse. Cum hæc Concilij Præsides audiissent, sententiam tulerunt huiusmodi, vt, veluti membra corrupta quæ nullis iuari medicamentis possunt, exurerentur, ne totum corpus deinceps inficeretur. Itaque primò Ioannes Hus, præter voluntatem Cæsaris, viris armatis octingentis ad supplicij locum deductus est. Infulam ei chartaceam imposuerunt, cui duo adpicti erant cacodæmones cum subscriptione huiusmodi: Hæresiar-
cha.

C L.

MALA VLTRO ADSUNT.



Imperio præfuit XXVIII. annis, Ecclesiam tranquillauit,
septuagenarius animam efflauit.

cha. Cumque iam exureretur, flammam obstinato animo per-
tulit. Id verò contigit anno millesimo quadringentesimo deci-
mo sexto: & post dies centum quadraginta discipulus eius Hie-
ronymus cum respiscere nollet, etiam exustus est. Cineres ho-
rum in mare proiecti sunt, ne si à Bohemis collecti forent, pro
Diuorum reliquijs colerentur. Proinde ipsorum discipuli terram
eius loci, quo fuerant combusti, abraferunt, eamque in Bohe-
miam detulerunt. Tum Bohemi omni crudelitate in Sacerdo-
tes sauerunt, templa, cœnobîa, atque imagines deuastarunt.
His verò omnibus ita gestis, vt Ecclesia ad pristinum statum à
schismate reduceretur, conclusum est, vt uterque Pontifex Be-
nedictus & Ioannes Pontificatu abdicarentur, controuersia om-
nis componenda gratia. Vt ergo ulterius noui Pontificis electio
concluderetur, & Concilij Decreta maioris essent auctoritatis,
ex omni natione viri sex selecti fuere, qui cum Cardinalibus
Conclauē ingressi, Pontificem vnā crearent. Quare contigit
anno millesimo quadringentesimo decimo septimo, octauo
Nouembris die, circiter horam tertiam, quod Otho Colum-
nus, Princeps Romanus, Diaconus, Cardinalis S. Georgij ad
Vellus aureum, cum omnium lætitiā Pontifex sit creatus. Hic
se Martinum V. appellauit, atque eā occasione Ecclesiæ tran-
quillitas est restituta. Pœnituit Ioannem quod vltro consensisset
in abdicationem Pontificatus, & clām fugam meditabatur. Sed
per Cæsarem inter fugiendum retractus, Comiti Palatino tra-
ditus est. Celebrato Concilio, expeditionem Cæsar cum Prin-
cipibus Germanis in Bohemiam adornaui aduersus malè fe-
riatos Hussianos. Quod vt hi acceperunt, propria sua oppida
ac vicos incendio euerterunt, ducemque ipsi sibi statuerunt
Ioannem Ziscam, virum strenuum ac fortem. Hic bella graua
aduersus Cæsarem atque Imperium mouit, nec vñquam suc-
cubuit, sed victorijs clarus semper in Bohemiam reuersus est.
Pontifex plenas concedebat Indulgentias aduersus hos hæreti-
cos, quā occasione ingens equitum peditumque multitudo col-
lecta est; his ratus Bohemos funditus extirpare, Regnumque
Germanis atque alijs Christianis possidendum dare. Principes
consultabant quā viā rem aggredierentur: nec mora, flamma in-
gens in tentorijs visa est, nec vnde orta esset quisquam homo
sciebat,

sciebat. Interea dum hic territi stabant, armaque & equos castris extrahebant, Hussiani impetu in eos facto multa hominum millia in fumo inter laborandum interemerunt. Atque ita quidem periit exercitus ille potentissimus, à quo incredibilia conficienda putabant. Post hanc expeditionem res quò diuturnior, eò efficiebatur deterior. Hussiani magnis copiis in Germaniam eduçti, expugnabant oppida castraque: interficiebant sine ullâ commiseratione quidquid particeps vitæ erat. Multi in templa confugiebant, sed ea incendio absumebant hostes, oppidaque; radicitus eueriebant. Et post multas cruentas pugnas, postque infinitos homines miserè vtrunque trucidatos, etiam Principes pugnare amplius detrectabant, ac Pontifici suos committebant Ecclesiasticos, vt is rem ad finem quemdam perduceret. Verùm Deus tandem isti rei finem imponere voluit: nam Bohemi inter se effecti seditiosi, propemodum se mutuò deleuerunt. Quod vt Cæsar audiit, cogitauit semel adhuc Bohemiam, Regnum suum, videre; atque adeò venit anno M. CCCC. XXXVI. Pragæ: quæ vrbs Bohemiæ caput est. Hic operam dedit, vt Regnum suum, quoad eius fieri posset, placaret. Quos autem timebat, ablegauit magnis copiis aduersus Turcas, vt ab iis esset tutus. Itaque ope Hungarorum apud Turcas vnus pugne victoriam adepti sunt. Ac tametsi quidem pauci redierunt, ita altè tamen hæresis ea radices egerat, vt etiamnum hodie in istis locis perduret.

TYPOGRAPHVS LECTORI.

HACTENVS Goltzius. Quæ sequuntur deinceps serie continuâ CÆSARVM AVSTRIACORVM Vitæ & Elogia adusque FERDINANDVM III. AVG. nunc Orbi feliciter imperantem, stylo Casperij Geuartij, IC^a & Archigrammatarum Antuerpiani, sunt adornata. Hoc volui, Lector, nescius ne esses.

Y y

ALBER-

ALBERTVS II.

*ExPompâ
Introitus
FERDI-
MANDI
AVSTRIA-
ci, Hîspa-
niar. In-
fantis, in
Urbem
Antuer-
piam,
C. Geuar-
tio An-
dore de-
scriptâ.
Ubi &
preceden-
tium
Imp. Au-
striaco-
rum, Ro-
dolpho I.
ALBER-
TI I. &
FREDE-
RICI III.
Augg.
Elogia vi-
dere est.*

FORTVNAM olim duplici nomine, Primigeniam & Reuertentem, coluit antiquitas. Illam sic dixe-
re, quæ à primo cuiusque ortu, inoffenso felici-
tatis cursu, alumnos suos foueret; hanc verò, quæ solito
eius fauore destitutis, benignam sese denuò fidamque
comitem adiungeret.

Et sanè Primigenia Auftriacorum Archiducum fortu-
na, post Imp. Cæs. Fredericum III. cognomento Pul-
chrum, Bauaris & Luxemburgicis toto sæculo Imperium
obtinentibus, paulisper defecisse visa est.

At mox Reuertens, benigniori oculo eosdem Principes
respexit, dum ALBERTVM Auftriæ Archiducem, Imp.
Cæs. Sigismundi Augusti generum, velut errorem suum
confessa, festinatis cumulatifque honoribus, ad Hungariæ
Bohemiæque sceptrâ, ipsumque Romani Imperij fastigium,
vnius anni spatio euexit: inusitato felicitatis exemplo.

ALBERTVS Patrem, Auum, Proauum, Abauumque,
Auftriæ ex ordine Archiduces, sibi cognomines habuit,
Atauumque item, Albertum I. Rodolphi I. Augusti Fi-
lium; Matrem, Ioannam, Alberti Bauari, Hannoniæ, Hol-
landiæ & Zelandiæ Principis, filiam.

Puer annum ætatis x. agens, Patrem in obsidione
Znoymæ, Moraviæ oppidi, amisit. ideoque de eius tutelâ
digladiantibus inter se Patruis, Austria grauissimis cladibus
afflicta est.

Pubertatem egressus, Principatus gubernacula ipse adiit,

AMORE CIVIVM TVTOS ESSE PRINCIPES *Æn. Syl.*
OPORTET. IDQVE SOLA PRÆSTAT
INNOCENTIA.



Vir Imperio vtilis, longiorique vitâ dignus,
secundo anno Regni sui moritur.

ac prouinciam, intestinis motibus & latrociniis diu vexatam, pristinae securitati restituit.

Bello deinde aduersus Hussitas, Ziscà duce in Bohemiâ tumultuantes, exorto, cum iv. equitum millibus egregiam Sigismundo Cæsari operam nauauit. Vnde factum, vt spectatâ ALBERTI virtute, eiusque in se meritis prouocatus Cæsar, filiam suam vnicam Elisabetham illi in matrimonium dederit.

Mortuo paulò post Sigismundo, ALBERTVS Hungariæ primùm, mox Bohemiæ Rex declaratus est; tùm ex supremâ soceri voluntate, tùm ex prisco Bohemicæ gentis cum Austriacis foedere, Procerum consensu & Cæsareâ auctoritate firmato, vt nempe deficientibus in alterâ Domo masculis heredibus, altera in Regnum succederet.

*Æn. Syl.
Piccolomi-
neus Pont.
Max.
Historiæ
Bohem.
Cap. Ix.
Lutetia
Genal.
Austr.
lib. 11.*

Septemuiro quoque Principes Electores, Francofurti ad Moenum congregati, vnanimi sententiâ ALBERTVM Romanorum Imperatorem renuntiarunt XIII. Kalend. Aprilis anno salutis M. CCCC. XXXVIII.

Atque ab eâ electione, Austriacæ gentis Principes, Romani Imperij fastigium, maiestatemque quasi per manus traditam, in hac vsque tempora, non interruptâ serie, per annos iam ducentos, cum summâ rerum gestarum gloriâ ac Reipublicæ Christianæ commodo, feliciter tuentur.

Post solemnem Imperij inaugurationem Aquisgrani factam, Cæsar collecto per Austriam milite in Bohemiam mouens, Ptasconem, Podiebradium, aliaque Hussiticæ factionis capita, qui Casimirum, Vladislai Poloniæ Regis Fratrem, in spem Regni euocarant, oppressit: ipsumque Vladislaum, maximo exercitu Bohemiæ appropinquan-

tem,

tem, retrò quà venerat, cedere, atque intra suos fines quiescere coëgit: totamque Silesiam à Polonis, qui agros depopulabantur, securam reddidit.

Aduersus Amurathem Turcarum tyrannum, qui superiorem Mœsiam inuaserat, ac Pannoniam ingenti terrore perculerat, cum maximis copiis profectus, castra inter Tibiscum & Danubium amnes munit, eoque auxilia vndique properare iubet:

Turca, eius aduentu cognito, Synderouia arce atque oppido ad Danubij ripam expugnato, retrocessit.

Cæsar de Turcarum habitu certior, dimisso exercitu, Budam reuertitur. Sed insolito ardentis Sirij calore vexatus, dum immoderato melopeponum esu æstus leuare conatur, in dysenteriam incidit.

Quare in Austriam properans, ingrauescente malo, Princeps religiosissimus & longiore vitâ dignissimus, prope Strigonium moritur VI. Kalendas Nouembris, anno M. CCCC. XXXIX.

Atque ita, amorem & delicias generis humani, ut olim Titum, infesta mortalibus numina, intra biennium sustulere, ætatis suæ anno XLIV.

Natus illi fuit posthumus Ladislaus, Hungariæ & Bohemiæ Rex atque Archidux Austriæ.

Imperauit annum I. menses VII.

FREDERICVS IV.

*Ex Pompâ
Introitus
FERDI-
NANDI
AVSTRIA-
CI, Hispa-
niar. In-
fantis, in
Orbem
Antuer-
piam,
C. Geuar-
tio Au-
strie de-
scripiâ.*



FREDERICVS IV. cognomento Pacificus, Erne-
sti Austriæ Archiducis & Cimburgæ Mazouiæ fi-
lius, natus est Æniponti apud Tirolenses anno
M. cccc. xv. ad ix. Kalendas Octobris.

Hierosolymam, ætatis suæ anno xxi. Pietatis ergò profe-
ctus, loca sacris CHRISTI Seruatoris calcata vestigiis, eius-
que sepulchrum est veneratus.

Alberto II. Augusto Patruale suo, ante diem vitâ fun-
cto, conspirantibus Electorum suffragiis, Francofurti in
eius locum successit III. Kal. Aprilis anno M. cccc. xl.
& deinde Aquisgrani coronatus.

Ladislao Alberti II. Augusti filio posthumo tutor da-
tus, eundem vel adhuc in cunis vagientem, in hereditaria
Hungariæ & Bohemiæ Regna, Austriæque Archiducatum
inaugurari curauit: eodemque vsque ad pubertatis annos
sanctè apud se educato, maximis eam ob rem difficultati-
bus bellisque conflictatus, Austriam, communibus cum
Elisabethâ Augustâ pupilli matre auspiciis, administravit.

Schismatè in Ecclesiâ exorto, FREDERICI operâ Ame-
deus Allobrox Pontificatu se abdicauit.

Rebus in Austriâ ac Bohemiâ compositis, in Italiam
profectus, Heleonoram, Eduardi Lusitaniæ Regis filiam,
Romæ in vxorem duxit, Nicolao V. Pontifice Maximo
solemni ritu dextras iungente, beneque ipsis ac posteritati
ominante.

Tertio post die, Cæsar ingenti pompâ in Rom. Im-
pera-

CLII.

NESCIS PRINCIPES IACVLATORVM ESSE SCOPOS:
 ALTA FVLMEN FERIT, NON CASAS HVMILES.
 PVLCHRE NOBISCVM AGITVR, SIQVANDO
 VERBIS OPPVGNAMVR.



Postquam annos XLVI. imperasset, Maximilianum Filium
 consortem Imperij fecit, imperavitque cum eo annos VII.
 atque obiit ætatis suæ anno LXXVIII.

peratorem consecratus, coronam & alia Romani Imperij insignia accepit, acclamante populo Romano: **FREDE-
RICO PACIFICO, A DEO CORONATO IMP. VITA
ET VICTORIA.**

Hinc ab Alphonso Arragonio Neapolitanorum Rege, Heleonoræ Augustæ Auunculo, inuitatus, Neapolim ad illum diuertit, maximisque honoribus exceptus est.

Ferrariam digressus, Borsium Estensem, Mutinæ Rhegijque Ducem, & Rouigij Comitem creauit.

Ex Italiâ in Germaniam redux, cum plena omnia tumultuum ibi reperisset, Hungaris Bohemisque Ladislaum Regem, iam pubertatis annos egressum, sibi tradi certatim flagitantibus, seditiones nascentes prouidè composuit.

Austriacos quosdam perduelles, qui Duce Eitzingero, accitisque Bohemis, Cæsarem Neapoli Austriæ obsidere ausi erant, cò adegit, vt pacem supplices petere, atque in eam rem auri sex mill. nummum quotannis pendere coacti fuerint.

Ciliensem Comitatum, in potestatem suam redactum, ditionibus auitis adiecit, & Stiria partem esse iussit.

Henricum Goritiæ Comitem, qui in Carnis tumultus excitauerat, in ordinem redegit.

Ladislaos, Hungariæ & Bohemiæ Rege, immaturâ morte prærepto, Archiducatum Austriæ solus obtinuit, & in Hungariæ Regem, à magnâ Procerum eius Regni parte, electus est.

Comitiis Ratisbonæ, atque alibi sæpius, indictis, Principes Imperij ad bellum Turcicum cohortatus est; quòd Mahometes II. post Orientis Imperium, Constantinopoli captâ,

captâ, à se occupatum, Germaniæ vniuersæ formidabilis immineret.

Carolus, Belgarum Burgundionumque Principem, imperatis vndique auxiliis, ducto in illum LXXX. mill. armatorum exercitu, à Nouesij obsidione recedere coëgit: amicitia denique & affinitate sibi copulauit, Mariâ Caroli Filiâ & herede vnicâ, Maxæmiliano, Cæsaris Filio, desponsâ.

Eidem quoque Maxæmiliano, Brugis Flandrorum à seditiosâ plebe indignè detento, & liberæ custodiæ tradito, cum ingentibus copiis in Germaniam Inferiorem descendens, succurrit: eodemque in libertatem asserto, paucorum poenâ contentus, discordiarum fomitem sustulit.

Germaniam bellis perpetuis fatigatam longâ pace recreauit: quam eodem tenore, quoadusque rerum potitus est, summâ moderatione coluit.

Obijt Lintzij in Austriâ XIII. Kalend. Septemb. anno M. CCCC. XCIII. Vixit annis LXXVIII.

Imperauit ann. LIII. mens. IV.

MAXÆMILIANVS I.

ExPompâ
Introitus
FERDI-
NANDI
AVSTRIA-
CI, Hispa-
niar. In-
fantis, in-
Orbem.
Antuer-
piam,
C. Geuar-
tio Au-
dore de-
scriptâ.



MAXÆMILIANVS, Frederici IV. Imp. & Heleo-
noræ Lusitanæ Filius, nascitur Neapoli Austriæ,
XII. Kal. April. anno M. CCCC. LIX. Ad militiam,
armorumque munia animum à naturâ factum habere vide-
batur. Adeoque eâ ætate, quâ vix alij prima militiæ tirocinia
faciunt, maxima bella suo ductu & auspiciis administrait.

Duodevigesimo ætatis anno, Mariam, Caroli Burgundiæ
Ducis Belgarumque Principis, ad Nancæum cæsi, Filiam, am-
plissimarum ditionum heredem vnicam, Gandavi, Flandriæ
metropoli, in vxorem duxit. Et ab ipsis statim nuptiis, ad
constituendum Belgicæ Reip. statum, à Ludouico XI. Gal-
liarum Rege pænè conuulsum, seriò se conuertit.

Ad Guynegatam in Morinis ingentes Gallorum copias
deleuit, & non exiguam Hannoniæ partem, vnâ cum Ca-
meraco, recepit.

Mariâ Coniuge inter venandum ex equo lapsâ, ac paulò
post fato functâ, Flandricas factiones, ob Philippi Filij tu-
telam ortas, compescuit.

Vigesimooctauum ætatis annum agens, Francofurti
Rex Romanorum declaratus, Aquisgrani inauguratur; &
deinde, Patre Frederico Aug. mortuo, pleno iure in Impe-
rium succedit.

A morte Matthiæ Coruini, Hungarorum Regis, qui ma-
gnam Austriæ partem, eiusque metropolim Viennam oc-
cuparat, non solum auitum patriumque Principatum recu-
perauit; sed & Albam Regalem, ciuitatem nobilissimam,
aliasque in Pannoniâ vrbes expugnauit.

Atre-

PER TOT DISCRIMINA RERVM.



In Imperio, Patre viuento, v i l. postea solus x x v i. annis sedit:
L i x. verò ætatis anno naturæ legibus satisfecit.

Atrebatum, Artesiæ caput, insigni stratagemate, deceptis hostium custodiis, in potestatem redegit.

Turcarum innumerabiles copias, qui Carnioliam, Ciliam, Carinthiam, Stiriam ferro flammæque depopulabantur, fudit fugavitque.

Carolus Egmondæ Regulum, qui, Gallorum opibus fretus, multa turbauerat, Geldriæ ditione ac titulo, ex Electorum Principum decreto, abstinere iussit.

Philippum Rheni Palatinum, Septemvium, arrogantius se gerentem, ac magnis Bohemorum copiis instructum, ingenti clade affecit, supplicemque fieri coëgit: omnisque mox iniuriæ oblitus, nullo non benevolentia genere illum profecutus est. Præclaram eam victoriam ducens, in qua plus esset Clementiæ quàm Seueritatis.

Cum Venetis ancipiti Marte primùm congressus, mox amplissimas eius Reipub. vrbes, Veronam, Patauium, Vincentiam, Feltrium, aliasque occupauit.

Mediolanum Gallis ereptum, Sfortiæ Duci restituit.

Germaniam latrociniiis liberam reddidit: eadem sub eius felici Imperio tam armis quàm litterarum studiis efflorescere, caputque supra alias nationes extollere coëpit.

Multa in re militari partim noua attulit, partim meliora fecit. Phalangem ex hastatis peditibus compositam, Romanæque legionis æmulam, restituit: militiamque pedestrem inter Germanos iam obsolescentem, in pristinum ordinem & splendorem redegit.

Æniponti apud Tirolenses instructissimum armamentarium instituit: altera, quæ Viennæ, Brisiaci & Mechliniæ moliebatur, morte præuentus, non absoluit.

Antuer-

Antuerpiam, tractis eò omnium gentium commerciis, in celeberrimum Emporium erexit: Brugarum gratiâ, quòd ibidem à factiosâ plebe in custodiam datus fuisset, apud illum fenescens.

Liberalitatis eius & magnificentiæ argumento hoc sit, quòd in memorabili illo Principum Christianorum congressu, anno M. D. xv. Viennæ celebrato, tres Reges, Vladislauum Hungariæ, Ludouicum Bohemiæ, & Sigismundum Poloniæ, impendiis suis exceperit.

Philippi Filij sui Austriæ Archiducis, Belgarum & Burgundionum Principis, matrimonio cum Ioannâ Ferdinandi & Isabellæ Catholicorum Castellæ & Arragoniæ Regum Filâ contracto, Hispaniarum Indiarumque Imperiæ in Augustam Austriæ Domum intulit.

De mutuo item Liberorum & Nepotum coniugio, & iure successionis in Regnis Hungariæ & Bohemiæ cum Vladislao Rege, Viennæ transegit. Adeoque stirpe suâ splendidissimis connubiis stabilitâ, alter quasi Austriæ Familiæ Conditor dici meruit.

Excessit è vitâ apud Velsium, superioris Austriæ oppidum, Prid. Eid. Ianuar. anno salutis M. D. xix.

Vixit annos LIX. menses ix. dies xxi. Imperauit annis xxxii. mensibus xi.

C A R O L V S . V .

Ex Pompâ
Introitus
FERDI-
NANDI
AVSTRIA-
ci, Hispa-
niar. In-
fantis, in-
Orbem.
Antuer-
piani,
C. Genar-
tio AN-
dore de-
scriptâ.



ONSPIRAVERE Virtus & Fortuna, vt CAROLVM Aug. ad supremum Felicitatis & Potentiæ fastigium extollerent.

Quin & ipsa rerum Natura, velut dignum tanto Heroi metaretur hospitium, nouo Orbe, paulò ante illius natiuitatem, Aui eius auspiciis inuento, latius sese aperuit, ac detexit: quasi maiori spatio opus esse iudicaret, quo illæ nascituri Principis, post omnia sæcula maximi, Virtutes reciperentur.

Natus est in amplissimâ Flandriæ metropoli Gandâ, anno ipso Sæculari, Millesimo & quingentesimo incunte. Tamquam & nouum Sæculum, à tanti Principis ortu, con-
dente Naturâ.

Pater illi Philippus, Imp. Cæs. Maxæmiliani Aug. Fil. Primus eius nominis Hispaniarum Rex: Mater Ioanna, Ferdinandi & Isabellæ, Catholicorum Castellæ & Arragoniæ Regum Filia.

Pueritiæ eius, Pietate, litteris, morumque disciplinâ imbuendæ, præfecti fuere Gulielmus Croyius, Ceuriæ Regulus, & Hadrianus Florentius, Vltraiectinus, Theologus eximius: qui deinde, CAROLO iam Imperium tenente, ad summum Pontificatum euectus est.

Annum agens xv. ab Auo Cæsare emancipatus, Belgicis Prouinciis; ac triennio post, Hispaniarum Regnis, incredibili pompâ ac splendore inauguratur.

Vndevigesimo ætatis suæ anno, Romanorum Imperator Francofurti renuntiatus est, & sequenti anno M. DC. XX. Aquisgrani, Imperiali diademate insignitus. Quo tempore & Solymannus Turcici Imperij gubernaculis admotus est. Vt nemini dubium esset, CAROLVM Augustum Ottomannicæ potentiæ coelitus obiectum esse.

Sub ipsis Imperij initiis, Mexicanum Regnum opulentissimum, Duce Ferdinando Cortesio, vt & paulò post, Perua-

CLIV.

VT SOL IN SVMMO FASTIGIO TARDISSIME MOVETVR,
 NEC ALIVS INOPI QVAM LOCVPLETI SPLENDET;
 ITA PRINCIPES IN SVMMVM IMPERII FASTIGIVM
 ETECTOS, NON PRÆCIPITARE CONSILIA, SED
 CIRCVMSPECTE AGERE, ET LVCEM IVSTITIÆ AC
 CLEMENTIÆ SVÆ SVMMIS AC INFIMIS PARITER
 PRÆBERE DECET.



Vbi xxxviii. annis Imperio summâ cum laude præfuiſſet,
 ætatis ſuæ anno lviii. in Hiſpaniis obiit.

Peruanum, Francisci Pizarri operâ subegit: Christiſque cultu illato, Orbem nouum, immenſis Oceani Atlantici ſpatiis ab Europâ diuiſum, Religione armisſque Hiſpaniarum Imperio iunxit atque connexuit. Triumphum, quàm omnes ante ſe Imperatores, tantò promeritus maiorem, quantò plus eſt, Chriſtianæ Pietatis, veriſque cultus Diuini, quàm Imperij terminos propagaffe.

Gallorum Regem Franciſcum I. perpetuum fortunæ ſuæ & magnitudinis æmulum, ductu Caroli Lanoij, Belgæ, in Inſubribus acie victum, cum præcipuâ Gallicâ Nobilitate, ad Ticinum, die natali ſuo, cepit: eundemque, poſt annum in liberiori cuſtodiâ exactum, libertati reddidit, Heleonorâ, Sorore ſuâ, illi in vxorem datâ: ac viciffim ius omne, quod Gallis in Flandriam, Arteſiam, Neapolim, Mediolanum ac Genuam competeſbat, Franciſco Rege Victori Cæſari cedente.

Franciſcum Sfortiam in Ducatum Mediolanenſem reſtituit: & Venetis pace datâ, vniuerſæ Italiæ otium & tranquillitatem procurauit. Vltraieſtinam & Tranſſilalanam Ditionem Belgicis Prouinciis adiunxit.

Florentiam diuturnâ obſidione preſſam in poteſtatem recepit: eidemque Alexandrum, Medicæ Familiæ Principem, Ducem dedit.

Solymannum Ottomannum, Turcarum Imperatorem, cum ccc. equitum peditumque mill. Pannonias vaſtantes, bis ab obſidione Viennæ repulit, ac ingenti clade illatâ in Thraciam recedere compulſit, ſeruâtâ Germaniâ.

Claffe inſtructiſſimâ in Peloponeſum, ductu And. Auriæ, Liguris, miſſâ, Methonem & Coronem, vrbes celeberrimas, aliæque loca munitiſſima, Turcis eiectis, occupauit.

Tunetanum Africæ Regnum Hariadeno Ænobarbo, tyranno, eripuit, ac Muleaſſi, legitimo Regi reſtituit, eundemque ſibi veſtigalem reddidit; Goletâ arce retentâ, validoque præſidio firmatâ. Quo bello ſupra duodeviginti

viginti Christianorum captiuorum millia è seruitute durissimâ vindicauit, & in patriam reduxit.

Mare Mediterraneum, assiduis piratarum rapinis infestum, nauigantibus tutum & securum præstitit.

Ad intestinos motus in Flandriæ metropoli excitatos maturè componendos, ex Hispaniis per medias Gallias, summâ hieme, paucis comitibus aduolauit: nullis acceptis obsidibus, solâ fide publicâ, Regisq̃ue verbo securus. Pulchro (me Dius fidius) inter maximos Principes certamine! Iureq̃ue dubites, magisne Cæsaris de Regis Francisci in se animo securitatem ac fiduciam, an Regis fidem admireris.

In Africam denuò expeditione susceptâ, quamquam vi tempestatis cæliq̃ue iniuriâ, maximis cladibus ad Iuliam Cæsaream obrutus, inuictæ & heroicæ cuiusdam virtutis ac constantiæ monumenta reliquit.

Gulielmum, Cluiæ Ducem, qui profecto ad bellum Africanum Cæsare, Gallorum promissis & auxiliis subnixus, Brabantiam inuaserat, debellauit: ac Prouincias, Geldriam ac Zutphaniam ab illo recuperauit.

Ioannem Fredericum, Saxoniam Ducem, perduellem, Albi flumine transmissio, incredibili celeritate vsus, ductu suo, cruentâ pugnam vicit, cepitq̃ue: quâ clade territus Philippus, Hassiæ Regulus, supplex se suaq̃ue omnia voluntati & clementiæ Cæsaris dedidit, ac captiuum vltro se stitit.

Tumultuantis Germaniæ motibus sedatis, PAVLVS III. Pont. ex Cardinalium Senatusconsulto, Maximi cognomentum CAROLO attribuit: tamquam omnes retrò Principes, adeoque ipsum Carolum Magnum, Imperij magnitudine, & rerum gestarum gloriam longè supergresso. Ille siquidem Saxoniam domandæ annos amplius triginta; hic vix trimestre impendit.

Aphrodisium, munitissimum Africæ oppidum, ductu Ioannis Vegæ, Proregis Siciliæ, Draguthe piratâ pulso, expugnaui.

Post Metensis vrbis, à Gallis interceptæ, obsidionem, inusitatâ hiemis inclementiâ fauiente, ac lue in exercitum

grassante, maturè solutam, Morinorum oppidum Teruanam, Flandriæ infestissimam, à se expugnatam, solo æquauit: Hesdinum recuperauit.

Corficam Genuensibus asseruit: Senarum urbem cepit, pulsus inde & ferè omni Etrurià Gallicis armis.

Difficillimis expeditionibus & profectiõibus susceptis, nouies in Germaniam Superiorem, sexies in Hispaniam, septies in Italiam, decies ad Belgas, quater, tam pacis quàm belli tempore, in Franciam, bis in Angliam, bis in Africam est profectus.

Mare Mediterraneum octies; Oceanum Hispanicum quater nauigauit.

Orthodoxæ Religionis propugnandæ ac propagandæ zelo incredibili inflammatus, Gentibus à Christianâ Pietate alienis, vtrò; Christianis Principibus numquam, nisi laceffit, bellum intulit.

Demum rebus maximis, quâ ductu, quâ auspiciis suis, terrâ marique gestis, Indicis, Africanis, Turcicis, Gallicis, Italicis, Germanicis, Saxonis, Sicambriticis victoriis clarus, cum Augustæ Domus suæ Imperium Orbis terrarum finibus terminasset, corpore laboribus pro Repub. Christianâ susceptis iam exhausto, qui omnibus vixerat, Deo sibi quod vitæ supererat viuere decreuit.

Itaque eius Diuina mens, contemptor quæ ambitionis, & infinitæ potestatis domitor ac frinator animus, post tot gentes subactas, postremò (quo nullus homini triumphus obtingere maior potest) suiipsius victor exstitit.

Quocirca, rarissimo Principum exemplo, Regnis Imperioque sese exuens, Belgicas Prouincias, Hispaniarum Indiarumque Regna, Philippo Filio; Romani autem Imperij gubernacula, Ferdinando Fratri vtrò cessit: dubium relinquens, maioremne laudem in Imperio, totque Regnis administrandis, an in iis simul omnibus abdicandis, promeritus sit.

Hinc, cum duabus Sororibus viduis, Heleonorâ Galliarum, & Mariâ Pannoniarum, Reginis, in Hispaniam profectus, in D. Iusti Cœnobio, haud procul à Placentiâ ciuitate

ciuitate sito, cum paucis familiaribus, rebus Diuinis vacans,
vix anno vno & mensibus aliquot superfuit; animamque
Cælo, vnde venerat, reddidit. Id nempe agentibus Superis,
ne post illud Diuinum factum quippiam mortale ageret.

Libet supremæ Galliarum Curia Præsidis sententiâ Elo-
gium hoc obsignare. eius istud est de CAROLO Aug. testi-
monium & iudicium: *Nullum perfecti magis, & ad omnem* Iac. Aug.
Thuan.
Hystor.
lib. 21.
virtutem expressi Principis exemplar, nostrâ & retrò sæculorum
memoriâ reperiri posse, quod iis, qui ad Imperium virtutis viâ
grassantur, ad imitandum proponi queat.

Decessit XI. Kal. Octob. ann. salutis CIO. IO. LVIII.

Vixit annos LVIII. mens. VI. dies XXV.

Imperauit ann. XXXVIII.

FERDINANDVS I.

ExPompâ
Introitus
FERDI-
NANDI
AVSTRIA-
ci, Hispa-
niar. In-
fantis, in
Orbem
Antuer-
piam,
C. Geuar-
tio Au-
ctore de-
scriptâ.



OPTIMUM ac laudatissimum Principem Hispania Germanis meritò imputet: & in quo Pacis artes tantum effloruere, quantum in Fratre eius Carolo Aug. bellica gloria sese extulit.

Natus Compluti, apud Carpetanos, in Regno Castellæ, vi. Idus Mart. anno c15. 15. 111. atque apud Ferdinandum Castellæ & Arragoniæ Regem, maternum Auum, educatus, Aluaro Osorio præceptore; Petro Nonio Gufmano, Calatrauæ Militiæ Præfecto supremo, morum & aulæ Magistro, vsus est.

Auo materno vitâ functo, & Carolo Fratre Hispaniarum Regnis inaugurato, adolescens ipse ex Hispaniâ in Belgium profectus, summæ rerum ibidem præfuit.

Decimo octauo ætatis suæ anno, in Austria, Stiria, Carinthia, Carniolia aliarumque Augustæ Domus Austriæ Ditionum possessionem, Fratre eius iam Cæsare ultro cedente, missus est. Moxque Annam Iagellonicam, Vladislai Hungariæ & Bohemiæ Regis Filiam vnicam, Lintzij Austriæ oppido vxorem duxit.

Ludouico Hungariæ & Bohemiæ Rege, Affine suo, ad Mohatium oppidum à Turcis cæso, vtrumque Regnum cum Silesiâ, Moraviâ, Lusatia aliisque prouinciis, iuxta pacta maiorum, & in primis Maxæmiliani Aug. cum Vladislao Rege, FERDINANDI Socero, inita, iure hereditario adiit.

Ioannem Zapolianum, Transyluania Principem, factiofo-

PACIFICATIO HOMINVM STVDIIIS NON
CONSTITVITVR: NEGOTIVM EST CÆLESTE.



Cum Fratre CAROLO V. Imperio præfuit XXVII. annis:
folus imperavit annis VI. obiit ætatis anno LXI.

ctioforum quorundam ope, contra ius & fas, Hungariæ sceptro inhiantem, aduentus sui terrore in fugam egit, Regniq̃ue finibus expulit; ac singulari felicitate, sine cæde & sanguine, Budà metropoli potitus est.

Solymannum Turcarum tyrannum, qui, Zapoliano reducto, per Pannonias grassatus, vniuersæ Germaniæ iugum immanissimum minabatur, ac Viennam ccc. hominum millib. cinxerat, obsidionem soluere compulit: cùm Turcæ vices muros vr̃bis subiissent; vices à moenibus, virtute propugnatorum, cum ingenti clade repulsi essent.

Spectatà inde eius industrià, quam, absente & Hispanicis Italicisq̃ue negotiis Carolo Cæsare distracto, tum alibi, tum in Imperij Comitibus sæpenumerò probauerat; eiusdem Cæsaris voluntate, necnon communi Electorum ac Statuum Imperij consensu, Rex Romanorum, Fratrisc̃que in Imperio successor renuntiatus est Colonia, anno c. d. c. xxxi. Nonis Ianuar. & mox iiii. Idus eiusdem mensis Aquisgrani, more solito, coronà donatus.

Bellum Saxonicum cum Fratre Cæsare feliciter gessit, atque in conflictu Milburgico animum inuictum vereq̃ue regium ostendit.

Bohemorum quorundam contra ipsum seditiones, paucorum poenà contentus, sapienter compescuit: sanatisq̃ue Principum animis exulceratis, pacem Imperio donauit.

Wirtembergicam Ditionem Vdalrico restituit, titulo, necnon successionis & clientelæ iure, sibi suisq̃ue referuato.

Imperij diadema, sceptrumq̃ue, Carolo Aug. Fratre suo

fuo illud abdicante, principio anni CIO. IO. LVIII. pleno iure suscepit.

Germaniam nefariis opinionibus ac dissidiis discordem ad Catholicæ Religionis vnitatem reducere assidue laborauit.

Manfuetudo, comitas, affabilitas, erga homines religiosos ac litteratos amor, tantus in eo enituit, planè vt Imp. Cæs. Ferdinandi II. Auum, ac Ferdinandi III. Aug. nunc feliciter Orbi imperantis, Proauum fuisse agnoscas.

Obijt, magno sui relicto desiderio, Viennæ VIII. Kalend. August. anno Sal. CIO. IO. LXIV. Sepultus est Pragæ.

Vixit annos LXI. mens. IV. dies XV.

Imperauit ann. VI.

MAXÆMILIANVS II.

ExPompâ
Introitus
FERDI-
NANDI
AVSTRIA-
CI, Hispa-
niar. In-
fantis, in
Orbem
Antuer-
piam,
C. Geuar-
tio An-
tore de-
scripâ.



VA M fausta felixque successio, optimis & clemen-
tissimis Cæsaribus, lætissimâ Imperij propagine,
recensendis!

MAXÆMILIANVS II. Imper. Cæs. Ferdinandi I.
Filius, natus est Viennæ ipsis Kalend. Augusti, anno
CIC. IC. XXVII. Matre Annâ, Vladislai, Hungariæ & Bo-
hemie Regis, Filiâ.

Primum in re militari tirocinium fecit sub Cæsare Ca-
rolo V. Aug. Patruo suo, bello Smalcaldico duobus equi-
tum mill. præfectus: & iam tum non pauca excelsi animi
ac virtutis heroicæ documenta illustria edidit.

Alterum & vigesimum ætatis annum agens, Bohemie
Rex designatus, in Hispaniam profectus est; vbi Mariam,
primogenitam Imp. Cæs. Caroli V. Aug. Filiam, in vxo-
rem duxit, Hispaniarumque Regnis, Soceri vice, præfuit:
dum euocatus in Germaniam Inferiorem à Patre Cæsare
Philippus Princeps, Belgicas prouincias sacramento fide-
litis sibi obstringit.

Triennio Hispaniarum Regnis moderandis exacto, cum
Vxore ac Liberis, Barcinone Genuam appulit: atque inde
per Mediolanum, Tridentum, ac Ænipontum, in Au-
striam est reuersus.

Intra anni vnus spatium, trium Regnorum diademate,
Bohemici, Romani, & Hungarici, raro felicitatis exemplo,
(quod Alberto II. Aug. etiam obtigit) donatus est.

Post Ferdinandi Parentis obitum, Imperij administra-
tionem

CLVI.

DOMINVS PROVIDEBIT.



Vixit annos XLIX. mens. II. dies XII. Imperauit ann. XII.

Bbb

tionem suscipiens, Duce Lazaro Suendio, in Ioannem Sigismundum, Transylvaniae Principem, auxiliis Turcicis subnixum, arma conuertit; ac munitissimas vrbes, Tocaum, Vesprinium, Tatam, aliaque oppida illi ademitt.

Solymanno Turcarum Imp. infinitis ex Asia atque Europâ contractis copiis, anno CIO. ID. LXVI. in Pannoniam irruenti, ipse xxv. Equitum & Lxxx. Peditum millia secum ducens, obuiam progressus est.

Et cauta potius consilia cum ratione quam prospera ex casu secutus, castris ad Iaurinum positis, in omnes Solymani conatus inuigilabat; cum binos exercitus, Ducibus Ferdinando & Carolo, Fratribus suis, Regni finibus tutandis providè misisset.

Zigetum urbem Sultanus obsedit: quam licet Nicol. Comes Zerinius acerrimè propugnaret, tandem tamen post mensis vnus obsidionem expugnata fuit; ipso Comite Zerinio, cum insigni nobilium Hungarorum manu, à Barbaris interempto; at non inulto.

Quippe non tantum xx. hostium millia in eâ obsidione caesa sunt; sed & ipse Barbarorum Ductor Solymanus locum illum sibi fatalem sensit. Triduo enim ante urbis expugnationem, fremens frendensque, maximâ spe suâ, quâ Viennam, ipsamque iam deuorat Germaniam, se excidere, infelicem exhalauit animam.

A morte Sultani, in Thraciam regressus est eius exercitus: & Ioannes Sigismundus, solutâ Toca oppidi obsidione, in Transylvaniam se recepit: atque ita liberatâ ingenti metu Germaniâ, certa salus cunctis oborta est: ipseque Cæsar, dimissis copiis, post lustratum Comaronium, Viennam est reuersus.

Ex

Ex Mariâ Coniuge IX. Filios & VI. Filias suscepit:
 è quibus Annam Philippo II. Hispaniarum; & Isabellam
 Carolo IX. Galliarum, Regibus elocauit.

Post Henrici Valesij Regis ex Poloniâ in Gallias disces-
 sum, in Regem Polonorum electus est MAXÆMILIANVS;
 sed præproperâ morte ereptus, Regnum non adiit.

Viros eruditos eâ humanitate ac munificentia fouit, ut
 eius Aula plures litteratos habuerit quàm aliorum tota
 Regna.

Multarum linguarum ita peritus fuit, ut cum Rege
 Mithridate certare potuissè videatur: nam præter idioma
 Germanicum, Latinè, Hispanicè, Italicè, Gallicè, Hunga-
 ricè, Bohemicè ac Belgicè disertè & expeditè loquebatur.

Plurimum curæ, sollicitudinis atque sumptuum impen-
 dit, ut nascentes apud Belgas bellorum ciuiliū motus com-
 poneret; sed meliori id consilio est conatus quàm euentu.

Multum illi vel hoc nomine debet Belgica, quòd duos
 eius Filios, Ernestum & Albertum, Archiduces; illum qui-
 dem pro Philippo II. Hispaniarum Rege harum prouin-
 ciarum Moderatorem; hunc verò, ductâ Isabellâ Clarâ Eu-
 geniâ, Philippi Filiâ, etiam Principem ac Dominum, feli-
 citer sortita fuerit.

In Comitibus Ratibonensibus, præmissâ Rodolphi II.
 Filij sui inauguratione, vitâ excessit, anno sal. MD. LXXVI.
 IV. Idus Octob. Conditus est Pragæ in Basilicâ Cathedrali.

Vixit annos XLIX. mens. II. dies XII. Imperauit ann. XII.

RODOLPHVS II.

*Ex Pompâ
Introitus
FERDI-
NANDI
AVSTRIA-
ci, Hispaniar.
Infantis in
Orbem.
Antuer-
piam, C. Geu-
tius An-
dree de-
scriptâ.*



RODOLPHVS II. Imp. Cæs. Maxæmiliani II. Aug. Filius, nascitur Viennæ Austriæ, xv. Kalend. Sextil. anno CIO. IO. LII. Matre Mariâ, Imper. Cæs. Caroli V. Aug. Filiâ.

Adolescens in Iberiam ad Philippum II. Hispaniarum Indiarumque Regem, Auunculum suum, vnâ cum Fratre Ernesto Archiduce se contulit; vbi Regum Maximi ac Sagacissimi consuetudine Ciuilem omnem Prudentiam imbibit.

In Germaniam post septennium reuersus, vigesimo ætatis suæ anno, in Hungariæ; & triennio post, in Bohemiæ ac Rom. Regem inungitur: moxque à morte Cæsaris Parentis sui, eidem in Imperio, consentientibus vtriusque Ordinis Principum suffragiis, succedit.

Sub ipsis Imperij primordiis Carolopolim, munimentum fortissimum, Turcarum incursionibus coercendis, in Illyrico excitauit.

Gebhardum Truchsesium, Coloniensem Præsulem, quod ab Orthodoxâ Religione palàm descuiisset, dignitate priuauit, ac Semptemuirorum Principum Collegio eiectum proscripsit.

Cum Amurate III. Turcarum Imper. nouennale induciarum foedus iniit; sed iis haud multò post per summam Barbarorum perfidiam violatis, vix aliàs vnquam grauiora Pannoniis bella intulere Turcæ quàm hac tempestate. At id non impunè.

Anno siquidem CIO. IO. XCIII. ad Sisacum, Croatiae arcem munitissimam, ab Hazane Purpurato Boznensi obsidione arctissimè cinctam, Cæsarianus exercitus supra xx. Turcarum mill. ad internecionem deleuit. Præter Hazanem Ducem, rupti foederis auctorem, & Mahemetem, Amuratis Sultani ex sorore nepotem, XII. Prouinciarum Præfecti occubuerunt. Signa militaria omnia & castra cum tormentis impedimentisque vniuersis capta
&

CLVII

381

A. D. S. I. T.



Vixit annos LIX. mens. VI. Imperauit ann. XXXVI.

Bbb 3

& direpta; cùm ex Cæsarianis vix l. essent desiderati.

Nec multò post, ad Albam Regalem, Hungariæ urbem, cum Turcis denuò atrox prælium commissum est; eo euentu, vt, cùm hostilis Equitatus prosterni à Cæsarianis ad vtrumque aciei latus Peditatum & Prætorianas cohortes conspexisset, pauore ingenti correptus, nec primum nostrorum impetum ferre potuerit, quin illicò relictis tormentis in effusam fugam se dederit, Peditum vi. Equitum iv. millib. amissis. Atque ita de foedifragis Barbaris ultores Superi non dubias pœnas exegerunt.

Zabatica item, Filecum, Deninia aliæque plurima Hungariæ Superioris oppida & arees, quas xxx. amplius annis hostes tenuerant, vnà expeditione recuperata sunt.

Cum Sigismundo Bathorio, Transylvaniæ & Walachia Principe, vicinisque Regulis foedus de bello Turcis iunctis viribus inferendo Cæsar percussit: tantaque animorum contentione aduersus immanissimum Christianæ Religionis hostem tunc itum est, vt plurimis Byzantio proximis munitionibus feliciter occupatis, grauissimisque cladibus illatis, ipsa barbari Imperij sedes contremisceret.

Strigonium, Hartuanum, Alba Regalis, Iaurinum, Vespriinum, aliæque non ignobiles Hungariæ, Dalmatiæ & Croatiae arces à Cæsarianis sunt expugnatae.

Varadinum oppidum, à validissimo c. xl. mil. Turcarum ac Tartarorum exercitu sex & triginta diebus continuis acerrimè oppugnatum, à nostris fortiter defensum est.

Mahemetes Hodabendes, Persarum Rex, præcellentium in RÖDOLPHO Aug. virtutum famâ prouocatus, splendidissimis legationibus non semel missis, eius amicitiam vltro ambiit; vtque in communi hoste armis persequendo secum pergeret, hortatus est.

Post bellum totis annis xv. cum Ottomannis, Patre, Filio & Nepote gestum, ad Pacis desiderium compulsis Barbaris, inducias annorum xx. cum Achomate, Turcarum tyranno, v. Eid. Nouemb. anno c. d. d. c. vi. ad Comaronium pepigit, Boscainam factionem, & intestinos Procerum

Procerum motus oppressit: Transylvaniam Hungariæ Regno restituit.

Ioanne Gulielmo, Iuliæ ac Cliuiæ Duce, sine liberis mortuo, natisque de hereditatis iure Neoburgicum inter & Brandenburgicum aliosque Principes controuersis, arbiter & sequester Cæsar Leopoldum Archiducem, Patruelem suum, cum iustis copiis in eas Prouincias delegauit: à quo Iuliacum aliaque oppida sunt occupata.

Ernestum, Matthiam, & Maxæmilianum Archiduces, Fratres suos, supremos militiæ aduersus Turcas Præfectos habuit; eorumque virtute Barbaris obiecta, securus ipse remissiorque quibusdam visus est: ast ubi res postulabat, erectus & acer, ingentibus negotiis par erat. Et omnino nec bello felicitas, nec pace magnificentia illi defuit. Incredibilis rerum omnium peritia, iudicium elimatum, maturum consilium ei famam dabant: adeoque, sedendo vincere dictus est.

Omnium bonarum artium, & Matheleos in primis, fautor & patronus singularis exstitit; cum & ipse suas Orbis terrarum sceptris assuetas manus ad eruditum illum puluerem demittere non dedignaretur.

Picturarum elegantis ita est delectatus, vt quascunque Orbis haberet eximias nobilium Artificum tabulas, sumptibus & impensis maximis sibi compararet.

Demum Regnis & Prouinciis omnibus Matthiæ Archiduci, Fratri suo, resignatis, decessit Pragæ anno salutis C 10. 100. XII. Pridie Idus Ianuar.

Vixit annos LIX. mens. VI. Imperauit ann. XXXVI.

M A T T H I A S I.

ExPompâ
Inuolutus
FERDI-
NANDI
AVSTRIA-
CI, Hispani-
ar. In-
fantis, in
Orbem
Annu-
piam,
C. Geuar-
tio & Au-
tore de-
scriptâ.



MATTHIAS I. Imp. Cæs. Rodolphi II. Aug. Frater, natus est Viennæ anno CIO. IO. LVII. die XXIV. Februar. D. Matthiæ sacro; felici sanè omine & nomine. Siquidem variis aduersus Turcas conflictibus virtus eius toties spectata fuit, vt inuictum illum Matthiam Hunniadem Coruinum, Hungariæ Regem, Otomannici nominis terrorem, in illo renatum crederes.

Adolescentia eius ab Augerio Gislino Busbequio, Belgâ, Imp. Cæs. Ferdinandi I. Aug. ad Solymannum Turcarum Imp. Exlegato, optimis moribus ac disciplinis informata, & de re militari contra Turcas instituendâ copiosè instructa fuit.

Ernesto Archiduce, Fratre suo, ad Belgicarum Prouinciarum Gubernacula nomine Philippi II. Hispaniarum Regis profecto, Pannoniæ Prorex, supremusque Cæsarei exercitus aduersus communem Christiani nominis hostem Ductor, in eius locum surrogatus est.

Præfecturæ suæ primordia feliciter auspicatus, ductis in Turcas copiis, Nouogradum expugnat: Sinanin Purpuratum cum centum armatorum millibus à Comaronij obfisione fugat.

Strigonio & Vizegrado victor potitur: ipsamque Budam magnâ vi & conatu est adortus, vrbe inferiore occupatâ; sed ob grauissimas cæli tempestates pluuiasque inusitatas obsidionem soluit; cùm eodem die Turcæ à Varadino obfesso castra mouere ob eadem incommoda coacti essent.

Hazanem

FIRMATVM CÆLITVS OMEN.



Vixit annos LXII. dies XXIV. Imperavit annos VI. mens. IX.

Hazanem Bassam ad Albam Regalem magnâ clade fundit, v. millib. Turcarum & Tartarorum cæsis, atque inter alios, Murate Budensi, & Mahemete Quihaia, supremis castrorum Præfectis.

Et hæc quidem fortiter ab illo gesta; istud verò prudenter, quòd in diuersa tractos Procerum Hungarorum animos magnâ iudicij dexteritate conciliauerit, Pacemque Regno restituerit.

Post vicennales cum Achomate, Turcarum Sultano, pactas inducias, Austriam cum Moraviâ ex cessione Cæs. Fratris sui accepit.

Anno CIO. IDC. VIII. Posonij in Regem Hungariæ, & triennio post, Pragæ in Regem Bohemiæ est inauguratus.

Mox Annam, Ferdinandi Archiducis, & Annæ Mariæ, Mantuanæ Principis Filiam, magnifico apparatu Viennæ in Vxorem duxit.

Rodolpho Aug. Fratre sub initium anni CIO. IDC. XII. ad meliorem vitam translato, MATTHIAS promerito pridem virtute ac laboribus suis Romani Imperij diademate à Septemuiris Principibus Francofurti insignitus est III. Eid. Iul.

Aquasgrani & Vesaliæ, aliæque oppida ad Rhenum sita, suis & Alberti Archiducis, Belgarum Principis, Fratris sui, auspiciis, ductu Ambrosij Spinulæ feliciter occupauit.

Cùm se prole destitutum cerneret, consentientibus Archiducibus Maxæmiliano & Alberto, Fratribus suis, Filium adoptauit Ferdinandum Austriacum, Stiria, Carinthia,

rinthiæ & Carniolæ Ducem, Patruelem suum, eundemque in Bohemiæ & Hungariæ Regna successorem designauit.

ANNO CIO. IDC. XVIII. dum Cæsar Viennæ afflictiore valetudine languet, coniurati Bohemiæ Proceres, globo armatorum facto, Arcem Pragensẽ cum Armamentario ac Aulâ Regiâ occupant: inque conclaue vi irrumpentes, è Regni Gubernatoribus, aliis è sublimi Aulæ fenestrâ in subiectum solum deturbatis, aliis proscriptis, velut furore lymphati populum ad libertatem vocant.

Qui præcipientes acti fuerant, Deo suos protegente, salui atque incolumes, magno omnium stupore, surrexerunt. Omen haud obscurum, Austriacam Familiam è tempestate istâ, quâ vix vniquam grauior Augustæ illi Domui incubuit, non modò incolumem, sed & auctis viribus valentiorẽ euasuram.

Atque istud eius procellæ initium fuit, quæ Bohemiam & Hungariam, finitimasque Prouincias non paucas, in rebellionem, velut scopulum, adegit; totamque Germaniam, annos iam x x. & quod excurrit, continuos, Europâ vniuersâ in partes secedente, velut diluuiò quodam inuoluit.

Cæsar integrum ferè annum cum perduellibus vario euentu luctatus, è viuis Viennæ decedit XII. Kalend. Aprilis anno CIO. IDC. XIX.

Vixit annos LXII. dies XXIV. Imperauit ann. VI. mens. IX.

FERDINANDVS II.

ExPompâ
Introitus
FERDI-
NANDI
AVSTRIA-
ci, Hispaniar. In-
fantis, in
Urbem
Anmer-
piam,
C. Geuar-
tio Au-
tore de-
scripsi.



VÆ tria in laudatissimis Imperatoribus potissimùm commendantur, Sanctitas domi, in armis Fortitudo, vtrobique Prudentia; ita hæc in Imp. Cæs. FERDINANDO II. Aug. pariter enituere, vt velut concentu ac temperamento quodam virtutes miscuisse vide-
retur.

Natus est Grætij in Stiria v. II. Eid. Iul. an. CIO. IDC. LXXVIII. Patre Carolo Archiduce, Imp. Cæs. Ferdinandi I. Aug. Filio, Stiria, Carinthia ac Carniolia Duce; Matre Maria, Alberti Bauaria Ducis Filia.

Adolescens in Italiam profectus, Lauretanam Deipara Ædem insigni Pietatis studio adiens, omnem operam suam in reuocandis ad Orthodoxam Religionem subditis populis sanctè vouit.

In patriam redux, Mariam Annam, Guliel. Bauaria Ducis Filiam, anno Sæculari CIO. IDC. ad IX. Kalend. Maij, Vxorem duxit.

Ad solemnia Imperij Comitia Ratisbonæ indicta, anno CIO. IDC. VII. à Rodolpho Cæsare est delegatus, eiusque loco iis præfedit: vt iam tum, quod moderaturus olim erat, aptaretur Imperio.

Venetorum in Foro Iulij infesta arma, per triennium illata, feliciter repulit.

In Bohemia Regem, anno CIO. IDC. XVII. ad III. Kalend. Iul. Pragæ; & sequenti anno, Posonij, ipsis Kalend. Quintil. in Hungaria Regem solemnî pompâ coronatus est.

Imp. Cæs. Matthia Aug. è viuis sublato, FERDINANDVS à Septemuiris Principibus Francofurti Romanorum Imperator eius nominis II. est renuntiatus v. Kalend. Septemb. anno CIO. IDC. XIX.

Tum verò, excitati paulò antè ab hæreticis rebellionis motus, in apertum scelus erupere. Bohemi, FERDINANDO contra ius & fas abdicato, Fredericum, Comitem Pala-

CLIX.

LEGITIME CERTANTI.



Vixit annos LVIII. mens. VII. dies VI. Imperavit ann. XVII.
mens. V. dies XVIII.

Palatinum Rheni, Regem Pragæ proclamarunt. Moravi, Silesij, Lusatij, & Austriaci superiores; nec non confœderati Principes, Wirtembergicus, Hesus, Anhaltinus, Ansbachius, Durlachius, aliq̃ue Germaniæ Reguli, & Ciuitates aliquot Imperiales, cum Batauis, Palatini partibus se adiunxerunt.

Hungari Gaborem Bethlenium, Transyluania Principem, Ottomanicis Tartaricisque auxiliis fretum, itidem Posonij in Regem elegerunt.

Cæsar interim, Orbis propè vniuersi in ipsum conspirantis viribus vndique circumfessus; Boiohemicis, Marcomannicis, Germanicis, Pannonicis, Dacicis, Turcicis, Scythicis armis illum oppugnantibus, causâ suâ æquitati ita confidebat; vt frequenti sermone affirmare auditus sit: Vrbes, Prouincias, Regna, Imperia, vitam ipsam sibi prius, quàm animum constantiamq̃ue ad propugnandam Dei & Religionis causam, defuturam.

Post tentatas à clementissimo Principe frustrâ omnes cum perduellibus Pacis conditiones, ad arma ventum. Auxilia & suppetias validas Philippus III. Hispaniarum & Indiarum, Sigismundus Polonia, Reges; Albertus, Austria Archidux, Belgarum & Burgundionum Princeps, FERDINANDO submisere. Saxoniæ item & Bauariæ Duces, Cæsari fidi, cum Ecclesiasticis plerisque Germaniæ Principibus inito foedere, exercitum haud modicum, Ductore Bauaro, conscripserunt.

Austria superiore ad obsequium Cæsaris redactâ, in ipsam rebellionis arcem Pragam communibus armis animisque itum est.

Ad vrbs tergeminæ & copiosissimæ moenia, in Albi montis vertice, iuxta Stellam (id palatio nomen est) hostilium copiarum Ductor Anhaltinus Princeps castravallo munita collocarat: ea supra xxv. armatorum millia explebant. Cum his, ductu fortissimi Principis Maxæmiliani, Bauariæ Ducis, & Caroli, Comitæ Bucquoij, Belgæ, loco licet iniquissimo, de Religione, de Imperio, collatis signis, certatum est.

Cæsa-

Cæsariani in accliuem collem eniti, fessi hostem aut inuadere, aut excipere coacti. Nihilominus, singulari diuini Numinis ope, fusæ fugatæque hostiles copiae: v. amplius millia caesa: mille circiter Moldâ flumine absorpti: supra quingentos capti: atque inter illos, Principis Anhaltini Filius natu maximus, Stirumius, Slichius, & Rhenanus, Comites. Centum plus minus vexilla, & x. tormenta maiora, adempta. Castra denique omnis opulentiae plena sunt direpta. E Cæsarianis vix ducenti cecidere.

Palatinus cum vxore ac Proceribus aliquot in Silesiam fugâ euasit. Et qui pridem Romanum spe deuorat, Imperium, vix quo se tutò reciperet, reperit: errabundus in Batauiam paulò post dilapsus.

Obtigit caelestis hæc victoria anno CIO. DC. XX. sexto Idus Nouemb. Dominico die, quo Ecclesia vniuersa istam Dei exercituum vocem, velut pugnae tesseram, & victoriae auspicem intonabat: REDDITE QVÆ SVNT CÆSARIS, CÆSARI; ET QVÆ SVNT DEI, DEO.

Praga altero post pugnam die Cæsarianis se dedit: & praesidiariorum in eâ vrbe militum i v. millia victricibus castris se adiunxerunt.

Bis vicisse Cæsar visus est: primùm armis, mox clementiâ; quâ ipsius victoriae victor id vnum spectauit, vt perduellibus posset parcere. Nemo damnatus est, nisi pertinax in iniuriâ. Periere, qui nolere optimo Principi vitam debere.

Fredericus Palatinus, cum Anhaltino, Iagerdorffio, Hohenloio, aliisque hostibus, proscriptus, non tantum Regno quod inuaserat, sed & Proauito Principatu exutus est: Palatinatus ad Rhenum parte Inferiore, ductu Marchionis Spinulæ; parte Superiore, duce Tyllio, Belgâ, Bauari Legato, occupatâ.

Heidelberga, vetus Principum Palatinorum sedes, operibus & praesidiis munitissima, expugnata & direpta est.

Inter spolia longè nobilissimum fuit, Bibliotheca Palatina, ingenti Principum Electorum, cum Ptolemæis Attalisque Regibus magnificentia certantium, studio & impensis

penſis maximis vndique congeſta, ac præcellentium in omni diſciplinâ Auctorum veterum, Hebræorum, Græcorum & Latinorum monumentis membranaceis, & manu exaratis codicibus inſtructiſſima. Hæc partim Bauariæ Bibliothecæ illata; partim Romam, velut in triumphî pompam, auecta, & Gregorio XV. Pont. Max. dono data, Vaticanæ Bibliothecæ, ornamentum illius non minimum futura, adiuncta eſt.

Septemuiratus quoque dignitas, Frederico erepta, in Maxæmilianum, Bauariæ Ducem, eſt translata: atque interim deleti non ſemel, variis locis, Durlachij, Halberſtadij Nothique Mansfeldij, perduellium, numeroſiſſimi exercitus: ac ſinguli anni ſingulis aut geminatis victoriis diſtincti. Gabor item Bethlenius, Daciæ Princeps, pacem cum Cæſare iniit.

Cum tranquillitatis toti Imperio reſtituendæ ſpes eſſet, Danorum Rex iam panè fracta confœderatorum Principum arma refouens, è Saxoniæ Inferioris Prouinciis bellum Cæſari intulit. Sed vberem gloriæ ſegetem, palmasque nouas illi peperit, dum antiquas fruſtrâ conatur extirpare. Etenim, copiis eius ad Calembergam, Luteram atque alibi caſis & proſtigatis, felices FERDINANDI Aquilæ, quidquid Viſurgim & Albim interiacet, ad Oceanum uſque Germanicum, victoriis emenſæ ſunt. Mox & Holſtriâ, totaque quàm latiffimè patet, Cimbricâ Cherſoneſo ſubactâ, Danus ad Pacem à Cæſare petendam compulſus eſt.

Acceſſit demum ex vltimo Septemtrione excitus Suecorum Rex, Guſtauus Ataulphus, vt intima Germanici Imperij viſcera nouæ & bellicoſiſſimæ gentis irruptione denuò quaterentur.

Hic priſcæ Gothorum Regum gloriæ æmulus, immania Sueconum, Finnorum, Lappionumque agmina, non magis indigenâ & cognato ferro, quàm cælo ſuo armata, ſecum trahens, velut Aquilonis aut fulminis alis ſubuectus, vniuerſam à Baltico mari, aduſque Rheni & Danubij fontes Alpeſque Rhæticas penetrauit Germaniam.

Poſt

Post Stralofondiam à Cæsarianorum obsidione assertam, Rugiamque insulam occupatam, in Continentem ex-
fensu facto, cum Vandalorum Principe Bogislao, Pomerania Duce, foedus init: ac Stetini, eius prouinciæ metropoli, belli sedem figit. Moxque Gallicæ, Britannicæ, Mosco-
uiticæ, aliorumque Principum ac Rerumpublicarum legationes, militis ac stipendiorum subsidia pollicentes, illum excepere.

Cæsarianos, qui post Danicum bellum in Pomerania ac Megapoli passim statua habebant, aggressus, vrbes munitissimas, Vologastum, Gripsovaldiam, Garthium, Griffenhagam, Deminum, Colbergam, Lansbergam, aliaque oppida pænè innumera, aut armis aut deditione in potestatem suam redigit: ipsumque ad Viadrum Francfurtum, quod præfidiariorum millia septem infederant, vno eodemque die expugnat. Hinc Albim versus mouens, Tangermundam, Verbenam & Hauerbergam intercipit. Iamque palam Brandenburgicus Marchio Gustavi, affinis sui, partibus accesserat. Hunc secutus Saxoniae Dux cum xxiv. armatorum millibus, eidem se adiungit.

Itaque cum vires vndique illi accreuissent, ad Lipsiam (vbi paullo ante Protestantes Principes nouo foedere se obstrinxerant) cum Cæsareo exercitu congressus, veteranum & inoffensis victoriarum cursibus assuetum Ducem, fractaque Magdeburgensium peruiaciâ nuper ouantem, ingenti clade afficit, castrisque exiit.

His successibus ferocior, cum insuper Hamiltonius Marchio Britannorum viii. millia, auspiciis Suecicis militatura, iam adduxisset, Merseburgo, Halâ & Erfordia præsidio firmatis, in florentissimas Principum Fœderis Catholici prouincias irrumpit: ac flammæ instar, quæ vicina quæque corripit, Franconiam vniuersam depopulatur. Herbiopolis adequitantem portis stupet, quem multorum dierum itinere abesse credebat. Bamberga, quam magno auri pondere Antistes redemerat, mox contra

D d d datam

datam fidem inuaditur: Cæsarianorum militum ardore, post Lipsiensem cladem, haud parum remisso.

Frankfurtum, Hanouia, aliaque ad Mœnum Rhenumque oppida sese dedidere. Quod exemplum Norimberga, Argentoratum, Spira, pluresque ciuitates Imperiales secutæ sunt. Hassiæ item Lantgrauius, cum x. suorum millibus, Gustauī castris se adiunxit.

Palatinatus exinde magnam partem expugnat: traiecitque Rheno, ac Oppenheimio subactō, Maguntiacum, post dierum aliquot obsidionem, ad deditiōem compellit, ac Confluentes usque cedentia omnia armis suis sensit. Congestos interea ex Ecclesiasticorum spoliis, Templorum opulentissimis donariis, Diuorum aureis argenteisque signis, & deditarum fœderatarumque urbium tributis ac subsidiis thesauros immensos in Sueciam transmittit; prorsus quasi gentile Regni sui æs ferrumque in aurum Germanicum commutare niteretur.

Cæsar, ingrauescentibus indies publicis malis, aliisque alibi perduellibus, Hydræ instar, succrescentibus, de nouo exercitu conscribendo seridè cogitabat: quod Tylilius Comes, Cæsareis ac Fœderis Catholici copiis solus iam Præfectus, tot hostibus, & præsertim per prouincias disiunctissimas latè grassantibus, par esse propulsandis non posset.

Itaque Albertum Valsteinium Fridlandium, pridem exercitus sui Præfectum supremum, ac deinde ob querimonias Principum quorundam, quibus eius Fortunæ splendor oculos præstringebat, exauctoratum, rursus ad summum militiæ Cæsareæ fastigium vocat. Hic magnis illico delectibus habitis, vix trimestri spatio iustum exercitum comparat: Pragam à Saxone occupatam recipit, & vniuersâ Bohemiâ eundem pellit.

Sueci interea, Hornij ductu, Alsatiâ pænè totam in potestatem suam redegerant; Carolo, Lotharingiæ Duce, nequidquam obnitente, quod Galli eius ditionem infestis signis inuaderent. Cùm deinde Palatinatus Inferioris oppida

pida non pauca Hornius occupasset, paulò pòst ad Bambergam ingenti strage à Cæsarianis, Ductore Tyllio, profligatur, duobus Suecorum millibus cæsis.

Quare Gustauus ipse Francofurto ad Mœnum (illic Reginam, coniugem suam, Stetino; & Fredericum Palatinum è Batauiâ, ad se venientes exceperat) digressus, Cæsareos insequens, Donauerdâ potitur, ipsumque Tyllium ad Lycum amnem alterâ clade fundit.

Inde, Augustam Vindelicorum, urbem longè splendidissimam, ac situs opportunitate Germaniæ opprimendæ Italiæque inuadendæ commodissimam sibi visam, in deditionem accipit: ibique scenâ iam detectâ, qui Germanicæ Libertatis à Cæsare (vt perduelles criminabantur) oppressæ vindicem se venisse credi voluerat; ipsam mox Libertatem aggressurus, ciues Augustanos, tamquam Suecico Sceptro subditos, in sua, vt legitimi Principis & Domini, verba adigit: urbemque nouis, iisque validissimis propugnaculis muniri curat, ac Suecici Imperij sedem destinat.

Dehinc Ingolstadium, munitissimam ad Danubium urbem, obsidione cingit: atque illic demum hærens quasi deprehensa Felicitas Gustauum vinci posse docuit. Quippe, vbi tentatâ sæpiùs expugnatione, suos fortiter repelli animaduertisset, atque ipse, equo, cui insidebat, grauioris tormenti pilâ interempto, humi stratus, grauiissimum periculum adiisset, obsidionem maturè soluit: ac Bavarix vniuersæ incumbens, Monachium, vbi Ducis Aula est, ad deditionem compulit; faces ciuitati pulcherrimæ subiicere comminatus, ni ccc. dalerorum millibus commune excidium ciues redemissent. Mox in Rhatiam conuersis armis, Ulmam & Memmingam, aliasque illius tractus vrbes deditione accipit; Lindauio (vnde propinquus in Insubriam aditus) frustra tentato.

Nam, dum hæc geruntur, Fridlandius cum instructissimo .xxx. millium exercitu ex Bohemiâ descendit, alteroque à Norimbergâ lapide castra ponit.

ne foederatæ vrbi deesset, & ipse copias suas è Rhætia trāductas, trans Pegnesum amnem, cui Norimberga assidet, locat.

Bauariæ Dux Monachio, aliisq̃ue ditionis suæ oppidis interim recuperatis, cum xx. suorum millibus ad Fridlandium properat, vt iunctis viribus Gustauum opprimerent. Is Cæsarianorum castra noctu aggressus, iisdem strenuè fortiterq̃ue pugnantibus, ter mille circiter è suis amisit.

Cùm deinde in Franconiam Gustauus secessisset, & mox in Saxoniam, quò Cæsariani digressi erant, viribus auctior aduentaret; Fridlandius Papenheimium Comitem, qui Halam in proximo iam expugnat, propere accersit.

Ad Lutzenium oppidum, haud procul Lipsiā, iisdem panè, quibus anno superiore decertatum fuerat campis, Imperij Orbisque terrarum fata commissā sunt. Ac primo Suecorum impetu mediæ aciei frons laeuumq̃ue Cæsarianorum cornu paulum inclinare, donec à Fridlandio & Papenheimio, suis subsidio aduolantibus, restituta sunt: cùm ecce Gustauo Ataulpho, Cæsarianæ aciei frontem propius aggresso, maioris sclopi glande sinistrum brachium comminuitur. Vnde mox linquente animo, dum à suis extra aciem abducitur, in Cæsarianorum Equitum legionem incidit: à quibus vulneribus quinque confossus, vixdum sicum à Tyllianā clade solum Regio ipse sanguine imbuit; simulq̃ue ab ignaris quem interemerant militibus spoliatus, longè à destinatione suā iacuit.

Maiora etenim paulò antè meditatus, iamq̃ue Italiæ imminens, ad Europæ Imperium haud obscure adspirabat. Sed iusta Nemesis profundam hominis Ambitionem & portentosam dominandi libidinem in medio vt Iuuentæ, ita rerum gerendarum cursu extinxit.

Anno
Christi
cccc. xv.

Pari panè fato olim Ataulphus alter, & ipse Gothorum Rex, post occupatam ab Alarico eius affine Romam,

nam, Italianique vastatam, Barcinone, in Hispaniæ limine, cæsus est. De quo præstans æui illius Historicus refert (verba ipsius attuli) hoc eius fuisse votum, *Vt, oblitterato Romano nomine, Romanorum omne solum Gothorum Imperium & faceret, & vocaret; essetq; GOTHIA, quod ROMA fuisset; ac fieret ATAVLPHVS, quod quondam CÆSAR AVGVSTVS.* *Orosius lib. vii. cap. vlt.*
 Ast improba vota infelix exitus comitari semper solet.

Incidit Lutzenſe prælium in diem xvi. Nouemb. anni cico. dcc. xxxii. cum per biennium & menses aliquot, ex quo Holmiâ, Regni sui metropoli, digressus erat, Gustauus Ataulphus arma totâ circumtulisset Germaniâ. Ad xiv. milia vtrimque cecidiſſe fama est: maiori Suecorum clade, qui expectantes Cæsarianos iniquo loco adorti sunt. Vt autem illi Regem suum, ita hi præcipuè Papenheimium Comitem amiſſum lugebant; cuius eo die virtus in primis enituit.

Nec ſilendum hîc Excellentiffimi Herois Octauij Comititis Picolominei inuictum robur ardorque; qui poſt Papenheimij cædem, Equitatu Cæsareo in fugam conuerſo, ſolus cum ſuâ legione inter medios hoſtes intrepidè uſque ad prælij finem ſtetit; factaque ſepties irruptione, ac editâ latè ſtrage, quinque equis ſub ſe confoffis, ac ſex ictibus faucius, adhuc pugnans, optimi ibidem fortiſſimique militis ac ducis nomen, vt vbique, præmeruit.

Dum de immani Catholicæ Religionis ac Imperij hoſte cæſo victrix FERDINANDI Pietas triumphat, alter Cæsaris ac priſcæ Religionis hoſtis Fredericus, Comes Palatinus, prima Germanici belli fax, paucis poſt Guſtaui mortem diebus Maguntiaci contagione graſſante extinctus eſt. Ingens vterque mortalibus documentum, cæcâ humanæ mentis cupidine aliena & immodica cum exitio affectari, dum partâ auitæque ditione ſecurè frui queant.

At verò externa arnia feliciffimis auſpiciis ſuis propulſantem Cæsarem pænè infandum ſuorum ſcelus ac parri- cidium oppreſſit.

Albertus Valſteinius, Fridlandiæ ac Sagani Dux, è mo-

dicâ fortunâ ad supremam militiæ Præfecturam euectus, ac insuper Megapolitano Principatu aliisque maximis beneficiis à Cæsare donatus, maiores spes animo coquens, Bohemici Regni Sceptro inhiabat. Itaque (vt nihil sanctum, vbi mentem ambitus occupauit) præcipuis belli Ducibus ad defectionem sollicitatis, consilioque vnâ cum Suecis communicato, extremum Cæsari eiusque florentissimæ Stirpi exitium moliebatur.

Sed nefariâ conspiratione à Picolomineo Comite (cuius non minùs inconcussa Fides quàm inuicta Virtus pro Augustâ Austriæ Domo semper emicuit) aliisque Ducibus maturè detectâ, proscriptus Fridlandius, mox Egræ, Bohemiæ oppido, cum consciis cæsus, dignas concepti sceleris poenas luit: velut noua subinde Instabilitatis suæ ludibria & piaculares inauspicatæ Ambitionis victimas ostentante Fortunâ.

Publico proditore sublato, numquam aliàs clariùs sese Martia Austriacæ Gentis Virtus & Augusta Soboles exeruit, fortiusve lacertos mouit.

E disiunctissimis regionibus, hinc Ferdinandus III. Hungariæ & Bohemiæ Rex, post Ratisbonam & Donauerdam à se expugnatam, inde Ferdinandus alter, Hispaniarum Infans, geminæ illæ spes oculique Imperij, cum lectissimis copiis ad Norlingam conuenientes; ille Cæsaris, Parentis, hic Regis Catholici, Fratris sui, auspiciis, ductu suo, de Suecis & Imperij perduellibus, hostium Duce Hornio capto, Victoriâ post natos homines nobilissimam reportarunt anno CIO. IOO. XXXIV. ad VIII. Idus Septembris.

Exinde, cum Ludouicus Francorum Rex pridem Suecis confœderatus infesta in vtramque Germaniâ arma palam conuertisset, Cæsar cum Saxonie Duce pacem Pragæ iniit: quam & Brandenburgicus Marchio, Pomeraniæ, Luneburgi, Brunsvici, & Megapoleos Duces, alique Imperij Principes; vrbes item, Norimberga, Vlma, Francofurtum atque aliæ amplexæ sunt.

Fuit

Fuit omnino FERDINANDVS II. Principum benignissimus, clementissimus, liberalissimus : viuum Pietatis & Sanctitatis exemplar. Incredibili autem animi Æquabilitate semper sui similis, nec secundis efferri, nec aduersis deprimi vnumquam visus est.

Ratisbonâ Viennam redux, obiit, vt vixerat, placidissimè, ad xv. Kal. Martij, anno Salutis MDCCXXXVII. Ætatis suæ LVIII. mense VII. die VI. Imperij autem anno XVII. mense V. die XVIII.

Felicitatis præcipuâ in parte illud memorandum, quòd iam senior, Valetudine labente, bimestri ferè ante obitum suum spatio (Superis nempe vitam ad hoc eius votum prorogantibus) in Regem Romanorum, sibi que in Imperio Successorem Ratisbonensibus Comitibus declaratum viderit Filium suum, FERDINANDVM III. Aug. annis armisque florentissimum: & in quo Virtutes simul omnes elucet, quæ singulæ in Maioribus eius prædicantur. A quo Principe vt nouam laudatissimorum Cæsarum, sæpiusque iteratam seriem Orbi Terrarum Superi indulgeant, & Augustissimæ Familiæ in Rempub. Christianam merita, & piorum vota flagitant.

Abstine à Diuinâ illâ Domo profanos oculos tuos, infelix Liur. Quid solidis Imperij fundamentis, PIETATE ET IUSTITIA nixam frustra laceassis ? Patere illam Generi Humano, diu ægro & affecto, mederi. Perstet, perennetque Fortitudinis Arx, Clementiæ Ara, Iustitiæ Delubrum, Religionis Propugnaculum, Virtutum omnium Sacrarium.

Symbolum Imp. Cæf. FERDINANDI III. Aug. PIETATE ET IUSTITIA.

FERDINANDVS III.

ELOGIVM
hoc scribe-
bat Casp.
Genarivs
Iurisc.



QVOD præclare à Platone dictum est ; tum de-
mum Regnis ac Imperiis, adeoque Generi Hu-
mano Malorum calamitatumque finem affore,
cùm Potentia & Sapientia simul iunctæ in vnum
coiissent ; id sanè Æuo nostro, reipsâ palàm futurum,
Spe certâ vt ominemur, animoque præcipiamus, licet.
Is enim Orbi Christiano Imperator cælitus obtigit, in
quo transmissâ ab Augustissimâ XII. CÆSARVM, Re-
gumque Catholicorum, & Serenissimorum AVSTRIÆ
Archiducum Stirpe ac Magnitudine Potentiam, atque à
Diuinâ Indole, singularique Naturæ prærogatiuâ insitam
Sapientiam pariter elucere suspicimus.

IMP. CÆS. FERDINANDVS III. Aug. DIVI FER-
DINANDI II. & Mariæ-Annæ Bauaræ Aug. Fil.
natus est in proauitâ Illyrici Prouinciâ, Styriâ, Græziæ,
quæ Ducatus est Metropolis, anno Salutis M. DC. VIII.
tertio Nonas Iulij.

Pueritia eius Pietate & bonarum Litterarum studiis
ad miraculum exulta est. Matheseos omnis, Reique
& Architectonices Militaris, exactam sibi notitiam
comparauit. Nec minus foleter abdita Naturæ arcana
perscrutatus est incredibilis eius Ingenij vigor, omnium-
que quæ Cælo continentur capax Sublimitas. Prisca
Sacrae ac profanae Historiæ monumenta, mediique ac po-
sterioris Æui res gestas sedulò excussit. Clarissimorum
Ducum Exemplis, ac Sapientum Monitis animum imbuit.

In primis autem, C. IVL. CÆSARIS exemplo, in
Chronologiâ, ac Temporum doctrinâ versatissimus,
(præeunte viro iis studiis exercitatissimo, P. Henr. Philip-
pio, Belgâ, ex eruditâ Societate IESV, Theologo) ab ip-
sis Mundi Natalibus, omnis Æui feriem mente comple-
xus est; nobilissimas ipse Temporum Epochas, Aureasque
Æras,

CLX.

PIETATE ET IVSTITIA.



Ecc

Æras, PIETATE & IUSTITIA Auspiciis, mox conditurus.

Nam & Iuris scientiæ atidus, antiqua Cæsarum laudatissimorum Rescripta ac Decreta accuratè euoluit, vt Sæculum suum optimis Legibus & sanctissimis institutis exornare queat: Spesque haud leuis affulgeat, bonas Artes ac Disciplinas, Barbarorum irruptionibus è Germaniâ profugas, reuocante Cæsare, postliminiò restitutum iri.

Eloquentiam eius & Suadam, non minùs rerum sententiarumque pondere grauem, quàm verborum flumine disertam, in Responsis Legati, & in castrensibus Allocutionibus Milites admirantur.

Denique, in omnibus tam Pacis quàm Belli Artibus ita Virtus eius est exercita, & ad quod assumenda mox erat, aptata Imperio, vt nihil discendum haberet tempore Imperandi.

Nulli rei, nisi Rationi ac Honesto auscultare solitus, eà Temperantiæ & Continentiæ laude Adolescentiam exegit, vt Heroica eius Indoles in Regiâ Fortunâ, nec illecebris Naturâ ad voluptatem flecti, nec Aulæ otio ad segnitiam & luxum detorqueri potuerit.

Nimirum, qui Orbialiquando erat imperaturus, sibi ipsi Imperare antè didicit; Cupiditates premere; Iram in potestate habere; in Admissionibus facilem sese ac benignum accedentibus præbere; Laborum, negotiorumque alternantium vices ac mutationem, otij & remissionis instar censere. Atque vt verbo dicam; ita vitam omnem instituit, vt Virtutes eius nullo vitiorum confinio læderentur. Adeoque, si auo nostro restitutus Socraticus ille Xenophon, perfecti Principis ac Imperatoris Ideam sibi concipiendam formandamque deligeret, Cyro illo Persarum Rege neglecto, FERDINANDVM AVG. haud dubiè in Exemplar sibi proponeret.

Quocircà mirum non est, quòd eximiis hisce Virtutibus prouocati Hungariæ Proceres FERDINANDVM, tum Iuuentutis Principem, vel adhuc duodeuigesimo ætatis suæ anno, in Regem sibi ab Augusto Parente dari, Comitiis Oedenburgi habitis, flagitarint.

Quorum

Quorum votis precibusque Cæsar, pro suo in Regnum nobilissimum, ac Filium primogenitum affectu, benignè annuit. Ac mox solemni Pompâ FERDINANDVS, eius nominis TERTIVS, sexto Idus Decemb. anno M. DC. XXV. in Pannoniâ; vt & biennio pòst, in Bohemiâ Regem feliciter inauguratus est.

Dumque Posteritatis memor, de thori Sceptrique conforte assumenda cogitaret, MARIA Aug. PHILIPPI III. Hispaniarum Indiarumque Regis Potentissimi Filia, Heroïna omnibus Animi, Corporis ac Fortunæ dotibus cumulatissima, quam per Legatos suos antè ambierat, illi desponsa est.

Hæc cum à Rege, Fratre suo, PHILIPPO IV. Monarchâ summo, Mantuâ Carpetanorum Barcinonem deducta esset, triremibus conscensis, Italiam petens, Genuam appulit. Neapolim inde & Campaniæ delicias lustravit. Hinc Hadriatico emenso mari, per Histriam, insigni comitatu Austriam adiit.

FERDINANDVS Rex desideratissimæ Sponsæ suæ obuiam profectus, eandem VI. Nonas Maij, an. CIO. IDC. XXXI. splendidissimâ Pompâ Viennam introduxit: eodemque die in Augustinianorum templo vxorem duxit; Cardinale Ditrichstenio Augustas dextras auspiciatò iungente. Regina etenim, propitiâ Lucinâ, mox lætissimâ prole editâ, Regnatricem Domum fundauit.

Nec multo pòst tempore, nefariâ Alberti Valstenij, Fridlandiæ ac Sagani Ducis, in FERDINANDVM II. Cæsarem, eiusque Augustam Sobolem, conspiratione detectâ & extinctâ, FERDINANDVS III. à Patre Cæsare supremus exercitus Ductor renuntiatus est: ac grauissimâ Suecorum Gothorumque in Germaniam irruptione, pridem concussa, ac velut nutantia Romani Imperij fatasuscepit.

Felicissimis certè auspiciis Viennâ digressus, ac supraquadraginta mille hominum exercitu stipatus, pridie Non. Iunij, anni M. DC. XXXIV. RATISBONAM, urbem munitissimam, ad Danubium sitam, à Vinariensium Du-

ce perduelli interceptam, arctâ obsidione cingit: Castren-
sibus ipse turmis Regium puluerem sudoremque miscens,
nec tam cultu & insignibus, quàm Robore & Præstantiâ à
ceteris differens.

Atque hic memorabile profectò Fortitudinis ac Con-
stantiæ suæ experimentum dedit. Nam cum Sueci, Impe-
rijque perduelles, vt à Ratisbonæ oppugnatione Regem
auocarent, ad Pragam, Bohemiæ Metropolim, castra fixif-
sent; nihil isto hostium conatu motus FERDINANDVS,
coeptam obsidionem, vnà cum Bauariæ Duce, Affine suo,
gnauius porro vrgere non destitit. Prouidè enim exercitus
sui parte, Gallassio Ductore, Pragam subsidio missâ, ipse
alterâ parte Ratisbonam premens, absens simul præsens-
que, diuisâ quidem nec tamen imminutâ Virtute pugna-
bat. Ducentis tormentorum curulium æneis machinis
moenia quotidie verberabantur, câ vi ac fragore, vt hiscere
terram, ac misceri elementa crederes. Neque vlla profec-
tò Poliorceticæ Artis pars aut industria illic ommissa fuit.

Post acerrimas aliquot impressiones, incredibili mili-
tum, vltro sese discrimini, Rege teste, ingentium ardo-
re, per menses duos continuos illatas, urbem illam primis
Militiæ tyrocinis FERDINANDVS recepit, quam auspi-
catissimo Imperij sui exortu, paucos deinde post annos,
erat illustraturus. Vt nempe, Virtute suâ antè meruisse
Imperium, quàm Electorum suffragiis in illud successisse
nosceretur.

Quod autem non sine singulari Diuini Numinis bene-
ficio factum crediderim; quo die Ratisbona est recepta,
eodem etiam Praga à Suecorum ac perduellium obsidione
est liberata, seruataque Bohemia.

DONAVERDA MOX ad deditionem sollicitata, cum
Regiæ Virtutis Fulmen expectare ausa esset, expugnata
paullò post, & direpta est.

Inde NORLINGAM, Rhætiæ urbem, Rex castra mouit
& obsedit. Quâ tempestate FERDINANDVS alter, Prin-
ceps Cardinalis, PHILIPPI IV. Hispaniarum Indiarum-
que Regis, Fratris sui Auspiciis, ex Italiâ per Alpes Rhæ-
ticas,

ticas, cum lectissimis Hispanorum & Italorum Legionibus descendebat; ad Belgas (quibus à Rege Catholico Gubernator datus erat) iter muniens. Tum autem, rei intranscursu præclare gerendæ occasione oblata, Castris FERDINANDI, Hungariæ Regis, Affinis sui, ad Norlingam obsessam, opportunè accessit: & velut Herculi iunctus Theseus, suppetias validas adduxit.

Bernardus Saxo-Vinariensis Dux, Suecici exercitus, ac Imperij perduellium supremus Præfectus, & cum eo Gustavus Hornius, Comesque Cratzius, urbem obsidione liberare moliebantur. Cæsareus autem Regiusque exercitus, additis quibus Carolus, Lotharingiæ Dux, præerat Foederis Catholici copiis, XII. millia Equitum, & XX. Peditum numerabat. Hostes IX. mille & trecentos Equites; XVI. mille ac trecentos item Pedites sub Signis suis habebant.

Et quamvis exercitus Catholicus, vt causâ, ita numero superior, hoc vnum timeret, ne timeretur, hostesque prælij aleam essent declinaturi; ea tamen Vinariensis Ducis confidentia & temeritas fuit, vt Hornio nequidquam dissuadente, Cæsarianos vltro aggredi & laceffere decreuerit: non expectatis quoque Othonis, Rhenani Comititis, suppetiis, qui quatuor Peditum, & duo Equitum millia perduellibus adducebat, vniufque diei itinere tantum aberat.

Collis erat haud procul vrbe, ab Aquilis nomen fortis, clementi iugo assurgens, vnde in proxima omnia loca patebat despectus, & in quo potissimum Victoriæ momentum versabatur. Eum sine morâ præoccupari, validisque Legionibus & tormentis curulibus, ductaque lorica muniri protinus mandarunt fortissimi Archistrategi FERDINANDI. Et singulari curâ ac prouidentia incredibili rebus omnibus ad pugnam necessariis prospicientes, summorum Imperatorum officia compleuerunt. Vltroque vitam suam, & cum eâ Spem Generis Humani, & vota periclitati sunt, certi aut vincere, aut mori. Adeò contemptores Salutis propriæ erant, dum publica Orbis & Religionis Salus periclitabatur. Neque vnumquam alacres adeò visi

Vulgò
Arensb.
berg.

feruntur Serenissimi Principes. Ita vt è vultu eorum interito certam Victoriæ Spem augurarentur milites. Gallaffio autem Comiti, ac Marchioni Leganezio, suprema, post Regem & Principem Cardinalem, exercitus Catholici administrandi & disponendi potestas erat.

In Colle, pro temporis angustiiis, iam munito ac asserto, media acies Octauio Comiti Picolominio, & Ioanni Comiti Serbellonio, commissâ est. Dextrum cornu Carolus, Lotharingiæ Dux, in spatiosâ sub Collis radicibus planicie, tuebatur: Sinistrum latus Legiones aliquot Germanicæ, cum mille Equitibus, seruare iussæ.

Syluulam Colli proximam, ab Hispanis infessam, de nocte hostes, ob defensorum paucitatem, occupant. Quo successu elatiores, primo manè, VIII. Idus Septembris (qui dies S. Victori sacer) Collem ipsum cominùs assultare aggressi sunt. Hornius quinque millia Equitum, & quatuor lectissimorum Peditum millia ducens; Cratzius cum totidem millibus, in Cæsarianos inuecti sunt. Vinariensis cum reliquis copiis iuxta syluulam substitit, vt deficientibus suis subsidio esset.

Primus hostium impetus in exercitus Catholici cornu sinistrum detonuit, quod Legiones pleræque è tyronibus conscriptæ tuebantur: eademque laxatis ordinibus, loco cessere. At restituta extemplò acies à Legionibus veteranis, quæ rupium instar immotæ stabant: sæpiusque iteratas in se hostium impressiones & insultus, cum maximâ eorumdem strage repulerunt. Nec minore Virtute, in mediâ acie à Picolominio & Serbellonio, aliisque Ductoribus alibi certatum est.

Lotharingiæ Dux, in planicie, Equestri pugnæ commodâ, cum Vinariensi congressus, post anceps diu prælium, eundem in latentes, post rusticanas aliquot casûs & arbuta, insidias trahens, grauissimo detrimento illius Copias affecit; maioraque tormenta eius omnia, quæ in syluulâ erant collocata, occupauit.

Atque interim Augustissimi Bellatores, FERDINANDI ambo, quâ res postulabat, fessis signa recentia submittere, cuneos

cuneos densare, aciem instaurare, omniaque exercitissimorum Ducum munia obire haud cessabant.

Dumque in Aquilino Colle pro Imperio, pro Religione Cæsarianorum Virtus fortiter depræliatur; inuictissimi Archistrategi, rectis atque immotis oculis, non Solis tantum radios (quod de genuinis Aquilis asserunt Physici) sed & Fulmen Aquilonium intuentes, haud degenerem sese tot fortissimorum Cæsarum, ac Victricium Augustæ Domus AUSTRIÆ Aquilarum, sobolem esse commonstrant.

Inter tormentorum curulium globos ferreæ grandinis instar vndique volitantes, nec vultum, nec locum mutant. Atque adeò, cum ad latus ipsorum Ayassus, militum Tribunus, machinæ grauioris globo ictus, exanimatusque concidisset, ac Petrus Gyronius haud leui vulnere percussus, ex equo in terram lapsus abundus nutaret, eundem suis ipse manibus Princeps Cardinalis sustentauit.

Hostes, post sexdecim acerrimos in Collem assultus sex horarum spatio à Cæsarianis Regiisque copiis inuictâ Virtute & cum ingenti strage represos, animum despondere, ac pedem referre cœpère. Tum verò labantem illorum aciem Victor equitatus Cæsareus incurfat; Ioanne Barone Wertano, & Croatis ad quatuor milliaria fugientium tergo instantibus.

Vinariensis Dux, qui paullò ante pugnam, exercitum Catholicum arroganter despiciens, vel ientaculi vice, illum se deuoraturum iactitauerat, vbi suos, proiectis armis signisque, fugam capeßere animaduertit, & ipse cum sex aut septem comitibus se subducens, equi beneficio Vlmam euasit: sed vrbe exclusus, in Wirtembergensi Prouinciâ receptum inuenit.

Quanta Serenissimi Principis, Caroli Lotharingæ Ducis, Comitissæ Gallassij, & Marchionis Leganezj, itemque Octauij Comitissæ Picolominij, Serbellonij, Spinulæ, Grænæ, Hatzuelldij, Gotzij, Ioan. Wertani, Gambacurti, Guasfci, Idiaquij, Toralti, aliorumque clarissimorum Ducum, in hoc prælio Virtus enituerit, iustæ Historiæ, non brevis Elogij

Elogij res esset, enarrare. Id vnum dixisse sufficiat; non tantum cum hostibus de Palmâ & Victoriâ, sed & inter se Duces Militesque de Virtute, de Gloriâ, de Fide in Cæsarem, Regemque ac Principem certare visos.

In loco Prælij octo hostium millia; & in fugâ totidem, aut plura, cæsa esse memorantur. Tres summi Vigilum Præfecti; Tribuni octo; Turmarum Cohortiumque Ductores plus quàm centum occubuere. Cernere erat, per vias camposque, prostratas passim ac semianimes in sanguine suo volutari cateruas; quæ supremum spiritum in AVSTRIACÆ Virtutis admiratione, & profugi Ducis sui detestatione exhalabant.

Captiui ad quatuor millia fuere: quos inter Gustauus Hornius, Suecorum Dux; & Comes Cratzius, transfuga, (qui deinde meritis perfidiæ suæ poenas capite luit) Hoffkirchius, Rostochius, aliique Duces primarij, ac Tribuni quatuordecim.

Signa trecenta Hosti fuere crepta: interque illa Ducis ipsius Vinariensis vexillum in primis erat visendum, quod eius Signifero fortissimus Lotharingæ Dux suis ipse manibus in pugnâ extorserat. Erat vexillum illud sericeum Damascenum, candidum, in quo artificij manu, auratis gemmatisque segmentis operosè visebatur intertextum eiusmodi Emblema: Avis non ita magna, passis alis desuper in Aquilam rostro incumbens. Aui adscriptum erat Symbolum: COACTVS. Quo innuere visus Vinariensis; Salutis sese defensionisque causâ COACTVM Aquilæ Cæsareæ aduersari. Sed post memorabilem illam cladem, præcipiti fugâ COACTVS cedere Aquilis, haud obscurus ipse Symboli sui fuit Interpres.

Tormenta maiora LXXX. Currus bellici plus quàm ter mille, & reliqua demum omnia impedimenta Victoribus cessere.

E Cæsarianis Regiisque, mille circiter & sexcenti desiderati. In his præcipui nominis & dignitatis; Salmæ & Panigerolæ Comites; Rapallæ Marchio, Aldobrandinus Prior, Syluius Picolominius, Wormesius, & Alphonsus
Nogue-

Noguerolus, alijsque, præter faucios plurimos, quos enumerare longum foret.

Clarissimâ istâ post natos homines Victoriâ FERDINANDI inuictissimi anno ætatis suæ vigesimosexto potiti sunt; velut festinata Laureæ incomparabilis insignia. Augustissimis Neoptolemis vtrò properante Fortunâ: vt ad summam rei Militaris Gloriam non alienis præceptis, sed suis Imperiis, non dubiis Belli euentibus, sed Victoriis ac Triumphis peruenisse noscerentur. Eiusdem autem ætatis cum esset ALEXANDER Macedo, celeberrimam illam de Dario ad Arbella Victoriâ (cuius præmium erat Asiæ Imperium) reportauit. At hoc discriminis est, quòd ALEXANDER in molles Asiaticos & leues Persas incidere; FERDINANDI verò in gentes ferocissimas, nec minus soli cælique sui inclementiâ, quàm armis validas; Moschicisque pridem ac Sarmaticis expeditionibus & Victoriis, sub Rege Bellatore GVSTAVO, exercitas & ouantes.

NORLINGANI obsessi, audito prælij euentu, mox sese Victori Hungariæ Regi dediderunt. Eorum exemplum Lauginga, Guinga, aliaque ad Danubium loca secuta sunt.

Quarto post die, Rex vnâ cum Lotharingæ Duce alteram Nicri fluminis ripam; Princeps Cardinalis alterum latus, bipartitis agminibus, prementes, in VVirtembergicam ditionem castra mouerunt: vrbesque plurimas, Heydenhemium, Geppingam, Eslingam, Canstadium, ac Stuckardiam, Prouinciæ Metropolim, occuparunt.

Interim in Franconiâ, Picolominij ductu, Dinkispola, Rotenburgum, Berthemium, Okzenfora, ad Mœnum, aliaque oppida sunt recepta.

Et desiderabat quidem Serenissimus Hungariæ Rex, vt hyemem istam in Germaniâ Princeps Cardinalis exigeret, secumque reliquias factionis nefariæ opprimeret; sed illæ præsentiam suam difficillimis Belgicæ temporibus necessariam asserens, post complexum Affectus & Amoris plenissimum, à Rege digressus est. Perque Palatinatum Inferiorem victricia arma circumferens, Mœno Rhenoque

transitis, in Belgium est profectus: vbi à S. P. Q. Antuerpiensi, aliisque urbibus, Triumphali Introitus Pompâ, expectatissimus earum Prouinciarum Gubernator, honoratus est.

M. DC.
xxxv.

Rex, misso in hybernia milite, Viennam victor est reuersus, faustisque omnium acclamationibus exceptus. Is autem Norlinganæ victoriæ fructus vel in primis censendus est, quod anno sequenti, Saxonæ Dux cum Cæsare, FERDINANDO II. Aug. Pacem Pragæ inierit; quam & præcipui Principes Imperij vrbesque amplexæ sunt.

Vide ob-
sersionem
DOLÆ
à Ioan.
Boyuuio,
Senatus
Dolani
Præside,
descri-
ptam, ini-
tio.

Franci porro, qui Succis pridem Imperiique perduellibus confœderati Bellum Augustæ Domui AVSTRIÆ palam indixerant, Dolam, Burgundiæ Comitatus urbem primariam, anno M. DC. xxxvi. obsederant, neglecto Immunitatis iure solemniter sancito, quo Burgundiam vtramque, vel rupto Iberos inter Francosque Pacis foedere, hostilitatis omnis Bellique expertem fore declaratum fuerat.

FERDINANDVS Rex missis eò suppetiis, ductu Caroli Lotharingæ Ducis urbem obsidione liberauit; Condao Principe fugato, magnaque tormentorum ac impedimentorum castrensiū parte interceptâ. Dum interea FERDINANDVS, Princeps Cardinalis, in Picardiam irumpens, Corbeiam, aliaque ad Somonam oppida, Francis eripuisset; ipsamque Parisiorum Lutetiam ingenti metu perculisset.

Adultâ eiusdem anni ætate, Imp. Cæs. FERDINANDVS II. Aug. iam ætate grauis, & valetudine labente, solemnia Ordinum Imperij Comitia Ratisbonæ indixit. In illis Filius eius, FERDINANDVS III. Hungariæ Bohemiæque Rex, maximis ipsius in Imperium meritis id ultro flagitantibus, communi Electorum Principum suffragio, in Romanorum Regem electus, & Augusto Parenti suo in Imperium successor renuntiatus est: moxque III. Kalend. Ianuar. solemniter inauguratus. Quod ne fieret, ferro flammæque ab exteris, Imperij æmulis, aliisque perduellibus, euersa propè, rapinisque ac cædibus exhausta est Germania: adeoque omnes pænè Europæ Principes

in

in Augustæ Domus AVSTRIÆ perniciem aut sollicitati artibus, tractive in partes, aut armis fatigati. Sed nempe illam à RODOLPHI Magni Pietate ortam Cæsareæ Domus amplitudinem & splendorem frustra extinguere nititur Impietas.

Nam (vt sæpè aliàs) ita in hac Electione singularis Dei Opt. Max. de Augustissimâ illâ Familiâ, ac Germaniæ uni-versæ Salute, Cura & Prouidentia clarissimè eluxit. Et enim non toto post Electionem istam bimestri spatio elapso, FERDINANDVS II. Aug. Terris ereptus, Cælo redditus est. Ecquis verò Pragensem Pacem anno præcedenti Diuinitus festinatam fuisse non censeat, quâ plerique Principes Electores paullò antè diuisi, denuò Cæsari opportunè sunt conciliati? Nihil profectò ad extremam Germaniæ Imperiiq̃ue perniciem certius esse poterat, quàm diuturnum Interregnum & Anarchia.

Primis autem aditi Imperij Auspiciis Hermæstenia Arx, in Treuirensi ditione, ad Confluentes, edito super Colle sita, naturâ loci operibusq̃ue munitissima, atque alterni per Germaniam commercij dudum scopulus, Francis eiectis, est expugnata: incredibili Germaniæ vtriusque gaudio, & negotiatorum commodo.

Cumq̃ue anno M. DC. XXXVIII. ineunte Carolus Ludouicus, Frederici olim Comitis Palatini Filius, ingenti exercitu comparato, ac Suecis Hessisque foederato, Mep-penæ ad Amisium, Westphaliæ flumen, Belli sedem constituisset; oppidum istud FERDINANDI III. Aug. inuictis armis cum vniuerso apparatu bellico est occupatum. Accessit deinde Lemgouiæ (est illa Comitatus Lippiæ Metropolis) ab eodem Carolo Ludouico infelicitè tentata obsidio, illamq̃; secuta copiarum eius ingens strages, Palatino ipso, per fugam præcipitatâ in Visurgim rhedâ, pænè submerso; ac fratre eius Ruperto à Cæsarianis capto, Lintziumq̃ue, ac deinde Viennam, in AVSTRIAM, adducto: vbi mox Cæsaream expertus Clementiam liberati restitutus est.

Missæ tum quoque à Cæsare in Belgium auxiliares co-

piæ, ductore Picolominio Comite, aduersus Francos, qui Audomaropolim, Artesiæ urbem, in Morinis obsidebant.

Vide LAV-
REAM
CALLOA-
NAM, quæ
Pompæ
Introitus
FERDI-
NANDI
Hispania-
rum In-
fantis in
urbem
Antuer-
piam est
lubnæx.

Eum autem Nominis sui Virtutisque terrorem Picolominius circumferebat, vt solâ aduentus eius & in proximo transcurfus famâ perculsi Bataui, qui tum Antuerpiæ imminentes Calloam aliaque ad Scaldim castella occupant, grauissimam cladem passi fuerint. Illum namque Germanicas, quas adducebat copias Regio exercitui, cui FERDINANDVS Cardinalis, Belgij Gubernator præerat, iunxisse, atque in se cum Classe aduentare arbitrati, eo pauore afflati sunt, vt desertis Munimentis in præcipientem fugam sese dederint. Moxque à Regiis (qui & pridie antè magnam iis cladem intulerant) vndique circumuenti, ad septem millia ipsorum partim cæsa, merfa, aut capta sunt.

Picolominius porrò in Artesiam profectus, Bacquio, Nieurleto, aliisque validissimis propugnaculis expugnatis, Audomaropolim à Francorum obsidione cum ingenti eorumdem frage liberauit.

Vt autem variæ sunt Bellorum vices; sub eiusdem anni finem haud leuem profectò iacturam fecit Imperium. Vinariensis enim Dux in Alfatiâ Brisiacum Montem, Rheno adsitum, præcipuum Germaniæ propugnaculum, post longam obsidionem occupauit. Sed & mox ipse, paucis mensibus elapsis, in ipso æui flore extinctus, exiguum Victoriæ suæ fructum sensit. Postque eius obitum Mons Brisiacus auro Francico cessit.

Anno sequenti, cum Theodonis-villam, Imp. Cæs. Caroli Magni olim Regiam, ad Mosellam flumen, Franci obsedissent, Picolominius è Germaniâ aduolans, Auspiciis Cæsareis nobilissimâ potitus Victoriâ, Francos castris exiit, obsidionemque soluere coëgit; sex millibus cæsis, ac Feuquerio Duce illorum inter alios capto.

Cum autem grauissimâ Imperij mole domi Militiæque vrgeretur Cæsar, Serenissimum Principem LEOPOLDVM, Austriæ Archiducem, Fratrem suum vnicum, non Sanguine

ne tantum, sed & Virtutibus sibi coniunctissimum ac simillimum, in partem curarum assumpsit, supremumque exercitus sui Præfectum declarauit.

Bannirius, Suecorum ductor, per id tempus Bohemiam latè depopulabatur: Pragæque vrbi Regiæ cum instructissimis copiis imminens, Brandisium aliaque in propinquo oppida interceperat. Quocirca LEOPOLDVS Archidux cum ingenti Bohemiæ Optimatum Germaniæque Procerum comitatu ilicò Pragam profectus, ac faustis Ducum Ordinumque omnium congratulationibus votisque est exceptus. Cæsareo exercitu lustrato, vrbi aduersus omnes hostium conatus & accessus cautè prospexit: vnde Bannirius spe suâ deiectus, retrò ad Lytmaritium oppidum cedere coactus est.

Nec moratus Archidux, primo vere, anno M. DC. XL. in hostes mouens, Clumutzium Arcem, vnaque ciuitatem capit. Hinc Conixcratium, Brandisium aliaque vrbes expugnat. Quæ res ingentem in omnes Bannirij copias terrorem sparfit.

Itaque Lytmaritio aliisque quas in Bohemiâ occupant vrbibus pulsos Suecos Cæsariani in Misniam vsque persecuti sunt: ac decem ipsorum Legiones, quæ Voigtlandiam infestabant, in fugam egere. At mox Bannirius contractis vndeque gentis suæ viribus, ac insuper Gallicis, Hessicis ac Lunæburgicis auctus copiis, Cæsarianum exercitum ad Salasfeldiam statiuam habentem circumuenire vndique & velut indagine clausum opprimere moliebatur. Et sanè maximo tunc discrimini res Cæsareæ fuere expositæ. Sed prouidâ Archiducis, eiusque Legati Piccolomini Virtute, castris confestim munitis, ac tormentis aliquot grauioribus opportuno loco dispositis, hostes ita sunt excepti, vt recipere se ilicò, non sine graui suorum damno, coacti fuerint.

Cæsar de Pace Imperio restituendâ sollicitus, circa idem tempus Comitia Ratisbonæ indixerat. Hanc urbem Slangius, Suecorum Tribunus, cum tribus Equitum millibus propius accedere ausus, displosis in eandem tormentis ali-

quot curulibus, Comitia ipsa, metu repentino omnibus iniecto, disturbare conatus est. Iamque pænè obsideri Cæsar eâ in vrbe visus, quam primis armorum auspiciis ductuque suo ante sexennium expugnat. Atque hîc, cum haud pauci è Proceribus, Principumque Legatis, pauore perculsi discessum meditarentur, incomparabilem animi sui magnitudinem & constantiam Imperator ostendit. Nam & se & Augustâ coniuge liberisque, Securitatis publicæ velut obsidibus datis, ac Milite ex Austriâ & hybernis properè euocato, Ordines Imperij Aulamque vniuersam ibidem continuit.

Interim Slangius Neoburgi, ad Hercyniæ syluæ caput, hærebat. Illuc Picolominius Comes (qui & nunc Dux Amalphitanus) cum expedito Equitatu euolat, insigni vsus stratagematē. Comparatis enim nauibus quibus mox Cæsarem in Hungariam profecturum esse rumor de industriâ sparsus erat, Danubium ponte iungit, & derepentè traiecto flumine hostes inopinatò opprimit: magnâque clade illatâ, Ducem ipsum, Bohemorum Germanorumque sanguine pastum * Colubrum (id nomen eius gentili voce sonat) cum copiis ipsius omnibus secum Ratisbonam adduxit, Cæsarique captiuum stitit. Credas illum monstorum domitorem Herculem Argiuorum Regi iussâ adferre trophæa, ac centicipiti Hydræ auulsum caput. Bannirius clade suorum auditâ, è Cham-bio, Palatinatus superioris oppido, in Misniam vsque se proripiens, ibidem paullò post, fugæ laboribus fractus, tædiisque exhaustus, fato functus est.

Porro Ratisbonæ in Comitiiis Cæsar, insigni Clementiæ suæ exemplo, de Amnistia, siue delictorum publicorum obliuione, Edictum Ordinibus Imperij traditum curauit promulgari. Ac deinde, solutis Comitiiis, cum aulâ vniuersâ, prono Danubio, Viennam est reuersus.

Per id tempus & Gorlitium, præcipuum Lusatia superioris oppidum, à Cæsarianis est receptum, ac VVolpho-buttele à Suecorum obsidione per Picolominium asserta.

Interea

Interea in Bannirij locum ductor suffectus Torstenfornius nouas è Sueciâ copias adduxerat : perque varias Imperij Prouincias, Silesiam, Morauiam & Saxoniam grafatus, Glogauia, Olomutzio, Lipsiâ, aliisque urbibus positus est. Et ni Freybergam à Suecorum obsidione Picolominius opportunè soluisset, Saxonie Dux vndique pressus deuotam Cæsari fidem ægrè seruare potuisset. Franci quoque Hassis iuncti, paullo antè Rheno ad Vefaliam transito, Lamboyanas copias haud procul Colonia in Vbijs graui clade affecerunt, ac Nouesium aliâque ad Rhenum loca occuparunt.

Sed ista Imperij vulnera sequenti anno latiores Cæsarianorum in Rhætiâ successus mitigarunt. Sperauerat Gebrianus Comes, Gallici exercitus & Vinariensium reliquiarum supremus Præfectus, labente Autumno in Bauariam Sueuiamque irrumpere, atque hyberna sua ibidem firmare. Viam itaque illuc muniens, Roteuillam, Rhætiæ oppidum, obsidione cingit. Quod licet à præsidariis strenuè propugnaretur, paucos tamen post dies deditum est : sed non sine ingenti hostium strage. Siquidem supra duo hominum millia eâ in obsidione cecidere. Atque inter alios, ipse Gebrianus Comes tormenti maioris globo ictus occubuit. Hærebat in proximo Carolus Lotharingie Dux cum Cæsareis Bauaricisque copijs, quæ ad octodecim millia militum numerabant. Atque is, metu simulato, præuerrere hostes, ac Bauariæ confinibus aduersus eorundem irruptionem tutandis inuigilare, præ se ferebat. Illi autem vrbe iam captâ elatiores, Lotharingum, quem obsidioni soluendæ imparem fuisse rebantur, multo minùs aperto campo cum ipsis congregi ausurum, prælijsque aleam tentaturum sibi persuaferant. Quocircâ, Wirtembergico Duce iuniore cum duabus Legionibus Roteuillæ imposito, Rantzouius Comes, Gebriani Optio, Danubium versùs castra mouit : ac prope Dudlingam oppidum ponte flumen iungere mirâ virium suarum præfidentia ac securitate molitur.

Quâ re per exploratores cognitâ, Lotharingus VIII. Calend.

lend. Decembris, vijs licet densissimâ niuium mole pænè obstructis, in hostem est progressus; Hatzueldio Comite & VVertano primam aciem ducentibus. Nec mora: incredibili animi ardore castra hostilia vndique inuadunt, ac grauiorum tormentorum curules machinas omnes occupant. Neque verò pugna, sed cædes totis hostium castris per Danubij ripam sparsis est edita. Sanguineisq̃ue riujs passim decurrentibus, præaltæ niues, ipsiusq̃ue Danubij, ijs in locis orientis, fontes irrubuere. Rantzouius ilicò Ducesq̃ue primarij cum duabus Legionibus in proximum oppidum Dudlingam se receperunt. Sed illud continuis tormentorum ictibus verberatum, post bihorium deditio-nem fecit. Atque interim Equitatus Cæsareus sex hostium Legiones oppressit fuditq̃ue, Duce Sporekio Tribuno, qui & paucos ante dies ad Gisslingam tres eorundem validissimas Legiones ceciderat, velut certas præsentis Victoriæ primitias.

Marchiò Vitryacus, qui ad Meringam, vicinum oppidum, castra fixerat, cum Legionibus septem vltro Cæsarianorum potestati & arbitrio se dedit. Denique omnis Peditatus hostilis aut cæsus est aut captus, cum maximâ Equitatus parte. In vniuersum autem Legiones xvii. deleræ. Atque inter alias Mazarinia ad internecionem cæsa est, Legato solo superstite. Fugitiui plurimi aut ab agrestibus trucidati sunt, aut inter sylvas niuesq̃ue frigore & fame confecti exspirarunt.

E Ducibus præcipui nominis, Rosa, cum tribus Equitum Legionibus ægrè in Brisiacum montem fugâ euasit, cladis suorum futurus nuntius. Rantzouius Comes, exercitus vniuersi post Gebriani cædem Ductor supremus, Dudlingâ deditâ captus est, & cum illo Castrorum Præfecti sex, Montozirius, Maugironius, Vitryacus, Noirmontierius, Marchiones; Sirous Baro ac Formillius: Tribuni item Ducesq̃; primarij, Scombergius, Sangermanus, Oheimius, Collasius, alijq̃ue. Vt de turmarum Cohortiumq̃ue Centurionibus Præfectisq̃ue minoribus sileam, qui propè ducenti fuere. Vexilla signaq̃ue LXXIII.

tor-

tormenta xvi. cum vniuerso apparatu bellico & impedimentis omnibus intercepta sunt. Præda incredibilis militibus cessit. Nempe multorum annorum rapinis detracta Germaniæ spolia vno die in Cæsarianorum manus deueniunt. Ex illis autem vix triginta in pugnam occubuerunt. Tantillo impendio maxima stetit Victoria. Moxq; & Rotuilla obsessa intra paucos dies à Cæsarianis est recepta.

Ceterum, cum iam dudum Serenissimus Daniæ ac Noruegiæ Rex CHRISTIANVS QVARTVS ad Pacem Concordiamque Imperio atque Orbi Christiano restituendam ferio allaborasset; iamque bonorum omnium animi in optimam Pacificationis spem erecti essent, longè profectò aliter res euenit. Geminâq; face adaucta funestissimi Belli incendia latius sparsa & propagata sunt.

Sueci siquidem sub initium anni CIO. IDC. XLIV. in Daniæ Cimbriamq; Chersonesum; & Ragotskius Daciæ (nunc Transylvaniam vocant) Princeps, Francis Suecisque foederatus, in Hungariam infestis signis irruentes, grauissima vtrique Regno damna intulere. Ac Sueci quidem à Danis haud semel terrâ marique fortiter repressi sunt. Nec Cæsar Regi amico defuit: suppetiasq; haud modicas, Gallassio Duce, ad illum misit.

Ragotskio autem Ottomannicis auxilijs Tartaricisque in Poloniam, Cæsari amicam, irruptionibus freto Gotzium Comitem cum instructissimo exercitu obiecit, qui ad Fillecum oppidum multa Dacorum millia cecidit. Ad Tibiscum quoque amnem à Buchemio & Serinio Comitibus, strenuè rem gerentibus, magna Ragotskianis clades est illata.

Sed & medio tempore, ad Acronium lacum Vberlinga in Rhætiâ, Chemnitium in Saxoniâ; Oppelium, Wolauia & Sueinitzium in Silesiâ, aliâque oppida Imperio recuperata sunt. Friburgum item, Brisgouiæ ciuitas, à Cæsarianis Bauarisque est recepta.

Dum autem vires Cæsareæ Dacico pariter Cimbricoq; bello diuisæ atque alibi aduersus Imperij hostes sparsæ distinentur; Franci occasione vsi, nudatum præsidij Rheni

G g g latus

latus Ludouico Borbonio Angiano Principe; Ductore inuadentes, in Palatinum Inferiorem irruunt; ac Philippoburgum, Manhemium, Magunciacum, Spiram, aliasque vrbes occupant. Sed Manhemio mox per Bauaros recepto ac validis præfidijs firmato, Francorum irruptio est repressa: ijdémque à Francodaliâ aliisque oppidis castra mouere coacti sunt.

Verùm enimuerò, dum tot iam lustris per vtramque Germaniam, adeoque Europam vniuersam, Mauors defauit; Cæsar & Hispaniarum Rex (quibus pro innatâ Augustæ Domui AUSTRIÆ Clementiâ tantum Christiani sanguinis effundi peracerbum est) suos ad Pacem vniuersalem constituendam Legatos, plenâ potestate instructos, iampridem Coloniam Agrippinam, ac deinde Monasterium, Westphalorum oppidum, amandarunt. Iamque & Galliæ & Sueciæ Legati; hi Osnabrugam, illi Monasterium, loca Pacificationis colloquio constituta, aduenere.

Arbiter ac sequester vnâ cum Venetæ Reipub. Legato accessit Apostolicus Nuntius S. D. N. INNOCENTII X. Pontificis Optimi Maximi, Diuinitus nuper electi: cuius è Vaticano colle radiantia auspicatissimi ominis Insignia, Gentilitia, PACIFERAM ALITEM cum OLIVÆ RAMO præferentia, Orbem vniuersum incredibili Tranquillitatis Publicæ spe votisque impleuere. Nempe, post tot decumanos plusquam ciuiliū bellorum fluctus, tot exteris Gentibus vtrique Germaniæ, aliisque Regnis & Prouincijs velut Diluuio quodam superfusus; istud vt haud dubium cælitusque ostensum secuturæ mox malaciæ ac Salutis Publicæ Signum boni omnes proni venerantur.

Et verò, quis internecinis odiis obliuione perpetuâ sepultis, sinceri Amoris & Amicitia nomina pridem terris exulantia potius reducat quàm PAMPHILIVS? Qui se non Gentis vnius, sed communem vniuersi Orbis Christiani Parentem esse meminit. Quis nocentia Humano Generi, totque Diuorum templis atque aris arma, stillantesque consanguineo cruore gladios condant, præter INNOCENTIVM?

Cum-

Cumque is felicibus Pontificatus sui Auspiciis, anno
CIC. IDC. XLV. (quo hæc scribimus) ineunte, indictis Sa-
cri IVBILEI solemnibus, ad Pacem afflictæ passim oppres-
sæque Reipub. Christianæ restituendam, Diuinum præsi-
dium communibus piorum omnium precibus imploran-
dum sanxerit; nos ad Cælum oculis animoque conuersi,
supremum Numen velut publicâ Orbis Christiani voce
obtestemur :

Tu, ô Conditor Conseruatorque Generis Humani,
Sator & Auctor Christiani Nominis, DEVS PACIS; Orbe
terrarum tot iam bellis & calamitatibus expiato, Regum
Principumque Christianorum animos adamantinis sinceræ
Pacis ac Concordiæ vinculis inter se constringe: & (quò
laudatissimorum Heroum exempla vocant) in Gentes à
Diuini Nominis Tui cultu alienas, eiusdemque iuratos
hostes, arma ciuilibus hebetata Discordiis, & Christianâ
cæde lassos exercitus conuerte. Vt terra illa cælestibus Filij
Tui, Seruatoris nostri, sacrata incunabulis, Diuinoque im-
buta sanguine, ab impiorum Tyrannide vindicata respiret:
Gentesque omnes, pulsus nefariæ Superstitionis tenebris,
victricia Christianæ PIETATIS & IUSTITIÆ Signa
agnoscant & adorent.

F I N I S.



T Y P O G R A P H V S

L E C T O R I S.



IMPERATORVM ROMANORVM *serie, rerumque*
ab illis gestarum breui narratione ad nostra usque
Tempora iam deducta; visum est hic subiungere IMP.
 CÆS. FERDINANDI III. AVG. Diploma Au-
 gustale, quo Principum ille summus, neque minus Litterarum quam
 Armorum gloriam florentissimus, V. C. CASPERIVM GEVARTIVM
 Jurisconsultum, Archigrammateum Antuerpianum, in CÆSAREVM
 HISTORIOGRAPHVM suum deligit, editamq; ab ipso TRIUMPHALEM
 Serenissimi Principis FERDINANDI AVSTRIACI, Hispaniarum In-
 fantis Card. in urbem Antuerpiam INTROITVS POMPA (unde
 Operi huic inserta IMPP. AVSTRIACORVM Elogia, excepto postremo,
 sunt desumpta) Diuino Iudicio suo ornandam censuit, pronumque in
 Litteras ac Disciplinas Affectum Orbi testatum reddidit.

XLVIII.	M. CASSIVS LATIENV	96.	XCI.	IVSTINVS.	180.
	POSTVMVS.	96.	XCII.	IVSTINIANVS MAGNV	182.
XLIX.	CLAVDIVS GOTHICVS.	98.	XCIII.	IVSTINVS II.	184.
L.	QVINTILLVS.	100.	XCIII.	TIBERIVS. II.	186.
LI.	AVRELIANVS.	102.	XCIV.	MAVRITIVS.	188.
LII.	M. CLAVDIVS TACITVS.	104.	XCVI.	FOCAS.	190.
LIII.	M. ANNIVS FLORIANVS.	106.	XCVII.	HERACLIVS.	192.
LIV.	C. PROBVS.	108.	XCVIII.	XCIX. HERACLIVS ET	
LV.	CARVS.	110.		CONSTANTINVS.	194.
LVI.	NUMERIANVS.	112.	C. CI.	CONSTANS ET CON-	
LVII.	CARINVS.	114.		STANTINVS.	196.
LVIII.	DIOCLETIANVS.	116.	CII.	IVSTINIANVS II.	198.
LIX.	MAXIMIANVS.	118.	CIII.	LEONTIVS.	200.
LX.	CONSTANTIVS.	120.	CIV.	TIBERIVS III.	202.
LXI.	GAL. VALERIVS MAXI-		CV.	PHILIPPICVS.	204.
	MIANVS.	122.	CVI.	ANASTASIVS II.	206.
LXII.	MAXIMINVS.	124.	CVII.	THEODOSIVS III.	208.
LXIII.	FL. VAL. SEVERVS.	126.	CVIII.	LEO III. ISAVRVS.	210.
LXIII.	MAXENTIVS.	128.	CIX.	CONSTANTINVS CO-	
LXV.	LICINIVS.	130.		PRONYMVS.	212.
LXVI.	M. MARTINIANVS.	132.	CX.	LEO IIII.	214.
LXVII.	CONSTANTINVS.	134.	CXI.	CXII. CONSTANTINVS	
LXVIII.	IVLIVS CRISPVS.	136.		ET IRENE.	216.
LXIX.	CONSTANTIVS.	138.	CXIII.	CAROLVS MAGNV	218.
LXX.	CONSTANTINVS IVN.	140.	CXIII.	HLVDVICVS PIVS.	222.
LXXI.	CONSTANS.	142.	CXV.	HLOTARIVS.	224.
LXXII.	MAGNENTIVS.	144.	CXVI.	CXVII. HLVDVICVS SE-	
LXXIII.	DECENTIVS.	146.		CVNDVS.	226.
LXXIV.	FL. CLAVDIVS IVLIANVS.	148.	CXVIII.	CXIX. CAROLVS II. CAL-	
LXXV.	IOVINIANVS.	150.		VVS ETHLVDVICVS III.	
LXXVI.	VALENTINIANVS.	152.		BALBVS.	228.
LXXVII.	VALENS.	154.	CXX.	CAROLVS TERTIVS	
LXXVIII.	GRATIANVS.	156.		CRASSVS.	230.
LXXIX.	MAGNVS MAXIMVS.	158.	CXXI.	ARNOLPHVS.	234.
LXXX.	VALENTINIANVS IV-		CXXII.	LVDVICVS IV.	236.
	NIOR.	160.	CXXIII.	CONRADVS.	238.
LXXXI.	THEODOSIVS.	162.	CXXIII.	HENRICVS.	242.
LXXXII.	ARCADIVS.	164.	CXXV.	OTHO II. MAGNVS.	246.
LXXXIII.	HONORIVS.	166.	CXXVI.	OTHO III.	250.
LXXXIII.	THEODOSIVS IVNIOR.	168.	CXXVII.	OTHO IV.	254.
LXXXV.	VALENTINIANVS III.	170.	CXXVIII.	HENRICVS SECVNDVS	
LXXXVI.	MARTIANVS.	172.		CLAVDIVS.	258.
LXXXVII.	LXXXVIII. LEO AVVS,		CXXIX.	CONRADVS II.	260.
	ET LEO NEPOS.	174.	CXXX.	HENRICVS TERTIVS	
LXXXIX.	ZENO.	176.		NERO.	264.
XC.	ANASTASIVS.	178.	CXXXI.	CXXXII. HENRICVS IV.	266.
				CXXXIII.	

CXXXIII. HENRICVS V.	270.	CXLVI. LVDOVICVS V.	334.
CXXXIV. LOTHARIVS III.	274.	CXLVII. CAROLVS IV.	338.
CXXXV. CONRADVS III.	278.	CXLVIII. WENCESLAVS.	342.
CXXXVI. FREDERICVS BARBA-		CXLIX. RVPERTVS.	346.
ROSSA.	282.	CL. SIGISMVNDVS.	350.
CXXXVII. HENRICVS VI.	286.	CLII. ALBERTVS II.	354.
CXXXVIII. PHILIPPVS III.	290.	CLIII. FREDERICVS IV.	358.
CXXXIX. OTHO V.	294.	CLIII. MAXÆMILIANVS I.	362.
CXL. FREDERICVS II.	298.	CLIV. CAROLVS V.	366.
CXLI. RVDOLPHVS.	316.	CLV. FERDINANDVS I.	372.
CXLII. ADOLPHVS.	322.	CLVI. MAXÆMILIANVS II.	376.
CXLIII. ALBERTVS.	324.	CLVII. RODOLPHVS II.	380.
CXLIV. HENRICVS VII.	328.	CLVIII. MATTHIAS I.	384.
CXLV. FREDERICVS III. PVL-		CLIX. FERDINANDVS II.	388.
CHER.	330.	CLX. FERDINANDVS III.	400.

F I N I S.



IMP. CÆS.

FERDINANDI III.

PII, FEL. AVG.

DIPLOMA AVGVSTALE,

QVO

CASP. GEVARTIVM I. C.

HISTORIOGRAPHVM CÆSAREVM

DECLARAT.



ERDINANDVS III. DIVINA FAVENTE CLEMEN-
TIA ELECTVS ROMANORVM IMPERATOR
SEMPER AVGVSTVS, AC GERMANIAE, HVNGARIAE, BO-
HEMIAE, DALMATIAE, CROATIAE, SCLAVONIAE, ETC.
REX; ARCHIDVX AVSTRIAE; DVX BVRGVN-
DIAE, BRABANTIAE, STYRIAЕ, CARINTHIAE, CARNIOLAE, ETC.
MARCHIO MORAVIAE; DVX LYCEMBVRGIAE, AC SVPERIORIS
ET INFERIORIS SILESIAE, WIRTEMBERGAE ET TECKAE; PRINCEPS
SVEVIAE; COMES HABSVRGI, TYROLIS, FERRETIS, KYBYRGI ET
GORITIAE; LANTGRAVIVS ALSATIAE; MARCHIO SACRI
ROMANI IMPERII, BVRGVIAE, AC SVPERIORIS ET INFERIORIS
LYSATIAE; DOMINVS MARCHIAE SCLAVONICAE, PORTVS
NAONIS ET SALINARVM, ETC.

Honorabili, Fideli, Nobis dilecto, CASP. GEVARTIO, Gratiam Noſtram
Cæſaream & omne Bonum.

QVVM in omni vitæ genere à ſupremâ omnium rerum Architeſtatrice
Diuinitate mortalibus nihil præſtantius Litteris Diſciplinisq; datum ac
conceſſum ſit: tùm inter eas, quæ rerum geſtarum Memoriam complectitur,
quam HISTORIAM vocamus, quaquauerius, ſiue Vtilitatem, ſiue Dignitatem,
ſiue Delectationem ſpectemus, ad benè beateq; viuendum plurimum con-
fert; adeò vt ad eandem ampliùs atque ampliùs excolendam expoliendam-
que, omni attentiori curâ excubare, non minùs publicè quàm priuatim in-
terſit.

G g g 3

Quâ

Quâ de causâ sapienter sanè ac laudabiliter D i v o s Prædecessores Nostros, Romanorum Imperatores ac Reges, fecisse meritò arbitramur, qui Ingenia conscribendæ Historiæ idonea singulari quâdam diligentia perquirenda, & condignis Honorum præmiis fouenda putauerunt. Quibus ut in supremam, quæ in terris colitur, sæcularem potestatem, Deo Opt. Max. propitio volente, succcessimus; ita præclara eorumdem exempla Nobis sedulò proposuimus imitanda. Atque ita, cum Imperatorij Nostri muneris partes à Nobis postulare visæ sunt, tum ipsa etiam summa Respublica flagitare; ut posteaquam res quæpiam cum ductu, tum auspicio imperiõve Nostro gestæ fuerint, quæ vel ad immortalis in primis Dei gloriam, vel ad Augusti Nominis Nostri splendorem, vel ad horum Temporum explanationem, vel ad securæ Posteritatis exemplum pertineant, eas viro alicui Ingenio atque Eruditione præstanti idoneis litterarum monumentis consignandas committeremus, eumque benigniori Cæsareæ Nostræ Indulgentiæ favore tamquam stimulo, ad capeffendam alacrius provinciam hanc & accuratius gerendam excitaremus, & Auctoritatis Nostræ præsidio contra quosvis obrectantium muniremus insultus.

Quandoquidem igitur non modò luculentis eorum, quorum Nobis de hæcce Disciplinâ probatum est Iudicium, testimoniis edocti sumus, de eâ, quâ te, CASP. GEVARTI, ad conscribendam Historiam instructum esse perhibent facultate; sed etiam ex eliminato isto tuo Opere, quo Reuerendissimi ac Serenissimi quondam D. FERDINANDI, Cardinalis Infantis Hispaniarum, Consobrini & Affinis Nostri charissimi, piissimæ recordationis, in urbem Antuerpiensem INTROITVS POMPAM, Iconibus suis ad viuum expressis, Epigraphis Elogiisque eleganter perscriptis adornatam, publicis excusam typis, Augustoque Nomini Nostro consecratam, in publicum edidisti; cum præclarum addictæ tuæ erga Nos & Augustam Domum Nostram Fidei, Deuotionis & Obsequij studium, tum Ingenij quoque tui Amcenitatem, Iudicii Maturitatem, Venustatem Styli, multiplicem politioris Litteraturæ Peritiâ, insigni veterum Elegantiarum memoriâ exornatam, cognouimus; dignum certè te iudicauimus, cui res Nostras, Nostrique temporis, litteris mandandas committeremus, adeoque HISTORIOGRAPHVM NOSTRVM declarandum, & tam Reipublicæ quàm tuæ Securitatis causâ (quo & maleuolorum hominum Calumnias tutius contemnere, & Veritatis sincerum præconem agere fidentiùs posses) Cæsareæ Nostræ Auctoritatis munimine tegendum susciperemus; prout adeò præsentium tenore, MOTV PROPRIO, maturâ ac deliberatâ accedente voluntatè, & de Cæsareæ Nostræ potestatis plenitudine, te CASP. GEVARTIVM, CÆSAREVM NOSTRUM HISTORIOGRAPHVM declaramus, atque in Patrocinium Nostrum suscipimus. Auctoritate, quâ pollemus Cæsareâ, facultatem tibi dantes, ut Historiam Nostrarum præcipuè rerum, quæque his connexæ sunt, tibi que memoriâ dignæ videbuntur, ex recto, vero, æquo ac bono perscribere, perscriptam in lucem emittere, ac iuris publici facere possis ac valeas, absque vllius impedimento, aut contradictione.

Ac mandamus proinde omnibus & singulis Nostris & Sacri Romani Imperij, ceterorumque Regnorum, Prouinciarum ac ditionum Nostrarum hereditariarum, fidelibus subditis, cuiuscumque Ordinis, status, gradus, dignitatis, conditionis ac fortunæ fuerint, tam Ecclesiasticis quàm Sæcularibus,

bus, iis præcipuè, qui sub vel Superiorum suorum nomine Ius dicunt, ac Iustitiam exercent, ne te prædictum CASP. GEVARTIVM, in huius vsurpatione Privilegij, concessionisque Nostræ Cæsareæ, vilo pacto turbent, turbarive ab aliis patiantur, sed defendant potius & tueantur; & contrafacientes convenientibus mediis reprimant coërceantque, sub indignationis Nostræ Cæsareæ gravissimâ interminatione. Idque *Augustalis* huius Nostri *Diplomatis* fide testatum publicè volumus. Quod manus Nostræ subscriptione & Sigilli Nostri Cæsarei appensione munitum dedimus in Ciuitate Nostrâ VIENNÆ, die decimaquintâ Februarij, anno Domini M. DC. XLI V. Regnorum Nostrorum, Romani octauo; Hungarici decimonono; Bohemici verò decimo-septimo.

FERDINANDVS.

Subsignatum erat,

V^r Ferdinandus, Comes Curtius.


In plicaturâ:


Ad mandatum SAC. CÆS. MAIEST. proprium,

Ioannes Walderode.

*Appensum Sigillum SACRÆ CÆSARÆ MAIESTATIS in cerâ rubrâ,
flauæ cerâ margine circumfuso.*

S E R I E S IMPERATORVM QVI H O C O P E R E C O N T I N E N T V R.

I.	 IVLIVS CÆSAR.	2.	XXVIII. M. OPEL. ANTONINVS
II.	C. CÆSAR OCTAVIA-		DIADVMENIANVS. 56.
	NVS AVGVSTVS.	4.	XXIX. M. AVRELIVS ANTONINVS
III.	TIBERIVS.	6.	HELIOGABALVS. 58.
IIII.	C. CÆSAR GERMANICVS	XXX.	M. AVRELIVS SEVERVS
	CALIGVLA.	8.	ALEXANDER. 60.
V.	TI. CLAVDIVS.	10.	XXXI. MAXIMINVS. 62.
VI.	NERO CLAVDIVS.	12.	XXXII. IVLIVS VERVS MAXIMVS. 64.
VII.	SER. SVLPITIVS GALBA.	14.	XXXIII. M. ANTONIVS GORDIANVS
VIII.	M. SILVIVS OTHO.	16.	AFRICANVS. 66.
IX.	A. VITELLIVS.	18.	XXXIV. CLODIVS PVPIENVS MA-
X.	VESPASIANVS.	20.	XIMVS. 68.
XI.	TITVS VESPASIANVS.	22.	XXXV. D. CÆLIVS BALBINVS. 70.
XII.	DOMITIANVS.	24.	XXXVI. M. ANTONIVS GORDIA-
XIII.	NERVA.	26.	NVS. 72.
XIIII.	TRAIANVS.	28.	XXXVII. VAL. HOSTILIANVS ME-
XV.	HADRIANVS.	30.	SIVS. 74.
XVI.	ANTONINVS PIVS.	32.	XXXVIII. M. IVLIVS PHILIPPVS. 76.
XVII.	L. AVRELIVS VERVS.	34.	XXXIX. M. IVLIVS PHILIPPVS FIL. 78.
XVIII.	M. AVRELIVS ANTONI-	XL.	C. MESS. QVINT. DECIVS
	NVS.	36.	TRAIANVS. 80.
XIX.	M. ÆLIVS AVRELIVS COM-	XL I.	Q. HEREN. ETRVSCVS
	MODVS.	38.	MESSIVS DECIVS. 82.
XX.	P. HELVIVS PERTINAX.	40.	XLII. C. VIBIVS TREBONIANVS
XXI.	M. DIDIVS IVLIANVS.	42.	GALLVS. 84.
XXII.	C. PESCENNIVS NIGERIVS.	44.	XLIII. C. VIBIVS VOLVSIANVS. 86.
XXIII.	L. SEPTIMIVS SEVERVS.	46.	XLIV. ÆMILIANVS. 88.
XXIV.	D. CLODIVS ALBINVS.	48.	XLV. P. LICINIVS VALERIA-
XXV.	M. AVRELIVS ANTONI-		NVS. 90.
	NVS, CARACALLA.	50.	XLVI. P. LICINIVS GALLIENVS. 92.
XXVI.	P. SEPTIMIVS GETA.	52.	XLVII. SALONINVS VALERIA-
XXVII.	M. OPELIYS MACRINVS.	54.	NVS. 94.
			XLVIII.



IMPERATORVM

MOCCOTER

CONTINENT

1	IMPERATORVM	1
2	MOCCOTER	2
3	CONTINENT	3
4	IMPERATORVM	4
5	MOCCOTER	5
6	CONTINENT	6
7	IMPERATORVM	7
8	MOCCOTER	8
9	CONTINENT	9
10	IMPERATORVM	10
11	MOCCOTER	11
12	CONTINENT	12
13	IMPERATORVM	13
14	MOCCOTER	14
15	CONTINENT	15
16	IMPERATORVM	16
17	MOCCOTER	17
18	CONTINENT	18
19	IMPERATORVM	19
20	MOCCOTER	20
21	CONTINENT	21
22	IMPERATORVM	22
23	MOCCOTER	23
24	CONTINENT	24
25	IMPERATORVM	25
26	MOCCOTER	26
27	CONTINENT	27
28	IMPERATORVM	28
29	MOCCOTER	29
30	CONTINENT	30
31	IMPERATORVM	31
32	MOCCOTER	32
33	CONTINENT	33
34	IMPERATORVM	34
35	MOCCOTER	35
36	CONTINENT	36
37	IMPERATORVM	37
38	MOCCOTER	38
39	CONTINENT	39
40	IMPERATORVM	40
41	MOCCOTER	41
42	CONTINENT	42
43	IMPERATORVM	43
44	MOCCOTER	44
45	CONTINENT	45
46	IMPERATORVM	46
47	MOCCOTER	47
48	CONTINENT	48
49	IMPERATORVM	49
50	MOCCOTER	50
51	CONTINENT	51
52	IMPERATORVM	52
53	MOCCOTER	53
54	CONTINENT	54
55	IMPERATORVM	55
56	MOCCOTER	56
57	CONTINENT	57
58	IMPERATORVM	58
59	MOCCOTER	59
60	CONTINENT	60
61	IMPERATORVM	61
62	MOCCOTER	62
63	CONTINENT	63
64	IMPERATORVM	64
65	MOCCOTER	65
66	CONTINENT	66
67	IMPERATORVM	67
68	MOCCOTER	68
69	CONTINENT	69
70	IMPERATORVM	70
71	MOCCOTER	71
72	CONTINENT	72
73	IMPERATORVM	73
74	MOCCOTER	74
75	CONTINENT	75
76	IMPERATORVM	76
77	MOCCOTER	77
78	CONTINENT	78
79	IMPERATORVM	79
80	MOCCOTER	80
81	CONTINENT	81
82	IMPERATORVM	82
83	MOCCOTER	83
84	CONTINENT	84
85	IMPERATORVM	85
86	MOCCOTER	86
87	CONTINENT	87
88	IMPERATORVM	88
89	MOCCOTER	89
90	CONTINENT	90
91	IMPERATORVM	91
92	MOCCOTER	92
93	CONTINENT	93
94	IMPERATORVM	94
95	MOCCOTER	95
96	CONTINENT	96
97	IMPERATORVM	97
98	MOCCOTER	98
99	CONTINENT	99
100	IMPERATORVM	100

64

125

RARE 83B
OVERSIZE 2912

